

郭沫若全集

历史编 第八卷

管 子 集 校 (四) 盐 铁 论 读 本

郭 沫 若 全 集 历史编 第八卷

开本 850×1168 毫米 1/32 印张 20.125 插页 5 字数 396,000 印数 1-28,000 1985 年 6 月第 1 版第 1 次印刷 书号 11001·645 定价 5.50 元

7427

6283495

第八卷說明

本卷收入《管子集校》(四)與《<鹽鐵論>讀本》。

《管子集校》(四),係該書自《事語篇第七十一》至《輕重庚 篇第八十六》。

《<鹽鐵論>讀本》初版於一九五七年,科學出版社印行。該 版印行後,作者作了部分文字訂正,本卷是根據他的校改本編 入的。

第八卷目錄

管子集校(四)

事	語篇	第七	+-	••••	• • • •	• • • • •	• • • • •	• • • • •	• • • • •	* • • • • •	• • • • •	• • • • • •	3
海	王篇	第七	十二	••••	• • • •	• • • • •	• • • • •	• • • • •		•••••	••••	• • • • • •	11
國	蓄篇	第七	十三	• • • • •	• • • •	• • • • •		• • • • •		•••••	••••	• • • • • •	29
IJ,	國軌	篇第	七十	四··	• • • •	• • • • •	• • • • •	• • • • •		• • • • •	••••	• • • • • •	64
يار	權數	篇第	七十	五…	• • • •	• • • • •	• • • • •			•••••	••••	•••••	92
Ц	至數	篇第	七十	六…		• • • • •			• • • • •	• • • • •	••••	••••••	130
地	數篇	第七	十七				• • • • •				•••••	•••••	174
	度篇												198
國	准篇	第七	十九	••••			• • • • •			••••	•••••	• • • • • •	229
輕	重甲	篇第	八十			****					••••	•••••	240
輕	重乙二	篇第	八十	٠	• • • •	••••	• • • • •			•••••	••••	•••••	309
輕	重丙	篇第	八十	二(1	<u>'</u> ')	••••	• • • • •		• • • • •	•••••	••••	• • • • • •	345
輕	重丁	篇第	八十	Ξ	• • • •	••••	• • • • •				••••	•••••	346
輕	重戊	篇第	八十	四·	• • • •	••••	· · · · · •			•••••	••••	•••••	399
鹎	重己	篇第	八十	五…		••••	• • • • •			•••••	••••	•••••	431
丰	重庚	篇第	八十	六(1	二)	••••	• • • • •	• • • • •		•••••	••••	• • • • • •	453

	附	錄		劉績《管子補注》本所見遼金宋諱	•
				考(任林圃輯)	455
	校	畢	書	後	466
鹽	鐵	論	前	資本	
	序	•••	•••	***************************************	471
	卷	SCHOOLS			
	本	議	第		479
	力	耕	第		483
	通	有	第	=	486
	錯	幣	第	四	489
	禁	耕	第	五	491
	復	早	第	大	493
	卷	=			
	非	鞅	第	t	496
	晃	錯	第	Д	501
				九·······	503
	刺	復	第	†	505
	論	儒	第	+	508
	憂	遪	第	+=	511
	卷	Ξ			
	園	池	第	+=	513
	輕	重	第	十四	515
	未	通	第	十五	518

卷四

地廣第十	·大······	522
貧富第十	· L ······	525
毀學第十	人	527
衰賢第十	·九····································	530
卷五		
相刺第二	. +	533
殊路第二	, +	537
頌賢第二	+=	539
遵道第二	.+=	541
	十四	
孝養第二	.十五	546
刺議第二	.十大	549
	+	
國疾第二	.十八	553
卷六		
散不足第	二十九	556
救匱第三	.+	5 63
箴石第三	+	5 65
除狹第三	+=	566
疾貪第三	.+=	5 68
後刑第三	.十四	570
授時第三	十五	571
水旱第三	.十六	573

卷七

崇禮第三十七	576
備胡第三十八	578
執務第三十九	581
能言第四十	583
取下第四十一	584
擊之第四十二	587
卷八	
結和第四十三	5 89
誅秦第四十四	592
伐功第四十五	594
西域第四十六	5 96
世務第四十七	59 8
和親第四十八	601
卷九	
蘇役第四十九····································	
險固第五十	•
論勇第五十一	6 08
論功第五十二	
論鄒第五十三	613
論	614
卷十	
刑德第五十五	617
申韓第五十六	621

周秦第五十七	624
詔聖第五十八	627
大論第五十九	630
雜論第六十	633
•	
歷史編編後記	635

管子集校(四)

,		
	·	
		-
	•	

事語篇第七十一

張佩綸云:《戰國策》劉向《别錄》"中書本號,或曰《國策》,或曰《短長》,或曰《事語》"。此篇亦名《事語》,疑子政校中秘書時,以《事語》之述六國時事,近於《國策》者入《國策》,而其述齊桓時事,類於《管子》者入《管子》,故仍以《事語》名篇。其爲戰國游士依託管子,無疑。

秦奢教我日

姚永概云:字作"秦",後"泰奢之數不可用於危隘之國",字又作"泰"。此篇之泰奢、佚田皆是寓名,非實有其人也。作"秦"乃誤字。

女事不泰

戴望云: 宋本作"士女不泰"。

尹桐陽云: 女事,女工也,一曰女紅。泰,通也。

俎豆之禮不致性共化本有諸侯太牢大

豬飼彦博云:"不"當爲"必"。

戴望云:"不"字符。

張佩綸云: 疑"諸侯太牢大夫少牢不若此"乃《注》文, 本有"則六畜不育"五字,複,今省去。 馬元材云: "不致性"當作"必致性"。下文太牢少牢,即致性之等級。《國語·楚語》"諸侯祀以太牢,大夫祀以少牢",《大戴禮·曾子天圓》"諸侯之祭牲牛曰大牢,大夫之祭牲羊曰少牢"。

非高其臺榭美其宫室則羣材不散

劉績云: 此云上用之,則下爲之。

齊諸侯方百里負海子七十里男五十里

豬飼彦博云:齊,中也,謂中國諸侯。

宋翔鳳云:《釋言》"齊,中也",《釋地》"距齊州以南", 齊亦訓中。此"齊諸侯"爲中國諸侯,對下文"負海子"爲 蠻夷之子也。

俞樾云:《内業篇》"節適之齊",尹《注》曰"齊,中也"。 "齊諸侯"者,中諸侯也,謂中國之諸侯也。與下文"負海子"相對,負海則非中國矣。《輕重乙篇》作"佌諸侯",齊、 此一聲之轉,猶"鱭魚"之爲"紫魚"也。

張佩綸云:趙《注》以"負海"屬下,非是。宋氏從而爲之辭,謬甚。《輕重丁篇》"東方之萌,帶山負海,北方之萌,衍處負海",《史記·春申君列傳》"齊南以泗水爲境,東負海,北倚河,而無後患",《漢書·地理志》"太公以齊地負海舄鹵,少五穀而人民寡",負海自指齊言。此言齊方百里而負海,比子男則有餘,比天子則不足,乃危隘之國不可以太奢也。

尹桐陽云:齊,衆也。《爾雅》作"黎"。

維適案: "負海"二字當屬下句。《輕重乙篇》文與此略同,作"此諸侯度百里,負海子男者度七十里"。

彼壤狹而欲與大國争者與上本 後

俞樾云:"舉"衍文,蓋即與字之誤而衍者。

一多案: 此下有捝文。

沫若案:自"此定壤之數也"至此句止,凡六十四字, 别篇脱簡羼入於此,故所答非所問。説詳下。

農夫寒耕暑耘

維遹案: "農"上奪"使"字。《臣乘馬篇》作"彼善爲國者使農夫寒耕暑耘"與此文"彼壤狹而欲與大國争者使農夫寒耕暑耘"詞例相同,正有"使"字。若如今本,則上下文不接矣。

沫若案:自"農夫寒耕暑耘"至"非怨民心,傷民意也" 三十字,乃《匡乘馬篇》别本脱簡,誤羼入於此,當删。

泰奢之數不可用於厄隘之國歷本

古本、劉本、朱本、花齋本、梅本、《纂詁》本"泰"作 "秦",趙本、凌本、朱長春本均作"泰",同宋楊忱本。

孫星衍云: 上文作"秦奢",二字必有一誤。

維通案: "危"當作"厄",皆形近之誤也。"秦奢之數" 乃答上文"秦奢教我曰"云云。"厄"即"阨"省, 阨、隘複 辭。《漢書・地理志》"太公以齊地負海舄鹵,少五穀而人 民寡",是阨隘之國則指齊言。 抹岩案:"數"當是"教"之誤。上文"管子曰非數也。 桓公曰何謂非數",兩"數"字亦同是"教"字之誤,均承"泰 奢教我曰"而言。原文"此定壤之數也"以下至"不爲君 憂"五十三字,乃《輕重乙篇》别本脫簡羼入於此,當删。

沫若又案:上述兩種脱簡中,挾有"彼壤狹而欲舉與 大國争者"十一字,可知此篇原簡,每簡僅十一字之譜。 《輕重乙篇》脱簡之五十三字當爲五簡,《匡乘馬篇》脱簡 之三十字當爲三簡。一簡十字至十一字,可見其簡頗短, 蓋最普通之八寸簡也。書簡之長有二尺四寸、一尺二寸、 八寸者三種,詳見《大匡篇》。

善者用非其有使非其人

張佩綸云: "用非其有,使非其人",《淮南·主術訓》以爲武王事,蓋古有此語,而佚田稱之。(下文)"壤辟舉則民留處,倉廩實則知禮節",《牧民篇》語。《輕重》各篇每舉經言一二語,推暢其義,《說苑》所引《管子》亦多此例,此足爲子政校《管》中外雜收不能别擇之一證。

尹桐陽云:《商君書·錯法》"明主者用非其有,使非 其民",此"人"即"民"耳。《淮南·主術》作"人",同。

一多案:善者猶言善爲國者。《國蓄篇》"故善者執其 通施以御其司命",又"故善者委施於民之所不足",《輕重 甲篇》"故善者重粟之賈"。

何不因諸侯②權以制天下傑下本

王紹蘭云: "權以"二字連讀。"以"猶與也, 古多通

用。"權以"猶權與也。《輕重甲篇》"數欺諸侯者無權與" 即其證。因諸侯之權卽謂"用非其有",因諸侯之與卽謂 "使非其人"。管子答以"善爲國者不待因諸侯之權與", 正對"權以"之文。若讀"因諸侯權"爲句,"以制天下"爲 句,則管子但云不待"權"可矣,何必赘言"與"乎?

一多案: 依文義"諸侯"下當有"之"字,疑今本放。

沫若案:權,助也。參看下文"不待權與"條開一多 說。

且無委致圍城肥致衝

古本、劉本、朱本、趙本"肥"均作"脆"。

劉績云: "委", 委積也, 無食則人欲圍而取之。"脆", 不堅也。"衝", 衝車也, 城不堅則人思毁之。(德鈞案: 中立本此句作"則人思而毁之", 《纂詁》引作"則人思攻而毁之"。許録此文, 蓋據趙用賢本。)

張佩綸云: "肥"當作"嶏"。《說文》"颱,崩也"。(《列子·黄帝篇釋文》"肥,皮美切"。《說文》、《字林》皆作"嶏"。又作"圮",皆毁也。)

馬元材云: 肥即《山至數篇》"古者輕賦稅而肥籍歛"之肥。丁士涵云"古俷字,薄也"(說詳上),其說是也。《史記·三王世家·燕王策》云"毋俷德",徐廣曰"俷,一作菲"。孔文祥曰"菲,薄也"。趙氏逕改爲脆,失其義矣。

視歲而藏

馬元材云:"視歲而藏"即視其歲之上中下,而決定其

所應斂藏之數。如李悝平糴法"上熟糴三舍一,中熟糴二舍一,下熟中分之",是其例矣。

縣時積歲

何如璋云: "縣時"猶曠日也。縣而積之,則國有十年之蓄矣。

張佩綸云:"縣",遠也。"縣時"疑卽累時。

一多案:《荀子·性惡篇》"加日縣久"。

富勝貧

何如璋云:"富勝貧"以下十二句見《兵法篇》,大同小 異,與本文不屬。疑"十年之蓄"下原脱數句,後人乃雜凑 《兵法》之文以足其數也。

微勝不微

豬飼彦博云:"微"疑當作"能",《七法》曰"以能擊不 能"。

安井衡云:"微"讀爲媺。媺,善也。

尹桐陽云:"微",精妙也。

李哲明云:"微"字無義,疑當爲"媺",媺,古美字,美者善也。《孟子》"充實之謂美"。故得與富、勇諸字並舉。

凡十勝者盡有之

豬飼彦博云:"十"當作"六",不然上文缺四勝。

安井衡云:十,猶全也。言十勝無一敗者,藏穀中盡有之。

張佩綸云:"十勝"止言六勝。案《樞言篇》"七勝"與此大同小異,疑十當作七,捝去一句耳。此駁佚田因諸侯之説。

馬元材云: 共止六勝而曰"十勝"者舉其全而言,亦猶 《七法篇》之"十戰十勝""百戰百勝"也。

沫若案:此言"富勝貧、勇勝怯、智勝愚、微勝不微、有義勝無義、練士勝歐衆,凡十勝者盡有之",僅舉六勝而統之以"十"。《樞言篇》"衆勝寡、疾勝徐、勇勝怯、智勝愚、善勝惡、有義勝無義、有天道勝無天道,凡此七勝者貴衆"。兩文互有出入,合計之則恰足"十勝"之數。蓋本作"衆勝寡、富勝貧、疾勝徐、勇勝怯、智勝愚、微勝不微、善勝惡、有義勝無義、有天道勝無天道、練士勝歐衆"。"微"乃周密之意。"十勝"既備,則本篇奪其四,《樞言》奪其三。《樞言》"七勝"乃"十勝"之訛。古文"七"作"十",
"十"作"十",僅縱橫畫有長短之别,極易互訛。

不待權與

古本、劉本、朱本、凌登嘉本、朱長春本、凌汝亨本、花齊本、梅本、葛本均作"輿",趙本作"與",同宋本。

丁士涵云:"待"當爲"恃","輿"宋本作"與",是也。 不恃與國,正與上文"桓公曰何不因諸侯權以制天下"意 相對,"因",依也,"恃"亦依也,二字同義。

一多案: "權"讀爲勸。《廣雅·釋詁》二"勸,助也"。 《書·盤庚》"女誕勸憂",《君奭》"在昔上帝割申勸甯王之 德",王念孫訓勸爲助。《莊子·天運篇》"孰淫樂而勸是" 即助之。字或作權。《齊策》"恐田忌欲以楚權復于齊", 謂以楚之助歸於齊也。"與"亦助也。(《齊策》"君不與勝 者而與不勝者"《注》、《秦策》"不如與魏以勁之"《注》並云 "與猶助也"。)"權與"複詞。各本"與"作"輿",非是。《輕 重甲篇》"數欺諸侯者無權與",字正作"與"。"待"讀爲 "恃",詳《七法篇》。

海王篇第七十二

馬元材云: "海王"當作"山海王", 篇中屢以山海並稱。又前半言鹽,後半言鐵。鹽者海所出,鐵者山所出, 正與《史記·平準書》"齊桓公用管仲之謀,通輕重之權, 徼山海之業以朝諸侯,用區區之齊顯成霸名"之傳說相符 合。

沫若案:稱"王"者猶《莊子》內篇之一名《養生主》,本書《問篇》末引古書名《制地君》之類也。

吾欲藉於臺矪何如^{幾本}

王引之云:臺爲宫室之名,雉乃築牆之度。(定十二年《公羊傳》曰"五板而堵,五堵而雉"。《坊記》鄭《注》曰"雉,度名也,高一丈長三丈爲雉"。)臺雉二字意義不倫,徧考諸書,無以臺雉並稱者。《國蓄篇》曰"夫以室廡藉謂之毁成",《輕重甲篇》曰"寡人欲藉於室屋",以此例之,臺下之字亦當爲宫室之名,雉蓋痨之譌也。痨與射同,(見《說文》。)即榭字之假借。(《楚語》"榭不過講軍實",劉逵《吴都賦注》引作"射"。《鄉敦銘》"王格于宣射",即宣十六年《春秋》之成周宣樹也。)古字偏旁或左右互易,(如猶

或作猷,獨或作歜,鶉或作鯙,虺或作屼,鄰或作隣之類是也。〕則"轶"字亦可作"矪",形與"雉"相似,因譌爲"雉"矣。《乘馬數》、《事語》、《地數》、《輕重甲》諸篇言臺樹者屢矣,則此亦當然。《爾雅》曰"闍謂之臺,有木者謂之樹"。

張文虎云: "臺雉"疑誤。《輕重甲篇》作"室屋",《國 蓄篇》作"室廡",其文與此大同。"臺"與"室"形近,又 "屋"字古文作臺,與臺字尤易相混。

姚永概云:"藉"字當從下文一例作"籍",下同。

一多案: 王説是也。金文"射"作"勃", 隸變作"射"。 此省寸作"矪", 猶存古意。《管子》書固多古字也。

沫若案:此篇起處與《輕重甲篇》第六節之起處及《國 蓄篇》文大同小異,足見乃一人所依託。

唯官山海爲可耳

何如璋云:"官山海"者,設官於山以筦鐵,設官於海以課鹽也。《左傳》(昭二十年)"山林之木,衡鹿守之;海之鹽蜃,祈望守之",殆山海之舊官歟?

馬元材云: "官"即"管"字之假借。《史記·平準書》 "浮食奇民欲擅管山海之貨",《鹽鐵論·復古篇》"往者豪 強大家得管山海之利",又《貧富篇》"食湖池,管山海", 皆作管,可以爲證。一作筦,《平準書》"桑弘羊爲大農丞 筦諸會計事"。或作斡,上引《平準書》"管山海之貨"《漢 書·食貨志》即作"斡"。此謂山海天地之藏,如鹽鐵及其 他大企業非"編户齊民所能家作"者,均應歸國家所有,由國家經營管理之。

一多案: "官"讀爲管。(《儀禮·聘禮注》"古文官作管",《禮記·王制疏》"官者管也"。)字亦作"斡"。《漢書·食貨志下》"欲擅斡山海之貨",《注》"斡謂主領也,讀與管同"。

海王之國謹正鹽筴

尹知章云:"海王"言以負海之利而王其業。"正",税 也。

李哲明云:《注》云"正,税也",是"正"字與征同。正、征古字通用。

馬元材云: "正"即"征",此處當訓爲征收或征集,與征税意有别。《地數篇》"君伐菹薪,煑涿水爲鹽,正而積之三萬鍾",《輕重甲篇》"正而積之,十月始正,至於四月,成鹽三萬六千鍾","正"之義可見。蓋本書所言鹽政,主由國家專賣,鹽場不止一地,鹽工不止一人,故不得不"正而積之"。此即"正鹽"之義矣。

一多案: "正"讀爲征。"正鹽筴"謂征收鹽稅之筴。

吾子食鹽二升少半

尹知章云:"吾子",謂小男小女也。

陳奂云: 《地數篇》曰"凡食鹽之數,嬰兒二升少半", 則"吾子"謂嬰兒也。"吾"讀爲蛾。《學記》曰"蛾子時 術之",鄭君《注》曰"蛾,蛾蜉也,蚍蜉之子,微虫耳"。"吾 子"即蛾子,皆幼稚之稱。下文及《國蓄篇》"吾子"凡三 見,尹《注》皆同。

安井衡云:《正字通》云"古本《管子》'吾子'作'童子'",蓋謂唐以前之本。如尹本則仍作"吾子"。故《注》云"謂小男小女",若作"童子",不須注也。蓋吾即伊吾,童子語多伊吾,故謂童子爲吾子。《正字通》多妄説,未足信也。

俞樾云: 尹《注》曰"吾子謂小男小女也",然則"吾"當 讀爲牙。《後漢書・崔駰傳注》曰"童牙謂幼小也"。"吾 子"即牙子,其作"吾"者,牙、吾古同聲,猶騶吾之或爲騶 牙矣。《太玄・勤》次三曰"羈角之吾,其泣呱呱",義與此 同。《集韻》有"牙"字,音牙,云"吴人謂赤子曰孲籽",蓋 即牙字而加子旁耳。

張佩綸云: 《太玄·勤》次三"羈角之吾,其泣呱呱,小得繦扶",宋衷《注》"羈角,謂童幼也"。王涯《注》"吾者吾吾然無所歸之貌"。疑《太玄》之吾卽本此。吾子謂羈角之童幼。疑吾與牙通。《後漢·崔駰傳》達旨曰"甘羅童牙以報趙",《注》"童牙謂幼小也"。

周壽昌云:此"吾子"正音作牙,今楚俗尚如此稱。 《漢書·地理志》"金城允吾縣",《注》應劭曰"音鉛牙", 《詩》"吁嗟乎騶虞",《山海經》"林氏國有珍獸,尾長於身, 名曰騶吾",《新語》云"文王騶牙名囿",《史記·東方朔 傳》"所謂騶牙者也",騶牙卽騶吾。(《思益堂日札》八。)

馬元材云:《漢書·趙充國傳》"凡萬二百八十一人,

用穀月二萬七千三百六十三斛,鹽三百八斛",計每人每月用鹽二升九合強。較吾子稍多,較大女(三升少半)稍少,較大男(五升少半)則相差甚遠,當是男女老小之平均數。

維遹案:《釋名·釋長幼》"女,如也,青、徐曰娪",孫 詒讓云"娪,疑與《管子·海王》、《國蓄》兩篇'吾子'同"。 蓋"吾子"本爲小男小女之通稱,後世語變,遂專以稱小 女,猶孺子爲小兒之通稱,秦、漢古書亦以專稱女子也。 漢青、徐於周爲齊地,故與《管》書合。

鹽百升而釜

尹知章云:鹽十二兩七銖一黍十分之一爲升。(德鈞 案:中立本"十二兩"誤作"十三兩"。)

豬飼彦博云:十合爲升,釜即一斛也。《輕重丁》謂粟 三斛爲三釜,米、鹽同量也。《注》文"七銖一黍十分之 一",以下《注》推之,當作六銖九累一黍十分之二。

張文虎云: 依下《注》一釜之鹽"七十六斤十二兩十九 蛛二累"百分之,則此當云"十二兩六銖九累一黍十分之 二爲升"。蓋傳寫脱誤。

張佩綸云:《說文》"升,十龠也","斗,十升也","斛,十斗也",不言釜,即爲斛。《廣雅》"四升曰豆,四豆曰區,四區曰釜,釜十曰鍾",則釜但六斗四升,不得曰"百升而釜"。《左氏》昭三年《傳》"齊舊四量:豆、區、釜、鍾,四升爲豆,各自其四以登於釜,釜十則鍾,陳氏三量,皆登一焉,鍾乃大矣",杜《注》"以舊量之釜六斗四升,陳氏以五

升爲豆,四豆爲區,四區爲釜,則區二升,釜八斗,鍾八斛"。陸德明《釋文》"本或作五豆爲區五區爲釜者,謂加舊豆區爲五,亦與杜《注》相會,非於五升之豆又五五而加也"。三升皆非百升而釜,以下文升加分強釜五十,升加一強釜一百之數折算,如百升爲釜,則直云加半加一,不得爲強,必半分有強、一錢有強,始合五十、一百之數,則此釜仍是六斗四升之釜。就一釜析之爲百,截畸就整,以便下文起算,蓋析釜之數爲百升以合加錢之數,非合升之數百而爲釜也。

馬元材云:本書量名計有鑑、釜、鍾、升、斗、石等字。 鑑即區。《左氏》昭三年《傳》晏子云"齊舊四量:豆、區、 釜、鍾,四升爲豆,各自其四以登於釜,釜十則鍾。陳氏三 量,皆登一焉,鍾乃大矣"。杜《注》"登,加也。加一,謂加 舊量之一也。以五升爲豆,四豆爲區,四區爲釜,則區二 斗,釜八斗,鍾八斛"。陸德明《釋文》"本或作'五豆爲區, 五區爲釜'者,謂加舊豆區爲五,亦與杜《注》相會,非於五 升之豆又五五而加"。據此,則齊制實爲以四進及以十進 並行之法。陳氏之制稍有變更。然皆與"百升而釜"之數 不符。考《輕重甲篇》"齊西之粟釜百泉,則鏂二十也。齊 東之粟釜十泉,則鏂二錢也。請以令籍人三十泉,得以五 穀菽粟決其籍。若此,則齊西出三斗而決其籍,齊東出三 釜而決其籍"。知本書每釜爲五鏂,乃陳氏之制,而非齊 之舊制。惟其算法與杜《注》異。以意推之,本書當是以 四升爲豆,五豆爲鏂,五鏂爲釜。如此則一鏂二十升,一 釜一百升,恰合"百升而釜"之數。且與一釜百泉,三斗三十泉之數亦無衝突。

令鹽之重升加分彊

尹知章云: 每斗加半合爲彊

豬飼彦博云:"彊"當作"鏹",錢也。

安井衡云:分,半也。"彊"讀爲繮,"繮"與"繦"通,錢 貫也,因遂稱錢爲繮。"繦"或作"鏹",俗字也。……鹽價 之貴,升增半錢,一釜百升,適得五十錢之贏也。

張文虎云: 尹《注》"每一斗","斗"當作"升"。

黄鞏云:"強"同"繦"。一強一錢,分強半錢也。

一多案: 附加之價曰彊。《小爾雅·廣詁》"強,益也", 《九章算術》"凡有餘贏命曰強"。

林圃案:《通典·食貨》十二引此"令"作"今",《注》同。"彊"字作"強"。《通考》卷十五引"令"作"今"。《注》同。

萬乘之國人數開口千萬也

宋楊忱本、古本、劉本、朱本、趙本、梅本均作"開",凌 登嘉本、張榜本、凌汝亨本、花齋本、朱長春本、葛本均作 "問"。

豬飼彦博云: "人"當依《注》作"大"。"問"當作"開"。 《揆度》曰"萬乘之國爲户百萬户,爲開口千萬人","開口" 謂開口而食也。

孫星衍云:"問"當依宋本作"開"。《揆度篇》俱作"開

口",《通典》十引亦作"開口"。

宋翔鳳云:"問"宋本作"開"。

安井衡云: 古本"問"作"開","開口",開口而食也。

戴望云:《揆度篇》亦作"開",《通典》十引同。據尹 《注》"舉其大數"云云,則正文"人數"乃"大數"之誤。

沫若案:豬飼與戴據《注》文疑"人數"爲"大數"之誤, 非是。《注》"舉其大數"云云乃指"千萬"言。

禺筴之商日二百萬

尹知章云:"禺"讀爲偶。商,計也。對其大男大女食 鹽者之口數,而立筴以計所稅之鹽,一日計二百萬,合爲 二百鍾。

豬飼彦博云: 禺、偶同,謂加二也。商謂所加之税也。 言大數千萬,一日食鹽千鍾,故升加二錢而取之,則得二 百萬錢也。

安井衡云: 禺、偶同,偶,合也。大男食鹽,月五升少半,大女三升少半,吾子二升少半;一家十口,假令大男女四人,吾子六人,一家月所食,爲三斗一升三合三勺三撮,十分之,人日得一合有奇。以合算萬乘之國日所食之鹽,適盡千鍾,是商利比舊日增二百萬之贏也。

于省吾云:"商"本應作"商"、"商"古"適"字。《輕重 戊》"以商九州之高","商"亦"商"之調,言以適九州之高 也。

沫若案: "禺"讀爲偶然之偶, "偶筴之"猶嘗試算之 也。"商"爲"商"之誤,于説得之。蓋其算法,準萬乘之國 開口千萬人計,不問其爲大男大女或吾子,平均每月人可 食鹽三升,則千萬人爲三萬鍾。月三十日,一日則爲千鍾 也。故如升加二強,則一日所獲適爲二百萬。

萬乘之國正人百萬也人本

古本"之"下無"國"字,劉本、朱本同。趙本、花齋本以下各本有,同宋楊忱本。《通典》引此文亦無"國"字,足徵舊本並無此字。(今本《通典》"之"下有"國"字者乃後人據今本《管子》所改。見《通典考證》。)

豬飼彦博云:當作"千乘之國正人百萬也"。《揆度》 曰"千乘之國爲户十萬户,爲開口百萬人"。正人謂正數 之人也,《國蓄》曰"以正人藉",是也。

王引之云: "正"與"征"同。"萬乘之國正"絶句,"萬乘之國正",常征也,欲言征鹽策之善,故以常征相比校也。"九百萬也"者,九當爲人,篆書"人"字作"八",與"九"相似而誤。《揆度篇》曰"萬乘之國,爲户百萬户,爲開口千萬人,爲當分者百萬人",是萬乘之國雖有開口千萬人,其"當分"之人但有百萬,萬乘之國征,但征其"當分"之人百萬,故曰"萬乘之國征,人百萬"也。"月人三十錢之籍,爲錢三千萬"者,"當分"之人每月籍其錢人各三十。《輕重丁篇》曰: "請以令籍人三十泉"是也。一人三十錢,百萬人則當爲錢三千萬,故曰"月人三十錢之籍,爲錢三千萬"也。"今吾非籍之諸君吾子,而有二國之籍者六千萬"者,言一國之常征,每月但有三千萬錢而已。今

吾之征鹽策也,不待明發號令籍之諸君吾子,而每月自有 六千萬錢(上文曰"一月六千萬")倍於一國三千萬之籍, 是有二國之籍也,故曰"今吾非籍之諸君吾子,而有二國 之籍者六千萬"也。尹不知"九百萬也"爲"人百萬也"之 譌,又不知"爲錢三千萬"乃百萬人一月之籍,故其說皆不 確。

俞樾云: 《隸續》載張休《崕涘銘》"行几過兹","人"作 "八",與"九"相似。王氏訂"九"爲"人"字之誤,是也。以 "正"屬上句,則似未得,"正人"二字連文。《國蓄篇》曰 "以正人籍,謂之離情,以正户籍,謂之養贏",是"正人" "正户"當時有此名目。尹彼《注》云"正數之人若丁壯也", 此"正人"之義亦當與彼同。《揆度篇》曰"萬乘之國爲户 百萬户,爲開口千萬人,爲當分者百萬人",是萬乘之國 "正人"止百萬而已,故曰"正人百萬也"。

月人三十錢之籍

宋翔鳳云:當作"月人三錢之籍","十"字衍。

馬元材云: "三十錢之籍"只是著者假設之詞。考秦、漢皆有口賦之制,董仲舒云"秦口賦之利,二十倍於古",其實數已不可詳。漢代口賦則自三歲至五十四歲,每年納二十錢。武帝時加爲二十三錢。後有司請再加爲三十錢,但未施行。故征和四年《輪台詔》云"前有司奏欲益民錢三十助邊用,是重困老弱孤獨也"。本篇及《輕重丁篇》兩言籍三十錢,與有司奏請之數適相符合。本篇對"正人籍"極力反對,謂正鹽贏利非任何收入所能比擬。不僅按

年計算之口賦不足相較,即令每月人籍三十錢,所得亦不過三千萬,恰爲正鹽收入之一半而已。

德鈞案: 馬言漢代口賦之制, 有誤。據《漢書・昭帝 紀》如淳《注》引《漢儀注》云"民年七歲至十四、出口賦錢 人二十三,二十錢以食天子,其三錢者,武帝加口錢以補 車騎馬"。如淳注《高帝紀》引《漢儀注》又云"民年十五以 上至五十六,出赋錢,人百二十爲一算,爲治庫兵車馬"。 是征口赋,年歲實自七歲至十四歲,名義則爲"以食天 子"。過十四歲,由十五歲至五十六歲,則爲算賦,錢爲百 二十,名義乃是"治庫兵車馬"。由於武帝勤於征伐,經用 不足,始於口賦增收三錢。其征自人三歲起者,似亦始於 武帝,至元帝世亦革,固非漢代之常制。如《貢禹傳》云 "禹以爲古民亡賦算,口錢起武帝,征伐四夷, 重賦於民, 民産子,三歲則出口錢:故民重困,至於生子輒殺,甚可悲 痛。宜令兒七歲,去齒,乃出口錢,年二十迺算。……天 子下其議,令民産子七歲乃出口錢,至此始"。至《輪臺》 韶》所云"欲益民錢三十助邊用"者,王先謙《漢書補注》引 徐松曰"《惠紀》應劭《注》'漢律:人出一算,算百二十錢, 唯賈人與奴婢倍算'。今口增三十,是百五十爲一算。其 時有司有此奏而未行,故《蕭望之傳》'張敞曰:先帝征〔四 夷,兵〕行三十餘年,百姓猶不加賦'"。是增三十錢乃就 算賦言,非謂口賦。算賦本爲治庫兵車馬,故邊用不足, 有司得奏請增益之。

今非籍之諸君吾子

張佩綸云:"諸君",諸、都通。《禹貢》"被孟諸",《史記》作"孟都",是其證。昭二十七年《左氏傳》"左司馬沈尹戌帥都君子,與王馬之屬以濟師",杜《注》"都君子,在都邑之士有復除者",《疏》引賈逵同。此"諸君"即"都君子有復除者",其人不在正籍。以鹽筴加價則有復除者亦無不食鹽。《注》以爲老男老女,非是。

令夫給之鹽筴岭本

洪頤煊云:"今"當作"令"。

王念孫云:《通典》正作"令"。又案: 下文"今鍼之重加一也", "今"亦"令"之譌。上文云"令鹽之重升加分彊",文義正與此同。

林圃案: "令夫", 《通典》引此文作"令天", 古本作"今 夫", 朱本作"今此", 趙本、花齋本以下均作"今夫"。 《通 考》卷十二引同《通典》。

則自倍歸於上作百

俞樾云:"百"字衍文。上云"月人三十錢之籍,爲錢三千萬,今吾非籍之諸君吾子也,而有二國之籍者六千萬",是國之常征止三千萬,鹽策之利得六千萬,適加一倍,故曰"倍歸於上"。若作百倍,則太多矣。蓋後人不察文義而妄加之。

陶鴻慶云:"百"當爲"自"之誤,言不必籍於諸君吾子

而自然得其倍數也。《淮南·天文訓》-"故人臂修四尺, (今本作'人修八尺'從王氏《雜志》改。)尋自倍,(案謂兩 臂相求,自得倍數。)故八尺而爲尋",《史記·高祖功臣年 表叙》"小國自倍,富厚如之",《漢書·食貨志》"上孰其收 自四,餘四百石,中孰自三,餘三百石,下孰自倍,餘百 石",文例並與此同。俞氏以"百"字爲後人妄加,非是。

一多案: 陶謂"百"爲"自"之誤,是也,其解"自"義爲"自然"則誤。"自"當訓自己,謂某數自己,實不定之辭,與今算學之又同。倍猶二也。《食貨志》"自四"、"自三"、"自倍",猶言四乘 X、三乘 X、二乘 X 也。"自"既等於 X,故自倍亦可省言倍。

今鐵官之數

尹桐陽云: 漢鹽官凡二十八郡, 鐵官凡四十郡, 蓋用 管子法也。

馬元材云:鐵官之名始於秦時。《漢書·食貨志》董仲舒云"至秦,鹽鐵之利二十倍於古",《史記·自叙》"司馬靳孫昌,昌爲秦主鐵官,當始皇之時"。至漢武帝元狩六年用東郭咸陽、孔僅之策,舉行天下鹽鐵,郡置鐵官。不出鐵者則置小鐵官,實行鐵器國營,禁止私鑄。犯者針左趾,没入其器物。及桑弘羊主政,又大加推廣,全國鐵官達三十八處之多。

沫若案: 鐵官之設究始於何時,今尚不能定。秦時已有鐵官,但不能肯定秦以前尚無鐵官。《叔夷鐘》乃春秋中葉齊靈公時器,中有"造戥徒四千爲汝敵寮"之語,"戥徒"

殆即採鐵之徒卒也。鐵官之職疑春秋末年已有之。《考 工記》有"段氏爲鎛器",惜職文適缺,然鎛器爲鐵製耕具, 毫無可疑。

行服連軺輂者靠本

宋本、古本"輦"作"輂",劉本、朱東光本、趙本、抄本 《册府元龜》四百九十三引同。朱長春本、凌汝亨本、梅本、 花齋本、葛本均作輦。

孫星衍云:《通典》十引作"輂"。

王念孫云: "輦"當依朱本作"輂"。《通典》引此亦作 "輂"。故尹《注》云"大車駕馬"。

宋翔鳳云:"連"與"輦"通用,下"輦"字當作"輂",劉 績本《管子》正作"輂",惟《注》"居玉反",連作大字,《通 典》十卷引作"輂"。

安井衡云: 古本"輦"作"輂"。大車也。

張文虎云: 輦,尹音"居玉反",則所見本作"輂",不 誤。

維遙案: "連"讀爲輦。《周禮》 "巾車連車組輓" 《釋文》 "連亦作輦"。《鄉師注》 "故書輦作連",《管》書多古文,故輦作"連"。 尹《注》 "輦名",亦讀"連"爲輦。 "輂"别本作"輦",非。王念孫已訂正矣。

一多案:《漢書·淮南衡山濟北王傳》"以輂車四十乘 反谷口",今譌作"輦",《史記》正作"輂"。《莊子·讓王篇》 "民相連而從之","連"讀爲輦。

令鍼之重加一三十鍼一人之籍也也字本在令鍼

古本"令"作"今","加一"下及"籍"下均有"也"字,劉本、朱本同。趙本作"令","籍"字下無"也"字。同宋楊忱本。凌登嘉本以下各本"令"字均作"今","籍"字下無"也"字。《通典》引此文同凌登嘉本。

豬飼彦博云:言每一鍼加價一錢而征之,則三十鍼而得三十錢,是當一人一月之籍也。下皆做此。

安井衡云:古本"籍"下有"也"字。

吴汝綸云:"加一",加一錢也。每鍼加一錢,三十鍼 則三十錢,三十錢則爲一人之籍也。五刀三耜仿此。

一多案:"也"字當移在"籍"下,今本倒置。

相鐵之重加十十本

豬飼彦博云:"七"當作"十"。

王引之云: "七" 當爲"十"。上文曰"月人三十錢之籍"謂每一人月有三十錢之籍也。今每一耜鐵籍之加十錢,三耜鐵則三十錢,而當每月一人之籍矣。故曰"耜鐵之重加十,三耜鐵一人之籍也"。上文"令鍼之重加一也,三十鍼一人之籍;刀之重加六,五六三十,五刀一人之籍也",皆以三十錢當一人之籍,是其例也。尹説非。

因人之山海假之命負海之國讎鹽於吾國命負本

古本"讎"作"售",劉本、朱本同,《通典》引此文亦作

"售"。趙用賢本以下各本作"讎",同宋楊忱本。

丁士涵云:案當讀"之"字絶句。"名"與"命"同,《説文》"名,自命也",《七法篇》"名者所以命事也",《周語》"言以信名",《注》"名,號令也"。"有"乃"負"字誤,《事語篇》曰"負海子七十里"。負海之國多鹽,令之讎於吾國,即所謂"因人之山海假之"也。

安井衡云: 國無鹽鐵, 買諸他邦而鬻之, 是假有鹽鐵之名也。一說: "名"當爲"各",下屬爲句。

張佩綸云:"假之",義若《春秋》〔桓公元年〕"鄭伯以 壁假許田"之假。《公羊傳》曰"假之何。易之也。易之則 其言假之何。爲恭也"。《穀梁傳》曰"假不言以,言以非 假也。非假而曰假,諱易地也"。太公賜履雖至東海,而 桓公之世萊夷未滅,其能盡徼山海之利以鹽鐵立富強之 基者,萊已私屬於齊,故得假之以爲利也。

一多案: "名"爲"命"之聲誤,"命"讀爲令。

沫若案: 抄本《册府元龜》四百九十四引作"集鹽於吾國"。考尹《注》云"彼國有鹽而糴於吾國爲集耳",則尹所本見亦作"集"也。以作"集"爲是,如爲"售"字則尹不必爲之作《注》。

釜五十十五

豬飼彦博云:"十五"當作"五十",言彼國賣鹽於吾國一釜五十錢,吾受而賣之於國以百錢,亦釜得五十也。

王引之云:"十五"當爲"五十"。"釜五十"者,升加分

也,"出之以百"者,升加一也。上文曰"鹽百升而釜,令鹽之重升加分彊,釜五十也,升加一彊,釜百也",分者半也。 "有海之國讎鹽於吾國",每升加錢之半,十升而加五錢, 百升而加五十錢,故"釜五十"也。吾國受而使鹽官出之, 則倍其數而升加一錢,十升而加十錢,百升而加百錢,故 "以百"也。若作"釜十五",則與"出之以百"多寡不相因矣。尹說非。

張佩綸云:"釜十五"當作"釜五十",彼國加分彊,則 吾國加一彊,此非獨收榷鹽之利,亦兼防利之流於鄰國, 故必受而官出之。

毓棠案: 王説迂迴,此但直言釜價五十錢耳。

沫若案: 抄本《册府元龜》四百九十三引,正作"釜五十"。

受人之事以重相準準本

尹知章云:以重相準,謂加五錢之類也。準猶度也。 (二準字亦本作推。)

一多案: "推"當爲"準", 尹《注》可證。《輕重丁篇》 "萊有準馬"今本誤推。

此因人之數也假人本

一多案: "用"當爲"因",與"人"字互易。上文"因人 之山海假之"即此所謂"因人之數"。

沫若案: 尹《注》"彼人所有卽皆爲我用之",則尹所見

本爲"用人"。抄本《册府元龜》四百九十三引此作"用人",《通考》十五引亦作"用人"。"用"字亦可通,不必改爲"因"字。

國蓄篇第七十三

張佩綸云:《漢書》〔《食貨志》〕所引與此篇文義前後 遠舛。"藏有凶穣,故穀有貴賤,令有緩急,故物有輕重" 四語,爲一篇之綱,次於"萬乘之國必有萬金之賈,千乘之 國必有千金之賈"前,於義爲長。惟"利有所并也,穀有所 藏也",《鹽鐵論》與本篇合。而班書前引太公九府,後言 景王大錢,而中引《國蓄》,轉於立幣通施之説節而不書, 斯可異也。此篇既恐有錯互,班書亦苦非全文,既不敢妄 爲改定,竊發其端,以俟君子。

馬元材云:《漢書·食貨志》記《管子》輕重之法,而所引用,則僅爲本篇之文。《通典·食貨》八記錢幣,《食貨》十二記輕重,其關於《管子》部分之材料,本篇十九皆被引用。

國有十年之蓄

何如璋云:《通典·食貨》十二引此有"管子曰夫富能奪, 貧能予, 乃可以爲天下"三句, 在"國有十年之蓄"上, 當是原文, 宋刻脱去者。

張佩綸云:"夫富能奪,貧能予,乃可以爲天下"三句,

見《揆度篇》,無《注》。如杜氏〔《通典》〕(引有《注》)置之 《國蓄篇》首,則與下文貧富予奪相應。

林圃案:何如璋説是。但"乃可以爲天下"句下,《通典》尚引有尹《注》"富者能奪,抑其利,貧者能贍,恤其乏,乃可爲君",今本脱。"國有十年之蓄"句下,有尹《注》"用之蓄積,常餘十年",今本亦脱。

而民不足於食

林圃案:《通典·食貨》十二引此文無"民"字,"食"下有"者"字。

古本有"是"字,劉本、朱本、梅本同,趙用賢以下各本均無"是"字,同宋本。《通典》十二引此文亦無"是"字, "望"作"冀"。

安井衡云:古本有"是"字。

戴望云: 朱本"皆"上有"是"字,與下文一例。

張佩綸云:宋本、趙本"皆"上無"是"字,《通典·食 貨》十二引同。今據元本、朱本增。

君有山海之金而民不足於用程本

古本"罪"作"足",各本均同。

張佩綸云:宋本作"不罪於用",誤。《鹽鐵論·本議篇》"大夫曰:《管子》云:國有沃野之饒而民不足於食者,器械不備也;有山海之貨而民不足於財者,商工不備也。

文學曰:國有沃野之饒而民不足於食者,工商盛而本業荒也;有山海之貨而民不足於財者,不務民用而淫巧衆也"。 疑卽引此文。"金"字不如"貨"字義括。

維遹案: 趙本、《纂詁》本"罪"作"足"。《輕重乙篇》作 "君有山海之財,而民用不足者"。《鹽鐵論·本議篇》引 作"有山海之貨,而民不足於財者",是其所據本亦作 "足"。當據改正。

人君挾其食守其用

尹桐陽云: 挾, 篋也。收山海以爲官有。《鹽鐵論· 錯幣》"人主積其食,守其用"。

故民無不繫於上也繁本

豬飼彦博云:累,附繫也。

孫星衍云:《通典》十二引"累"作"繫"。

王念孫云:《通典·食貨》十二引此"累"作"繫"。又引 尹《注》云"食者民之司命,言人君唯能以食制其事,所以 民無不繫於號令"。今本"繫"調作"累",又全脱尹《注》。

張佩綸云: 累、繁義同。

于省吾云: 類書每臆改古籍,不可爲據。累本有繁義,不必改爲繁。《禮記·儒行》"不累長上",《注》"累,猶 繫也"。下云"列陣繫累獲虜",繫累連語,累亦繁也。

五穀蝜米民之司命也惟食

一多案:"食"爲"湌"之壞字。"飧",古文粒字。《孟

子·滕文公上篇》"樂歲粒米狼戾"。

沫若案:《輕重乙篇》作"五穀粟米","食"當爲"粟", 擊之訛也。

黄金刀幣民之通施也故善者執其通施以御其司命

何如璋云:"通施"猶通移也,謂金幣爲百姓交易流通之用也。《荀子·儒效》"若夫充虚之相施易也",楊《注》 "施讀日移",可證。"以御司命",所謂以幣守穀也,下《山權數》、《山至數》等篇詳言其義。

沫若案: 兩"通施"字《輕重乙篇》均作"通貨"。"貨"字古通作"化"。如齊幣"齊邦法化"、"卽墨法化",是也。下文云"人君鑄錢立幣,民庶之通施也",《輕重甲篇》作"今君鑄錢立幣,民通移"。又《揆度篇》云"刀幣者溝瀆也"。"通施"、"通化"、"通移"、"溝瀆"均流通之意。

故民力可得而盡也

張佩綸云:"民力可得而盡",猶盡力溝洫之意,非竭 民之財力也。

夫民者親信而死利

古本"親信"作"信親",朱本同。趙用賢本以下各本均作"親信",同宋本。

戴望云: 宋本"夫"作"故","親信"作"信親"。

張佩綸云: 士禮居宋本"故"作"夫"。

民予則喜奪則怒人情皆然作民

趙本、《纂詁》本"人"作"民"。

孫星衍云: 《通典》十二引"民"上有"夫"字,"喜"作"憙"。

張佩綸云: "民情皆然"當作 "人情皆然"。宋本以唐 諱"民"爲"人",凡遇人皆改爲民,致有此誤。

故見予之形不見奪之理

張佩綸云:《通典注》"予,音與。見,賢徧反"。"不見奪之理",舊《注》"與可使由之,不可使知之",《通典注》無"與"字。此"與"字即"音與"之與,僞房《注》誤刊於此。 (沫若案:"與"乃"民"之誤耳,劉本、朱本《注》正作"民"。)

故民愛可洽於上也

孫星衍云:《通典》十二引作"民憂",此"爱"字誤。

征籍者所以彊求也作租租税者所慮而請也

劉績云:後《輕重乙》作"租籍君之所宜得也,正籍君之所强求也",此有缺誤。

豬飼彦博云:《輕重乙》曰"租籍者君之所宜得也,正籍者君之所强求也","租籍"當從彼作"正籍"。正、征同。征籍謂籍於室樹人畜也。"强求",君求之也。"慮請",下請之也。

洪頤煊云:"租籍"當作"正籍"。《輕重乙篇》"租籍者

君之所宜得也,正籍者君之所强求也","正",讀如征。此亦作"租"者,涉下句而譌。

丁士涵云:"租籍"疑當作"征籍"。《輕重乙篇》曰"故租籍者君之所宜得也,正籍者君之所强求也","正"與"征"同,"正籍"即征籍,"租籍"即租税也。今本作"租籍"者,涉下文"租税"而誤。

沫若案:豬飼說得之。與《輕重篇》文對照,當以作 "征籍"爲是。"征籍"乃格外税,臨時附加,爲上所强求於 民者。租籍乃正規税(古所謂"十一之税"),早有準備,爲 民所請納於上者。上句作"所以"、下句作"所",上句作 "求"、下句作"請",可見所省去之主詞有君民之異。

王霸之君

張佩綸云:《通典》〔《食貨》十二〕引作"五霸",誤。

廢其所慮而請

豬飼彦博云: "廢"當作"歛", 《輕重乙》曰 "亡君廢其 所宜得,而斂其所强求", 正與此反。

丁士涵云:"廢"讀曰置。置者,不去也。

沫若案:"廢"當爲發,言平發其歲入以利民也。

利出於一孔者其國無敵出二孔者其兵半詘半本

安井衡云: 孔,穴也,猶言門。出於一孔,專出於君也。二孔,君與相也。三孔、四孔,則分出於臣民矣。

何如璋云:"於"字衍,與下三句一律。孔猶空也。

《商君・農戰》"民見上利之從一空出也,則作壹。作壹則民不偷營。民不偷營則力多。力多則國强"。又《靳令》 "利出一空者其國無敵,利出二空者國半利,利出十空者 其國不守",本此。

張佩綸云:《爾雅·釋詁》"孔,間也"。案:一孔,幣也;二孔,穀也;三孔,并於大賈蓄家;四孔,流於諸侯。《韓子·飾令篇》"利出一孔者,其國無敵;利出二孔者,其兵半用;利出十孔者,民不守。重刑明民,大制使人則上利"。《商君書·靳令篇》"利出一空者,其國無敵;利出二空者,國半利;利出十空者,其國不守"。本此。"十空"無義,《通典·選舉》五劉秩《論》引商鞅説秦孝公作"利出一孔者王,利出二孔者强,利出三孔者弱"。

馬元材云:《商》、《韓》字句與此大同小異,而意義則有别。《商》、《韓》所謂"利出一孔"者欲一民於耕戰,乃從政治軍事上立論。此則謂一切天財地利及由賤買貴賣之各種奇入旁利均應由國家獨佔之,不任人民自由經營,乃從經濟上立言。蓋即今之所謂國家專利政策者也。

維遹案: "不"當爲"半",字之誤也。"其兵半詘"猶言 其兵半數力屈,半數未力屈。利出三孔者則兵之全數力 屈,故下文云"利出三孔者不可以舉兵"。(《孫子·作戰 篇》"夫鈍兵挫鋭,屈力殫貨,則諸侯乘其弊而起,雖有智 者,不能善其後矣"。又云"力屈財殫,中原内虚"。)《韓 非·飾令篇》云"利出一空者其國無敵,利出二空者其兵 半用,利出十空者民不守"。《商君書·靳令篇》同。《韓》、 《商》言"其兵半用",此言"其兵半詘",其義一也。今本作 "不",非其旨矣。

故塞民之羡隘其利途卷卷

何如璋云:塞,猶充也。塞其養,民乃足。隘其途,利乃一。

張佩綸云:養,讀如字,取也。《詩》"遵養時晦",毛 《傳》"養,取"。《通典·選舉》六:禮部員外郎沈既濟議曰 "《管子》曰'夫利出一孔者,其國無敵;出二孔者,其兵不 詘;出三孔者,不可以舉兵;出四孔者,其國必亡。先王知 其然,故塞人之養,隘其利途',使人無游事而一其業也。 而近代以來,禄利所出,數千百孔,故人多歧心,疏瀉漏 失,而不可轄也。夫人仕者多,則農工益少,農工少則物 不足,物不足則國貧,是以言人仕之門太多"。案此篇利 孔本與禄利無涉,沈既濟之言,則發揮旁通,實有至理。 《通典注》殆本於此,非尹氏之舊也。

一多案: "養"字無義,疑"羨"之譌。《鹽鐵論·錯幣篇》"禁溢羨,厄利塗",語意本此。尹《注》"養,利也"亦當作"羨,利也"。《周禮·小司徒》"以其餘爲羨",司農《注》"羨,饒也",《秦策》"西有巴蜀、漢中之利",高《注》"利,饒也",是羨、利義同,故尹訓羨爲利。(《通典·選舉》六載沈既濟議引《管子》作"養",所見本已誤。)

沫若案:何説非是。此"民"字乃指富商蓄賈而言。 聞校改"養"爲"羡",得之。然謂尹《注》"養,利也"亦本作 "羡,利也",則無可解於《注》文中"羊向反"之音。蓋尹所 見本已誤爲"養"矣。

不可爲籠以守民

孫星衍云: 《通典》十二引無 "爲籠" 二字。"民" 作 "人"。

何如璋云:"籠"者包舉之義,又鳥檻曰籠,《莊子·庚桑楚篇》"以天下爲之籠則雀無所逃,是故湯以庖人籠伊尹,秦穆公以五羊之皮籠百里奚,是故非以其所好籠之而可得者無有也",此乃以鳥喻民。

張佩綸云:《通典》節"爲籠"二字,非是。"民"避諱作 "人"。

馬元材云: 吴汝綸點勘本卽依《通典》校删"爲籠"二字。此乃輕重之家常用術語,必不可删。"爲籠以守民"與"語制爲大治"互爲對文。前者指國家專利而言,後者指均平社會之財富而言。

不可以語制爲大治

張佩綸云:《通典》"治"避諱作"理"。

然而且不足者何也本無而用

維遹案: "然者何也"文義不完。疑當作"然而用不足者何也",與下文"然而民有飢餓不食者何也"、"然而人事不及者何也",文例正同。今本"用不足"三字錯在下文"幸遠然者"下,尚可推知其痕跡,詳見下文。

沫若案: 許說非是。《管子·輕重》諸篇言經濟,均以富商蓄賈爲大敵。《輕重甲篇》云"萬乘之國必有萬金之賈,千乘之國必有千金之賈,百乘之國必有百金之賈,非君之所賴也,君之所與(舉)"。富商蓄賈操縱財貨,與國爲敵,甚且可至"一國而二君二王"。故必須分散其財,使之不得操縱兼併,而使貧富平均。此處僅言所以有富商蓄賈之由,故先設爲問答,曰"然者何也?"其答則爲"國多失利","人君不能治","人君不能調"。許未得其解。

國多失利則臣不盡其忠

戴望云:元本"臣"作"民"。

沫若案:"國多失利"當重一句,文義始足。

令有緩急故物有輕重

劉績云: 别《注》"上令急於求米則民重米,緩於求米 則民輕米,所緩則賤,所急則重也"。

沫若案:《通典·食貨》十二引此文下亦有此《注》,唯 "所急則重也"作"所急則貴",無"也"字。又"上令急於求 米則民重米,緩於求米則民輕米",《漢書·食貨志注》引 爲李奇說。

故使蓄賈游市

張佩綸云:師古曰"畜,讀曰蓄。蓄賈,謂賈人之多蓄 積者"。

一多案:《漢書·食貨志下》引作"畜賈游於市",師古 《注》曰"畜,讀曰蓄。蓄賈,謂賈人之多蓄積者"。《食貨 志上》载鼂錯説"而商賈……日游都市,乘上之急,所賣必倍",與此文"蓄賈游市,乘民不給,百倍其本"語意大同。

林圃案:《通典·食貨》十二作"則畜賈游於市",與 《食貨志》引同,上文"不能治"作"不理",無"能"字,"治" 作"理"乃避唐諱改。此句下有尹《注》"謂賈人之多蓄積 也",今本亦脱。

乘民之不給百倍其本

劉績云: 别《注》"給,足也,以十取百"。

沫若案:《漢書·食貨志》引此"本"下有"矣"字,"給, 足也"乃顔師古《注》。

林圃案:《通典》引此"本"下亦有"矣"字,下有《注》云 "给,足也,以千當百"。

智者有什倍人之功愚者有不賡本之事

尹知章云: 賡猶償也。

張文虎云:"賡"與庚、更通,後《山國軌篇》亦作"庚", 《史記·平準書》"悉巴蜀租賦不足以更之",《集解》"韋昭 曰:更,續也。或曰:更,償也",償、續義亦相因。

顔昌嶢云: 尹説是也。《山國軌篇》"視市櫎而庚子牛馬", 尹《注》"庚,償也"。此"賡"字與"庚"同。《檀弓下篇》 "請庚之", 鄭《注》"庚,償也"。

維遹案:《鹽鐵論·錯幣篇》襲此文作"智者有百人之功,愚者有不更本之事"。廣、更均與庚通。《山國軌篇注》 "庚,償也",《吕氏春秋》有《報更篇》,更亦償也。

故民利有百倍之失也香格及民有相

丁士涵云:此當作"故民利有百倍之失也"。上文曰 "然而人君不能治,故使畜賈游市,乘民之不給,百倍其本",此言智者之多取利,以致愚者之不償本,故民利有百倍之失矣。下文曰"夫民利之時失,而物利之不平也",是其證。今文"利"誤"相",又倒置"有"字下。"失"又誤"生",遂不可讀矣。

安井衡云: 生, 産也。人君不能調和貧富而均一之, 故民産至有相差百倍者也。

顔昌嶢云:丁説非是。此言智者有十倍之利,愚者至 不能償本,人主若不能調濟之,則民之生事有相百倍之遠 矣。言貧富懸殊也。

沫若案:丁校非是,安井與顏說得之。"百倍"者僅言 其倍數之多而已,貧富之懸事實可不止百倍。《通典》引 此文無此句,疑緣不解其義而删去之。

耕田發草上得其數矣

豬飼彦博云:"土"一作"上",《輕重甲》作"躬犁墾田, 耕發草土,得其穀矣",未詳孰是。

沫若案:"上"當爲"土","草土"連文,本書習見。 "數"當爲"穀",《輕重甲篇》文可證,當據改。

人有若干步畝之數數下本

丁士涵云:"矣"字衍。

顔昌嶢云:《通典》引無"矣"字。

計本量委則足矣

安井衡云:本,謂田所生;委,末也,謂人所食。言一人食若干步畝所生之粟,自有定數。計田所生之本,量人所食之末,則其用自足矣。

姚永概云:"委"讀如《禮記》"或原也或委也"之委,本、委相對,尹《注》"委,積也",非。(沫若案:"委,積也",據《漢書注》爲李奇說。)

今君鑄錢立幣作人

王念孫云: "人君"當爲"今君"。此與上文"君引錣量用"云云,皆指桓公而言,非泛言人君也。今作"人君"者, 涉上下文"人君"而誤。尹《注》非。《通典·食貨》八所引亦誤。《輕重甲篇》正作"今君鑄錢立幣"。

人有若干百千之數矣

孫星衍云:《通典》八引作"人有若干百十之數矣"。

王念孫云: "若干"二字涉上文"人有若干步畝之數" 而衍。上文步畝之數無定,故言若干,此既云"人有百十 之數"(舊本十調作千,據《輕重甲篇》及《通典》引改), 則不得更言若干矣。《通典》所引已誤,《輕重甲篇》無"若 干"二字。

顔昌嶢云: 王説誤。此"若干百千"之數與上文"若干 步畝之數"同爲無定之詞。"若干"二字非衍文。"百千", 蓋成數名,猶言若干百若干千也。言人君鑄錢立幣,以爲 民庶交通轉移之用,而人亦各有若干千百之錢矣;然而日 用不足者,幣爲豪富所并也。

然而民事不及者何也是本作人及下

維遹案: "用不足"與"人事不及"義複。"用不足"三字本在上文"然者何也""然"字下,而錯置於此。尹《注》"故人常費不給"正釋"人事不及",則尹所據本不誤。《鹽鐵論・錯幣篇》襲此文作"民事不及,物有所并也",亦無此三字,並其證。

一多案:據《注》"人"當作"民"。《鹽鐵論·錯幣篇》 "交幣通施,民事不及,物有所并也",正作"民事"。"及" 讀爲給。

沫若案: 古人行文自有複語,不必如許所校改。如上文云"然而民有飢餓不食者"亦是複語,蓋既言"飢餓",則"不食"亦可以省矣。然而不省,正自古文樸拙處。《鹽鐵論》則作"民有飢者",省去三字,不能據彼以改此也。

利有所并也排下本

古本無"藏"字,劉本、朱本、梅本同。趙用賢本以下 各本均有"藏"字,同朱本。

劉績云:一本"并"字下有"藏"字。

安井衡云: 古本無"藏"字。

洪頤煊云:《漢書・食貨志》作"利有所并也",《通典》 八引作"利有所藏也",無"并"字。

王念孫云:"藏"字涉上文"穀有所藏"而衍。"并"與 "屏"同,(《弟子職篇》曰"既徹并器",《輕重丁篇》曰"大夫 多并其財而不出",《史記·吴王濞傳》曰"願并左右", "并"皆與"屏"同。)屏卽藏也。上言"穀有所藏",此言"利 有所并",互文耳。《漢書·食貨志》引此,正作"利有所并 也"。《輕重甲篇》曰"有餓餒於衢閭者何也,穀有所藏 也",又云"民有賣子者何也,財有所并也",(《鹽鐵論·錯 幣篇》亦云"交幣通施,民事不及,物有所并也,計本量委, 民有飢者,穀有所藏也"。)則"并"下本無"藏"字,明矣。 據尹《注》云"豪富并藏財貨",則所見本已衍"藏"字。《通 典》引尹《注》"并藏財貨",則所見即是尹本,而又於正文 内删去"并"字,尤非。

分并財制下本

豬飼彦博云:《輕重甲篇》無"利"字,是。

張佩綸云:《輕重甲》作"分并財",又"桓公問於管子 曰,今欲調高下,分并財,散積聚","利"字衍。

沫若案: "利"當爲"制"(古作利),屬下讀,即"制而調 民事也"爲句。

而日爲鑄幣而無已作自

吴志忠云:"自"疑"日"字誤。

尹桐陽云:"雖强本趣耕而自爲","爲"同"鑼",相屬。字一作"鈹",《廣雅·釋地》"鈹,耕也"。《淮南·精神訓注》"臿,三輔謂之爲"。《説文》"蛫,臿屬",則字或以"蛫"爲之。

乃今使民下相役耳

安井衡云:"今"當爲"令",字之誤也。

沫若案:"今"乃"会"(陰)之殘文。《山權數篇》"不備 準,下陰相隸"。

惡能以爲治乎

張佩綸云:《通典·食貨》十二引《管子》此篇作"惡(音鳥)能以爲理",《注》云"人君不能散豪富之積,均有餘以贍不足,雖務農事,督促播殖,適所以益令豪富驅役細人,終不能治理,所謂須有制度於其間,兼輕重之術"。

則市糶無予

豬飼彦博云:予,買也。

俞樾云:《方言》"予,讎也",此"予"字當訓爲讎,讎 即售字。《説文新附》"售,賣去手也",《詩·抑篇箋》云 "物善則其售賈貴",《釋文》云"售本作讎",蓋古"售"字即 以"讎"爲之。此言"無予"即無售也,猶《詩》云"賈用不 售"矣。下文云"穀賤則以幣予食,布帛賤則以幣予衣", 言穀賤則以幣售食,布帛賤則以幣售衣也。兩"予"字亦 當訓讎。

則市糴釜十繦

安井衡云:古本"糴"作"糶"。

然則豈壤固不足而食固不贍也哉壤下本

一多案:"力"字涉下文"半力"而衍。

沫若案:"壤"與"力"乃二事,"力"字非衍。下文"半力",當從俞說,爲"半分"之誤。

物適賤則半力而無予

俞樾云:"無予"之義,已見上矣。"半力"二字義不可通,疑"半分"之誤。下文云"物適貴,則什倍而不可得","半分"與"什倍"正相對。《輕重乙篇》"十倍而不足,或五分而有餘",以五分與十倍相對,義與此近。

吴汝綸云:"半力"當作"半價"。

張佩綸云:《詩·烝民》"威儀是力",《箋》"力猶勤也","半力而無予"言得賈僅及其力之半,斯不償其本矣。 半倍對文。

尹桐陽云:"力"同"扐",數之奇餘也。半扐者謂半 價,或僅得實價之零數也。

沫若案: 俞校"半力"爲"半分",是也。然古人以"分" 爲半,本書屢見,則"半分"者謂四分之一也。

而財之櫎可得而平也

段玉裁云:"櫎"即桃字也,古曠切。

豬飼彦博云:"擴"同"衡",謂財物之價。

安井衡云:"櫎",月平也,君從輕重而歛散之,故月平無太貴賤也。漢世常平倉之法,蓋本於此矣。

維通案: "財"猶泉穀也, 見《周禮·大司徒注》。"櫎" 猶穀賈也, 説詳《巨乘馬篇》。

沫若案: 此處所言一本李悝平糴法,李悝所謂"善平 糴者必謹觀歲。……使民適足,價平則止也"。

以賤泄貴貨本

陶鴻慶云:輕重相劑,正取其平,"以賤泄平",義難通矣。疑"平"當作"貴"。"以重射輕","以賤泄貴"二句相互爲義。下節云"夫物多則賤,寡則貴,散則輕,聚則重",亦以輕重貴賤對言,可證也。……作"平"者,涉下文"准平"而誤。

隨時准平而不變時本

豬飼彦博云:"財"當作"時"。

張佩綸云:"隨財"之"財"當作"時",《漢志》可證。 (《漢書·食貨志下》引此篇文,有"凡輕重斂散之以時則 準平"一語。)

沫若案:豬飼校改"財"爲"時",可從。然當以"時"字 斷句。原文當讀爲"萬物之滿虚隨時,准平而不變,衡絕 則重見","而"亦猶則也。謂准平則物價穩定。豬飼以 "不變衡"爲句,非是。

使萬室之都必有萬鍾之藏藏繦千萬

洪頤煊云:《通典》十、《太平御覽》八百二十三引"繦" 俱作"錣"。《説文》無"錣"字,《漢書·食貨志》作"繦"。

尹桐陽云:"都"《前漢書·食貨志》作"邑",下同。 《文選·蜀都賦》"藏綴巨萬",李善《注》"藏繦,《管子》 之文"。

林圃案:《通典·食货》十二及《册府元龜》五百二引亦作"邑",下同。又"藏繦千萬"下,《通典》有《注》"六斛四斗爲鍾。缀,錢貫"。

夏以奉芸

戴望云:宋本"芸"作"耘"。

黄鞏云:"芸"《食貨志》作"耘"。

林圃案:《通典·食貨》十二引此文"奉"字《注》云"奉 謂供奉",據《漢書·食貨志》乃顔師古《注》。

種穰糧食權本

宋本、古本作"種饟",劉本、朱本、趙本、朱長春本、花 齊本、梅本、姚本、葛本均同。凌登嘉本、張榜本、凌汝亨 本均作"鍾鑲"。

戴望云: 宋本作"種饟",《山國軌篇》尹《注》引此 文同。

洪頤煊云:"鍾鑲"當作"種饟"。《漢書·食貨志》引 此作種饟。師古曰"種,五穀之種也"。《山國軌篇》尹 ≪注≫亦作"種饟糧食"。

宋翔鳳云:宋本作"鍾",是也。"糧"宋本作"粮",當是"粮"字。

一多案: 顏師古云"種,五穀之種也。饟字與餉同,謂 餉田之具也"(見《漢書·食貨志注》)。如顏說,則饟與糧 食何異? 今案字當作"穰"。《爾雅·釋草釋文》引《三蒼》 "瓤,瓜中子也",《正字通》"穰與瓤通,凡果實中之子曰屖 穣",是草木之子在瓜曰瓤,在禾曰穣。"種穣"卽種子耳。

然則何若養其本謹也若本

戴望云:"何"字即"則"字之誤而衍者。

李哲明云:"君"疑當爲"目",古以字,形似而訛。"本 謹"當作"本委"。"本委"者勤於本務所委積之物也,互見 上下文。下文云"彼人君守其本委,謹而男女",謹字涉此 而衍。傳寫者併"本委謹"於此文,又不刊"謹"而刊"委", 因致誤耳。

維適案:"君"疑"若"之譌。

沫若案:"君"乃"居"字之誤,"何居"猶何故也。

故人君御穀物之秩相勝

張榜云:"秩"宜作"迭"。

王念孫云:"秩"讀爲迭,迭,更也。穀貴則物賤,穀賤則物貴,是穀與物更相勝也。《集韻》,迭秩並徒給切,聲相同,故字相通。尹《注》非。

宋翔鳳云:秩,次也,謂穀物以次第相勝。

以正人籍謂之離情以正户籍謂之養贏

姚永概云:"以正人籍",計口而籍之也。計口,則人無免者,故曰"離情"。"以正户籍",計户而籍之也。計户,則大户口多者利矣,故曰"養贏"。

沫若案:《海王篇》"藉於人,此隱情也",《輕重甲篇》 "藉於萬民,是隱情也",彼二篇言"隱情",此言"離情",離 與隱可爲互訓。蓋隱則離,離則隱矣。意謂使人絕離情欲 也。又"贏"當爲"贏",五藉均言其害。姚以"大户口多者 利"解之,然於貧户,則不問口之多少而更益其貧,故曰 "養羸"也。

五者不可畢用故王者徧行而不盡也

豬飼彦博云:"编"當作"偏"。

張佩綸云:《孟子》曰"有布縷之征,栗米之征,力役之征,君子用其一,緩其二,用其二而民有殍,用其三而父子離",即"五者不可畢用"之意。"徧行",《通典》〔《食貨》十二〕作"偏行",非是。

中歲之穀糶石十錢

宋翔鳳云:案《管子》所言,皆以錢幣御輕重之法。古者錢重,故"中歲之穀糶石十錢",言有錢十可糶穀一石,《輕重丁篇》曰"齊西水潦而民飢,齊東豐庸而糶賤",又言"齊西之粟釜百泉(即錢字),則鏂二十也,齊東之粟釜十

泉,則鏂二錢也。請令籍人三十泉,得以五穀菽粟決其籍,若此,則齊西出三斗而決其籍,齊東出三釜而決其籍"。案"籍"通"藉",借也。蓋齊西釜百泉,以三十泉借人,而取其三斗,則泉散下而可糶;齊東釜十泉,以三十泉借人,而取其三釜,則粟收於上而糶平。然後劑其多少,則貴者可賤,賤者可貴,所謂輕重之權也。《注》謂每石取其利十泉,所説大謬。《漢書·食貨志》李悝亦言"粟石三十錢",時蓋用大泉,而未鑄輕泉,故貴重若此。後秦鑄筴錢,則米至石萬錢矣。《趙充國傳》"民守保不得田作,今張按以東粟石百餘",師古《注》"謂其直錢之數,言其貴"。《充國傳》又云"今城湟中穀斛八錢",此言其賤。可知漢時穀直與春秋大略相等,無過石百錢者也。《山至數篇》言"彼諸侯之穀十,使吾國穀二十,則諸侯穀歸吾國矣;諸侯穀二十,甚國穀十,則吾國穀歸於諸侯矣",亦謂穀石則十錢或二十錢也。

安井衡云:上文云"歲適凶,則市糶釜十繦",然則中 歲十石之價,不止十錢,蓋亦謂所加之邪贏,故名"藉"耳。 吾子有四十之籍

林圃案:《通典·食貨》十二引此文有《注》"六十爲大男,五十爲大女,吾子爲小男小女也"十八字。

收穑而户籍也

古本"穑"作"檀",各本同。趙本作"啬"。《通典·食 货》十二引作"穑"。 丁士涵云:"收"疑"畝"字誤。

彼人君守其本委謹

古本、劉本作"守",朱本作"收",趙用賢以下各本均作"守"。

戴望云: 宋本"守"作"收"。

一人廩食十人得餘

何如璋云: 廩, 積也, 一人積之, 十人得仰其餘。百人千人視此。言儲蓄之要也。

張佩綸云: "廩","稟"之誤。《説文》"稟,賜也"。此 就上農夫食九人計之。一人之賜穀,十人得餘;十人之賜 穀,百人得餘;百人之賜穀,千人得餘。一説:廩,藏也。 此釋上穀有所藏。言一人所藏之食,散之則十人得餘;十 人所藏之穀,食百人得餘;百人所藏之穀,食千人得餘。

夫物多則賤寡則貴散則輕聚則重人君知其然故 視國 之羨不足而御其財物穀賤則以幣予食布 帛 賤 則 以 幣 予衣視物之輕重而御之以准故貴賤可調而君得其利

劉績云: 《通典注》"穀賤則以幣與食,布帛賤則以布 帛與衣者,與當爲易,隨其所賤而以幣易取之,則輕重貴 賤由君上也"。

張佩綸云:《通典·食貨》十二引《管子》此篇云:《管子》曰"夫物多則賤"至"則君得其利"下有"則古之理財賦未有不通其術焉"。《注》"穀賤以幣與食,布帛賤以幣與

衣者,'與'當爲'易',隨其所賤而以幣易取之,則輕重貴 賤由君上也。《周易·損卦》六五云'或益之十朋之龜,弗 克違,元吉',沙門一行《注》曰'十朋者,國之守龜象社稷 之臣,能執承順之道,以奉其君,龜之爲物則主人之重寶, 爲國之本。損而奉上則國以之存,損而益下,則人以之 存。明於法則調盈虚,御輕重中和之要,若伊尹、太公、管 仲之所執。夫龜者上達神祇之情,下乃不言而信於人也, 斯故往者用之爲幣',則一行深知其道矣。"百餘字。劉績 本引《通典注》"穀賤"至"由君上也"三十七字補,王懷祖 《雜志》未引。

前有萬乘之國而後有千乘之國

沫若案: 古人坐北向南,故以東爲左,以西爲右。此 "前"當指南,"後"當指北。北亦與背通。

四面受敵謂之衢處之國本無處

張佩綸云:《輕重甲篇》"桓公欲賞死事之後曰:吾國者,衢處之國",《地數篇》"夫齊,衢處之本,通達所出也"。

維遹案: "謂之衢國"當作"謂之衢處之國"。《輕重甲篇》"桓公欲賞死事之後曰,吾國者衢處之國",《地數篇》 "夫齊衢處之本,通達所出也"。

謂之託食之君

戴望云:宋本"託"作"記",誤。

張佩綸云:《輕重丁篇》"然則吾非託食之主耶?" 千乘衢處壤削太半萬乘衢處壤削少半本之易

安井衡云: 萬乘之削多於千乘,壤廣,力不能周也。 張佩綸云: 太半、少半當互易。

陶鴻慶云:"少半""太半"當互易。上文云"以百乘衢處謂之託食之君",明國愈小則削愈易也。

厄懾圍阻千乘萬乘之間原本

張佩綸云:《論語》"子路率爾而對曰: 千乘之國攝乎 大國之間",包氏曰"攝,攝迫乎大國之間也"。

一多案: "危"當作"厄",字之誤也。《專語篇》"秦奢之數不可用於厄隘之國", "厄"亦誤作"危"。厄、阨通,阨、隘同。《荀子·禮論篇》"不至于隘懾傷生","厄懾"即"隘懾"也。"厄懾"猶夾持也。"厄懾圍阻千乘萬乘之間",猶言夾持包圍於大國之間耳。

夫國之君不相中

豬飼彦博云:"國"上疑脱"四"字。"中"猶和也,言四 方之國不相和。

王念孫云: "夫國"當爲"大國", 此涉上"夫"字而誤。 大國卽千乘萬乘之國,"不相中",不相得也。(《史記·封 禪書》"康后與王不相中",《索隱》引《三倉》云"中,得"。)

一多案: 夫、大古字通。《大鼎》"膳夫"作"善大",《夫

差鑑》"夫差"作"大差",《大良造鞅量》"齊□卿大夫衆來聘",《秦刻石》、及《上□令大夫鉥》"大夫"並作"夫="(夫字帶重文符),《易·比彖》"後夫凶",于省吾云"卽大凶",並其證。此"夫國"卽大國也,不必改字。

有功利不得鄉 作 期

宋本、古本作"鄉",劉本、朱本、趙本、朱長春本、凌汝 亨本、梅本、葛本同。花齋本、姚本作"卿"。

劉績云:"鄉"一作"享"。

豬飼彦博云:"卿"當作"慶",幸也。

宋翔鳳云:"鄉"當讀爲"饗",亦通享。言有功利而己 不得享受其功利也。

陶鴻慶説同。

沫若案: 古者卿、鄉爲一字,而鄉字後起。豬飼讀"卿"爲"慶",較長。

分壤而封 是壤地盡於封賞工封字本作功

戴望云:"功"字絶句。(上句)

張佩綸云: "分壤而功" 爲句。趙本以"分壤而功列 陳"爲句,梅本以"分壤而功列"句,皆非。

一多案: "功"爲"封"之譌,草書形近。《山至數篇》 "大夫裂壤而封"。

沫若案:原文爲"大臣死於外,分壤而功;列陳繫累獲 虜,分賞而禄;是壤地盡於功賞,而稅臧殫於繼孤也"。大 臣既死於外,則得分壤者爲其後人。是則"分壤而功"乃言對如此之功予以壤地;"分賞而禄"乃言對如此之勞予以實賜也。故曰"壤地盡於功賞,稅藏殫於繼孤"。"而"同"爾許"之爾,"功"字無誤。

列陳繫纍獲虜

古本"繫"作"係",劉本、朱本同,趙用賢以下各本均作"繫",同宋本。

戴望云:宋本"繁"作"係"。

張佩綸云:《輕重甲篇》"臣不爲忠,…… 士不死其列陳","大臣執於朝,列陳之士執於賞",皆"列陳"與"大臣"對舉,"列陳"即"列陳之士"。

一多案:"陳"讀爲陣。

分禄而賞常布保分

豬飼彦博云: 疑當作"分禄而賞"。

陶鴻慶云: "分賞而禄"當作"分禄而賞", 下文"壤地 盡於功賞,而稅臧殫於繼孤",即承此文言之。

沫若案:豬飼與陶説不可從,說見上。

而税臧殫於繼孤也

古本"臧"作"藏", 劉本、朱本、梅本、姚本同。趙本、 凌登嘉本、朱長春本、凌汝亨本、花齋本、姚本、葛本均作 "臧",同宋本。

安井衡云: 古本"臧"作"藏"。

維遹案:"臧"古"藏"字。"殫"亦盡也。

是特名羅於爲君耳

豬飼彦博云:羅,列也。

張佩綸云:《廣雅·釋詁》一"羅,列也"。

何壤之有作無

張佩綸云:"無壤之有"四字衍文。

一多案:"無"當作"何"。

沫若案: "無壤之有"非衍文,亦無誤字。原文已解釋明白,即"號有百乘之守,而無尺壤之用"也。

故謂乙託食之君本無上

一多案: "謂"下捝"之"字,上文"以百乘衢處謂之託食之君"可證。

然則大國内款小國用盡何以及之及本作反

宋本作"反",古本、劉本、朱本、趙本均作"及"。下文 "百乘可及",宋本、趙本作"及",古本、劉本、朱本則作 "反"。

豬飼彦博云:及,猶足也,下曰"百乘可及"。

丁士涵云: "及"乃"反"字誤。古"返"字作"反"。下文"然後百乘可及也",亦當作"反"。元本、朱本正作"反", 是其證。

陶鴻慶云: "及"字無義,疑爲"支"字之誤。《國語·越語》"皆知其資財不足以支長久也",章《注》云"支,堪也"。

"何以支此"者,何以堪此也。下文"然後百乘可及也", "及"亦當作"支"。

尹桐陽云:"内款",内空也。

維遹案: "内",古"納"字。《漢書·司馬遷傳注》引服 虔曰"款者,空也"。趙本、《纂詁》本"反"作"及",疑"及" 字是,"及"與"給"通。

一多案: 許説是也。"此"當爲"之"。"款"與"窾"通 財用殫盡,故曰"何以給之"。上文"然而民事不及者何 也"亦卽民事不給。下文"然後百乘可及也"與"然後千乘 可足也","然後萬乘可澹(贍)也"並舉,"可及"亦卽可給。 上問"何以給之",下言"百乘可給"、"千乘可足"、"萬乘可 贍",語正相應。

官賦軌符

馬元材云: "軌符"謂法定之借券(包括借錢與借物)。 其非國家所發行者則但言"符"。《輕重乙篇》"百符而一 馬"是也。

乘四時之朝夕

安井衡云:"朝夕"猶貴賤也。物從四時而貴賤,故云"四時之朝夕"也。

何如璋云:"朝夕"猶上下也。

尹桐陽云:"朝夕"猶漲落也,今字作潮汐。《文選》枚叔《上書諫吴王》"游曲臺,臨上路,不如朝夕之池"。蘇林曰"以海水朝夕爲池"。

維遹案:"朝夕"猶豐歉也。

千乘之國封天財之所殖

安井衡云:封者,專利自私,不與民共之也。天財,財之不假人功而生者,金銀珠玉竹石草木之屬皆是也。

戴望云: 當作"千乘之封國", 今本誤倒。

何如璋云: "天財"之"財"爲"材",方與下文不複。《荀子·疆國》"其國險塞,形勢便,山林川谷美,天材之利多,是形勝也",可證。"天財所殖"三句,謂山澤有利者封禁而守之,以所出之財物與歲之滿虚相乘。

尹桐陽云: 封,界也。爲界而使民不敢侵。《地數篇》 曰"苟山之見榮者,君謹封而祭之"。

顔昌嶢云: 戴説誤,封字貫下三句讀。《左傳》"宿敢不封殖此樹",杜《注》"封,厚也"。此言天財之所殖、械器之所出、財物之所生,皆封厚之,然後千乘可足也。

一多案: 封、邦古通,此蓋一本作國,一本作邦,寫者並存之,後又改邦爲封也。《立政篇》"修火憲,敬(儆)山澤,林藪草木,天財之所出,以時禁發焉",是"天財"謂樹木。"天財之所殖",猶言樹木之所蕃殖也。《荀子·彊國篇》"山林川谷之美,天材之利多",材、財同。

沫若案:以何、尹説爲是。《立政篇》云"以時禁發", 即此"封"字義。聞氏未見何、尹二氏説,故失之一間耳。

視歲之滿虚而輕重其禄

安井衡云: 滿虚,猶豐凶也。輕重其禄者,蓋准幣

賦之。

何如璋云:"輕重其禄","禄"當作"準",上下文可證。

張佩綸云:《周禮·天府》"若祭天之司氏司禄",《注》 "禄之言穀也",《論語》孔、鄭《注》,《詩》毛《傳》鄭《箋》 "穀,禄也"。輕重其禄,所謂諸侯籍於穀也。

然後萬乘可澹也擔本

王引之云: "資"乃"澹"之誤字。說詳下《山權數篇》 "相困揲而涤"條下。

玉起於禺氏

何如璋云: "禺"古通"虞",當即《小匡》之西虞,殆今于闐地。《山海經》"夸父不量力,欲追日景,逮之於禺谷",《注》"禺淵,日所入也。今作虞"。

維遹案: 禺氏即月氏,以産玉稱,見《山海經・海内東經》。《御覽・珍寶部》九引"氏"下有"山"字,蓋據《揆度篇》增。

沫若案: 許謂"禺氏卽月氏,以産玉稱,見《山海經· 海內東經》",查《海內東經》只見"月支之國"之名,並不言 其産玉。以禺氏爲月氏,說本何秋濤。今考王國維《觀堂 别集補遺》有《月氏未西徙大夏時故地考》亦以禺氏爲月 氏,並詳言禺氏所以産玉之由,而及於《管子·輕重》諸篇 之年代。其說甚可重視,今整録之如次:

"周末月氏故居,蓋在中國之北, «逸周〔書〕·王會 解》,伊尹獻令,列禺氏於正北,《穆天子傳》'己亥,至于 焉,居禺知之平',禺知亦即禺氏,其地在雁門之西北,黄 河之東,與獻令合。此二書疑皆戰國時作,則戰國時之月 氏,當在中國正北。《史記·大宛列傳》始云'月氏居敦煌、 祁連問',則已是秦、漢間事。又云'月氏爲匈奴所敗,乃遠 去,過宛西,擊大夏而臣之,遂都嬀水北,爲王庭,其餘小 衆不能去者,保南山羌,號小月氏'。考月氏爲匈奴所敗, 當漢文帝四年,而其西居大夏,則在武帝之初,然則月氏 既敗於匈奴以後,徙居大夏以前,果居於何處乎。近日東 西學者均以爲在伊犁方面,其所據者《大宛列傳》中單于 言'月氏在吾北'一語也。然單于之言未必審方位,卽以 伊犁當之,亦在匈奴之西,不得云北也。案《管子・國蓄 篇》云'玉起於禺氏',《地數篇》云'玉起於牛氏邊山',《揆 度篇》云'北用禺氏之玉',又云'玉起於禺氏之邊山,此度 去周七千八百里',又《輕重甲篇》云'禺氏不朝,請以白璧 爲幣平,崑崙之處不朝,請以璆琳琅玕爲幣乎',又云'懷 而不見於抱,挾而不見於掖,而辟七金者,白璧也,然後八 千里之禺氏可得而朝也; 簪珥而辟千金者, 璆琳琅玕也, 然後八千里之崑崙之虚可得而朝也',《輕重乙篇》云'金 出於汝、漢之右衢,珠出於赤野之末光,玉出於禺氏之旁 山,此皆距周七千八百餘里'。皆以禺氏爲産玉之地。余疑 《管子・輕重》諸篇漢文、景間所作,其時月氏已去敦煌、 祁連間而西居且末、于闐間,故云'玉起於禺氏'也。 蓋月

氏西徙,實由《漢書·西域傳》之南道,其餘小衆留保南山,一證也;其踰葱嶺也,不臣大宛、康居而臣大夏,二證也;(《西域傳》:南道西踰葱嶺,則東爲月氏、安息。)其遷徙之迹與大夏同(《大唐西域記》:于闐、尼壤城東行四百餘里,有覩貨邏故國。)三證也。則月氏東去敦煌、祁連間之後、西居大夏之前,其居必在且末、于闐間,從可知也。以前從無留意於《管子》之紀事者,故略綴數語以記之"。

距周七千八百里

安井衡云:《揆度篇》"北用禺氏之玉",則禺氏在北,赤野蓋在崑崙虚之西,此二者未詳遠近。汝、漢近在荆、徐之間,與周相距固無七千八百里之遠,舟車相通,未嘗水絶壤斷。大抵《輕重》諸篇,尤多妄論,皆不足辨也。

張佩綸云: 《通典·食貨》八作"七八千里"。

一多案: 周,圓周也。"距周"謂自圓心至圓周之距離,算學家所謂半徑者是也。

先王爲其途之遠

張佩綸云:《通典・食貨》八引無"先王"字。

食之則非有補於飽也

沫若案: 抄本《册府元龜》五百一唐玄宗開元二十年 劉秩議引作"舍之則非有損於飽也",於義較長。蓋三幣 ——珠玉、黄金、刀布,均不可食。 而平天下也是以命之巨獨獨者使物日高日下不得有調也本無此

劉績云:《通典》引此"天下也"下有"是以命之曰衡, 衡者使物一高一下,不得有調也",《注》"若五穀與萬物 平,則人無其利,故設爲上中下之幣而行輕重之術,使一 高一下,乃可權制利門,悉歸於上"。

王念孫云:《通典·食貨》八引此"平天下也"下有"是以命之曰衡,衡者,使物一高一下,不得有調也"十九字。 又引尹《注》云"若五穀與萬物平,則人無其利,故設上中下之幣而行輕重之術,使一高一下,乃可權制利門,悉歸於上",今本正文《注》文皆脱去。

張佩綸云:劉本已補,梅本因之。《輕重乙篇》"衡者使物壹高壹下,不得常固",下無《注》。《食貨》八總論又引管仲曰"三幣,提之非有補於温飽也,捨之非有切於饑寒也,先王以守財物,以御人事,而平天下也,命之曰衡。衡者,使物一高一下,不得有常,故與奪貧富皆在君上。是以人戴君如日月,親君若父母,用此道也"云云,至"強兵者哉"止。其錯綜《管》書次第,一本劉秩之議。今以《通典注》附著《輕重乙篇》而詳辨於此。

沫若案:上引抄本《册府元龜》劉秩議引作"是以命之 日衡。〔衡〕者使物一高一下,不得有常。故與之在君,奪 之在君。是以人戴君〔如〕日月,親君如父母,用此術也, 是謂之主之權"。"不得有常",與《輕重乙篇》"衡者使物 一高一下,不得常固"相合,較《通典》所引"不得有調"爲 長。其下"與之在君,奪之在君"等語見本篇上文,而有所 損益,疑劉秩引文僅出於記憶而然。

林圃案: 此條見劉績《補注》, 王在劉績後,且曾見劉本,乃標爲己說。顔昌嶢《管子校釋》稿本,同以己說出之,殊爲可異。又《通考》引此文亦有此十九字,與《通典》同。

山國軌篇第七十四

何如璋云:"山"字無義,當是"官"字。文中桓公問官國軌可證。官者,設官治事以立軌數也。

張佩綸云:《說文》"軌,車徹也",《華嚴經音義上》引《國語》賈《注》"軌,法也",《左氏》隱五年《傳》"講事以度軌量謂之軌"。此言國用皆有法,如車之有徹。通篇但言國軌,未嘗專指山國,與"山權數"、"山至數"之"山"字均不可解。

毓棠案: "山"疑是"上"字之誤。"上"通"尚"。"山國 軌"、"山權數"、"山至數"皆猶《墨子》之"尚賢""尚同"。 《墨子》"尚賢"、《淮南・氾論篇》及《漢書・藝文志》皆作 "上賢"。

沫若案: "山國軌"、"山權數"、"山至數"之"山"字均 衍文。蓋古之校書者,在篇首所劃之符號,抄書者以其形 類"山"字,故被羼入篇名耳。本文主旨,在運用貨幣價值 以調劑物資而均齊貧富。穀物貴時,在上者貸幣於富家, 待豐收時准賤價而收穀,故收穀甚多,多至十倍。復設法 提高穀價,散出官家所有之穀以吸收遊資,使"國幣之九 在上而一在下"。如此循環,使國之財富動增十倍。於是 富民無法兼併,貧民則沾受惠澤,而貧富可齊。終始循環而倍加國利,故謂之"國軌"也。

人事有軌幣有軌鄉有軌縣有軌鄉有軌上字上

張佩綸云:"鄉有軌"句似當在"縣有軌"上。

終歲績其功業若干

宋翔鳳云:宋本無"若干"二字。

戴望云: 宋本無"若干"二字。

以功業直時而櫎之

安井衡云:"直",當也。

終歲人已衣被之後作若

宋翔鳳云:"已衣"宋本作"若衣"。

一多案: 趙本"若"作"已", 是。此涉上下文"若干" 而誤。

沫若案: 宋楊忱本、古本、劉本、朱本均作"已",朱所謂"宋本"殆墨寶堂本。

有竹前檀柘之壤

金廷桂云:《周禮·春官·巾車》"木路前樊鵠纓", 《注》"前讀爲翦"。《集韻》"箭"或作"翦"。《釋名·釋兵》 "翦,刀翦進也。所翦稍進前也"。又"箭,進也"。《莊子· 人間世》"且幾有翦乎",《釋文》"崔本作前"。然則前與 翦、箭本通用。

有氾下漸澤之壤

尹桐陽云: 氾,汙也。漢《孔彪碑》"皭然氾而不俗"。 漸,濕也。澤,潤也。《穆天子傳》"天子北還, 釣于漸澤, 食魚于桑野"。《六韜·戰車》"氾下漸澤,黑土黏埴者,車 之勞地也"。

一多案:《方言》三"氾、浼、灛、洼,洿也。自關而東或 曰洼,或曰氾"。《廣雅·釋詁》三"氾,污也"。氾爲污穢 之污,亦爲污下之污。此與《山至數篇》"有氾下多水之 國","氾下"皆謂污下也。

君皆善官而守之

維遹案: "善"讀爲繕, 《説文》"繕, 補也", "補"與"布"通。《韓詩外傳》"八百官補而不制", 《穀梁》襄公二十四年《傳》"補"作"布", 是其例。然則"善官"猶布官, 其義爲設官吏耳。

沫若案: 許解迂曲。"善"乃副詞,"官"猶管也。

十鼓之壤

古本、劉本、朱本作"十畝",宋楊忱本、趙本作"十鼓"。

宋翔鳳云:"十畝",宋本作"十鼓"。

張佩綸云:鄭《禮記注》"量鼓,量器名",《釋文》"樂浪 人呼容十二石爲鼓"。案: 陸氏所引乃樂浪一隅之稱,不 足以槩周秦之世; 畝收十鼓,極言其地之腴、獲之厚。

馬元材云:"畝十畝之壤"下畝字當依宋本作"鼓"。 《地數篇》"民有百鼓之粟者不行",彼處尹《注》云"鼓,十二斛也"。"畝十鼓"謂每地一畝可收粟十鼓。猶《史記• 貨殖傳》"畝鍾之田"矣。

民有通移長力循本

王念孫云:"過"當爲"通"。《地數篇》、《輕重甲篇》作 "通移",《國蓄篇》作"通施","施"與"移"同。

沫若案: "民"指富民而言。"長力"疑爲"長刀"之誤。 《國蓄篇》"黄金刀幣,民之通施也",又云"人君鑄錢立幣, 民庶之通施也"。《輕重甲篇》則云"今君鑄錢立幣,民通 移"。是則民所通移者乃刀幣也。齊之法幣作長刀形,故 稱之曰"長刀"也。

不陰據其軌者下制其上者本

古本"皆"作"者",劉本、朱本同。趙用賢本以下各本均作"皆",同宋本。

安井衡云: 古本"皆"作"者"。

戴望云:元本"皆"作"者"。

此若言何謂也

一多案: "此若"複語, "若"亦"此"也。 «地數篇»"此 若言可得聞乎", «輕重丁篇»"此若言曷謂也", «墨子・尚 賢篇》"此若言之謂也",《節葬篇》"以此若三聖王者觀之",又"以此若三國者觀之",《荀子·儒效篇》"此若(今 調作'君',从王念孫校改)義信乎人矣",《禮記·曾子問》"以此若義也",《史記·蘇秦傳》"王何不使辯士以此若(今調作'苦',从王改)言説秦",皆"此若"二字並用。

謹行州里

吴汝綸云:"行"當作"徇"。

馬元材云: "行"即下文"行田疇"之行。此例甚多,吴 説失之。

維遹案:"行"猶巡視,非誤字也。

曰田若干人若干人衆田不足食若干^{足本}曰田若干餘食 若干

丁士涵云: 下"曰田若干"四字,疑涉上文而衍。"人 衆不度食若干"者,食不足於其人也。"餘食若干"者,田 之有餘於其人食也。

安井衡云:"人衆,田不度食若干",人衆而田少,穀不布所食若干也。

俞樾云: "不度食"當作"不足食",涉上文"終歲度人食若干"而誤也。下文云"終歲其食不足於其人若干",可證。

張佩綸云:"人衆"句,"田不度食若干",言農女皆衆,

則田不度其食若干,但計其所餘之食若干。此"人衆"與下"大家衆,小家寡"對勘自明。《大學》所謂"爲之者衆·食之者寡"也。

一多案: 下"曰田若干"四字非衍文。疑此下捝"人若干人寡"五字,詳上下文義自明。

此調之泰軌也

豬飼彦博云:"調"疑當作"謂"。

李哲明云:"調"疑當爲"謂",涉下"調立"而訛。

調立環乘之幣

安井衡云:環,繞也,乘,因也。"環乘之幣",即《臣乘 馬》幣穀相准之法也。

馬元材云: 鼂錯《言當世急務》二事"調立城邑,毋下千家",師古曰"調,謂算度之也"。"環乘之幣"疑即《山至數篇》"幣乘馬"之意,所謂"布幣於國,幣爲一國陸地之數"者也。

沫若案: "環乘之幣",就文中所叙者而推之,當是循環流通之意。本書屢言"乘馬"即喻流通,蓋古代陸上交通莫便於乘馬,故以之喻貨幣之流通也。環則週而復始,流通不斷也。

田軌之有餘於其人食者謹寄公幣焉常太大家衆小家寡

丁士涵云:"田"疑"曰"字誤。

張佩綸云:田軌,上文所謂"田有軌"也。

陶鴻慶云:"謹置公幣焉","置"當爲"寄",涉下文"則 置公幣焉"而誤也。謹寄公幣者,謂以公幣暫寄於民,而 以大家小家别其多寡,故下文云"重歲豐年五穀登,謂高 田之萌曰:吾所寄幣於子者若干"云云,即承此而言。蓋 高田有餘食,則寄幣於民爲歛穀之備;間田山田食不足, 則置幣於公以爲振贍之需也。此誤作"置",則非其旨矣。

一多案:"田"字不誤,田軌與人食對舉。

沫若案:"置"字不誤,預置之,亦猶寄也。不應改字。

山田間田田市本

丁士涵云:"山田"上脱謂字,下文"謂高田之萌曰"。 安井衡云: 間田,中田也。

一多案: 丁説非是。"日"即"田"之誤而衍。

以滿其准重歲豐年五穀登

安井衡云:重歲,比年也。

維遹案:"准重"連文,本書無此例。疑"重"字涉上下文而衍。(德鈞案:各本皆從"准"字斷句,"重"屬下讀。 許氏自以"准重"連文,又從而駁"無此例",是謂作霧自 迷。)

沫若案:"重歲"謂次年也。

謂高田之萌

劉績云:萌,田民也。

鄉穀之櫎若干請爲子十減三穀爲上幣爲下

安井衡云: 櫎,時價也。豐年穀賤,爲減寄幣什分之三,欲多致穀也。

張佩綸云: 什減三, 謂以所寄公幣, 歸幣十之七, 歸穀十之三, 豐年穀賤, 准價必輕, 以備凶歲出之。

沫若案:鄉擴應比市擴國擴低。但因豐收,且係預約 之故,穀價應減,故請減十分之三。去歲所置幣,以還穀 爲上,還幣爲下。高田之萌有穀,自應還穀而不還幣。然 以穀價折合,所得之穀,卽除去施予山田之幣,較去歲可 得之穀猶多十倍也。

高田撫問田不被穀十倍山田以君寄幣振其不 贍 未 淫 失也^{不被上本}

古本"失"作"决",乃"泆"字之誤。

戴望云: 元本"失"作"泆"。

丁士涵云: 當讀"高田撫間田"句,"不被穀十倍"句, 衍"山"字,"山田以君寄幣"句,"撫",抵也。以高田抵問 田,間田之不被穀者相去十倍也。山田不被穀,更不止十 倍,故寄幣以振之。下文云"周岐山至於峥丘之西塞丘 者,山邑之田也,布幣稱貧富而調之",是其證。下文又云 "周壽陵而至少沙者,中田也,振之以幣",是中田亦寄公 幣。上文云"山田間田曰終歲其食不足於其人若干,則置 公幣以滿其准",是其證。"失",古"佚"字。 張佩綸云: 《説文》"撫,安也,一曰循也"。以高田之所得,撫安閒田。被,覆也。山不能覆穀之處,其苦更十倍山田,則以公幣振之,視山田之惠未爲過當。《吕覽・古樂》高《注》"淫,過也。"

顔昌曉云:"山不被穀","山"字衍文,是也。"間田"即中田也。"撫"訓安撫、撫卹之撫,下文"三壤已撫而國穀再十倍",與此"撫"字同義。"高田"即《乘馬數篇》所云"上臾之壤"也。"高田撫間田"即《匡乘馬篇》所謂"以上壤之滿補下壤之虚"也。

一多案: 疑本作"問田撫山田", 殘缺僅存一"山"字。 此謂以高田抵問田,不被之穀十倍,以問田抵山田,不被 之穀亦十倍,言高田所產超出問田十倍,問田超出山田十 倍,是高田超出山田二十倍也。"失"通"泆", 泆卽溢字。 淫溢皆滿也。

沫若案:"山"字非衍文,"山"下奪一"田"字耳。撫,補也。被,及也。"被"字斷句,言以高田之豐收與置幣換穀之贏餘補間田山田之不及,穀猶較去歲超過十倍。山田即以往歲所置幣施予之,亦無損失。

女貢織帛

張佩綸云: 貢、工通, 《易·繫辭傳》"六爻之義易以 貢",《釋文》"貢,京、陸、虞作工,荀作功"。

皆置而券之

安井衡云: 合於國所供用者,皆留而券之,不卽予直。

尹桐陽云:置,值也。券若今期票。《墨子·號令》"叔 粟米布錢金出納畜産,皆爲平直其賈,與主人券書之"。

以鄉擴市准

沫若案: "鄉擴"當是鄉穀之價。預定女工之織帛而 以穀價爲准者,《國蓄篇》云"五穀者萬物之主也,穀貴則 萬物必賤,穀賤則萬物必貴"。古人行實物交易,穀與帛 之間必有一定之比值,亦可准穀價而折合幣值也。

環穀而應簽國奉決穀反准賦軌幣穀廩重有加十

丁士涵云: "筴"字屬上讀,即下文云"環穀而應假幣也"。"國奉決穀"言國用發之以穀也。上文云"女貢織帛苟合於國奉者"即國用也。反,還也。"還准賦軌幣"即所謂以穀准幣也。上文"山田間田置公幣",高田置幣而償,穀坐長加十。此又以穀准幣,國奉決穀以應幣,故穀廩之重又加十也。"有"與又同。

張佩綸云: 女功合於國奉者,先於立券,以穀就當日 市價決之; 及其入於國奉也,則按貢賦之常法准之,出穀 入幣,使廩人之數又加十倍之利。

沫若案: "環敷而應筴"者, 筴卽券也。言照預約之券以穀支付。"國奉決穀"者, 國用之帛一以穀決算之。其結果以賤價之穀易得多量之帛。其所多得之帛, 如反照現價核算時,則應多付出穀物十倍。既少付出穀物十倍,則是穀廩又增加十倍。

上且脩游人出若干幣

古本作"上且隣循游",劉本、朱本同,趙用賢本以下 各本均作"修游"。

趙用賢云:一本作"上且鄰循"。

戴望云: 元本"修"作"循"。

丁士涵云:"修"當爲"備"。"游人",游士也,具游士出若干幣,計直以假穀也。

張佩綸云:《禮記・中庸》鄭《注》"脩,治也"。"游人" 當爲"游民"。《周禮・載師》"凡宅不毛者,有里布,凡田 不耕者出屋粟,凡民無職事者出夫家之征。"

尹桐陽云: "上且修游",游謂游觀之處,若離宫然。 《周禮·天官·序官》"閣人,王宫每門四人,囿游亦如之"。《前漢書·地理志》"堯作游成陽"。

一多案:此當讀"上且循游"句,"人出若干幣"句。 "循"與"巡"通,"循游"即巡游也。《白虎通·巡狩篇》"巡 者,循也",《華嚴經音義上》引《珠叢》"循,巡也"。

沫若案: 古本、劉本、朱本作"上且隣循游",則"循"字當即"縣"字之誤,古文縣或作櫓(金文《縣妃殷》),故致誤也。上且巡游隣縣,故下文有"謂隣縣曰"云云,又有"隣縣四面皆櫎",預爲之準備也。

有實者皆勿左右

安井衡云: 實,穀實也。勿左右,不許出糶也。

張佩綸云:《國語·晉語》"而又受其實",《注》"實,穀

也"。《禮記·表記注》"實,謂財貨也"。"勿左右",謂勿假貲於左鄰右鄰也,官且自假之。

一多案:《楚語》"令尹問蓄聚積實",《左傳》文十八年 "聚斂積實,不知紀極",韋、杜《注》並云"實,財也"。《周 禮·士師》"以左右刑罰"《注》"左右,助也"。

沫若案:"勿左右",謂勿游移也。

不贍則且爲人馬假其食陉民本無

張佩綸云: 凶年馬不秣栗,此"食"兼米、芻言之。舊 以"假其食民"爲句,非是。

一多案:《山至數篇》"士受資以幣,大夫受邑以幣, 人馬受食以幣",似"人馬"謂人君。蓋人君尊,不敢指 斥,故稱"人馬",猶後世稱天子爲"乘輿""車駕"也。《獨 斷律》曰"敢盜乘輿服御物"謂天子所服食者也。天子至 尊,不敢渫瀆言之,故託之於"乘輿"。《韓策》"臣請獻白 壁一雙、黄金十溢,以爲馬食"。此曰"且爲人馬假其食於 民"即爲人君假其食於民也。"於"字舊捝,今依文義補。

沫若案: 聞解"人馬"過於迂回,上既將出游,自有從游之人與馬。"民"謂富民也,即上文所謂"大家"、"委貲家"或"有實者"。

鄰縣四面皆擴

沫若案: 依下文"百都百縣軌據",此"櫎"字當爲"據" 字之誤,言遵照上命也。

貲家假幣皆以穀准幣直幣而庚之穀爲下幣爲上

安井衡云: 令曰: 貲家所假貸之幣,以穀價准幣數,與 所假貸之幣,相直而償之。於是穀爲之下流,幣爲之 上人。

張佩綸云: 《禮記·檀弓》"請庚之",鄭《注》"庚, 償也"。

李哲明云:"皆以穀准幣直幣而庚之"當爲一句。"直幣"之"幣"疑衍。緣上文"以穀准幣"句因讀從之,遂於"直"下衍"幣"字矣。"庚"與"更"同,有交易之意。言假幣者皆以穀准幣之價值約幾何,因而更易之。義至易曉。下"請以穀視市擴而庚子牛馬","庚"亦當讀爲更,與此同。

沫若案:此因穀價既已坐長十倍,而上且多穀,故當 貲家假幣時,爲上者以穀付之,而回收時準值折合,望還 幣而不還穀。故下文云"環穀而應假幣,國幣之九在上, 一在下"也。

百都百縣軌櫎穀坐長十倍機本

一多案: "據"當爲"擴",字之誤也。上文"鄰縣四面皆擴穀坐長而十倍"可證。

沫若案: 聞校適得其反。"軌據"謂依據也,卽照令行事。上文"鄰縣四面皆擴","擴"則當是"據"字之誤。

府官以市櫎出萬物隆而止

"隆"古本、劉本、朱本作"除"。趙用賢以下各本均作 "隆",同宋楊忱本。

趙用賢云:"隆"一本作"除"。

俞樾云: "隆"當作"降", 古字通用。《書大傳》"隆 谷", 鄭《注》曰"隆讀如厖降之降", 是其證也。此言物重 則出之, 及降殺而後止, 故曰降而止。《廣雅・釋詁》曰 "屦,減也","降"與"屦"同。

張佩綸云:《周禮·泉府》"斂市之不售、貨之滯於民用者,以其賈買之,物楊而書之,以待不時而買者,買時各從其抵",鄭司農云"抵,故賈也",《禮記·祭義注》"隆,猶多也"。物少則價長,今以市礦平之,物多則止。與《周禮》從其故價合。俞說"隆"當作"降",謂價降殺而止,亦通。

沫若案: 俞説是也,以"萬物"斷句,張未得其讀。本 篇所言乃平價政策,"隆"讀爲降者謂物價下降。

林圃案: 漢殤帝名隆,隆慮縣被改爲林慮縣(見《後漢書·郡國志》),但漢代尚無缺筆之例。唐高宗名隆基,隆州改爲閬州,大基縣改爲河清,缺筆避諱事在唐高宗顯慶五年曾有韶禁止。故唐人撰述多用改字避諱例,亦有以"諱"字代者。此"隆"字缺筆或竟不成字,以解爲遼諱爲宜。

桓公問於管子曰不籍而贍國爲之有道乎

"乎"本或作"予"。宋楊忱本、古本作"乎",各本

均同。

王念孫云: "予"當依宋本作"于",聲之誤也。于卽 "乎"字也。《吕氏春秋·審應篇》"魏昭王謂田詘曰然則 先生聖于",高《注》曰"于,乎也"。《莊子·人間世篇》"不 爲社者其幾有翦乎",《釋文》曰"乎,崔本作于"。《列子·黄帝篇》"今女之鄙至此乎",《釋文》"乎,本又作于"。《周 穆王篇》"王乃嘆曰於乎",《釋文》"乎作于"。(《論語·爲政篇》"書云孝乎惟孝",《釋文》"乎作于"。皇侃本及《漢 石經》並同。《管子·九守篇》"寂乎其無端也",《鬼谷子篇》"乎"作"于"。) 是乎字古通作于也。《通典·食貨》十二徑改爲"乎",字義則是而文則非矣。

戴望云:中立本亦作"乎"。

軌守其時有官天財

尹桐陽云:有,又也。

維遹案:"有"讀爲又。官,治也。

一多案:"官"讀爲管。

泰夏民令之所止民下本

趙用賢云:"之"字衍。

泰春民之且所用者

何如璋云: "且所用者","且",將也。《秦策》"城且拔矣",《吕覽·音律》"歲且更起","且"字《注》同。

張佩綸云:"且",將也。(《吕覽注》屢見。)"且所用"猶

言所將用也。

于省吾云: "且所用"不辭。"且"本應作"宜"。宜,即 金文甲骨文圀字之衍變。《墨子·非命篇上》"上之所賞, 命固且賞,非賢故賞也。上之所罰,命固且罰,非暴故罰 也"。"且賞""且罰"即宜賞宜罰。《詩·假樂》"宜君宜 王",《釋文》作"且君且王",是其證。"民之宜所用者"即 "民之所宜用者"之倒文也。

馬元材云:《墨子·經説上》"且,自前曰且,自後曰已,方然亦且"。此文"且"字及下"君已廩之"之"已"字互爲對文,正與《墨經》相符。張説得之,于説非。

一多案: 《史記·周本紀》"爾所不勗",《集解》引鄭 《注》"所,且也"。此"且所"複詞,"民之且所用者"即"民 之且用者",猶言"民之將用者"也。("且所"並用,所亦且 也,猶"此若"並用,若亦之也。)

泰春布日功布日

張佩綸云:"功布日"當作"布日功"。

沫若案: "泰春功布日"者,"功"當爲公,聲之誤;"日" 當爲日。下文"春縑衣"至"折券"卽爲公家所布之功令。

春兼衣靠養夏單衣

安井衡云: 缣,兼也。兼衣,謂表裏具者。

張佩綸云: "嫌"當爲"兼",字之誤也。《荀子·正名篇》"單不足以喻則兼",是兼對單而言。兼衣卽袷衣。

一多案: 張謂"綠"當爲"兼",是也。《莊子·則陽篇》 "夫凍者假壓(從馬叙倫補)衣於春",《淮南子·俶真篇》 同。春用兼衣,故云"假兼衣於春"也。張又云兼衣卽袷 衣,亦是。《廣雅·釋詁》四"袷,重也",《急就篇》顏《注》 "衣裳施裏曰袷"。單衣卽禪衣,《説文》"禪,衣不重",《釋 名·釋衣服》"禪衣,言無裏也"。《史記·五宗世家》"至彭 祖衣阜(本作帛,從《漢書·景十三王傳》改)布單衣",《後 漢書·馬援傳》"更爲援制都布單衣",《樂府·孤兒行》 "冬無複糯,夏無單衣",字並作"單"。

古本、劉本、朱本作"籠"、"籝"、"糗",宋本、趙本作"寵"、"籝"、"糗"。

安井衡云: 古本"寵"作"籠","糉"作"糗"。

洪頤煊云:此皆械器名。"寵",疑作"籠"。"糗",即"稷"字之譌。

王念孫云: "勝"當爲"幐",字之誤也。《説文》"幐,囊也",《商子·賞刑篇》曰"贊茅、岐周之粟以賞天下之人,不得人一幐"(今本亦譌作"勝")。《趙策》曰"贏幐負書担橐",《秦策》"幐"作"縢",義同。屑,碎米也,《廣雅》作"糈"。劉曰"粮,糗字之誤"。糗,乾飯也。

王引之云: "捍"蓋梩字之誤。《説文》"相,臿也,或作 梩",《方言》曰"臿,東齊謂之梩",《周官·鄉師注》引《司 馬法》曰"蟄一斧一斤一鑿一梩一鉏",《孟子·滕文公篇》 "藥裡而掩之",趙《注》曰"藥裡,籠臿之屬",謂虆爲籠屬, 裡爲臿屬也。故《管子》亦以"裡籠"並言之。

張佩綸云:《説文》"枚,榦也","梃,一枚也","材,木 梃也",《竹部》"竿,竹梃也"。段玉裁云"引伸之,木直者 亦曰竿,凡干旌、干旗、干旌,皆竿之假借"。毛《傳》"干, 打也",打亦作桿,要之皆木梃之類。《吕氏春秋》"鉏耰白 梃"、《漢書・吾邱壽王傳》"民以耰鉬箠梃相撻擊",是木 梃固田間械器,不必如伯申之説,改捍爲梩也。《説文》 "箕,簸也","屑"當爲"筲",《論語》鄭《注》"筲,竹器也", 《説文》作"箱,飯筥也,受五升","筥,箱也",《詩·良耜》 "載筐及筥",《箋》云"筐、筥,所以盛黍",《儀禮・聘禮記》 "四秉曰筥,十筥曰稷,十稷曰秏",《魯語》"其歲,收田一 井,出稷禾、秉恕、缶米",韋昭《注》"十筥曰稷"。《説文》、 《廣雅》均引《儀禮》,段氏、王氏訂許、韋之誤極詳,故王氏 不取洪氏稷字之説。案鄭氏《周禮注》"稷,猶束也"。筲 以盛飯, 稷以束禾, 固田家之器矣。若懷祖改爲"屑糗", 先事既以乾飯廩藏,功已復以乾飯歸公,管子豈能迂瑣若 此。 桿籠藝箕,括以械器,桿爲械,籠藝箕爲器。

尹桐陽云: 捍,竿也。龍,籠也。"纍"同"梩",土轝,一曰臿也。《商君書·兵守》"壯女之軍使盛食負壘",《集韻》作"堁",云"盛土草器也"。《淮南·要略》"禹身執虆垂以爲民先",《孟子》書"蓋歸反虆梩而掩之"。壘、虆、纍皆聲轉。"籯"同"簇",盛餅筥也。《文選·蜀都賦》"籯金所過",《注》"籯,幐也"。蓋以此"幐籯"連文耳。

功已而歸公衣折券

豬飼彦博云: "衣"字衍。言民功既畢,而器械之屬皆 歸之於公,折毀其券也。

張佩綸云: "衣折券", "衣"字似符。《漢書·高祖紀》 "兩家常折券棄負", 師古曰"以簡牘爲契券, 既不徵索, 故 折毀之, 棄其所負"。案彼以棄負折券, 此則以歸公折券。

夏十日不害芸事

古本"芸"作"耘",劉本、朱本同,趙用賢以下各本均作"芸",同宋楊忱本。

戴望云:宋本"芸"作"耘"。

冬二十日不害除田

張佩綸云:十日二十日承功繇發令言之。春用十日 不害其二十五日之耕事也,夏秋皆然。冬爲農隙,故可用 二十日。

維遹案:《曲禮》"馳道不除",鄭《注》"除,治也"。

龍夏之地

張佩綸云:"龍夏"卽雷夏。《水經》"瓠子河出東郡濮陽縣北河……過廩丘縣爲濮水",屬《注》"瓠河又左逕雷澤北,其澤藪在大成陽縣故城西北十餘里。……瓠河之北廩丘縣也。王隱《晉書·地道記》曰'廩丘者,春秋之所謂齊邑矣,實表東海者也',《竹書紀年》'……公孫會以廩丘畔于趙,田布圍廩丘,翟角、趙孔率韓師救廩丘,及田布戰

于龍澤,田布敗逋',是也。"龍澤卽雷澤,知龍夏卽雷夏。 《山海經》"雷澤有雷神,龍首人頰,鼓其腹則雷",疑雷夏 亦名龍夏以此。

沫若案: 自此以下凡"管子"對答之辭,與"鹽鐵之筴" 毫無關聯,當是他篇脱簡羼入於此。

以幣貲金

古本"貲"作"貨",劉本、朱本同。趙用賢本以下各本均作"貲",同宋楊忱本。

安井衡云: 古本"貲"作"貨", 幣貨, 刀布也, 金, 黄金也。

戴望云: 元本"貲"作"貨"。

周岐山至於峥邱之西塞邱者山邑之田也·····周壽陵 而東至少沙者中田也

張佩綸云: "周", 而也。(《檀弓上》鄭《注》。) 岐山 在美陽。壽陵, 《史記正義》引徐廣曰 "在常山, 本趙邑 也", 《莊子·秋水篇》有"壽陵餘子學步邯鄲", 固當屬趙, 皆非齊地。《元和郡縣志》"豐齊縣有岐陽山, 在漢之茌 平", 固齊境, 然以爲此之岐山,亦非。案"岐"當作"峱", 字之誤也。《説文》"岐, 或作楮", 篆形楮、峱相似而誤。 《説文》"峥, 或作崝", 峥丘卽青丘, 《元和郡縣志》"千乘 縣, 千乘者, 以齊景公有馬千乘畋于青丘, 今縣北有青丘, 縣因以爲名"。據此, 則峥丘、青丘卽春秋之乘丘矣。西 塞丘者, 卽平陰。《左傳》"齊侯禦諸平陰", 《齊策》"蘇代 調燕王,齊有長城巨防,足以爲塞"是也。壽陵,蓋兼漢北海郡平壽、壽光兩縣地。《續漢書・郡國志》樂安國壽光有灌亭,北海郡平壽有斟城,蓋古斟、灌地相接也。"少沙"即東萊郡之萬里沙,孟康曰"沙徑三百里"。或"少沙"即"少海"之誤也。(《韓非子・外儲説左上篇》"齊景公游少海"。)

一多案:"少沙"當即"夙沙",在今山東舊膠東道境。

振之以幣作權

丁士涵云:"據"乃"振"字誤。上文云"山田以君寄幣 振其不贍"是其證。上文又云"布黄金九千"、"布幣稱貧 富而調之","布"與"振"同義。

沫若案:丁説非是。"壽陵而東至少沙者中田也",既 爲"中田",且尚不知歲之豐歉,何以卽先"振之以幣"。説 不可通。"據"謂枝持也。卽預貸之以幣,以作耕事之準 備,將來視歲之豐歉,尚須回收,以穀物還付。許從丁說, 改"據"爲"振",亦誤也。

梁渭瑣陽之牛馬滿齊衍環陽本

丁士涵云:"齊"字衍。"滿衍"是蘇盛之義。《山至數》云"伏尸滿衍",則"滿衍"二字連文。

張佩綸云:《山權數篇》"梁山之陽",《輕重丁篇》"龍鬭於馬謂之陽"。今以意定之,梁者,梁騶也,《魯詩傳》 "古有梁 邓者,天子之田也"。"渭""瑣"並"淄"之誤。"瑣" 一作"璅",與"淄"相近。淄陽,淄水之陽,《漢書·地理志》"齊郡臨淄,師尚父所封,如水西北至梁鄒入泲"。《周禮·大司徒》"墳衍",《注》"下平曰衍",言牛馬滿於齊之衍也。

一多案: 梁,梁山,渭,渭水,自昔爲産馬之地,趙之先祖非子爲周孝王主馬於汧渭之間,是也。馬以梁渭所産者爲佳,故馬稱梁渭。"陽瑣"當作"瑣陽"。《左傳》定七年"齊鄭盟于瑣",《晉地道記》"元城縣有瑣陽城"。(今河北大名縣。)梁渭斥馬言,然則瑣陽殆斥牛言與?"梁渭、瑣陽之牛馬滿齊衍"者,牧養牛馬之地雖在齊,其種固不妨來自梁渭、瑣陽。諸家或欲删齊字,或欲改梁渭、陽瑣爲梁騶、淄陽,失之泥矣。

沫若案: "梁渭"與"陽瑣"當是二家姓名。下文云"國 爲師旅,戰車歐就, 斂子之牛馬。上無幣,請以穀視市擴 而庚(更)子牛馬",兩"子"字均指此有牛馬者言。又其下 兩見"二家"字,故梁渭與陽瑣必爲二家姓名,文字始成 條理。

請歐之顛齒量其高壯

豬飼彦博云:"歐"疑當作"區",言區别馬之顛齒,以相其長壯也。

張佩綸云:"歐之顛齒"當作"區其顛齒"。《詩》"有馬白顛",《爾雅·釋畜》"馬的賴白顛",舍人曰"的,白也。類,額也。額有白毛"。《論語》馬融《注》"區,别也",《後漢書·馬援傳》"臣謹依儀氏輢中,帛氏口齒,謝氏脣鬐,

丁氏身中,備此數家骨相以爲法"。區其齒,《周禮》鄭司 農《注》"馬三歲曰駣,二歲曰駒",《說文》"二歲曰駒","三 歲曰駣","馱,馬八歲也"。量其高壯,《周禮·庾人》"馬 八尺以上爲龍,七尺以上爲騋,六尺以上爲馬"。

維適案: "歐"當從張說作區。今本作歐,涉下文而誤也。"之"字不誤,之猶其也。古之、其二字互訓。《考工記》"以其一爲之厚"即以其一爲其厚也,《左氏》定公二年《傳》"奪之杖以敲之",即奪其杖以敲之也。此文"區之顛齒"與下"量其高壯",上句言"之"、下句言"其",亦互訓之例也。

一多案: "顛齒"卽顧牙。《儀禮·既夕記》"實貝,柱 左顧右顧",《疏》"左顧右顧,牙兩畔最長者",《周禮·典 瑞》鄭《注》"含玉,柱左右顧及在口中者",《釋文》本"顱" 作"顛"。《正字通》"男子二十四歲,女子二十一歲,顧牙 生"。字一作"真"。《素問·上古天真論》"故真牙生而長 極",王《注》"真牙,謂牙之最後生者"。"高"當爲"喬",通 作"驕"。《詩·碩人》"四牡有驕",《傳》"驕,壯貌"。"區 之顛齒"所以覈其年齡,"量其喬壯"所以驗其體質也。《大 戴記·千乘篇》"壯狡用力",《禮記·月令》"養壯佼",《吕 氏春秋·仲夏篇》作"狡",《注》"壯狡,多力之士",狡、佼 與騙通。人曰壯狡,馬曰驕壯,其義一也。

請以穀視市擴而庚子牛馬牛馬馬上粟爲下本無下牛馬二字

張佩綸云: "二家"當作"爲下"。牛馬爲上,粟爲下,

猶≪山國軌≫所云"穀爲上,幣爲下"也。

一多案: 張改"二家"爲"爲下"是也。"牛馬"下當重 "牛馬"二字。此讀"請以穀視市擴而庚子牛馬"句,"牛馬 爲上"句,"粟爲下"句。

沫若案:原文不當增改。"爲上栗二家"者,爲此納栗 於梁渭與陽瑣二家也。舊說於梁渭與陽瑣均作爲地名多 事追求,故於"二家"之語不得其解。官家正以栗易牛馬, 安用於栗與牛馬分上下耶?

二家散其粟反准

古本"二家"作"立貲",劉本、朱本同。趙用賢以下各本均作"二家",同宋楊忱本。

趙用賢云:下"二家"一本作"立貲"。

安井衡云: 古本作"立貲"。

戴望云: 元本、朱本下"二家"字皆作"立貲"。

丁士涵云:元本是也。"爲上粟二家立貲散其粟"作一句讀,三壤之家以穀准幣歸之君,君復以穀視市櫎而庚子牛馬,下文立貲於民,戰馬已具,亦同義也。"庚",《國蓄篇》作"賡",庚,償也。

張佩綸云:元本、朱本下"二家"作"立貲",涉下"立 貲"而誤,不足據。"二家"謂"巨家""小家"。

沫若案: "二家"即梁渭與陽瑣二家,不當改字,作"立 貲"乃涉下文"請立貲於民"而誤。二家得栗, 散之, 以求 合算。"反准"即合算也。

請立貲於民有田倍之内毋有其外外皆爲貲壤

張佩綸云:《說文》"貲,小罰以財自贖也"。倍,反也,如《論語》"必使反之"之反,蓋覆之也。《漢書·哀帝紀》 "諸王、列侯、公主、吏二千石,及豪富民多畜田宅,無限, 與民争利,其議限列"。今曰"内毋有其外",限内者不罰, 限外皆爲受罰之地。如此,可得千乘之馬也。

維遹案: "内毋有其外", 義不可通。疑當讀作"内毋有"爲句, "其外皆爲貲壤"爲句, 兩"外"字符其一。

沫若案:當讀爲"有田倍(培)之內,毋有(囿)其外"。 蓋有田者之疆界當於田内爲之培,不得侵越壤土,設囿於 田之外。如此則畜牧有所也。

國穀之朝夕在上

安井衡云:"朝夕"猶貴賤也。

張佩綸云:"朝夕",如日景之朝夕,水之潮汐,猶言 高下。

維遹案: "朝夕"與下"高下"對舉,則"朝夕"猶美惡也。《管子》一書用"朝夕"者屢矣,往往隨文見義,並無定訓。此其一也。

沫若案: 朝夕即潮汐,猶言漲落。安井訓爲"貴賤",不誤。《管子·輕重篇》每以國穀兼攝主幣作用,以此操縱萬物之輕重,故曰"國穀之朝夕在上"。

山林械器之高下在上林下本

豬飼彦博云:"廩"字衍。

丁士涵云:"廩"字衍。"山林械器之高下在上"與"國 穀之朝夕在上"、"春秋冬夏之輕重在上"相對爲文。器械 資於山林,故曰"山林械器"也,義見下文。

張佩綸云: "雍廩"或作"雍林",此古文作"廪",而校 者讀"廪"爲"林",非衍文也。

維遹案: 張説近是。"林廪"二字本作"艨","麖"與 "林"同,古彝器銘文林鐘作醬鐘,是其明證。後人罕見醬 字,遂誤分爲林廪二字。

宫中四榮樹其餘曰害女功

楊慎云: "榮", 屋翼也, 惟廟有之。宫中惟廟之四榮 樹,其餘不可樹,恐蔽女紅之室。

張佩綸云:《漢書・食貨志》"田中不得有樹用妨五穀,力耕敷耘,收穫如寇盗之至;還廬樹桑,菜茹有畦,瓜瓠果蓏殖於畺易,雞豚狗彘毋失其時,女脩蠶織,則五十可以衣帛,七十可以食肉"。《儀禮注》"榮,屋翼也"。《孟子》"樹牆下以桑,匹婦蠶之"。四榮外餘地皆樹,正牆下樹桑之謂。《周禮・典婦功》"掌婦式之法,以授嬪婦及内人女功之事齎",鄭《注》"女功事齎,謂女功絲枲之事"。

李哲明云:《儀禮》"直於東營",《注》"榮,屋翼也", 《文選》"暴於南榮",《注》"榮,屋南檐",《説文》"屋梠之兩 頭起者爲榮",榮之取義如是。言唯宫中四檐之側可以植樹,其餘隙地則否,所以重田穀也。

馬元材云: 謂宫中四檐之側宜以樹桑爲主,故《孟子》 曰"五畝之宅樹之以桑",班固亦云"還廬樹桑"。若不樹 桑而樹其他雜木,則桑葉缺乏,故害女工。

宫室械器宫室本

宋翔鳳云:"宫室器械"宋本作"室宫械器"。

一多案: 當從各本作"宫室"。

握以下者爲柴楂把以上者爲室奉

孫星衍云:"楂"即"槎"字。

安井衡云: 隻手所圍曰握。楂, 槎也, 衺斫曰槎, 故以爲小木之稱。把, 亦握也, 此蓋謂兩手所圍。奉, 供也。

孫詒讓云:"楂"當爲"柤"之俗。《説文·木部》"柤,木閑也",徐鍇《繋傳》"閑,闌也","柴者,棧也",《公羊》哀四年《傳》云"亡國之社蓋揜之,揜其上而柴其下",《周禮·媒氏·喪祝注》"柴"並作"棧"。《淮南子·道應訓》云"柴箕子之門",柴、柤皆以細木爲闌閑,故並舉之,孫説未塙。

張佩綸云:《説文》"柴,小木散材"。孫星衍曰"楂即槎字",《魯語》章《注》"槎,斫也",《文選·東京賦》薛綜《注》"斜斫曰槎"。《禮記·王制》"角握",《注》"握謂長不出膚"。《楚語》"烝嘗不過把握",《注》"握,長不出把者"。《周禮·醢人疏》"一握則四寸也"。《孟子》"拱把之桐

样",趙《注》"把,以一手把之也"。《莊子·人間世》"宋有 荆氏者宜楸柏桑,其拱把而上者求狙猴之杙者斬之;三圍 四圍,求高名之麗者斬之;七圍八圍,貴人富商之家求樿 傍者斬之",崔《注》"環八尺爲一圍"。

三圍以上閻爲棺槨之奉無者字

維遹案: "三圍以上"下亦當有"者"字。

鹽鐵撫軌穀一廩十君常操九

馬元材云:此節與上下文皆不衡接,疑當在上文"桓公日奈何"之後,"管子對曰"之前,而其下又脱"桓公曰此言何謂也"句。

沫若案:以上文"高田撫問田山〔田〕不被穀十倍"例之,此乃言鹽鐵之利比之常穀爲十比一。然此鹽鐵之利, 在上者常操其九分,而僅餘一分在下。

民衣食而繇下安無怨咎

戴望云:"安"訓爲乃,說見《幼官篇》。

山權數篇第七十五

王紹蘭云:本篇"天以時爲權,地以財爲權,人以力爲權,君以令爲權",先言四權,下云"失天之權則人地之權亡",止言三權,故桓公曰"吾欲行三權之數"。管子曰"此三權之失也",桓公曰"守三權之數奈何?"管子曰"筴豐則三權皆在君"。三權凡兩見,三權數凡兩見,則篇名"山"字疑當作"三",因與上篇《山國軌》,下篇《山至數》相廁致調耳。

張佩綸云:《孟子》"權然後知輕重",《墨子·大取》 "於所體之中而權輕重之謂權",《淮南·時則訓》"冬日權,權者,所以權萬物也",《公羊》桓十一年《傳》注"權者,稱也,所以別輕重"。權者,管子輕重之法。本篇"天以時爲權,地以財爲權,人以力爲權,君以令爲權",下云"吾願行三權之數",似篇名當作《三權數》。

何謂失天之權則人地之權亡謂本

一多案:"爲"當爲"謂"。

民之無檀有賣子者實上本無有字

劉績云: 檀,章延反,糜也。

豬飼彦博云:"之"當作"有"。

f

王念孫云:當依《通典·食貨》八所引作"民之無檀,有賣子者"。言無檀之民有賣其子者也。今本脱"有"字者,涉下文"民之無檀賣子者"而誤。

安井衡云: "民之"疑當爲"民有",與下相涉而誤耳。 林圃案: 《通考》八引此文亦有"有"字。

湯七年早禹五年水民之無檀賣子者湯以莊山之金鑄 幣而贖民之無檀賣子者禹以歷山之金鑄幣而贖民之 無檀賣子者

張佩綸云:《莊子·秋水篇》"禹之時,十年九潦而水弗爲加益;湯之時,八年七旱而崖不爲加損"。《鹽鐵論·力耕章》"昔禹水湯旱,百姓匱乏,或相假以接衣食。禹以歷山之金,湯以嚴山之銅,鑄幣以贈其民,而天下稱仁"。《論衡·感虚篇》"傳言:湯遭七年旱"。或言五年,《吕氏春秋·順民篇》"昔者湯克夏而正天下,天大旱,五年不收"。五年、七年,言其久,不必泥。《漢書·佞幸鄧通傳》"於是賜通蜀嚴道銅山,得自鑄錢"。"莊山",《鹽鐵論》作"嚴山",疑卽蜀嚴道也。《括地志》"秦昭王相嚴君疾,封於此,故縣有是稱"。《志》又言"蒙山在嚴道縣南十里",蔡蒙見於《禹貢》,湯因卽莊山鼓鑄。桓寬西漢人,據以作論。諱"莊"爲"嚴",由於明帝之世追改秦相氏縣之説,恐不能與桓寬争。審歷山有五,《史記》"舜耕歷山",《集解》引康成曰"在河東",《括地志》又云"越州餘姚縣歷山舜

井","濮州雷澤縣有歷山"及"嬀州歷山舜井",《淮南子》 "湯放桀歷山",高誘《注》"歷陽之山也",不知禹鑄幣之歷 山爲何山矣。

又云:《通典·食貨》八引作"湯七年旱,禹五年水,人 之無檀有賣子者,湯以莊山之金鑄幣而贖人之無檀賣子 者,禹以歷山之金鑄幣以濟人之困"下接"夫玉起於禺氏" 至"以御人事而平天下也",今在《國蓄篇》。又《注》"檀, 糜也。檀,章延反"。案《通典》惟"民"改"人"乃唐諱,餘 異文,均可訂今本之誤捝。

故王者歲守十分之參三年與少半成歲三十一年而 藏十一年與少半藏參之一

豬飼彦博云:"三十一年而藏十一年與少半"當作"三十三年與少半而藏十年"。

王引之云: "三年"二字因下文而衍。當作"歲守十分之參與少半", 言一歲之穀分爲十分, 守其三分與一分之少半, 是所守者爲十分中三分之一也。"成歲"者, 順成之歲也。"藏十一年"行"一"字, 當作"藏十年", 言順成之歲三十一年而藏其十年與一年之少半, 是所藏者爲三十一年中三分之一也, 故曰"藏參之一"。

宋翔鳳云:"藏",當依宋本作"歲",歲守十分之參,故云"參之一"也。

安井衡云:少半,三分歲之一也。歲守十分之參,三年得九分,又加三分歲之一,所守得一分,成一歲十分之

收也。歲守十分之三,三十一年得三百十分之九十三。十 分爲一年,只有九年與少半。"三十一年"與"十一年"必 有一誤。

俞樾云: 王氏此説,殊不可通。……此文初無衍文,但 "三十一年"當作"三十七年",七誤爲一,所闕只一筆耳。 "王者歲守十分之參"者,一歲之穀分爲十分,用其七,藏 其三,是謂"歲守十分之參"。於是三年得九分,又加一 年之少半,則又得一分,合而爲十分,是與一歲之數相當 矣,故曰"三年與少半成歲"也。三十七年之中每年三分, 共得一百一十一分。夫一百一十分是十一年也,尚餘一分 是一年之少半也。故曰"三十七年而藏十一年與少半"。

張文虎云:此文"三年"二字當依王説衍。"三十一年"當衍"十一"兩字,下"與少半"三字當在"藏參之一"下。言"少半"者,算衍以十分之五爲中半,十分之七爲太半,十分之三爲少半也。令歲收十而三分之,則每分得三又三三不盡,是爲"十分之三與少半"也。"成歲三年而藏十"者,歷三年而所藏積九分,又三個三三三不盡爲九九九不盡,以合於九分而成十也。一年藏三之一與少半,即上文"守十分之三與少半",覆舉之,以明其不傷於民也。曰"歲"曰"年",皆舉時而言;曰"十分之三",曰"少半",曰"參之一",皆舉分而言,語自有倫,不得相混而稱"藏十年與少半"也。《乘馬數篇》云"人君之守,歲藏三分,十年則必有三年之餘",彼約舉整數,要以十年,此牽帶餘分以三年爲例。辭有詳略,意實相同。(德鈞案:此錄自《管子校

正》,與《舒藝室隨筆》所收稍異。)

張佩綸云:《漢書·高帝紀上》注引韋昭"凡數三分有二爲大半,有一分爲少半","與少半"即十分之三。"三年與少半成歲"爲句,即《王制》"三年耕必有一年之食"也。"三十一年而藏十",至三十一年歲杪制國用,則三十年而藏十年之食,即《王制》所謂"以三十年之通"也。"一年"當作"三年","三年與少半藏三之一",覆舉上文,言其不足傷民,而足以備凶荒,王説非是。《王制正義》"通三十年之率者,每年之率,人均分爲四分,一分擬爲儲積,三分當年所用,二年又留一分,三年又留一分,是三年總得三分爲一年之蓄;三十年之率當有十年之蓄。此云當有九年之蓄,崔氏云:三十年之間大略有閏月十二足爲一年,故爲有九年之蓄。王肅以爲二十七年有九年之蓄,而言三十者,舉全數。兩義皆通,未知孰是。"此三十年言"三十一年"者,正合三十年之閏月十二而乘除之。《堯典》"以閏月定四時成歲",其計閏已括于"成歲"二字中。

沫若案:以俞説爲長。"三十一年"如不改字,則"十一年"必須改爲九年,可能性較少。馬元材取後説,與豬飼彦博同。

而農夫敬事力作

李哲明云:"敬"當作"亟",形近而訛。亟猶急也,亟事,言以田事爲急也。王氏謂《五行篇》"農事爲敬","敬"當作"亟"。此敬字宜與彼説同。

故天毁埊凶旱水泆

古本"埊"作"地"。宋本、劉本、朱本、趙用賢本以下 各本均作"埊"。

戴望云:"墨"下疑有脱文。

姚永概云:"墨"下脱一字。

一多案: 戴説非是。天災行則地利失,是地馬天所 毁,故曰"天毁地"也。

沫若案:當以"而農夫敬事力作,故天毁墨"一氣貫下。"故"字誤爲"故"。《廣韻》"故效,稱量也"。"故天" 謂占守歲時,"毁地"謂攻芸土草也。

梁山之陽經經上本

豬飼彦博云:"綪絤"當作"蒨茜",染赤草也。

丁士涵云:案"絤"字句。《説文》"綪,赤繒也"。《輕重 戊篇》"魯梁之民善爲綈",此"絤"字疑"綈"之誤。(《説文》 "綈,厚繒也",《急就篇注》"綈,厚繒之滑澤者也,重三斤 五兩。今謂之平紬"。)

張文虎云: "絤"字即"綪"之異文。《説文》"茜,茅蒐也", 段《注》以爲即蒨字; 又云"綪,赤繒也,以茜染,故謂之綪",蓋古音西、青相近,"綪"或作"粞",後人不察,而並存之。

張佩綸云:《說文》"綪,赤繒也"。絤,《考工記》"寮其線",《注》"故書'線'爲'綜',杜子春云: 綜當爲系旁泉,讀爲絤,謂縫革之縷"。梁山卽梁父。

李哲明云:字書無"絤",疑當爲"茜"。《史記·貨殖傳》"若千畝巵茜",《集解》"茜一名紅藍,其花染繒,赤黄也"。《説文》"茜,茅蒐也",又"綪,赤繒也,以茜染,故謂之錆"。定四年《左傳》"綪茂",《注》"綪茂,大赤也。取染草名也"。是綪、茜本爲一類,作絤者涉綪旁系而訛。

夜石之幣

張佩綸云: "夜"即東萊掖縣。《楚漢春秋》"夜侯蠱達",即掖之省。石即東萊陽石。《輕重戊篇》"萊莒之山生柴,……鑄莊山之金以爲幣"即此"夜石之幣"。《說文》"幣,帛也",《禹貢》"青州岱畎絲枲",梁甫爲泰山旁小山,正岱畎也。

維遹案: "夜石之幣"當作"夜之石幣", 今本字錯亂 耳。夜即"不夜"之省稱,《史記·封禪書》"不夜觀日出", 不夜古屬東萊。不夜臨海産紋石,齊或以此紋石爲石幣, 否則,幣爲民之通施,不得謂"天下無有"。

毓棠案: 此幣當讀爲壁,蓋自東周以降無以石爲 幣者。

沫若案:《管》書中屢言"珠玉爲上幣",故從廣義而言,壁亦幣也,不必破字。

林圃案: 夜邑即今山東掖縣,《戰國策·燕策》"益封安平君以夜邑萬户",高《注》"夜,一作劇",鮑《注》"屬淄川"。《國策地名考》"今掖縣"。今掖縣與萊陽縣接壤,萊陽產萊陽石,一名萊玉,其色有作淺碧或青赤色者。亦可染色。張云"石即東萊陽石",疑是"山東萊陽石"之脱

字,山東無"東萊陽石"之名。唯萊陽石既有色澤,石質較輕,可琢爲器物,或古人即以之爲幣也。

天下無有

丁士涵云:下文"管子曰"兩見,疑此文均有脱誤。

管子曰以守國穀

安井衡云:"管子曰"三字當爲衍文。

立黔落施輕重聚本作力與天下調

張佩綸云: "立黔落", "黔"當爲"廛", 字之誤也。 《方言》 "廛, 居也, 東齊海岱之間或曰廛, 或曰踐", 《廣雅・釋詁》二"廛, 落, 居也"。

毓棠案:《漢書·食貨志》載卜式語"今弘羊令吏坐市列,販物求利",言桑弘羊行平准時遣吏坐於市肆以賣貴買賤也。疑此"立黔落",即政府所設以施輕重之廛屋也。

維遹案:"力重"有脱誤,疑當作"施輕重"。(下文"輕重准施之矣",《輕重戊》"輕重安施"。)下文云"彼重則見射,輕則見泄,故與天下調",正承此而言。今本"力"字卽"施"之壞,又脱"輕"字。

沫若案: "黔落"殆治銅鑄幣之場所。原文爲"請立幣。國銅,以二年之粟顧(雇)之。立黔落,力重,與天下調",所言爲鑄幣事,與市廛無關。鼓鑄必多用燃料而成聚落,故稱其地爲"黔落"歟? "重"讀爲動,"力動"者謂強力疾作也。

見泄者失權也無見字

王念孫云:"泄者"上亦當有"見"字。"見泄""見射"皆承上文而言。

不備天權下相求不備准下陰相隸不無下

張佩綸云:"備"當作"脩","備准"當作"脩權",《權 脩》篇名,是其證。不脩權則下相求,脩權則下陰相隸, 有權則下役於上,失權則貧者乞請於富。《穀梁》定元年 《傳》"求,請也"。

一多案:"備准"上敚"不"字。此言不備天權則民相 乞求,(上文"民無入於溝壑乞請者也",乞求猶乞請也。) 不備准則民私相隸役。乞求謂流爲乞丐,隸役謂捨身爲 奴也。

毓棠案: "下陰相隸"非謂捨身爲奴也。相隸,相役也。《國蓄篇》曰 "乃今使民下相役耳"。《史記·貨殖列傳》曰"凡編户之民,富相什則卑下之,伯則畏憚之,千則役,萬則僕,物之理者"。是役即役使之意。

沫若案: "下陰相隸" 説爲隸役者捨身爲奴亦無不可。 上文三見"無檀賣子"語,"賣子"亦賣子爲奴耳。言"陰" 指不合法,是此文作於漢代之證。

此刑罰之所起而亂之本也之下本又

王念孫云:"亂之之本也"衍一"之"字。

何如璋云:"亂之","之"字乃"亡"字,以形近致訛。"亂亡"與"刑罰"對。王云"衍一之字",非。

阨者所以益也

俞樾云:此本作"阸者所以隘也",故管子對曰"隘則易益也"。正承桓公此語而言。今作"所以益也"卽涉下句"益也"二字而誤耳。《禮記·禮器篇》"君子以爲隘矣",《釋文》曰"隘,本作阸",是阸、隘義得相通,故曰"阸者所以隘也"。隘誤作益,於義難通。且管子"隘則易益"之言爲贅設矣。

一多案: "所"疑"可"之誤。

阨之准數一上十豐之筴數十去九

一多案: "上"猶加也,"去"猶減也。

沫若案:當於"准""筴"斷句。"之"猶是也。言阸是准,數則一上十;豐是筴,數則十去九。"去"乃"弆"省,藏也。《一切經音義》引《通俗文》"密藏曰弆"。《左傳》昭十九年"紡焉以度而去之",《疏》"去卽藏也。字書'去'作'弆',謂掌物也。今關西仍呼爲弆,東人輕言爲去"。十藏九,故下云"九爲餘"。

高田十石

安井衡云: 高田,上腴之地。"十石"、"五石"、"三石",蓋十畝所收。《治國篇》"常山之東,河汝之間早生而晚殺,五穀之所蕃熟也。四種而五穫,中年畝二石"。

張佩綸云:《漢書·食貨志》"李悝作盡地力之教,治 田百晦,歲收晦一石半,爲粟百五十石。上孰,其收自四, 餘四百石;中孰,自三,餘三百石;下孰,自倍,餘百石。小 饑則收百石,中饑七十石,大饑三十石"。然則一畝之地, 大孰之年歲收亦止四石,今曰"高田十石",恐無此理。

沫若案:李悝云"治田百畝,歲收畝一石半,爲粟百五十石,除十一之稅十五石,餘百三十五石"。此云"高田十石,閒田五石,庸田三石",與歲收之數不合,與十一之稅亦不合。意者齊地產量不高,卽高田亦僅歲收畝一石,其十一之稅爲十石耶。閒田、庸田可類推。

閒田五石

王念孫云:"閒田",中田也。《乘馬數篇》曰"郡縣上臾之壤守之若干,閒壤守之若干,下壤守之若干",是閒爲中也。

庸田三石

王引之云: "庸"字義不可通, "庸"當爲"庳", 字形相似而誤。庳田,下田也。

安井衡云:庸,凡庸。庸田,下田也。

維遹案: 王説非是。庸田卽下田。《齊語》"君之庸臣也", 韋《注》"凡庸也"。庸與上、中相比, 則謂之下矣。

一多案: 閒、庸皆中也,對言則閒田蓋當上中,庸田當下中。王說非是。

栗賈十栗賈百十上本

王引之云: "粟賈三十"行"三"字。粟賈一者,令增其 賈而爲十,粟賈十者,令增其賈而爲百。故百畝可以當千 畝,百乘之國可以當千乘,千乘可以當萬乘也。

故地無量國無筴

古本作"地有量,國無筴",劉本、朱本同。宋本、趙本、 凌登嘉本、朱長春本、凌汝亨本、梅本、花齋本、葛本皆作 "地無量,國無筴"。

安井衡云:"地無量",古本"無"作"有"。

戴望云: 朱本、元本作"地有量,國無筴",下文亦言 "地有量"。

豬飼彦博云: 疑當作"地有量,國無制"。

張佩綸云:此反言以足上意。言地若無量,國則無策矣。元本、朱本改"無量"爲"有量",失之。

沫若案:豬飼說得之,上言"國無制,地有量",此回應 上文耳。

管子曰今小國欲爲大國本無管子曰及 小國等五字

張佩綸云: "欲爲大國"上奪"小國"二字。"今小國欲 爲大國"以下,管子之言。

通於輕重之數不<u>以輕</u>思重 通於图四乙數不以少畏 多本無不以輕畏重通 多於多少之數十一字 丁士涵云:案"通於輕重之數"下脱"不以輕畏重,通 於多少之數"十一字。上文云"君通於廣狹之數,不以狹 畏廣",是其句例。

張佩綸云: "輕重"當作多少,與上句一例。輕重是書 總名,淺人因下有輕重之簽,妄改之。

沫若案: 丁、張之説均非。輕重者價格貴賤之謂也, 物雖少而有術以貴其價,則不畏多矣。原文不應增改。

蓋天下視海内長譽而無止

張佩綸云:《周禮·大宗伯》"殷覜曰視","視海内", 猶言朝海内也。

一多案: 張説是也。蓋、盍通。《爾雅·釋詁》"盍,合也"。"蓋天下, 視海内"即所謂"一匡天下, 九合諸侯"。 《詩·振鷺》"以永終譽","長譽"猶"終譽"。

沫若案:"蓋"與"闔"通,"視"乃"縣"字之誤。"縣"字 書或作"線",草書形近而訛。《山至數篇》云"今有海内, 縣諸侯",與此"闔天下,縣海内"同意。

動於未形而守事已成

豬飼彦博云:"事"當作"於"。

張佩綸云:"守事"當作"守其"。《山國軌篇》"國軌布 於未形,據其已成"。

物一也而十是九爲用

安井衡云: 物一也,而爲十,是運動爲吾用者九。

維遹案: "是"猶之也。言用十分之九。下文云"引十之半而藏四,以五操事",十之半即五,因用十分之九,九又藏四,僅餘五,故曰"以五操事"。

沫若案: 許説非也,當以"十"字斷句。上文"栗賈一,栗賈十;栗賈十,栗賈百",下文"一可以爲十,十可以爲百",即"物一也而十"之意。物價一者而十倍之則贏其九矣,故曰"是九爲用"。九又儲蓄其四,而以其五再生產,即所謂"藏四,以五操事"。

君不高仁則問不相被

宋楊忱本作"問",古本、劉本、朱本作"固",趙用賢本以下各本均作"國"。

宋翔鳳云:"國",宋本作"問"。

一多案: "問"謂贈遺,"被",加也。下文"鄉之孝子聘之幣",聘亦問也,可證。今本"問"作"國",非是。

沫若案:"君不高仁"至"樹表置高而高仁慈孝",與所問"決塞"了不相屬,當是下節"請問教數"之脱簡,錯置於此。將此七十字移入下節"管子對曰"下,文理較順。

樹表置高鄉之孝子聘之幣

丁士涵云: 當讀"樹表置高"句,"鄉之"二字下屬,謂一鄉之孝子聘之以幣也。下文云"樹表置高,而高仁慈孝",是其證。

安井衡云:"樹表置高"者,使人易見也。"聘之幣",

使人問之,且贈幣也。

尹桐陽云:"樹表置高",樹表,立表也。置,植也。高 謂樹植高處以示異也。若今桅扁牌坊之類。《方言》七"樹 植,立也。燕之外郊、朝鮮洌水之間,凡言置立謂之樹 植"。《後漢書·百官志》"扁表其門以興善行"。

一多案:《吕氏春秋·慎小篇》"置表於南門之外", 《注》"表,柱也"。凡表柱必高聳,故表亦謂之高。置高猶 樹表也,複舉以足句。《輕重丁篇》"旌稱貸之家,皆堊白 其門而高其閭",尹《注》"旌,表也"。《史記·留侯世家》 "表商容之閭,式箕子之門"。(今本作"釋箕子之拘",從 王念孫改。)《漢書·張良傳注》"式亦表也",《吕氏春秋· 慎大篇》"靖箕子之宫,表商容之閭","靖"讀爲旌。

孝子兄弟衆寡不與師旅之事

一多案: 謂無論兄弟衆與寡,皆賜免兵役。

則十之五有在上

一多案:"有"讀爲又。

運五如行事如日月之終復

安井衡云: "五如"之"如",而也。運用十分之五而行事,如日月之終而又復其始也。

張佩綸云:"如行事"之"如"涉下而衍。

沫若案: 疑本作"如五運行事,如日月之終復"、《素問·天元紀大論》"五運相襲而皆治之,終春之日,周而

復始"。

民之能樹瓜瓠葷菜百果使蕃袞者發本作意一民之能樹瓜瓠葷菜百果使蕃袞者作育一作袞

古本"衰"作"育","瓠"作"匏",劉本、朱本同。趙用 賢本作"瓜瓠""蕃袞",同宋楊忱本。花齋本、朱長春本 "瓠"作"瓠","袞"作"袞",凌登嘉本以下各本皆同趙本。

安井衡云:古本"衰"作"育","瓠"作"匏"。

趙用賢云: 袞、育同。

王念孫云:趙説非也。"衰"當作"紊",字之誤也。《玉篇》、《廣韻》"紊"字竝與"裕"同,蕃裕猶蕃衍耳。世人多見裕,少見袞,故"紊"誤爲"衰"。趙以上文言蕃育六畜,故以蕃袞爲蕃育,而不知其謬也。朱本徑改爲育字,則認益其矣。

洪頤煊説同。

王紹蘭云: "民之能樹瓜瓠葷菜百果使蕃衰者",按 "衰"當爲"袁",形之誤也,《說文》"袁,衣長兒"此但取長 爲義,蕃、袁叠韻,謂瓜瓠菜果蕃庶長茂也,園字從袁得 聲,亦取其形修長,凡樹藝於其中者,袁袁然曰長大矣。 家兄穀塍曰: "蕃衰"疑是"蕃育",上文蕃育可見。

民之能已民疾病者

維遹案:《吕氏春秋·至忠篇》"病乃遂已",高《注》 "已猶愈也"。

民之知時日歲且阸

吴志忠云:"且"乃"豐"字誤。

丁士涵云: 案當作"歲豐且院"。上文云"大豐則藏分,院亦藏分",豐院對言。歲院歲豐與下文"某穀不登,某穀豐"義亦相成。

沫若案: 吴、丁均屬多事。且者將也,"歲且院"以"日" 字冠之,與"日某穀不登"、"日某穀豐"者同爲一完整子 句。蓋凶歲如能前知,則可預爲之備,故古人重之也。

使蠶不疾病者置之黄金一斤者下本

丁士涵云:"皆"字衍。

戴望云:《類要》引作"使蠶不病者置黄金一斤"。

此國筴之因者也太常

王念孫云:"國筴"之下當有"大"字。上文云"不以狹畏廣,不以少畏多,此國筴之大者也",是其證。

尹桐陽云:"者"同"箸"。

相撲而澹相下本有因字一

古本"鉴"作"咨",劉本、朱本同,趙用賢以下各本皆作"鉴"。同宋楊忱本。

安井衡云:古本"鉴"作"咨"。

趙用賢云: 鉴、咨同。

宋翔鳳云:"相困揲而鉴",宋本"困"作"因"。

王引之云:"鉴"當爲"澹",字之誤也。(隸書"澹"字

作"澹",因譌而爲"鉴"。)澹,古瞻字也。(《荀子・王制 篇》"物不能澹",楊倞曰"澹,讀爲瞻",《漢書·食貨志》 "猶未足以澹其欲也",師古曰"澹,古贍字也"。凡《漢書》 "瞻"字多作"澹",不可枚舉。又漢巴郡太守《張納功德 叙》"卹澹凍餒",《隸釋》曰"以澹爲贍"。)上句言足,下句 言瞻,瞻亦足也。《侈靡篇》曰"山不童而用瞻,澤不獘而 養足",《國蓄篇》曰"豈壤力固不足而食固不贍也哉",《禮 記大傳》曰"民無不足無不贍者",皆以贍、足對文,義與 此同也。"相困揲而姿"當爲"相揲而澹",《廣雅》曰"揲, 積也",言國用相積而贍也。"相揲而贍"與"相靡而足"對 文,"困"蓋衍字耳。趙以盜爲咨字,則義不可通。朱本徑 改爲咨,則謬益其矣。又《輕重甲篇》"飢者得食,寒者得 衣,死者得葬,不資者得振",宋本"資"作"鉴",亦是"澹" 字之譌。民不贍,故振之,《山國軌篇》曰"振其不贍",是 也。後人不知"鉴"爲"澹"之譌,因改爲"澬"耳。下文"不 資者振之"及《山至數篇》"散振不資者","不資"皆當爲 "不澹"。又《國蓄篇》"千乘可足,萬乘可資","資"與"足" 對文,亦當是"澹"字。

置四限高下

安井衡云:四限,四境也。置四境中貴賤之准。

尹桐陽云:"置"同"直",視也。限,竟也。

行者道民之利害也

安井衡云: 行者,謂《三禮》所記之屬。道,治也。

張佩綸云: "行"疑指五行。《書·洪範》"一,五行", 《釋名·釋天》"五行者五氣也,於其方各施行也"。

尹桐陽云: 《莊子·天下篇》"禮以道行",然則行或謂 禮與?

沫若案:"行"指掌祭行神者言,説詳下。

易者所以守凶吉成敗也卜者卜凶吉利害也

張佩綸云: "易者所以守凶吉成敗也,卜者卜凶吉利害也"當作"卜易者所以守凶吉也","成敗利害"均涉上而衍,淺人因析爲二句,並改五家爲六家矣。《内業篇》"能無卜筮而知吉凶乎",是其證。

沫若案: 原文當爲"易者所以守禍福成敗,卜凶吉利 害也",故下文復言"易守禍福凶吉不相亂"。

林圃案:《文選·宣德皇后令注》引此文下句同今本。

民之能此者皆圆②一馬之田一金之衣本無賜

安井衡云:四井爲邑,四邑爲丘,四丘爲甸,出牛十二頭,戎馬四匹,則一馬之田,一丘十六井之地也。《揆度篇》曰"馬之平價萬也,金之平價萬也,吾有伏金千斤,爲此奈何",然則一金卽一斤,金價直錢一萬也。

何如璋云:"一馬之田",據《周禮》"四邑爲丘",出馬一匹,是有田十六井也。"一金之衣"謂其值一金。

尹桐陽云: 丘十六井出戎馬一匹。"一馬之田"謂十 六井之田,合計爲一萬四千四百畝。《文選·宣德皇后 令》"一馬之田,介山之志",俞厲《注》引此。

李哲明云: "馬"當爲筴馬,俗謂之碼。"一馬之田"言 其少也。與《投壺》"一馬從二馬",義同。"金"疑"裣"之誤, 蝕其半耳。"一裣之衣"猶言衣祇一領,狀其少也。《廣韻》 "裣同襟"。或作"衿"。《顏氏家訓·書記》"古者斜領下連 於衿,故謂領爲衿"。《詩·青青子衿傳》"青衿,青領也"。

維遹案: "皆"下疑奪"賜之"二字,《揆度篇》"上必賜之匹馬之壤",此亦爲上賜之田,非民之固有也。

沫若案:何、尹解"一馬之田"爲十六井,合一萬四千四百畝,爲量過大。李解馬爲碼亦非是。以《揆度》"匹馬之壤"例之,殆謂馬一匹所能耕之地面耳。古殆有此地數,今失傳。

林圃案: 《文選·宣德皇后令注》引此文同今本。

六家者卽見其時使豫先蚤閒之日受之故君無失

安井衡云:即,若也。蚤,早也。間之日,與時有間之日也。"受"當爲"授"。"授之",告吉凶動静之時於君也。

張佩綸云:"六家"當作"五家"。"使豫先蚤閒之日受之"當作"先日受之","豫先蚤閒之日"疑本《注》而闌入正文也。

尹桐陽云:"六家者卽見"——六家者一詩,二時,三 春秋,四行,五易,六卜也。卽見,急見也。

維遹案: 當作"六家者卽蚤見其時,使豫閒之先日受 之",今本字錯亂耳。 一多案: 即,若也(詳《經傳釋詞》)。"使豫先蚤閒之日受之"疑當作"使豫蚤閒之先日受之"。《墨子·備城門篇》"豫蚤接之",此"豫蚤"連文之例。

沫若案:"六家"當爲"五家"。"者"殆"皆"字之誤。

遠占得失以爲末教

安井衡云: 遠占得失,豫占他日之得失也。"末",後也。"爲末教"爲後日避害就利之教也。"末"俗本或誤未。

張佩綸云: "末"當作"本",字之誤也。"遠占得失以 爲本教"指春秋言,不言卜者,省文。

 爲"道"(《禮·曾子問》諸侯適天子與諸侯相見皆云"道而出"),故言"行者道民之利害","行殫道無失義"。"道"均言祖道也。張謂"行疑指五行"亦失之。司馬遷《報任少卿書》"文史星曆近乎卜祝之間",文卽詩,史卽春秋,星曆卽時,卜卽易,則祝卽行矣。

行殫道無失義

何如璋云: "行"乃儒之訛。《天官·太宰》職"九兩", 四曰"儒以道得民",鄭《注》"儒,諸侯保氏,有六藝以教民者"。此文所云"儒殫道無失義",是也。

張佩綸云: "殫"字無義,當作"闡"。《説文》"闡,開也",《易》韓《注》"闡,明也"。

尹桐陽云:"義"同儀,法也。

維遹案:《說文·步部》"殫,極盡也"。"殫道",猶極道、至道也。不必改字。

沫若案: "行殫道無失義"者,"義"與"儀"通,謂巫祝之官盡祖道之事,其儀無失也。古者祖道之事其儀頗繁。《說文》載下《注》云"出將有事於道,必先告其神,立壇四通,樹茅以依神爲載。既祭,犯載,轢牲而行爲犯載。……《詩》曰'取羝以軷'。(段《注》'《大雅·生民》文,毛《傳》日载,道祭也'。)"《周禮·大馭》"犯载,王自左馭,馭下,祝登受轡,犯載,遂驅之",鄭《注》"行山曰載。犯之者,封土爲山象,以善芻棘柏爲神主。既祭之,以車轢之而去,喻無險難也"。許、鄭説微有不同。許言"轢牲",鄭言"轢

之","之"則神主也。或係二者皆轢之。《老子》云"天地不仁以萬物爲獨狗,聖人不仁以百姓爲獨狗",獨即神主,狗即牲,祭畢則兩者均歸於無用。"轢之"故《老子》以爲"不仁"也。

此之謂君様本無

安井衡云:"棅"與"柄"同。

何如璋云: "棅"與"柄"同,《説文》"柯也",《唐韻》"又本也"。

一多案:"此"下當有"之"字。

能皆已官時皆已官

張佩綸云:"時"當作"技"。"能皆已官"謂能明農事 之類,"技皆已官"謂五家之類。

維遹案: "能"即指上文五官技言,下"皆已官"三字涉上下文而衍。時與之通,此當作"能皆已官之"句,與下"君皆已官之"句法正同。

沫若案:"時皆已官"不誤。本書《五行篇》"春者士師也,夏者司徒也,秋者司馬也,冬者李也",四時政令皆有官守,故曰"時皆已官"。下文"得失之數,萬物之終始,君皆已官之矣","得失之數"即承"能皆已官"言,"萬物之終始"承"時皆已官"言。

智者民之輔也

張佩綸云:"智者民之輔也"當作"君之輔也"。《周

語》"知,文之輿也",《大戴記·四代篇》"知,仁之實也",《賈子·大政》"敬士愛民者是謂知",《漢書·公孫弘傳》"知者,術之原也",此言君當以智爲輔,卽輕重之術也。

沫若案:"民"字不誤,說見下。

民智而君愚民愚而君智者無民愚而

豬飼彦博云: "下貧而君富"上疑脱"民愚而君智"一句。

丁士涵云:此下疑脱"民愚而君智"句,與"下富而君貧,下貧而君富"對文。

安井衡云:"下貧而君富"五字當衍。

何如璋云: "下貧"句上宜補"民愚而君智"五字,與下二句一例。

張佩綸云: "民智而君愚,民愚而君智"當作"君智而 民愚,君愚而民智"十字,傳寫各捝其半。

沫若案:豬飼與何、丁、張之説均非,當作"民智而君智,民愚而君愚"。本篇並未主張愚民政策,上文明言"民之能明農事者"、"民之能蕃育六畜者"、"民之能樹藝者"、"民之能樹瓜瓠葷菜百果使蕃裕者"、"民之知時者"、"民之知時者"、"民之追於蠶桑使蠶不疾病者","皆置之黄金一斤、直食八石,謹聽其言而藏之官,使師旅之事無所與",其重視民智如此。故云"智者民之輔也"。安得有"民智而君愚"之理?蓋抄書者疏忽,在"而君"下跳脱"智民愚而君"五字也。下文"下富而君貧,下貧而君富"亦當爲"下富而君富,下貧

而君貧"。因上文既誤爲"民智而君愚",後之校書者未深加思索,援例而竄改之也。《山至數篇》云"民富,君無與貧;民貧,君無與富",即"下富而君富,下貧而君貧"之意,正爲此文奪誤之確證。又《荀子·富國篇》"下貧則上貧,下富則上富",語與此同。安井衡謂"下貧而君富"五字當衍,亦失之。

此之謂事名二

豬飼彦博云: «揆度»曰"天筴陽也,壤筴陰也。此謂 事名二",與此不合。此六字疑衍。

吴汝綸云:"此之謂事名二"當是《揆度篇》脱文。

人心禁繆而已矣

張佩綸云:禁,止也。(《吕覽注》屢見。)《詩傳》"綢繆,纏縣也",《說文》"繆,枲之十絜也","綢,繆也","約,纏束也",王逸《楚辭注》"綢,縛束也",《廣雅》"繆,纏也",據此,則"禁繆"即禁止約束之也。

維遹案:《廣雅·釋詁》四"繆,纏也",《吕氏春秋·有 度篇》"容動色理氣意六者,繆心者也",高《注》"此六者 不節,所以惑人心者也",禁節皆言戒止也。

沫若案: 許所引《吕氏·有度篇》語本出《莊子·庚桑 楚篇》,"繆心者也"《莊子》無"者"字。又《莊》、《吕》在上 文均有"解心之繆"一語,許未引。"解繆"正此所謂"禁 缪"。未繆者禁其繆,既繆者解其繆,其旨一也。

禁繆者非往而戒來

張佩綸云:《吕覽·慎行篇注》"非,咎也",《安死篇注》"非,猶罪也"。

故禍不萌通

張佩綸云:《説文》"通,達也"。

一多案: "通"疑"達"之誤。《史記·樂書》"區萌達", 《正義》"達,出也",《月令》"萌者盡達",《方言》十三"達, 芒也",芒、萌通。

桓公曰請聞心禁

古本、劉本、朱本、凌汝亨本、葛本"聞"作"問",趙本、 凌登嘉本、朱長春本、梅本、花齋本作"聞",同宋楊忱本。 戴望云:宋本"聞"作"問",是。

慮殺其主謂之公過

一多案: 慮,謀也。"過"疑當爲"狷",狷卽猾字。(漢安帝《賜豫州刺史馮渙韶》"猾"字如此。)晑、咼形近,故每相亂。《漢書·高帝紀》"項羽爲人慓悍猾賊",《史記·晉世家》"齒牙爲猾",《酷吏傳》"徒請召猾吏與從事","猾"今並譌作"禍"。《吕氏春秋·開春篇》"昔王季歷葬於渦山之尾",《論衡·死僞篇》作滑山,並其比。公猾,猶公賊也。

沫若案: "公過",猶今言政治犯也。過有大小,此其 大者。不改字亦可通。

齊之公過坐立長差

安井衡云: 差,等也。"坐立長差",罪定首從也。

張佩綸云: "長差"當爲"表差", 《淮南·主術訓注》 "表,正也",《月令》"毋有差貸",《注》"差貸,謂失誤"。《淮 南·本經注》"差,邪也"。《廣雅·釋詁》二"差,衰也"。 坐立之僭誤皆表正之,杜其犯上之漸,此與《易》釋"履霜 堅冰至"義同。《周禮·大司寇·朝士》"禁慢朝錯立族談 者"。坐之差,如袁盎引卻慎夫人坐之類。

馬元材云: "坐立長差"者卽罪定首從之意。定罪爲 坐。長猶長子次子之長。差,次也。

維遹案: 差,增加也。差字從左聲,與佐通。《齊侯 甔》"國差立事",國差卽國佐。《說文·齒部》簽下引《春 秋傳》"鄭有子簽",今本《左傳》昭公十六年作子齤,此差、 佐相通之證也。《廣雅・釋詁》"佐,助也",助卽增加。餘 詳拙著《釋差》。

沫若案:"坐立長差"之意,張說殊未了。安井與馬說近是。坐者坐罪也,"坐立長差"卽罪分主從。原文謂"晉有臣不忠於其君、慮殺其主閻,謂之公過,諸公過之家毋使得事君",卽是一人有罪,全家連坐。如"藥、卻、胥、原、狐、續、慶、伯,降在阜隸"(《左傳》昭三年文),是也。又如叔向乃晉之名臣,其弟羊舌虎有罪被誅,叔向連坐,被没爲奴(見《吕氏春秋·開春篇》),亦其比。託爲管仲者對此加以非難,謂"此晉之過失也"。下言"齊之公過坐立長差,惡惡乎來刑,善善乎來榮",明示齊法與晉不同。罪

分主從,惡者有罰,善者有賞;以善惡定刑賞,不以族誅。安井訓"差"爲等,許說爲"增加",均失之。差固通佐,佐者,副貳也。與長對文。"長差"即是主從耳。

惡惡乎來刑善善乎來榮

尹桐陽云:《公羊傳》"善善及子孫,惡惡止其身也"。 來同賚,予也。

將御神用寶

丁士涵云:《説文》曰"禦,祀也",御、禦古通。下文云 "東海之子類於龜",尹《注》"東海之子,海神之子也"。以 龜爲神而祀之,故藏之泰臺,日釁四牛。

安井衡云:御,驅使之也。神猶怪也。

張佩綸云:《詩·甫田》"以御田祖",《箋》"迎也",佩綸按《説文》"禦,祀也",即"以御田祖"之御,段、桂均未晰。

沫若案:安井訓御爲驅使之,是也。《樞言篇》云"鬼神以祥使",正此"御神"之意。故事乃詐爲神龜以行權變,驅使之意自明。

北郭有掘闕而得龜者

尹知章云: 掘,穿也,求物反。穿地至泉曰闕,求月反。(德鈞案: 劉本、中立本無"求物反"及"求月反"六字。)

王引之云:"闕"即"掘"字之假借。《玉篇》、《廣韻》掘 音其勿、其月二切,其月與求月同,是掘字本有"求月反" 之音,故"闕"與"掘"通,亦音"求月反",掘、闕二字音義無 異也。蓋《管子》本作"闕",校書者因其音義與"掘"同,而 旁記"掘"字,傳寫者遂誤入正文耳。尹不能釐正而曲爲 分别,失之。

張文虎云:"掘、闕"固不當複。然"掘"下似脱一字, 但云掘,文不成義。又案:此《莊子》及《史記・龜策傳》褚 先生所述豫且事所本。

張佩綸云: "闕而得龜"文不成義。"掘闕"當作"掘閱",古閱、穴通。宋玉《風賦》"空穴來風",李善《注》引《莊子》"空閱來風",是其證。《埤雅》釋"蜉蝣掘閱",引《管子》"掘閱得玉"。王氏《詩總聞》云"'掘閱得玉',恐當時常談如此。掘閱,挑撥貌,《詩》故云。讀《管子》'掘閱得玉',始知閱與穴通"。陳啓源《毛詩稽古編》"今《管子》並無'掘閱得玉'語,惟《山權數》'北郭有掘闕而得龜者',豈'掘閱得玉'别見他篇,而近本逸之乎?"今案陸、王所引即此文,"掘闕"當作"掘閱",無疑。鄭《箋》"掘閱,掘地解閱"。

維遙案: 張佩綸説是。《詩·蜉蝣篇》"蜉蝣掘閱",馬瑞辰謂"'閱'讀爲'穴'。宋玉《風賦》 '空穴來風'即《莊子》 '空閱來風'也。老子《道德經》 '塞其兑閉其門', '兑'即'閱'之渻,謂塞其穴也。《管子》 '北郭有掘閱而得龜者'即穿穴而得龜也"。馬氏引"闕"作"閱",蓋亦據《埤雅》改正,非有刻本作閱者。

此數檢百里之地也數檢本

尹知章云:檢,猶比也,以此龜爲用者,其數可比百里

之地。

何如璋云:"檢",《爾雅·釋詁》"同也"。舊《注》"比也",謂龜之用比數百里之地也。

張佩綸云:"檢"通"歛"。《說文》"歛,收也",(《孟子》 "不知檢",《食貨志》作"不知歛"。)"數"字即"歛"字之複 行者,原《注》非。

陶鴻慶云:據尹《注》云"檢猶比也,以此龜爲用者,其數可比百里之地",是其所見元文本作"此數檢百里之地"也。下文云"桓公命丁氏曰:寡人老矣,爲子者不知此數",尤其明證。

維遹案:陶說是也。"百里之地"亦見下文,並無 "數"字。

一多案:《史記·蘇秦傳》"燕盡齊之北地去沙邱鉅鹿 歛三百里,韓之上黨去邯鄲百里"。"歛"與"檢"通。《孟 子·梁惠王篇》"狗彘食人食而不知檢",《漢書·食貨志》 引作"斂"。

何謂得龜險百里之地

豬飼彦博云:"何謂得龜"下脱"檢數"二字。 張佩綸云:"得龜"下奪"檢"字。

今過之平盤之中作令

尹知章云: "令",力呈反。(德鈞案: 中立本無"令,力呈反"字。)過之猶置之也。平盤者,大盤也。(《通典》引

同。)

張佩綸云: "令" 宋本《注》作"今"。案"令"實當作"今",而《注》誤作令音。"過"當爲"冎",《說文》"冎,剔人肉置其骨也",《莊子·秋水篇》"吾聞楚有神龜,巾笥而藏之廟堂之上,此龜者甯其爲留骨而貴乎? 甯其生而曳尾於塗中乎?"又《外物篇》"余且得白龜圓五尺,獻之,乃殺以卜。仲尼曰: 知能七十鑽而無遺策,不能避刳腸之患"。原《注》當作"冎之置其骨也",今本與《通典》皆誤。

李哲明云: "平"當爲"丕"。丕,大也,故《注》云大盤也。古"丕"字書作"平",與"平"相混,因誤"平"耳。晉平鄭父又作平鄭,即其證。

維遹案: "平盤"二字不誤。今東齊俗稱大盤日 "平盤"。

一多案: "平"爲"乎"之誤。

百金之提

尹知章云:提,裝也。

張佩綸云:《説文》"提,挈也",言挈百金。

尹桐陽云:"提"同"寔",實也。財貨之稱。

沫若案:"提"疑"惕"字之誤。惕、賜古通用。《趙孟介壺》"邗王之惕金,以爲祠器","惕金"即賜金也。

東海之子類龜類下本

尹知章云: 東海之子其狀類龜, 假言此龜東海之子

耳。東海之子者,海神之子也。

尹桐陽云:類,靁也,《周禮》以爲西龜之稱。《爾雅》云"不類",不類,類也。一曰不,發聲詞。

一多案: "類"下不當有"於"字。類龜者,龜名也。《爾 雅·釋魚》"龜俯者靈,仰者謝,前弇諸(者)果,後弇諸 (者)獵,左倪不類,右倪不若"。《周禮·龜人》"掌六龜之 屬,各有名物,天龜曰靈屬,地龜曰繹屬,東龜曰果屬, 西 銀曰靁屬,南龜曰獵屬,北龜曰若屬",鄭《注》"龜俯者靈, 仰者繹,前弇果,後弇獵,左倪靁,右倪若"。案《周官》説 本《爾雅》,"謝"與"繹","類"與"靁",皆通假字。"靁"上 "若"上並無"不"字者,蓋讀不爲語詞,故從省略。《墨子· 耕柱篇》"白若之龜", 卽《周官》之"若屬"。《莊子・秋水 篇》"北海若",司馬《注》曰"若,海神"。案神龜之名,(《大 荒東經》"北海之神名日禺彊,靈龜爲之使"。)即《周官》之 "北龜若屬"。本書"類龜"當即《周官》之"靁屬","靁"字 《爾雅》本作"類"也。惟本書以"類"爲東海神,與《周官》以 "靁"爲西龜不合。然《爾雅》云"左倪不類",以左東右西 之例衡之,六龜中"靁屬"固當稱東龜。《周官》所數,於方 位不無譌互。要以"靁"爲龜名,則與《管子》同符也。今 本《管子》"類"下行"於"字,尹《注》遂云"東海之子, 其狀 類龜",其失甚矣。

勞若以百金

尹知章云: 勞,賜也。(德鈞案: 中立本作"賜之也"。)

一多案:管子之言止此。

之龜爲無貲而藏諸泰臺

尹知章云:之,是也。是龜至寶而無貲也。無貲,無 價也。泰臺,高臺也。

戴望云:"之"乃"以"字誤。

維遹案: 戴説非也。尹《注》"之,是也",是猶此也。 《莊子·逍遥遊篇》"之二蟲",《吕氏春秋·先識篇》"之二 國者皆將亾"。《慎勢篇》"之二臣者甚相憎也",句例正 同,"之"竝訓此,是其證。

一多案:"之"上疑有效文甚多。

一目而亹之以四牛

尹桐陽云: 釁,血祭也。《周禮·龜人》"上春釁龜"。 禮,凡宗器釁以豭豚,龜亦宗器類耳。此用四牛,重之。

維適案: 趙本 "亹"作"釁"。"纍"隸變爲"亹"。《説文·爨部》"釁,血祭也",《周禮·龜人》"上春釁龜",鄭《注》"釁者殺牲以血之,神之也",《月令·孟冬》"太史釁龜策",《史記·龜策傳》説宋元王殺龜云"擇日齋戒,甲乙最良,乃刑白雉,及與驪羊,以血灌龜,於壇中央"。此云釁之以牛,是釁禮只取牲血塗之,不拘於所用何牲,詳拙著《釋釁》。

還四年伐孤竹

尹知章云: 還四年,後四年。

豬飼彦博云:還,又也。

張佩綸云:《通典》作"孤竹之役"。

一多案:《説文》"還,復也",復,猶又也。**"**還四年"猶言又四年。

丁氏之家粟

尹知章云:丁氏,齊之富人,所謂丁惠也。

張佩綸云:《通典》作"丁氏之粟"。

可食三軍之師行五月

尹知章云:食音嗣,下以意取。"行五月",經五月。 (德鈞案:劉本、中立本無"食音嗣"句,"下以意取"作"可 以意料"。)

朱長春云:丁氏粟,足可供三軍五月食也。

一多案: 行猶將也。

吾 图 將 有 大 事 本 無 今 字

各本有"今"字、《通典・食貨》十二引有"今"字。

戴望云:宋本無"今"字。

一多案:各本有"今"字。當據補。

請以寶爲質於子

尹知章云:質,音致,下皆同。(德鈞案:劉本、中立本 無此注。)

維遹案:"質"與"贄"通,猶今之押金也。

以假子之邑粟

尹知章云:邑栗,即家粟也。

革築室賦籍藏龜

尹知章云: 革, 更也。赋, 敷也。籍, 席也, 才夜反。 (德鈞案: 劉本、中立本《注》無"才夜反"三字。)

還四年伐孤竹謂丁氏之粟中食三軍五月之食

丁士涵云:此十九字疑衍,見上文。

何如璋云:此十九字文與上複,《通典》引作"孤竹之役,丁氏之粟中食三軍五月之食",此當據改。

一多案:丁説是也。"謂丁氏之粟中食三軍五月之食" 十三字卽上"可食三軍之師行五月"之注文,錯置於此。

桓公立貢數

張佩綸云:"貢"當作寶。(下二"貢"字,同。)

文行中七千金^{千金本作}□龜中四千金黑白之子當千金

何如璋云:"七年"無義,或七千之譌。

張佩綸云:"文行"當作"文龜"。《爾雅·釋魚》"一日神龜,二日靈龜,三日攝龜,四日寶龜,五日文龜,六日簭龜,七日山龜,八日澤龜,九日水龜,十日火龜",郭《注》"文龜,甲有文采者",上四種以爲神寶,則龜貝之品自文龜始矣。"中七"下脱"千金"二字,與下文句例合。

又云:"年"當作"冉"。《說文》"艪,龜甲邊也,天子巨龜尺有二寸,諸侯尺,大夫八寸,士六寸",《漢書·食貨志》"元龜岠冉長尺二寸,直二千一百六十,爲大貝十朋;八龜九寸,直五百,爲壯貝十朋;侯龜七寸以上,直三百,爲幺貝十朋;子龜五寸以上,直百,爲小貝十朋,是爲龜寶四品"。"當千金","當"宜作"中"。此冉龜卽元龜,"黑白之子",卽子龜也。

一多案: "年"即"千金"二字之誤合。"千金"金字缺其下,與"季"字形近。龜上或有脱文。中、當聲近義同,不必改字。"文"疑讀爲俛。《廣雅·釋詁》三"文,勉也"。《釋名·釋首飾》"冕猶俛也,俛,平直貌也;亦言文也,玄上纁下,前後垂珠,有文飾也"。《説文》"頫,低頭也",重文作"俛"。《玉篇》音"靡卷切",今音又讀"匪父切",與"俯"同。《堯典》"欽明文思安安",文思即俛思,言欽敬俯首而思安安然也。(《曲禮》"毋不敬,儼若思",是古人每以思貌狀敬貌。)此"文行"亦即俛行,謂俯首而行。俛聲轉爲媚,(《内則》"姆教婉娩聽從",《注》"娩之言媚也",《荀子·禮論篇》"說豫娩澤",《注》"娩媚也"。)《吕氏春秋·不屈篇》"婦人至,宜安矜煙視媚行",媚行即俛行,亦謂俯首而行也。《釋魚》"龜俯者靈",郭《注》曰"行頭低",是"文行"即《爾雅》之靈龜,《周官》之天龜,本龜之最上者,故價直七千金也。

沫若案: "文行",張、聞均以龜解之,殊爲牽强。《管》 書屢言"珠玉爲上幣,黄金爲中幣,刀幣爲下幣",則"文 行"殆玉之類也。當是有文采之珩,上文所謂"夜石之幣, 天下無有"者也。故其值最高。"黑白之子"當是貝類,白 質而黑文者也。

凡貢制中二齊之壤筴也用貢國危出寶國安行流

何如璋云:"行"當作"持"。《乘馬數》"王國持流而止 矣",出寶易穀,所以持穀幣之流也。

張佩綸云:言以龜寶流通,可當齊地之二,與上"檢百里之地"同。"用寶國危,出寶國安",言國不足則用寶,國足則出寶也。"行流"上當有"請"字。

李哲明云:此管子之言,觀下桓公問,可見。"國危出 寶"者即上質龜丁氏事。"國安行流"者卽指下云云,後文 所謂"以流歸於上"也。豫則干君之筴,使不得流歸於上; 君無蓄餘,不得操縱國穀,卽國民亦失其生;是二豫矣。 惟於二豫之外,國有蓄餘,見"行流"之爲國重。後文"藏 輕出輕以重,使諸侯穀歸吾國",卽"行流"之筴。又"謹守 重流,不使吾穀外洩,而彼重之相歸如水就下",詮"流"字 精。於是國穀重,諸侯之穀亦至,卽"行流"之效也。

馬元材云:當以"用貢"爲句,"國危出寶"爲句,"國安 行流"爲句。謂當有戰争之時則出其實物,平安之時則行 持流之術,二者皆所謂貢制。

物有豫則君失筴而民失生矣

吴志忠云:"則君"上脱"無豫"二字。

張佩綸云:豫,干也。(《漢書·薛宣傳》兩見。) 言物

有干豫吾輕重之令者,則君失其筴而民失其生。二豫,謂 上干君之筴,而下預民之生也。《國蓄篇》"萬乘之國有萬 金之賈,千乘之國必有千金之賈",今蓄積與之相準,則蓄 賈不能乘民之不給百倍其本,而財不流於外矣。

維遹案:《文選》陸士衡樂府《君子有所思行注》引《漢書》韋昭《注》曰"生,業也",失生,猶言失業。

沫若案: 吴説是也。"豫"即"凡事豫則立,不豫則廢" 之豫。故下文"蓄"與"飾"二者稱爲"二豫"。

萬乘之國不可以無萬金之蓄飾千乘之國不可以無千 金之蓄飾百乘之國不可以無百金之蓄飾

王引之云:"飾"字義不可通,"飾"當作"餘"。餘、飾二字篆文右畔相似,故"餘"誤爲"飾"。蓄餘者,蓄所餘也。萬金、千金、百金,所餘之數也。《輕重甲篇》曰"蓄餘藏羨而不息"。

何如璋云:"蓄飾",即指無貲之寶言。王云"飾乃餘之譌",失其義矣。

尹桐陽云:飾,寶也。

沫若案: "蓄"與"飾"即上文所謂"二豫"。"蓄"謂穀栗之羨餘;"飾"指龜貝珠玉等重器,《史記·平準書》"珠玉龜貝銀錫之屬爲器飾寶藏"。然"蓄"與"飾"二者均當"乘時"而"與令進退",故曰"操於二豫之外"。王未得其解。

山至數篇第七十六

張佩綸云:此篇文已錯亂。《事語篇》"桓公問管子日,事之至數可聞乎?管子日,何謂至數?"乃此篇開宗語。"何謂至數"當是桓公問詞,今已無由理董。就此篇析之,"國會"一節之前,當有准衡輕重兩節。當依《通典》取《地數篇》"准衡之數"一節,歸入此篇。《揆度篇》"謂之國機"一節與此篇"謂之國會""謂之國簿"相類。拾殘網佚,略還舊觀,未知其有當否也。

黄鞏云:"至數"言輕重之極致也。"山"字衍文。

梁聚

張文虎云: 梁聚如前《事語篇》佚田。此篇梁聚、請士、特及《輕重甲篇》癸乙、《乙篇》癸度、衡,蓋皆寓言,實無其人。

古者輕賦稅而肥籍飲

丁士涵云: 肥,古"俷"字。《集韻》曰"俷,薄也",《列子·黄帝篇》曰"所偏肥、晉國黜之",張湛《注》曰"肥,薄也"。

俞樾云: "肥"當爲"皅", 乃"薄"之假字也。魏孝武

《弔比干墓文》"被芰荷之輕衣, 臭扶容之萜裳", 顧氏炎武《金石文字記》謂"萜"卽葩字。然葩裳之文殊不成義,蓋假葩爲薄, 故與輕衣相對。《管子》此文假飽爲薄, 以輕賦稅、薄籍斂相對, 正與彼同。字誤作肥,遂不可解矣。下文"禄肥則士不死, 幣輕則士簡賞", 肥亦當作祀, 而讀爲薄。禄薄幣輕, 亦相對也。

張佩綸云:《秦策》"省攻伐之心而肥仁義之誠"高 《注》"省,減; 肥猶厚也",彼以省對肥,此以輕對肥。

沫若案: "肥"字當是"非"字之誤。"非"字草書作 "我",左半與肉旁草書作"子"相近,故訛變而爲肥耳。下 文"禄肥則士不死,幣輕則士簡賞",彼"肥"字亦"非"字之 誤,乃"非"之省文。

取下無順於此者矣

古本"取"作"收", 劉本、朱本同。趙以下各本皆作 "取",同宋楊忱本。

安井衡云: 古本"取"作"收"。

極器 不 奉 而 諸侯 之 皮 幣 不 衣 於 天 下

古本重"械器不奉"四字,劉本、朱本、趙本以下各本均重,宋楊忱本不重。

戴望云: 宋本無下"械器不奉"四字。《御覽·治道部》七引同宋本。又《御覽》"衣"作"至"。

張佩綸云:"衣"當從《御覽》作"至"。

尹桐陽云:《前漢書·地理志》"齊織作冰紈綺繡純麗

之物,號爲冠帶衣履天下",是諸侯固多衣齊皮幣者,管子故舉不衣以爲戒耳。

維通案: 衣下疑!兇"於天下"三字,下文云"外皮幣不 衣於天下"正承此而言。《御覽・治道部》八引"衣"作 "至",其所據本已脱 故改衣爲至,以足其義耳。

一多案:各本句 育"械器不奉"四字,今據補。

沫若案: "於天下"三字不應加,"至"亦誤字。下言 "外皮幣不衣於天下"謂齊國無皮幣輸出。此言"諸侯之 皮幣不衣",譯成今記,即"諸侯穿不成皮幣"。幣者帛也。 "諸侯"與"天下"一而二、二而一者也。

倉廩虚則國傳賤無禄草無

趙用賢云: 傳, 音恣。立事日傳。

豬飼彦博云:"信"疑當作"士"。

孫詒讓云:"傳"與"吏"通,"傳"與"事"同,事、吏篆文相似,音亦同部。下云"内國傳賤"同。

張佩綸云: "倉」」虚則傳賤無禄"上四字,卽上"則倉 廩虚"之複文誤倒者。"傳賤無禄"當在"肥籍歛"上。《周 禮·太宰》"以任百官",《注》"任猶傳也",《釋名》"事,傳 也;傳,立也"。《漢書·蒯通傳注》"事,本作傳",《廣韻》 "事,又作傳",《説文》"事,職也"。"事賤無禄",《孟子》 "庶人在官者,其禄以是爲差"。今國稅不入,則府史胥徒 不能給禄矣。外則韶侯不朝而無皮幣以報聘,內則倉廩 虚竭而無餼廩以稱事,國不國矣。 馬元材云:兩"傳"字皆與"士"字通,謂戰士也。下文 "士半禄而死君",蓋卽緊承此"傳賤無禄"而言。孫詒讓 以"傳"與"吏"通者,非。

維遹案: 孫説是也。惟"則"字本在下句,而錯置於此。"傳"上當有"國"字。下文云"内國傳賤"即承此文而言,足證今本脱"國"字。

一多案: 孫說非是。古無國吏之稱。傳卽事字。(金文事、傳、使一字。《漢書·蒯通傳注》"事本作傳",《廣韻》"事又作傳"。)此當讀爲士,猶卿士一作卿事也。(《論語·述而篇》"雖執鞭之士",《鹽鐵論·貧富篇》作"事"。《荀子·致仕篇》"定其當而當,然後士其刑賞而還與之",《注》"士當爲事"。)下文"士半禄而死君"卽承此言之,字正作"士"。此"士"謂武士,故云 "死君"。"則"字當有。"械器不奉而諸侯之皮幣不衣於天下,倉廩虚則國傳賤無禄"二句,語法一律,上句連詞用"而",下句用"則","而"亦"則"也。(本書"而""則"互文並用,例不勝舉。)若無"則"字,則語法參差矣。

戴望云:《御覽》無"外"字。

維遹案: "外"下疑脱"則諸侯之"四字,上文云"而諸侯之废幣不衣(於天下)",此即承彼言之。下文云"外則諸侯連黨合與",則本篇亦有此句例。今本"則"字錯置於上句。《御覽》引删"外"字,其所據本已有脱誤矣。

沫若案:"諸侯之"三字不應加,説見上。

内國傳賤無豫

戴望云:《御覽》"内"作"則"。

張文虎云:《御覽》所引,蓋猶舊本也。"内"字蓋本作 "而","而"即"則"也(見《經傳釋詞》),形近譌"内",後人 遂於上句妄增"外"字。

維適案: 張説非也。此承上文而言,當作"内則國傳 賤無禄"。今本脱"則無禄"三字。《御覽》引有"則"字,無 "内"字,其所據本僅脱"無禄"二字。

沫若案:"賤"即"無禄",此省文耳。"無禄"二字亦可不必加。

故國穀斯在上

張佩綸云: 《詩・墓門傳》、《説文》、《書・酒誥》鄭 《注》"斯,析也",《廣雅・釋詁》一"斯,分也","斯在上"言 國穀之分析在上,非語辭也。

李哲明云: "斯"盡也,言穀盡在上也。《詩》"王赫斯怒",《箋》"斯,盡也"。《吕覽·報更篇》"斯食之",《注》"斯猶盡也"。此"斯"字義同。

維遹案: "斯"猶盡也。《檀弓》"我喪也斯沾",《注》 "斯,盡也"。

一多案: "斯"讀爲"胥"。《詩·角弓》"爾之教矣,民 胥效矣",《鹽鐵論·班禄篇》引作"民斯效矣",是其比。 胥猶皆也。"國穀胥在上"卽皆在上。 穀賈什倍農夫夜寢蚤起力作而無止士半禄而死君不 待見使本作穀賈什倍農夫夜寢蚤起不待見使五穀什 信士半禄而死君農夫夜寢蚤起力作而無止

安井衡云:"穀價什倍",農夫喜其利己,夜深始寢,早 日乃起,以勉其業,不待上使之。五穀之多,什倍於他日。 穀價既貴,半禄所得,五倍於他日,故亦感恩死君也。

張佩綸云:"農夫蚤作夜起,不待見使"複下文而衍。 "五穀什倍"當作"五穀之賈什倍",乃覆舉上文。當在下句"農夫蚤作夜起"上。"半"讀曰"判",《説文》"判,分也","半禄"猶言分禄。一說:《漢書·項籍傳》"卒食半菽",《注》引孟康曰"半,五斗器名也"。言士沾升斗之禄而即爲君效死也。穀賈什倍則農夫日出而作,日入而息,自盡力於畎畝矣。

陶鴻慶云: "穀賈什倍"以下,句多複衍。元文當云 "穀賈什倍,士半禄而死君,農夫夜寢蚤起,不待見使,力 作而無止"。

馬元材云: "五穀什倍"與"穀價什倍"不同。後者指價格,前者指生產量。安井說是也。本文作者欲以其貨幣政策爲無藉於民之條件。以國有礦產鑄幣,然後用以吸收五穀,造成獨佔價格。穀價既貴,農夫自動勤勉,以期收穫增加。"士半禄而死君"者,謂穀價既貴乃以穀准幣,支付其俸禄。其穀數雖僅及舊時一半,而貨幣收入則已五倍於他日。

一多案: "五穀什倍"即"穀賈什倍"之異文,當删。"力

作而無止"當升在"農夫夜寢蚤起"句下。下"農夫夜寢蚤起"句即上句之複,當删。"不待見使"當在"士半禄而死君"下,謂士不待見使而爲君致死也。"農夫夜寢蚤起,力作而無止"與"士半禄而死君,不待見使",語法一律,"止"與"使"韻。

沫若案: 文當有衍誤,但"穀賈什倍"與"五穀什倍"有 别,以安井及馬説爲是。"五穀什倍"四字不當衍。

使不得不使使不下本

古本"不得"下無"衍"字,各本均無,宋楊忱本有"衍"字。

張佩綸云:"使不衍得不使",此"衍"字本校者注于衍文之旁,而今又刊入正文,此類甚多。

不曰用之作為

孫星衍云:《揆度篇》"貧"作"用"。

豬飼彦博云:"貧",《揆度》作"用",是。

王念孫云: "貧"字義不可通。《揆度篇》"貧"作"用" 是也。兩"使"字、兩"用"字皆上下相應。

用不得不用上用字

一多案: "使"當爲"用"。"使不得不使""用不得不用"祇一意而複説之,句法似當一律。

沫若案:本篇"彼善爲國者,不曰使之,使不得不使; 不曰貧之,使不得不用"。《揆度篇》則云"夫天下者使之 不使,用之不用,故善爲天下者毋曰使之,使不得不使,毋曰用之,用不得不用也"。合勘,可知互訛一字。此"不日貧之""貧"當作"用",彼"用不得不用"上"用"字當作"使"。《韓非子·姦劫弑臣篇》"聖人之治國也,固有使人不得不愛我之道,而不恃人之以愛爲我也",即"使不得不使"、"使不得不用"之意。"使之"、"用之"之"之"指國與天下之人,意謂如聽其自然,則人不爲我使用,必須有數以御之,使不得不爲我使用。"用不得不用",殊爲不辭。

故民無有不得阻無囿不得使者被下本

丁士涵云: "不得不使"疑當作"不用不使"。承上"不得不使""不得不用"言之,言使民無有不爲我用,不爲我使也。

何如璋云:"故使民無有不得不使者"句衍"不得"二字,下脱"用民無有不用者"七字,須補。《揆度》有此句,足證。

張佩綸云:"故使民無有不得不使者"當作"無有不得 使不得用者",足成上義。今说"得""用"二字,而倒"不" 字於上。"不得使""不得用"如《國蓄篇》所云"民富則不 可以禄使,貧則不可以罸威"是也。

一多案: "故"下衍"使"字。"無有不得不使者"當作 "無有不得用,無有不得使者"。

沫若案: 原文並無奪衍, 句當屬下, 即"故使民無有不

得不使者,夫(彼)梁聚之言非也"。用亦使也,無須增益。 《揆度篇》"毋曰用之,使不得不用也",文即終止,亦足證 "故使民無有不得不使者",句係啓下,而非承上。丁、何、 張、聞說,均失之。

有人教我謂之請士日

一多案: 疑當作"有人謂之請士教我日"。

沫若案:此節當有奪文。請士願"使智者盡其智,謀 士盡其謀,百工盡其巧",而管仲責以"禄菲則士不死,幣 輕則士簡賞,萬物輕則士偷幸,三怠在國,何數之有?"針 鋒不相對。

管子曰何謂固百能母上本

安井衡云:"對"字當衍。

一多案:"對"字涉下文衍。"百"上脱"官"字。

使智者盡其智

古本、劉本、朱本作"智士",宋楊忱本、趙本作"智者"。

安井衡云: 古本"智者"作"智士"。

彼穀七藏於上三游於下七本

豬飼彦博云:"十"當作"七"。

戴望云:"十"疑"七"字之誤。

禄肥則士不死

戴望云: 此肥字亦當訓薄。與上"肥籍斂"義同。

張佩綸云: 肥, 古俷字。《集韻》"俷, 薄也"。《列子·黄帝篇》"口所偏肥",張湛《注》"肥, 薄也"。《中庸》"忠信重禄,所以勸士",即《筦子》之意。

沫若案:"肥"亦"非"字之誤,讀爲菲。

不通於輕重謂之妄言

陶鴻慶云: "不通於輕重"二句,乃舊《注》之亂入正 文者。

名教通於天下而奪於其下

張佩綸云:《禮記·表記》鄭《注》"名者謂聲譽也"。 《禹貢》"聲教敷於四海"。

沫若案: "奪"字當是"尃",即"敷"之古字。"名教奪 於其下"頗爲不辭。

市朝同流

馬元材云: "市朝"即市場。《史記·孟嘗君傳》"過市朝者",《索隱》云"市之行位有如朝列,因言市朝也"。

<u>海</u>派之石圖黄金一筴也江陽之珠一筴也秦明山之曾青一筴也秦下本

孫星衍云:《揆度篇》"汝、漢水之右衢黄金一筴也,江 陽之珠一筴也,秦明山之曾青一筴也",上"之"字衍。"黄 金"上當依補"汝、漢水之右衢"六字。

丁士涵云:"黄金"上亦當有所出之地名,與下文一例。"秦之明山"衍"之"字。《揆度篇》曰"汝、漢水之右衢黄金一筴,江陽之珠一筴也,秦明山之曾青一筴也",是其證。

何如璋云:曾青,空青之類。《秋官·職金》"掌凡金玉錫石丹青之戒令",《注》"青,空青也",《本草綱目》"空青,腹中空,破之有漿,治眼疾。又白青亦治目疾。色深者爲石青,淡者爲碧青"。《淮南萬畢術》云"白青得鐵即化爲銅"。又有"曾青""扁青"等名並詳《綱目》。

尹桐陽云:此"江陽"卽江漾。漾,漢水名也。一稱養水。《西山經》"嶓冢之山,漢水出焉,而東南流注于沔。 當水出焉,北流注于湯水"。《注》"湯或作陽"。陽、湯、養、漾皆聲轉。《吕覽·重己》"人不愛昆山之玉,江漢之珠而愛己之一蒼璧,有之利故也"。《注》"江漢有夜光之明珠,珠之美者也"。《淮南·説山》"不爱江漢之珠而爱己之鈎"。本書《揆度篇》曰"南貴江漢之珠"。《逸周書·王會》"正西以江歷爲獻",孔《注》以爲珠名。《文選·蜀都赋》"江珠瑕英"。《西山經》"濫水注于漢水,多鮤魮之魚,狀如覆銚,是生珠玉"。皆以珠出江、漢水中耳。又《西山經》"號山北二百二十里曰盂山,其陽多銅"。郭《注》"音于,盂,或作明"。今謂"盂"當爲"盂","孟"與"明"聲轉,故孟諸一作明諸。《水經注》"奢延水出奢延縣西南赤沙阜",畢沅以爲卽孟山,在今陝西靖邊縣。曾

青、銅之精,可續畫及化黄金者。《荀子·王制》"南海則有曾青丹干焉",《正論》"重之以曾青"。

一多案: "衢"即灈水。《説文》"灈水出汝南吴房入 溉"。案在今河南遂平縣北五里,今名石羊河。源出嵢峰 嵥山之黑龍池,東南流合瀙水,又入汝。

毓棠案:《荀子·正論篇》楊倞《注》"曾青,銅之精,形如珠者,其色極青,故謂之曾青"。又《王制篇》楊《注》"曾青,銅之精,可繢畫及化黄金者,出蜀山越嶲"。

沫若案:自"黄金一筴也"以下至"天下之數盡於軌出之屬也"乃《揆度篇》玉幣七筴節别本之脱簡,羼入於此。七筴脱去四筴半。可注意者"秦之明山之曾青一筴也"與"此謂以寡爲多,以狹爲廣"之間,脱去"禺氏邊山之玉一筴也"九字,蓋恰奪去一簡。其簡爲八寸簡,故僅能容此字數也。

軌出之屬也

張佩綸云:《説文》"宄,姦也,外爲盗,内爲宄,從宀九聲,讀若軌",宄、軌通。《左氏》成十七年《傳》"臣聞亂在外爲姦,在内爲軌"。出,生也。(《吕覽·音初》高《注》、《易傳》"帝出乎震"虞《注》。)此屬皆易生姦,而周人之利權乃爲諸侯所奪。

一多案: "軌"疑讀爲九,下文曰"則國財九在大夫矣",又曰"國歲反一,財物之九者皆倍重而出矣",又曰 "穀之九在大夫,然則穀羨在大夫也",並可證。 沫若案:"軌出"乃"輕重"之殘文耳。《揆度篇》玉幣七筴節"此謂以寡爲多、以狹爲廣,天下之數盡於輕重矣",與此同文,而彼作"輕重"可證。下句亦作"軌出"者,爲後之校書者所劃一。

天下之數盡於軌出之屬也

安井衡云:也,問辭,猶言"乎"。

張佩綸云:也、耶通。

陶鴻慶、李哲明説同。

沫若案:"軌出"亦當爲"輕重"。以此文與《揆度篇》 互校,知《揆度篇》亦當有脱簡。彼篇在"此謂以寡爲多、 以狹爲廣"下奪去"輕重之屬也。桓公曰天下之數盡於輕 重之屬也(耶)"十九字,爲二簡所容納之字數。"天下之 數盡於輕重矣"卽管子答辭。省去"管子曰",古文往往 如是。

管子曰今國劉重什倍而萬物輕

戴望云:"今國穀"上脱"管子曰"三字。

陶鴻慶説同。

沫若案:"今國穀"上有奪文,但所奪者並非"管子曰" 簡單之三字。

大夫謂賈之子爲吾運穀而斂財

馬元材云: "大夫謂賈之"應讀爲一句。"之"是"人" 字之訛。《揆度篇》"然則國財之一分在賈人",又曰"國幣 之少分廩於賈人",又曰"國之財物盡在賈人",皆以"賈人"連稱。下文"巧幣萬物輕重皆在賈之","之"字亦爲"人"字之訛。

穀之重一也今九爲餘

安井衡云:一,同也,穀價什倍同於前。一當什,故九爲餘。

沫若案:"重"當爲"量",量、重形近,並涉下文"穀重一也"而誤。言大夫藏穀之量本無增加,唯因"國穀重什倍而萬物輕",即使投出藏穀十分之一以收購賤價之物,亦猶有九倍之餘藏也。

國歲反一

豬飼彦博云:"歲"疑當作"藏"。

安井衡云:以餘穀歛財,故財九在大夫,而王每歲反 得其一。

沫若案: "國歲反一"者謂國穀之價回復原狀。即因 大夫投出藏穀以收購財物,市場多穀故價跌。但在此時財 物之九分已聚積於大夫手中,彼輩又重價而投出財物矣。

財物在下幣之九在大夫然則幣穀羨在大夫也

丁士涵云: 當作"穀之九在大夫,然則穀羨在大夫也"。今本"穀"誤爲"幣",又衍一"幣"字,遂不可通。上文云"爲吾運穀而歛財",財卽幣也。云"國財九在大夫"者,卽運穀以歛之也,云"國歲反一,財物之九皆倍重而

出"者,即以幣准穀,幣仍返之民間也,故此云"財物在下"也。財物在下,則穀在上,故云"穀之九在大夫也"。穀在大夫,重一而九爲餘,故云"穀羨在大夫也"。管子立環乘之幣,不過重輕輕重,一上一下,斷無幣穀盡斂於國,自壞其法也。

張佩綸云:始則運穀以斂財,幣之九既在大夫,又用 以斂穀,故幣穀之羨均在大夫。

沫若案:原文不誤,丁氏未得其解。大夫高價投出財物,故"財物在下,幣之九在大夫"。結果則大夫既有多餘之羨穀,又有多餘之貨幣,故曰"然則幣穀羨在大夫也"。

天子以客行令以時出熟穀之人亡

宋翔鳳云:宋本"熟"作"孰"。

何如璋云: "令以","以"字當作"不"字, 言令不時出也。涉上"以"字而誤。"客行"云者謂如寓公, 有土若無土也。

張佩綸云: "天子以客行", 謂游賈奪其利權, 客行天 子之事。"令以時出", 謂政令無常, 朝更暮改。

李哲明云:以時行令卽出穀之人不至亡矣。且上頻言無失時、乘時,下亦云以時歸君矣,疑此文當作"不以時"。"令"下脱"不"字。"令不以時",故出穀者逃亡,爲諸侯所受。其義自明。

尹桐陽云: "天子以客行" 言主權爲臣所奪。《荀子· 君子篇》"天子四海之内無客禮"《注》引《禮記》曰"天子無 客禮,莫敢爲主焉"。"令以時出",令謂大夫,《吕覽·去私》"南陽無令"。熟,精熟也。穀,善也。言天子精善計會之人皆逃亡。

沫若案: 尹桐陽以"令謂大夫",可從。"熟穀之人"屢見,《輕重乙篇》亦言"熟穀者去"云云。"熟"或作"孰",疑是"蓺"字之誤。

内則大夫自還而不盡忠

王念孫云:"還"與"環"同,謂自營也。見《君臣篇》。 俞樾云:"還"當讀爲環,《韓子·五蠹篇》曰"自環者 謂之私"。

何如璋云:《秦策》"公孫鞅盡公不還私"義同。"自還"謂幣穀羡在大夫也。

泰秋國穀去參之一君下令謂郡縣屬大夫里邑 皆 籍 栗 入若干穀重一也以藏於上者國穀參分則二分在上矣

尹知章云:一其穀價以收藏之。言先貯幣於縣邑,當 秋時下令收糴也。則魏李悝行平糴之法,上熟糴三捨一, 中熟糴二,下熟中分之,蓋出於此。今言"去參之一"者, 約中熟爲准耳。

沫若案: "去"有藏義。《左傳》昭十九年"紡焉以度而去之",《疏》"去卽藏也。字書'去'作'弆',謂掌物也。 今關西仍呼爲弆,東人輕言爲去"。《漢書·蘇武傳》"掘 野鼠,去中實而食之",顏師古曰"去,謂藏之也"。《三國 志·華佗傳》"無急去藥",裴松之云"古語以藏爲去"。此言"泰秋國穀去參之一"謂藏三分之一於民間也。尹《注》"去,減也",疑"減"乃"藏"字之誤。尹知此與李悝平糴法相同,甚有見地,然謂"李悝平糴之法蓋出於此",則不免先後倒置耳。非李悝出於此,乃依託本篇及《管子·輕重》諸篇者,乃李悝之私淑耳。

泰夏賦穀以市擴

維遹案: 櫎猶穀賈,"市櫎"卽市賈,説詳《巨乘馬篇》。

泰秋日穀之存子者若干作出

"子"古本以下各本均作"予"。

宋翔鳳云:宋本"予"作"子"。

洪頤煊云: "予"當作"子"。《臣乘馬篇》"泰秋子榖大登",又曰"幣之在子者以爲穀而稟之州里",下文文義俱相同,此作"予"字,誤。

王念孫云:《通典·食貨》十二引此正作"子"。

陶鴻慶云:"田"當爲"曰",涉上句"民皆受上穀以治田土"而誤也。"曰:穀之存子者若干,今上斂穀以幣"二句,乃上令民之辭,與"民曰:無幣,以穀",上下相應。《山國軌篇》"謂高田之萌曰:吾取寄幣於子者若干",例與此同。

今上歛穀以幣

安井衡云:"今"當爲"令",字之誤也。

戴望云:"今","令"字之誤。

則民之三有歸於上矣

豬飼彦博云:"三"疑作"一"。有、又同。

沫若案: "三"字不誤,此即李悝平糴法"上歲糴三拾一"。(購入其剩餘收穫四分之三,而留其四分之一。)

無不爲國筴

宋翔鳳云:宋本"穀"作"國"。

戴望云:中立本"國"誤"穀"。(沫若案:中立本不誤, 花齋本、《纂詁》本誤作"穀"。)

數也則彼安有自還之大夫獨委之

豬飼彦博云:"大夫"二字疑當移"彼"字下。

張佩綸云:"數也"二字當在"獨委之"之下。

沫若案: 疑"獨委之"下脱一"民"字,民 謂富商蓄賈, "獨委"謂私家囤積也。上文"君用大夫之委以流歸於上, 君用民以時歸於君",正以"民"與"大夫"對舉。

則諸侯穀歸吾國矣

戴望云: 宋本歸下有"於"字。

故諸侯服而無正正本

宋本、古本、劉本、朱本作"止",趙本作"正"。安并衡云: 諸本"止"作"正",今從古本。

張佩綸云:"無止"當作"無正"。

馬元材云: "正"當作"止"。本書"無止"凡十二見,皆 其證。宋本卽作"止"。"無止"謂不絶也。

一多案: "止"當從各本作"正"。"正"讀爲"征",言諸 侯賓服,不用征討之事也。

臣櫎從而以忠

豬飼彦博云:"擴"字疑衍。

丁士涵云:"櫎"字疑衍。

安井衡云: 横,平也。平從,平心以從君也。

張佩綸云:《詩·南山》"衡從其畝",《傳》"衡獵之,從 獵之",《衆經音義》卷三引《韓詩傳》作"南北曰從,東西曰 横"。"臣櫎從而以忠",言臣無不盡忠也。

尹桐陽云:《君臣上篇》曰"下有五横以揆其官",横、 横聲轉通用。

失民爲失下

張佩綸云:"失下"當作"無與",下文可證。

馬元材云:"失下"即"無與"之意,不必改。

守大夫以□縣之筴與下本

古本"以"下有"一"字,劉本、朱東光本同,他本均無。 載望云:宋本"以"下有"一"字。

安井衡云: 縣以封大夫,故以一縣所應用之數守大

夫也。

張佩綸云:"大夫"當作"一國",涉上"失大夫"而誤。

守□家以一人之筴寒上本

古本"家"上有"一"字,劉本、朱本同,各本皆無。 張佩綸云:"守家"當作"守一家"。 姚永概説同。

一縣必有一縣中田之筴一鄉必有一鄉中田之 筴 一 家 必有一家直人之用

安井衡云: 直,當也,言有一家幾口,當用穀幾許之數。

張佩綸云:中、直,皆當也。(中,當也。直,當也。《漢書注》屢見。)言准之以幣,若干足當一縣一鄉之田,若干足當一家之用。

王者藏於民霸者<u>藏於</u>田□□藏於大夫殘國亡家 藏 於 篋

何如璋云: "藏於民"謂補助,"藏於大夫"謂以幣賦禄,"藏於篋"謂橫征殖貨,所謂"藴利生孽,多藏厚亡"者矣。《荀子·王制》"故王者富民,霸者富士,僅存之國富大夫,亡國富箧篋、實府庫",本此。

張佩綸云:《荀子·王制篇》"王者富民,霸者富士,僅 存之國富大夫,亡國富筐篋、實府庫",本此。《説苑·政 理篇》"文王問於吕望曰,爲天下若何。對曰,王國富民,霸國富士,僅存之國富大夫,亾道之國富倉府,是謂上溢而下漏"。《反質篇》"魏文侯御廩災,公子成父曰,臣聞之天子藏於四海之内,諸侯藏於境内,大夫藏於其家,士庶人藏於箧櫝"。案《樞言篇》亦云"王主積于民,霸主積于將戰士,衰主積于貴人,亡主積于婦女珠玉",據此當作"霸者藏於□,□□藏於大夫"。本篇深惡大夫之自還,下文於大夫之積實驕上者,方欲奪之以會,豈得曰"霸者藏於大夫"乎。

置了回請棧臺之錢散諸城陽鹿臺之布散諸濟陰^{請下本}

豬飼彦博云:"請散棧臺"上脱"管子對曰"四字,"散"字符。

王念孫云: "請散"之"散", 涉下文而衍, 《太平御覽·資産部》十六引無"散"字。

安井衡云:"請散"句。

張佩綸云: 王説非也,"請散"爲句。《大學》"財散則 民聚,財聚則民散"。管子輕重之法以聚散相調通,與專 事聚斂者迥别。"請散"以下,管子對。

章炳麟云:"棧臺"者,鐘臺也。《釋樂》曰"大鐘謂之鏞,小者謂之棧",是其證。凡鑄錢與鐘皆用銅,故古者或以一官掌之。《漢書·百官公卿表》云"水衡都尉屬官有鍾官令丞",如淳曰"鍾官,主鑄錢官也"。《史記·平準書》云"錢多輕而公卿請令京師鑄鐘官赤側"。(《食貨志》

脱"鐘"字,當據補。)此蓋因古者鑄錢與鑄鐘爲聯事而得名。然則臧錢與鐘棧同處,義亦如是。

又云:《逸周書·克殷解》、《史記·殷本紀》、《齊世家》、《留侯世家》、《淮南子·主術訓》、《道應訓》皆云"鹿臺之錢",《說苑·指武篇》則言"鹿臺之金錢",皆指紂之錢府也。齊之錢府必非襲亡國之名,然則鹿臺本爲錢府之通名,非紂所創立可知。鹿當借爲録。《尚書大傳》"致天下於大麓之野",《注》"麓者録也",《魏受禪表》及《公卿上尊號奏》皆作"大鹿",是録、鹿通之證。《說文》"録,金色也",古謂銅曰金。《荀子·性惡》"文王之録",《注》"劍以色名",古劍亦以銅爲之也。是銅有録色者。"録臺"則取銅錢之色以爲名。

一多案: 句首當補"管子曰"三字。

沫若案:當以"請散"爲句,安井與張説得之。"棧臺之錢",《輕重丁篇》作"棧臺之職"。許維遹於彼校釋云"職乃織字之譌",是也。此"錢"字亦當爲"織"字之譌。

歲豐五穀登

維遹案:《山國軌篇》云"歲豐年,五穀登"。

沫若案: 許讀《山國軌篇》文有誤,彼文爲"重歲,豐年,五穀登"。"重歲"謂來年也。

穀賈去上歲之分以幣振之概率

安井衡云:上歲,去年也。分,半也。據,猶守也。

維遹案: 去,減也,分,半也。"據"當爲"振",形近之 誤也。《山國軌篇》"據之以幣",丁士涵云"據乃振字誤", 是其例。月令"振乏絶",鄭《注》"振猶救也"。

沫若案:《山國軌篇》"據之以幣",丁士涵 誤 改 爲 "振",不足據。"據"者支持也。以幣收半價之穀而儲蓄之,寓有平糴之意。

穀爲上幣爲下上本作君

安井衡云: "君"當依《山國軌》作"上",君、上義近,轉 寫之訛耳。

張佩綸説同。

戴望云:"君"疑"上"字誤。

十畝加十是一家十户也

安井衡云:凡食量,一人,每家受食十畝所生,今上糶之,每一人所食,加增穀價十錢,則十人百錢,是一户得十家之籍也。

沫若案: "加"謂倍也。十畝所收之穀價加十倍,則一 家百畝即如一千畝,故曰"一家十户"也。

四減國穀三在上一在下

張佩綸云:《説文》"減,省也"。一歲之穀省爲四分, 三在上而一在下。

沫若案:"減"謂分也,言四分其國穀,三分在上,一分 在下。

大夫旅孃而封

"旅礦",古本、劉本、朱本、趙本均作"聚壤"。

戴望云: 宋本作"旅寨", 旅、列古同聲。如"陳旅"即 "陳列"。今本作"聚", 必"裂"字之誤。

張佩綸云:《爾雅》、《詩傳》"旅,陳也",《周書·作維 注》"旅,列也",謂"列壤而封",猶言分土封之。

沫若案:以作"聚壤"爲是,所謂"富者田連阡陌"也。 封謂富厚。"聚壤而封"與下句"積實而驕上"對文。

五穀相靡而重去什三爲

沫若案: "爲"字當爲"焉"字之誤,言穀價之貴減去十分之三。下文云"五穀相靡而輕",其證。

餘以國幣穀准反行大夫無什於重

沫若案:上言"粟之三分在上",上既以粟平價資民, 使穀價減去十分之三,使大夫或富民不得操縱穀價,其栗 之餘分在下者,則在穀價既平之後,反以國幣准平價收購 之,此之謂"餘以國幣穀准反行"。於是則大夫無法抬高 穀價,即"大夫無計於重"。"計"誤爲"什",因草書形近。

君以幣賦禄什在上

沫若案: 言大夫之俸禄, 君以幣予之, 而不以栗。既 收購大夫所有之栗, 復"以幣賦禄", 則栗之十分在上也。

君出穀什而去七君歛三

張佩綸云: 斂三以充上賦, 散七以振不蓄。

沫若案: 粟之什分雖全在上,但因出穀平價已去其七分,故君僅藏其三分。

散振不澹者仁義也擔奪

戴望云:"不資"乃"不澹"之誤,説見前。

張佩綸云: 資者, 蓄也。(《史記·信陵君傳索隱》。) 不資,猶言不蓄。一説: 資, 財也。(《詩》、《傳》、《禮》注 屢見。)不資,猶言無資。《書》、《孟子》"厥疾不瘳",《周 禮注》作"無瘳",《莊子·天地篇》"終身不靈",《釋文》本 "又作無靈",皆其證。

沫若案: 當連"上賦七"爲句。"上賦七散振不贍者" 即上文"君出穀什而去七"。

以鄉完重而籍國數也

古本無"完"字,劉本、朱本同。各本均有"完"字,同 宋楊忱本。

戴望云: 元本"完"作"見"。

張佩綸云:"完"當作"筦"。

沫若案: 張讀"完"爲筦,是也。鉗制兼併之關鍵在鄉,亦卽在栗,故曰"以鄉筦重"。"國"與"鄉"爲對,"國"乃大夫富民等所在之地,籍録而取之,故曰"籍國"。

故曰王者乘時聖人乘易

安井衡云:易,變易也。

維遹案: "易"當爲"幼"之譌。"幼"隸書作"矣",與 "易"形近,故致譌耳。《輕重甲篇》云"聖人乘幼",丁士涵 云"幼讀爲幽",是也。

沫若案:當以作"易"爲是,《輕重甲篇》作"幼"者,乃 "易"字之誤。本書中陰陽之說屢見,《山權數篇》"五官 技"中有"易",則"易"卽陰陽變易之易也。

彼善爲國者乘時徐疾而已矣謂之國會以上十五字

張佩綸云:當在"王者乘時,聖人乘易"下,爛脱在此。 特命我曰

俞樾云:特者,人名也,命猶告也。《禮記·緇衣注》 "傅説作書以命高宗",是古者上下不嫌同詞,以君告臣謂 之命,以臣告君亦謂之命也。《事語篇》"秦奢教我曰"、 "佚田謂寡人曰"及此篇"梁聚謂寡人曰"、"有人教我謂之 請士曰"、《輕重乙篇》"衡謂寡人曰"、並舉人言以問管子, 則"特命我曰"義亦同也。(德鈞案:以"特"與"佚田"、"梁 聚"、"請士"、"衡"等爲人名,張文虎亦有此說,見本書此 篇首條。)

天子三百領泰嗇而散

張佩綸云:《喪服大記》"大飲,布絞縮者三,横者五,布約二,衾,君大夫士一也。君陳衣于庭,百稱,北領西上。大夫陳衣于序東,五十稱,西領南上。上士陳衣于序東,三十稱,西領南上"。此云"天子三百領",當作"衣百

領"。"泰"乃泰之誤。"嗇"乃"廧"之誤。"散"乃"菆"之誤。《檀弓上》"君即位而爲桿,歲壹漆之藏焉",又曰"周人牆置霎",又曰"天子之殡也,菆塗龍輔以椁,加斧于椁上,畢塗屋,天子之禮也"。鄭《注》"牆,柳衣也,菆木以周龍楯加槨而塗之"。《喪服大記》"君殯用輔,欑至于上,畢塗屋。大夫殯以幬,欑置于西序,塗不暨于棺。士殯見袵,塗上帷之"。鄭《注》"欑猶菆也"。此皆天子之禮,而特欲大夫准此而行,創爲厚葬而僭禮之說,故管子據禮以折之。

章炳麟云:"天子三百領"爲一句,此謂死時襲以衣三百領,猶《揆度篇》云"上必葬之衣衾三領"也。……蓋"天子襲十二稱,公九稱,諸侯七稱,士三稱"(見《雜記上》注),則大夫五稱,禮也。特意欲藉厚葬以寬民生,故增天子之襲至三百領。以平時用財泰嗇,乘厚葬以散錢於民也。其大夫之襲亦準天子三百以爲差率而行之,皆爲饒裕民生而設。與《侈靡篇》云"巨棺槨所以起木工也,多衣衾所以起女工也",意正相同。

姚永概云:《墨子·節葬》云"古聖王制爲葬埋之法, 棺三寸足以朽體,衣衾三領足以覆惡",則"三百領"當行 "百"字,但此文譌脱已甚。

馬元材云: 此當以"天子三百領泰嗇"爲句,"而散大 夫准此而行"爲句。散者列也。散大夫卽列大夫。此謂 天子之葬衣僅以三百領爲限,太過於吝嗇。列大夫亦應 准此遞加。《侈靡篇》亦主厚葬,與此正同。《揆度篇》所 謂"大夫已散其財物,萬人得受其流"者也。

大夫准此而行如何^{行下本}

一多案:下"此"字衍。

非法冢也聚本

一多案:"家"爲"冢"之譌。

大夫高其壟美其室

張佩綸云:《詩·葛生》"歸于其室",鄭《箋》"室,猶冢 擴"。

章炳麟云: 室者,《唐風·葛生箋》云"室,猶冢壙",是 也。

此奪農事及市庸

維遹案: 庸,用也。"高其壟,美其室",則奪農事;"衣三百領",則奪市用。

非便國之道也非上本

張佩綸云:"此非"之"此"字衍。

民不得以織爲縿綃而貍之於地

安井衡云: 縿, 縑也。綃, 綺屬。貍, 謨皆切, 同埋。埋 縿綃於地, 言不復用也。

張佩綸云:《檀弓上》"布幕,衛也。緣幕,魯也"。鄭 《注》"幕所以覆棺上也。緣,縑也,緣讀如綃。衛諸侯禮, 魯天子禮,兩言之者,僭已久矣"。此文當作"民不得以織 爲緣",校者旁注"綃"字,而誤入正文。以織爲緣,卽緣幕 也。天子之禮用緣幕,"加斧于椁上",鄭《注》"斧謂之黼, 白黑文也,以刺繡於縿幕,加棹以覆棺,已乃屋其上盡途 之"是也。《禮疏》引崔靈恩云"天子别加斧于椁上,畢塗 屋,此所陳祇謂襯棺幕在於畢塗之内者也,若其塗上之帝 則大夫以上有之,故《掌次》云'凡喪,王則張帝三重,諸侯 再重,孤卿大夫不重'。下云'君於十有賜帝',然士無覆 棺之幕。下云'子張之喪,褚幕丹質'者彼謂將葬啓殯以 覆棺。故鄭彼《注》云'葬覆棺别也'"。佩綸案:《周禮·掌 次》鄭《注》"帝枢上承塵,與幕異制"。子張之"褚幕丹質 蟻結四隅",乃用殷之士禮,明士以上均有慕覆棺,但不得 僭天子終幕之禮耳。崔説未明。民則庶人,其禮更殺于 士,故管子特申厲禁。此文當人《事語篇》。"貍之於地" 以下,尚有捝誤。

章炳麟云:此句當在"乘時徐急而已矣"之下,"以"當

爲衍文。……管子以厚葬無益而有損。意謂襲衣既多,則 棺槨必大;棺槨既大,則墳塋必廣。大夫既高其壟墓,美 其冢壙,則役作之功足以奪農事及市庸,是非便國之道 也。善爲國者固不必以厚葬散錢,但乘時徐疾,則民自富 矣。因言薄葬之制,民不得織爲緣綃而用之於葬貍,使有 用歸于無用。

彼善爲國者乘時疾徐而已矣謂之國會

張佩綸云:當在"王者乘時,聖人乘易"下,爛脱在此。 與上節"桓公曰善"互易。

桓公曰何謂用戚始

維遹案:用,以也。

君人之主弟兄十人

戴望云:宋本"主"作"生"。

一多案:"弟兄"當互易,以與下文一律。

三世則昭穆同祖十世則爲祏

宋翔鳳云: "三世"當爲"四世", "十世"當爲"五世"。 古文"四"作"三", "五"作"×", 形近而誤。禮天子諸侯皆 親廟四, 故云"四世則昭穆同祖"。五世爲祧, 祧主藏太祖 及二祧廟, 若文武二世室有主而無廟, 故云"五世則爲 祏"。祏藏主石函也。(本《左傳》杜《注》。)《異義·古春 秋左氏説》"古者先王日祭於祖考, 月薦於曾高, 時享及二 祧,歲祫及壇墠,終禘及郊宗石室"(本《通典》、《御覽》),摯虞《決疑要注》曰"毀廟主藏廟外,户之外西牖之中有石函,名曰宗祏,函中有笥,以盛主,親盡則廟毀,毀廟之主 藏於始祖之廟"(本《續漢·祭祀志注》),並以毀廟爲祏也。莊十四年《傳》鄭原繁稱"命我先人典司宗祏",蓋主宗廟之官云"宗祏",言遠者謙也。昭十八年《傳》"鄭火,子産使子寬子巡羣屏攝至於大宫",杜《注》"大宫,鄭祖廟,巡行宗廟,不使火及之"。又云"使祝史徙主祏于周廟",杜《注》"周廟,厲王廟也"。此所徙正以遷廟主在户外西牖中,恐火及,故徙之。哀十六年《傳》"衛孔悝使貳車反祏于西圃"。大夫三廟,高曾之主即爲祏也。

張佩綸云:《説文》"祏,宗廟主也",《周禮》有"郊宗石室",《五經異義·古春秋左氏説》"古者日祭於祖考,月薦於高曾,時享及二祧,歲祫及壇墠,終禘及郊宗石室"。《禮記·祭法》"王立七廟,一壇一墠,曰考廟,曰王考廟,曰皇考廟,曰顯考廟,曰祖考廟,皆月祭之。遠廟爲祧,有二祧,享嘗乃止。去祧爲壇,去壇爲墠,壇墠有禱焉,祭之,無禱乃止,去墠曰鬼"。以此證之,八世爲壇,九世爲墠,十世在《祭法》爲鬼,在《左氏》説爲石室,《管子》之説與《左氏》説合。宋翔鳳改"三世"爲"四世",改"十世"爲"五世",謬甚。

終則有始與時廢起縣上本有財字

丁士涵云:"財"字"四"字當衍。

沫若案:丁説殊武斷。如衍去"財"字,則"終則有始" 者何所指耶?"四"字亦不當删,下文有"以乘四時"句,其 證。

始取夫三夫之家三大本作 方八里而一乘八本 二十五人而 奉一乘五本幣乘馬者方八里公本凡方八里用幣若干公本

王引之云:"大"字符。"三夫之家"謂三夫爲一家也。 《乘馬篇》曰"邑成而制事,四聚爲一離,五離爲一制,五制 爲一田,二田爲一夫,三夫爲一家",是也。《乘馬篇》又曰 "白徒三十人奉車兩"("兩"上脱"一"字,辯見《乘馬篇》), 此二十七人亦當作三十人,蓋"三"誤爲"二",又衍"七"字 也。

丁士涵云:"六"字皆"八"字之誤,與《乘馬篇》同。

安井衡云:方六里,三十六井也。《司馬法》"甸出戎 車一乘,戰士七十五人",甸,六十四井也。

何如璋云:《乘馬》"白徒三十人,奉車兩",乃載輜重之車。所謂"一乘"則兵車也。"二十七人奉一乘"者,殆合甲七蔽五與步卒計之。王以白徒三十人當之,非。《孫子·作戰》"孫子曰:凡用兵之法,馳車千駟,革車千乘,帶甲十萬"。曹《注》"馳車,輕車也,駕駟馬,凡千乘。革車,重車也,言萬騎之重也"。杜《注》引《司馬法》曰"一車甲士三人,步卒七十二人,炊家子十人,固守衣裝五人,戚養五人,排汲五人,輕車七十五人,重車二十五人",與此文、《乘馬篇》之數不同,疑"二十七"乃七十二,轉寫者誤倒其

字耳。

孫詒讓云:《周禮·夏官·叙目》"二十五人爲兩",此 "二十七人","七"當爲"五"之誤。《乘馬篇》說"徒三十人 奉車兩",據《司馬法》有廐養等五人,故曰"三十人"。此 "二十五人"不兼廐養也。

一國之穀資在上幣資在下

豬飼彦博云:"資"當作"皆"。

林圃案: 《通典・食貨》十二引此文無"之"字。

皆有矩券於上

安井衡云:矩,刻識也。刻識物與數於券上,故名矩券。

張佩綸云: "矩券", 《考工記》 "輪人必矩其陰陽", 鄭 《注》 "矩謂刻識之也"。

君實鄉州藏焉

張佩綸云: "實",《禮記·表記注》"謂財貨也",《淮南·精神》"名實不人",高《注》"實,幣帛貨財之實",《原道》"則名實同居",《注》"實,幣之屬也"。此"君實"亦謂幣。

苟從責者鄉決州決故曰就庸一日而決

尹知章云:"青"讀爲債。

安井衡云: 就、僦通, 賃也。庸, 賃作者也。

張佩綸云:《曲禮上》注"決猶斷也"。由鄉州決其券。 《詩傳》、《說文》"庸,用也",言其合用者一日中可盡決 其券。

沫若案: "从责"謂從官家借用也。故以一字爲句,言 民借用官物而有損壞者,則服傭一日而解決。

國筴出於穀軌國之筴貨幣乘馬者也

張佩綸云:《乘馬篇》曰"黄金百鎰爲一篋,其二貨一, 籠穀爲十篋",佩綸定爲"黄金百鎰爲一筴,貨爲一筴,籠 穀爲一筴"。此云"國筴出於穀軌,國之筴貨幣乘馬者 也",亦當曰"國筴出於穀軌貨幣乘馬之筴者也"。衍一 "國"字,正與《乘馬篇》合。

沫若案:當於"穀"字絶句。"五穀者民之司命也",故曰"國筴出於穀"。使國筴運行者則爲貨幣之流通,故曰"軌國之筴,貨幣乘馬者也"。本書稱貨幣之流通爲"通施"、"通移"、"溝瀆"、"乘馬"亦此意。古人陸上交通工具莫便於乘與馬,故以喻意。故《山國軌篇》有"環乘之幣"之名,"環乘"謂周遊也。

林圃案:本句下尹《注》有脱文,今據《通典》十二引文 校補如下。"貲,價也('貲'字,朱本、梅本作'貨',趙本、 朱長春本作'貲',花齋本作'資'),言應合(朱東光本作 '自')受公家之所給(朱東光本作'鄉'),皆與之幣,則穀 之價君上權之,其幣在下,故穀倍重。其有皮革之類堪於 所用者,所在鄉州有其數,若今官曹簿帳。人有負公家之

Ÿ

债,若耒耜種糧之類者,官司如要其用('其'字朱東光本、 趙本、朱長春本、花齋本、梅本均作'器')若皮革之類者, 則與其準納; 如要功庸者, 令就役一日, 除其簿書耳。此 蓋君上一切權之也。詳輕重之本旨,摧抑富商兼并之家, 隘塞利門,則與奪貧富,悉由號令,然可易爲理也。(各本 <注>均至此,下文全脱。)此篇經秦焚書,潛蓄人間,自漢 與晁、賈、桑、耿諸子猶有言其術者,其後絶少尋覽,無人 注解,或編斷簡蠹,或傳訛寫謬,年代綿遠,詳正莫由。今 且梗槩粗知,固難搜解其文字。凡問古人之書,蓋欲發明 新意,隨時制事,其道無窮,而況機權之術,千變萬化,若 一一模楷則同刻舟膠柱耳。他皆類此"。(共計脱文一百 一十二字。) 顔昌嶢録此文而以爲《通典注》,然 《通典》所 採《管子注》均爲尹《注》之舊,其時有出入者,則傳鈔譌 脱。杜氏曾作《管氏指略》,據《唐書・藝文志》僅二卷, 其書久亡,疑只論叙篇章之旨而已,非注體。《宋史·藝 文志》有丁度《管子要略》五篇亦久亡。當時《管子》均十 九卷(《意林》云十八卷), 尹《注》則三十卷, 若果爲《注》 體,卷帙無如此之少也。杜氏所爲《指略》雖云已佚,然就 其《食货》、《兵制》等部份所引《管子》之言亦可概見其體 例,與此不同。此云"絶少尋覽,無人註解",尤可證爲尹 氏語。杜佑在尹以後,不能作如此言。以文義觀之,上下 實相連貫, 恐乃後之校書者以其無關大旨故節删之。尹 《注》經後人刪節者必尚多,《通典》所記,劉績所引"别本" 均是。劉續恐是遼人、故猶多見"别本"之《注》。 自宋以

後則删節本單行,而尹《注》之完整者不可復見。世所傳 宋本與今本尹《注》無大異同者卽以此。

巧幣萬物輕重皆在賈之

張佩綸云: "巧" 當爲 "穀", 字之誤也。"賈之"下脱"子"字,本篇"大夫謂賈之子", 是其證。

金廷桂云:"巧"當爲"朽","之"當爲"子"。

馬元材云: "賈之"乃"賈人"之誤。説見上。

沫若案: "巧幣" 當屬上句, 乃 "朽弊" 之訛。原文爲 "今刀布藏於官府朽弊, 萬物輕重皆在賈人"。刀布朽弊, 如《史記·平準書》"京師之錢累巨萬, 貫朽而不可校", 是 也。

彼洛輕而穀重幣重而穀輕

張佩綸云:"彼穀重而穀輕"當作"彼幣輕而穀重,幣 重而穀輕",《國會節》"幣輕國重",是其證。

陶鴻慶云:此文疑本二句,其文云"彼萬物輕而穀重, 萬物重而穀輕",與上文"彼幣重而萬物輕,幣輕而萬物 重"句法一律而義亦相承。《輕重乙篇》云"栗重而萬物 輕,栗輕而萬物重",文義並與此同。今本誤奪,則文不成 義。

沫若案:當以陶説爲是。蓋穀貴則他物賤,貨幣之購買力因而增高;穀賤則他物貴,貨幣之購買力因而降低。 《管》書中以穀爲本位,貨幣尚未充分獨立,有類於穀之輔幣焉。

人君操穀幣準衡而天下可定也作金

張佩綸云:"金衡"當作"準衡",下節"准衡輕重國會" 可證。

狼牡以□至於馮會之口[1本]

古本作"壯",劉本、朱本同。趙用賢本以下各本皆作"牡",同宋楊忱本。

安井衡云: 古本"牡"作"壯"。"日"當爲"口",字之誤也。

吴志忠云:"目"乃"口"字誤。

張佩綸云:"狼牡"當作"琅邪"。《漢書·地理志》琅 邪郡琅邪縣,今青州諸城縣。

龍夏以北至于海莊

張佩綸云:"龍夏"即"雷夏",見前。"海莊"當作"海 涯",蓋"涯"誤爲"庄",因作"莊"耳。海涯即海隅、海瀕。

林圃案:張佩綸説"龍夏"卽雷夏又卽雷澤,雷夏在春秋時乃曹地,非齊地。其地在曹州境,若云"雷澤以北至於海莊(作'海涯')",則併曹、齊、魯之地全在内矣。其説可商。尋此文義,其地並不如此之大。

馮市門一吏書贅直事若其事団

何如璋云: 贅,《説文》"以物質錢。從貝敖", 敖者猶 放貝當復取之也。《漢書·武帝紀》"毋贅聚", 《注》"贅, 會也"。直,猶值也。若,順也,順,循也。言於馮會之市置一門吏經理蓄牧之政。其以牲畜相質及以時聚會者書之,而又順循其事以攷其牧籍,稽其數焉。所以蕃育犧牲也。

張佩綸云:《公羊》襄十六年《傳》何休《注》"贅,繁屬之辭"。禽獸牛羊分别繁屬而書其數也。

維遹案: "書"猶登記也。贅卽鄉贅, 男嫁于女家也。 "若其事"當作"若其事立", "若"猶"乃"也。今本脱立字, "若其事立", 《海王篇》兩見, 是其證。

唐圉牧食之人養視不失扞殂者去其都秩與其縣秩

古本"圉"作"國",劉本、朱本同。各本均作"圉"。

王念孫云: "唐圉"當爲"唐園",字之誤也。"食"與 "飤"同。謂唐園中牧飤之人也。《輕重甲篇》曰"以唐園 爲本利",《晏子春秋·問篇》曰"治唐園,考菲履",皆其 證。

何如璋云:"唐"讀爲"廣",唐圉者,廣野,牧地也。或云"唐"乃"廋"字,廋人圉人皆司牧者。王説"唐圉"當作"唐園"。按牧養當在邊圉,唐園乃近郭地,恐非。

張佩綸云:"唐"當爲"廋"。《周禮》"廋人掌十二閑之政教,以阜馬、佚特、教駣、攻駒,及祭馬祖、祭閑之先牧,及執駒、散馬耳、圉馬"。鄭《注》"廋之言數"。其官次牧師之後,圉師、圉人之前,廋圉牧飤皆養禽獸之人也。"扞"當爲"折",字之誤也。《禮記·祭法篇》"萬物死皆曰折"。

馬元材云: "殂"當作"阻"。扞者禦其患,阻者防其逸。都秩卑,縣秩尊。去其原有之都秩而另與縣秩,蓋所以獎勵之也。

大夫不鄉贅合游者謂之無禮義大夫幽其 春 秋 列 民 幽 其門山之祠

朱長春云: 大夫家合游無時,列民則春秋二社,兩幽 所以異也。又云: 大夫時會,列民二社會,不會者幽。幽 或當時之罰也。

張佩綸云:"鄉贅合游"者,《月令》"季春之月乃命累 牛騰馬游牝于牧,犧牲駒犢舉書其數","仲秋之月乃命宰 祝循行犧牲,視全具,案芻豢,瞻肥瘠,察物色,必比類,量 大小,視長短,皆中度,五者備當,上帝其饗"。疑當作"其 春秋,鄉大夫不列贅合游者,謂之無禮義,大夫幽其門,民 囚之"。囚脱而爲囚也。幽,閉也。《爾雅》"囚,拘也", 《説文》"囚,繁也"。《荀子·王霸篇》"公侯失禮則幽"。

姚永概云:《廣雅・釋詁》"贅,聚也",《漢書・王莽傳 注》同。

維遹案:此文錯亂,義不可通。疑當作"其春秋大夫不鄉贅合游者,謂之無禮義。大夫幽,列民幽其門",鄉贅屬於通淫時,在《春秋》、《詩》、《禮》有明文。"合游"即《吕氏春秋·季春紀》"合纍牛騰馬游牝于牧","大夫幽"猶《荀子·王霸篇》所謂"公侯失禮則幽",楊《注》"幽,囚也"。"列民",讀爲黎民。"幽其門",囚其全家也,以示其

罰重於大夫。

沫若案: "不鄉贅合游"上"大夫"二字即"春秋"二字之殘, 其下"春秋"二字即此二字之校注。校者蓋注於眉端, 爲抄書者所誤羼。原文當爲"春秋不鄉贅合游者,謂之無禮義。大夫幽其列, 民幽其門"。幽之言醜也,謂不光彩也。"山之"者"山"讀爲"訕", 訕笑之也。"祠"字下屬。

因欄牢乙筴也欄本謂之通國贸

丁士涵云: "捫"疑"欄"字誤。《晏子》"君之牛馬老於欄牢",《鹽鐵論》"是猶開其欄牢",《輕重戊篇》"殷人之王立阜牢服牛馬","欄牢"即阜牢也。下文"行捫牢之筴"同。

張佩綸云:《詩·抑》"莫捫朕舌",《傳》"捫,持也"。 《説文》"捫,撫持也"。《史記·平準書》"官與牢盆",《索 隱》引蘇林"牢,價直也"。就無用之地以牧飤牛羊犧牲, 因以持其賈直,故曰"因捫牢,筴也"。

一多案: 牢下當有"之"字,"通"下當有"國筴"二字。

有山處之國有氾下多水之國

豬飼彦博云:"氾"當作"污"。

張佩綸云:《説文》"氾,濫也","濫,氾也,一曰濡上及下也,《詩》曰:畢沸濫泉"。

維遹案:此即《周禮・掌節》"山國""澤國"也。

一多案: 張説非也。"氾下"即污下,詳《山國軌篇》。

沫若案: 古國、域字通作"或",凡此所謂"國"均謂地域也。

有山地分之國

豬飼彦博云:分,中分也。

安井衡云:山地分,山與平地相半也。

有漏壤之國

安井衡云:漏壤,水泉渗漏,不居地上。

維遹案:《文選·魏都賦》"隰壤瀸漏而沮洳",《注》 "漏,猶滲也"。今東齊稱田滲水謂之"漏田"。

山處之國常藏國穀三分之一

古本"藏"下有"國"字,劉本、朱本同,各本均無。安井衡云:古本藏下有"國"字。

水洪之國常操國穀十分之二水洗上本有水

丁士涵云:"常操"下當脱"國穀"二字,與上文句例同。

張佩綸云:"水泉之所傷"五字乃"氾下多水"之《注》, 誤入正文。

漏壤之國

一多案:此下似有脱文。

沫若案: 當連下"謹"字爲句。"漏壤之國謹"者,"謹" 假爲"饉"。《爾雅·釋天》"蔬不熟爲饉",但《墨子·七患 篇》言"一穀不熟謂之饉",《穀梁傳》襄公二十四年言"三 穀不熟謂之饉",饉之義有異。要之"漏壤之國"收穫有限 也。

下諸侯之五穀與工雕文梓器

豬飼彦博云:"之五穀與"四字疑衍。

戴望云:"與"疑"輿"字誤。

張佩綸云: "與工雕文梓器以下天下之五穀"乃總結 "五勢"語。"雕文"謂女工,"梓器"謂百工。此太公、管子 所以富齊之法,蓋以工商補農事之不足。

今以諸侯爲苧公州之飾焉

張佩綸云:《玉篇》"苧,直與切,織苧也",《類篇》"機之持緯者"。案《説文》"杼,機之持緯者",則苧即杼之或字。以諸侯爲杼,而下文義不相貫,疑"苧"即"炭"之壞。"公"當作"分","飾"當作"餘",分一州之餘以乘四時,即上文操十分之三、十分之二也。《左傳》"其波及晉國,皆君之餘也"。

李哲明云: "学"是"筦"字之訛。"完"字宋諱闕末筆作字,因誤耳。"飾"亦當爲餘(上篇三"蓄飾"字王氏謂並當爲"蓄餘"),形近而誤。言國君自操其國筴,又以諸侯筦理其公州之餘積,斯無遺數矣。

沫若案:"苧公"當爲"亭公"之譌。《方言》三"楚東海

之間亭父謂之亭公"。《漢書·高帝紀》"高祖爲亭長,乃以竹皮爲冠,令求盗之薜治",《注》引應劭曰"求盗者亭卒,舊時亭有兩卒。一爲亭父,掌開閉掃除。一爲求盗,掌逐捕盗賊"。"飾"當爲"飭","之"與"是"通。

以乘四時行欄牢之筴^{欄本}

丁士涵云:"捫"疑"欄"字誤,說見上。

以東西南北相被用^{被本}作彼

戴望云:"彼"疑"被"字誤。

利有足則行有不滿則止對作不滿

何如璋云:"有止","有"字當在"不滿"上。

張佩綸云:當作"利足則有行"。

故利不相傾縣死其所

安井衡云:縣,繫也。王以時省察鄉州,故百姓見利不相傾奪,各繫死其所,不敢去鄉。

張佩綸云: "縣",《考工記·旊人》"立中縣",《注》"縣 繩正豆之柄",此縣謂用平而准也。"死"當作"凥",《説 文》"荒,古文死",與"凥"字形近。此言所縣之准,居其所 不動,而東西南北無不平矣。

維遹案:《淮南・主術篇》"其於御兵及縣矣",高《注》 "縣,遠也"。"死"與"尸"通,《尚書・五子之歌》"太康尸 位",《僞孔傳》"尸,主也",《廣雅·釋詁》"主,守也",言永 在其處所。

沫若案:此謂逐利者不能興風作浪而財經穩定也。 《毛公鼎》"粤四方死毋動",與此"縣死其所"意相近。《後 漢書·皇甫規傳》"懸師之費且百億計",《注》"懸猶停 也"。

君守大奉一

馬元材云: "君"字宜上屬爲句。"縣死其所君"即《國 蓄篇》"故民無不累於上也"之意。所以然者何。以國家 所守者大,則利從上出,無二孔、三孔、四孔之弊,故人民 所奉者亦自一也。

沫若案:馬說頗辯,然於文法有未照。"縣死其所", "縣死"爲内動詞,"其所"乃表地狀詞,可省去"於"字。 "縣死其所君"則"縣死"爲外動詞,"君"爲其賓詞,譯成今 語,即"吊死他的主子",不辭之至。如仍以"縣死"爲内動 詞(馬氏意如此),則不能省去"於"字。馬所舉《國蓄篇》 語可證也。故馬説非是。然其所解"守大奉一"意則得 之。

地數篇第七十七

桓公問管子曰地數可得聞乎

維遹案:《御覽·地部》一引"桓公"下有"問管子"三字,此疑誤奪。

地之東西二萬八千里

何如璋云:此舉海内四圍之數。若地輿廣輪,不止此數。《御覽》三十六引《河圖括地象》"八極之廣,東西二億三萬三千里,南北二億二萬一千五百里。夏禹所治四海内地,東西二萬八千里,南北二萬六千里",是也。

尹桐陽云:《廣雅》曰"神農度海内東西九十萬里,南北八十一萬里。帝堯所治九州地二千四百二十萬八千二百四頃。其墾者九百一十八萬八千二十四頃"。《論衡》云"周時九州東西五千里,南北亦五千里"。均與此殊。

維通案: 《御覽》引"八"作"六",誤。《山海經・中山經》、《吕氏春秋・有始覽》、《淮南・墜形篇》、《廣雅・釋地》,並與《管》書同。

见天下图山五千三百七十出銅之山四百六十七出鐵 之山三千六百**旬**九九下本皆有山字

洪頤煊云:《史記·貨殖列傳正義》、《太平御覽》三十八引"出銅之山"上皆有"凡天下名山五千三百七十"一句,今本脱之。

王念孫云:《史記·貨殖傳正義》、《太平御覽·地部》一引此"出銅之山"上並有"凡天下名山五千三百七十"一句,《中山經》亦有之,當據補。又引"出銅之山"二句作"出銅之山四百六十七,出鐵之山三千六百有九",今本二句末皆行"山"字,次句中又脱"有"字,亦當依二書訂正。

張佩綸云:《玉海》十五引亦有"凡天下"句,黄丕烈謂 伯厚所見本卽此本,非也。

又云:《中山經》"出鐵之山三千六百九"作"六百九十",劉昭注《郡國志》引《帝王世紀》曰"《山海經》……出鐵之山三千六百九",足證今本《山海經》作"六百九十"爲誤。

尹桐陽云:劉昭注《郡國志》云"出銅之山四百六十七,出鐵之山三千六百九"。而《山海經·中山經》"出銅之山四百六十七,出鐵之山三千六百九十",略與此殊。

金鶴翀云:《困學紀聞》引此末亦無"山"字,並無"有"字。《孝經緯》則云"出銅之山四百五十七"。

此因地之所以分壤樹穀也

孫星衍云: 案據《中山經》"此"字下脱"天地"二字。 豬飼彦博説同。

安井衡云: "地之東西"至此,皆《山海經》之文。《山海經》"此"字下有"天地"二字,轉寫脱之耳。

張佩綸云:《地數篇》首節以分壤樹穀及戈矛、刀幣爲三大端,不應但言戈矛刀幣而置樹穀不論,宜以《揆度篇》"一歲耕七"句、"上農挾五"一節及《輕重丁篇》"正月之朝穀始也"一節,割隸此篇,章旨始明,語意始足。此三節在《揆度》、《丁篇》前後均不附麗,一經改定,彼去駢枝,此完血脈,無截鶴續鳧之嫌,非好爲意斷也。

刀幣之所起也

孫星衍云:案《中山經》"幣"作"鍛"。

一多案:貨幣之屬多濫觴於農事發土芟草之器,"幣"字本當作"整"。《方言》五"鍫……江、淮、南楚之間謂之臿",《注》曰"江東又呼鍫刃爲鐅"。《説文》"鐅,河内曰臿頭金",此似爲錢幣之名,然則鐅爲錢幣本字有確證矣。此文刀幣與戈矛並舉,是字當作鐅。《中山經》作鎩者,鐅、鎩疊韻連語,與"弊鎩"(見《淮南子·原道篇》)同例。凡連語例可單言偏舉,於義不殊,是鎩亦鐅也。又《説文》"鎩,鈹有鐔也",鈹、鐅對轉字,猶疲一曰弊。一説"鐅"《集韻》一作"轍","鎩"即"轍"之形謁,亦通。

何謂得失之數皆在此因

丁士涵云:"此"下脱"内"字,當據上文補。

昔者桀有天下而用不足^{桀下本}

張佩綸云:"桀霸","霸"字衍。

維通案:《御覽·資産部》十六引無"霸"字,此疑衍。

湯有七十里之薄而用有餘

安井衡云:"薄","亳"假借字。

尹桐陽云:薄,南薄也。在今河南商丘縣南四十里。 《孟子》書"湯以七十里,文王以百里"。《淮南·兵略篇》 "湯之地方七十里而王者,修德也"。語與此同。而《墨子·非命》"湯封於亳地方百里",《荀子·議兵》"古者湯以薄,武王以滈,皆百里之地"。《商君書》亦云"湯封方百里"。蓋各據所聞而言耳。

坐起費□之時也^{本作坐起} 之費時也

張佩綸云:"費時",費字符。

一多案: 疑當作"坐起費□之時也"。

沫若案: "坐起之費時也"當爲"坐起之弗背時也"之 誤,"弗背"二字誤合而爲"費"耳。

黄帝問於伯高曰

張佩綸云:《管》書不應雜入黄帝之問,且與上文語不

相承, 當在"請問天財所出地利所在管子對曰"之下。前 節末句曰"上有赭者下有鐵"、後節起句云"上有赭者下有 **徽",前無銀,後無金銅錫,兩合之則五金俱全,乃悟此之** 末句,即彼之起句,轉寫複脱之迹顯然。《史記·貨殖傳 正義》引《管子》"山上有赭,其下有鐡,山上有鉛,其下有 銀,山上有銀,其下有丹,山上有磁石,其下有金也",銀丹 句似互倒,然兩節之本屬一節,此其的證。今據以訂正。 "管子對曰"下接"黄帝問於伯高曰"至"與折取之遠矣", 而中補"上有鉛者其下有銀"爲句,爲一節,下接"一曰"至 "與犯之遠矣"爲一節,"此天財地利之所在也"總束之。 "脩教十年"以下應戈矛之所發,上當有"桓公曰: 以天財 地利立戈矛於天下者誰也,管子對曰: 黄帝脩教十年"云 云,今皆捝去。管子對曰,據《史記集解索隱》、《漢書音 義》引此節均作"管子"或"管仲日"補,餘皆據下節例。 "見戈之本"當作"見戈矛之本也",此節承戈矛,下節承刀 幣,文極整齊。僞房不得尹《注》本,草率凑補,幾不可讀, 姑以己意釐定之,理董以俟達者。

維遹案: 《山海經・海内經》"華山青水之東有山名日 肇山,有人名曰柏高",郝懿行云"郭注《穆天子傳》云,古 伯字多從木,然則柏高即《管子》之伯高矣"。

沫若案: 張佩綸所釐定者頗費苦心,然覺紛張過甚。 余意自"黄帝問於伯高曰"至"此見戈之本也"一節,乃前 人抄録他書文字爲下文"山上有赭者其下有鐵"云云作 往,而誤入正文者。下文有"一曰"云云,亦抄注濫入,可 爲互證。

請刈其莞而樹之吾謹逃其蚤牙

戴望云:《路史·黄帝紀注》引"刈"作"乂","莞"作"克","樹"作"時","蚤"作"爪"。

孫詒讓云: "吾"當作"五",下又捝"穀"字。"請刈其 莞而樹之五穀",言芟草而藝穀也,傳本捝"穀"字,校者於 五下著一□,校者不来,遂並爲"吾"字矣。

一多案: 疑當作"請刈其莞蒲而樹之五穀"。(《山國 軌篇》"有莞蒲之壤"。)《天問》"咸播秬黍, 灌莆是營"," 灌 莆"即莞蒲,"營"讀爲劉,除草也。彼言營灌莆而播秬黍, 正猶此言刈莞蒲而樹五穀也。

上有丹沙者下有黄金

戴望云:《路史》"沙"作"矸","金"作"銀"。

尹桐陽云:凡黄金苗線多與痴人金相雜。痴人金黄色,在空氣中與養氣相合則變丹色。經雨水冲刷成爲碎粒,故曰"上有丹砂者下有黄金"。丹砂形如栗,故一名丹栗。郭璞《江赋》又謂之丹礫。《荀子》謂之丹干。《逸周書·王會》"卜人以丹砂"。《西山經》"皇人之山其上多金玉,其中多丹栗。魄山多采石黄金,多丹栗。槐江之山其上多藏黄金,其陽多丹栗"。均丹沙之稱也。

毓棠案:作"丹矸"是,《荀子·正論篇》云"加之以丹矸",楊《注》"丹矸,丹砂也"。又《王制篇》作"丹干",楊《注》云"丹干,丹砂也,蓋一名丹干,干讀爲矸,胡旦反"。

上有慈石者下有銅金

戴望云: "慈"即"磁"之假字。《路史》作"下有赤銅青金"。

張佩綸云: "下有銅金"當作"下必有銅"。《北山經》 "灌題之山,其中多磁石",郭璞《注》"可以取鐵,《管子》 曰:上有磁石者下必有銅"。據此,知"金"字爲衍。《吕 覽·精通篇》"慈石召鐵",高《注》"石,鐵之母也,以有慈 石,故能引其子,石之不慈者,亦不能引也"。《淮南·説 山訓》"慈石能引鐵,及其於銅,則不行也"。《名醫别録》曰 "慈石,一名處石,生太山及慈山山陰,有鐵處則生其陽"。 慈石引鐵,古書屢見。《淮南》明言於銅不行,似"上有慈 石者下"當作"必有鐵"。而《爾雅注》作"銅",《史記正義》 又作"金",《路史》作"下有赤銅青金",無由折衷一是矣。

尹桐陽云: 慈之言孳也。慈石即長石。長石受水及空氣之變化,漸成爲土。復受植物酸化,消化其中雜質,即成爲浄磁土,多含銅鉛錫銀等礦。故曰"上有慈石者下有銅金"。非指性能吸鐵之慈石言也。性能吸鐵之慈石專産於鐵山。《寰宇記》"淄川縣,商山在縣北七十里,有鐵礦,古今鑄焉,亦出磁石"。《淮南·説山》"慈石能引鐵,及其於銅則不行",均是。

維遹案: 《山海經・北山經》郭《注》引作"山上有磁石者,下必有銅"。《御覽・地部》三引"慈"亦作"磁",餘同今本。

上有陵石者

孫星衍云:《御覽》三十八引作"緑石",八百十引作 "陵石",與今本同。

張佩綸云:《本草》"陵石生華山,其形薄澤"。

毓棠案:"陵石"應從《御覽》引作"緑石"。范成大《桂 海志》云"石緑,銅之苗也,出廣西右江有銅處,生石中,質 如石者名石緑"。

下有鉛錫赤銅

戴望云:《御覽·地部》三、《珠寶部》九引应無"赤銅" 二字。

上有赭者下有鐵

張佩綸云: «北山經»"少陽之山,其中多美赭", 《注》 引《管子》曰"山上有赭者,其下有鐵"。

尹桐陽云:赭,赤土也。今稱土珠。鐵礦未與空氣相會,爲深藍色。其表面鐵礦與空中之養氣相配者則爲赭色。故曰"上有赭者下有鐵"。《中山經》"求山求水中有美赭,陽多金,陰多鐵"。《北山經》"少陽之山下多赤銀,水中多美赭",《注》引此作"山上有赭者其下有鐵"。

此山之見榮者也

林圃案:《淮南子·説林訓》:"銅英青,金英黄,玉英白",英猶榮,皆以草木之華榮喻礦藏之鑛苗也。

君謹封而祭之

孫星衍云: 《北堂書鈔》一百四十四引"謹"作"遥"。 是則使乘者下行者趨^{本作乘}

張佩綸云: "乘者下行,行者趨",上"行"字涉下而衍。 《論語》"孔子下",包《注》"下,下車也"。

維遹案: 張説是也。《吕氏春秋·慎大篇》"士過者 趨,車過者下",義同此。

沫若案: "行"不當衍,下車仍當行也。乘者乃貴族, 行即可耳,無須乎趨。有"行"字正見階級區别。

若犯令者罪死而不赦

維遹案: "死"下當有"而"字。下文亦云 "罪死而不 赦",是其證。今本"而"字錯置於下文。

然則與折取之遠矣

安井衡云:"折",讀爲硩。硩,音徹,挑摘也。《説文》 "硩,上摘山巖空青珊瑚墮之"。

張佩綸云:"折取之遠矣"、"犯之遠矣",言不敢折取之,不敢犯之也。《周禮·十人》"掌金玉錫石之地,而爲之厲禁以守之,若以時取之,則物其地,圖而授之,巡其禁令",此與《周禮》義合。按上古十人物地之法久廢,鄭氏《周禮注》"物地,占其形色,知鹹淡也",《疏》云"鄭以當時有人采者,嘗知鹹淡,即知有金玉,故以時事言之"。是東漢時尚有能占形色者。

尹桐陽云: "折"同"硩",《説文》"硩,上擿山巖空青珊瑚陊之",《墨子·耕柱篇》"昔者夏后開使蜚廉折金於山而陶鑄之於昆吾"。

維遹案: "則"下疑奪"其"字,"取"即"其"字之譌,而 錯置於下。下文云"然則其與犯之遠矣"句法正同。

修教十年葛盧之山發而出水金從之年下本

孫星衍云:《史記·五帝本紀索隱》引作"蚩尤受盧山之金而作五兵","盧"上無"葛"字。《高祖本紀集解》引作"交而出水"。(沫若案: "交"即"發"字草書之訛。)《藝文類聚》六十引作"廢而出水",廢、發古字通用。

張佩綸云: 葛盧,《續漢書·郡國志》東萊郡葛盧有尤 渺亭,疑卽葛盧山也。

尹桐陽云:《後漢書·郡國志》東萊郡葛盧有尤涉亭, 蓋因山而名縣者,在今山東膠縣境。《史記·五帝本紀索 隱》引此作"蚩尤受盧山之金而作五兵"。《前漢書·高帝 紀》"祠黄帝,祭蚩尤於沛庭",臣瓚"引葛盧"作割盧。

維遹案:"葛"上"而"字衍。本在上文"罪死不赦""死"字下,今本錯置於此。《書鈔》百二十一、《御覽·兵部》七十五、《珍寶部》九、《事類賦》九"葛"上並無"而"字,是其證。

一多案:《留存事始》引作"葛盧之山發黄金"。

蚩尤受而制之以爲劍鎧矛戟

張佩綸云: 蚩尤,黄帝臣, 詳《五行篇》。《御覽》八百

三十三引《尸子》"造冶者蚩尤也",《廣韻》三十五馬作"蚩尤造九冶"。

尹桐陽云: 蚩尤,黄帝臣。《尸子》曰"造冶者蚩尤也"。《世本》"蚩尤以金作兵,一弓、二殳、三矛、四戈,五戟"。《前漢書·高帝紀注》臣瓚引作"以作劍戟",無"鎧矛"二字。

維通案:《留存事始》及《書鈔》百二十一引作"蚩尤受 之制以爲鎧",《御覽・珍寶部》九、《事類賦》九引"受而制 之"作"取",下文同。《兵部》七十五引作"受之"。

德鈞案:《御覽·兵部》一引《世本》曰"蚩尤作兵",宋 衷《注》"蚩尤,神農臣也"。

是歲諸侯相兼者九本作相兼

戴望云: 《路史·黄帝紀注》引"諸侯"二字在"相兼者"之上。

以爲雍狐之戟芮戈

洪頤煊云:《荀子·榮辱篇》"狐父之戈",楊倞《注》 "狐父,地名。《管子》曰:蚩尤爲雍狐之戟,狐父之戈, 豈 近此邪?"《路史·後紀》四引作"雝狐之戟,狐父之戈",此 作"芮戈",誤。

安井衡云: 芮,短也。戈短於戟,故曰芮戈。

張佩綸云:洪説非也。楊倞《注》以雍狐證狐父,非 《管》書作"狐父之戈"也。《路史》不足據以改古書。雍狐 者,《典論》"周魯寶雍狐之戟,狐父之戈"。

沫若案: 張説是也。《荀子》楊《注》,當標點爲"狐父, 地名。《管子》曰'蚩尤爲雍狐之戟',狐父之戈豈近此 耶?"洪蓋失其讀。

是歲諸侯相兼者十二本作相兼者

戴望云:《路史注》引作"諸侯相兼者十有二"。

此得失之本也得失本

丁士涵云:"見戈"疑"得失"之壞字。上文云"得失之數,皆在此内",是其證。

姚永概云:上文"是歲相兼者諸侯九",又"是歲相兼者諸侯十二",則"見戈"當作"見兼"。作"戈"者,涉上文"芮戈"而誤。

上有鉛者其下有銀光下本有一日上有鉛

古本"銀"作"经",劉本、朱本同,他本均作"銀"。

宋翔鳳云: "一曰"以下十一字皆校者語,而誤作正文。則校語入正文者多矣,故《管子》難讀也。

尹桐陽云: 鉛礦均含有銀質,故鉛礦可名爲銀礦。今常寧縣北鄉水口山鉛礦,其一例也。

上有丹沙者其下有鉒金

俞樾云:《玉篇·金部》"鉒,送死人具也",然則"鉒

銀""蛀金"殊不可通。疑"鈺"字之誤,《五音集韻》曰"鈺, 堅金也"。

唐蘭云:按俞説誤。"鉒"乃鈓之誤字,"鈓"通鋌,《説文》"鋌,銅鐵樸也",《淮南·脩務訓》"苗山之鋌",許慎《注》同。此言上有鉛及丹沙者,下有金銀之樸也。

上有慈石者其下有銅金

張佩綸云:"銅金"當作"鉒銅","鉒"與"注"通,《莊子·達生篇》"瓦注""金注",《淮南·説林訓》均作"鉒",是其證。《説文》"注,灌也",言金銀銅灌注其下。

尹桐陽云: 《北山經》"灌題之山,中多磁石",《注》"可以取鐵"。《管子》曰"山上有磁石者下必有銅"。《史記·貨殖傳正義》引"山上有赭,其下有鐵。山上有鉛,其下有銀。山上有銀,其下有丹。山上有藝石,其下有金"。所引略與此殊。

然則其與犯之遠矣

維遹案: 犯,猶發掘也。《淮南·脩務篇》"犯津關", 高《注》"犯,觸也"。觸與發掘義相因。

以天財地利立功成名於天下者誰也龍下本

張佩綸云:"誰子","子"字涉下而衍。

夫玉起於禺氏②邊山馬本作牛氏

王念孫云:"牛氏"當作"禺氏", 見《國蓄》、《揆度》、

《輕重甲》、《輕重乙》四篇。

張佩綸云: "牛"乃"亏"字誤。于氏之邊山卽禺氏也。 禺氏卽禺夷。《書·顧命》"夷玉",《釋文》馬曰"東夷之美 玉也",《正義》引鄭云"夷玉,東北之珣玗琪也",《説文》 "珣,醫無閭之珣玗璂,《周書》所謂夷玉也",玉名玗,則山 亦名于,于、禺,無、闆,皆一聲之轉。

維遹案: 王説是也。《御覽·兵部》七十五《珍寶部》 九引"牛氏"並作"禺山",《書鈔》八十三、《事類賦》九引 作"禺氏山",是其證。

金起於汝漢之右洿

孫星衍云:《揆度》、《輕重乙篇》"洿"皆作"衢"。

張佩綸云: 金起於汝漢之右洿,《鹽鐵論》曰"汝漢之金鐵,誘外國、鈎羌胡之寶也",《韓子》"荆南麗水之中生金"。

一多案:"洿"當爲"衢",即灈水,詳《山至數篇》。

故先王託用於其重^{託本}

俞樾云:"各"當爲"託",聲之誤也。《國蓄篇》作"先 王爲其途之遠,其至之難,故託用於其重",可證。《揆度 篇》作"故先王度用其重","度"亦當爲"託"。

張文虎云: "各"疑本作"度"字,"度"古作"定",與 "各"形聲俱近而誤。下文云"先王權度其號令之徐疾,高 下其中幣而制下上之用"是也。《國蓄篇》作"故託用於其 重","託"亦"定"字之譌。

錢文霈云:《揆度篇》作"先王度用於其重",則此篇之 "各"及《國蓄篇》之"託",皆"度"字之聲誤。言先王揆度 而用其重也。

吾欲内守國財而毋捝於天下而外因天下可乎^{本無內字} 根本作税

安井衡云:税,遗也,《檀弓》曰"未仕者不敢税人"。

王壽同云:"税"當爲"棁",棁者,奪之假字也。《輕重 甲篇》"知萬物之可因而不因者,奪於天下,奪於天下者, 國之大賊也",此與"欲守國財而毋捝於天下而外因天下" 義正相同。故知"棁"即"奪"之假字也。下文云"夫本富 而財衆不能守,則稅於天下,五穀興豐巨錢而天下貴,則 稅於天下","税"亦當爲"棁"。

維通案: "欲"下脱"内"字。下文云"内守國財",是其 證。

沫若案: "税"如"税駕"之税,舍也,不必改字。安井 所引《檀弓注》"税,遺也",彼乃購遺之遺,不適。

夫水激而流渠

豬飼彦博云:"渠"當作"遽",疾也。

安井衡云:渠、巨通,大也。

張佩綸云: "流渠"當作"渠流", 《説文》"渠, 水所居", 言水激則止水皆流。

王壽同云:"渠"當讀爲遽,遽,急也。

桓公曰其行事奈何於管子四字

一多案:"問於管子"四字行。

民舉所最栗

陳奂云:"最"當爲"取",尹《注》音"子外反",則譌最矣。

陶鴻慶云"民舉所最粟"尹《注》云"舉,盡也,最,聚 也"。然武王之令,使民自聚百鼓之粟,非責其輸粟於公。 今云盡所聚粟,則文不通矣。"所"下當有脱字。蓋謂民 各盡其所有以聚粟,故國穀之價二十倍(國穀謂穀之散在 民間者),巨橋之粟價亦二十倍,所謂萬物輕而穀重也。

維遹案: "舉",報也。"所",其也。言民舉報其聚栗。 尹訓"舉"爲盡固非,陶謂"所"下有脱文,亦不可從。

沫若案: "舉所最栗"者,以其所有以聚栗也。《輕重 甲篇》"足其所,不賂其游",《輕重乙篇》"家足其所者,不 從聖人"。"所"即所有,義與此同。

武王以巨橋之栗什倍而市繒帛軍五歲母籍衣於民以巨橋之栗什倍而衡黄金百萬終身無籍於民平東極之栗之

張佩綸云: 兩"巨橋之栗二什倍"後當作"以國穀二什倍",其意以發栗便軍興,以國穀實金府也。

陶鴻慶云: 巨橋之粟二什倍, 武王以二什倍市繒帛, 又以二什倍衡黄金, 合之則爲四十倍, 其數不相當矣。 "以巨橋之粟"下兩二字皆衍文。蓋武王以粟價什倍之贏 市繒帛,又以什倍之贏衡黄金,合之正二十倍也。所謂穀 重而萬物輕也。

尹桐陽云: "市繒帛軍",帛,百也。"軍"同"緷",大束 也。

沫若案:上"巨橋之粟"當爲"國粟"。兩"二"字不當去。上文云"民舉所最栗,以避重泉之戍,而國栗二什倍,巨橋之栗亦二什倍",二什倍之國栗乃民所獻以避戍者,二什倍之巨橋之栗乃因栗價漲,而原有之栗亦漲也。以國栗市繒,以巨橋之栗衡黄金,乃分别使用之。"巨橋之栗"不應重出。"市繒帛軍"當爲"市繒萬軍"之誤。尹桐陽讀"軍"爲緷,是也。"衡黄金百萬"則當爲"衡黄金萬斤",蓋萬之簡筆"万"誤爲"百",而斤復誤爲"万"也。《通典·食貨》十二引無"百萬"字,蓋以意刪。

此準衡之數也

張佩綸云:《通典》節去此五字。

一多案: 句首當補"此"字。

桓公日今亦可以行此乎於管子四字

一多案:此非更端别起之語,"問於管子"四字當删。

齊有渠展之鹽

張佩綸云: "渠展"者,《廣雅·釋詁》一"勃,展也"。

《齊語注》"渠弭,裨海也",則渠展即勃海之别名。

錢文霈云:"展"當爲"養",字之謁。《漢志》"瑯邪郡 長廣縣,奚養澤在西。《秦地圖》曰劇清地幽州藪,有鹽 官"。蓋渠養卽奚養也。《元和志》"萊州昌陽縣,奚養澤 在縣西北四十里"。按昌陽故城在今山東登州府萊陽東 七十里。奚陽澤在今縣東五十里。登萊以北,古時通稱 北海。"渠展之鹽"蓋卽指此。

沫若案: "渠展之鹽"亦見《輕重甲篇》。尹知章於彼施注,而於此則不注一字。疑今本篇次與尹所注本已有更易。

燕有遼東之煑

安井衡云:"煑"亦謂鹽。

張佩綸云:春秋時北燕爲山戎所逼,豈能兼有遼東? 與梁、趙皆戰國人語。

一多案:"煮"謂煮鹽。

十口之家十人咶鹽百口之家百人咶鹽

孫星衍云:《御覽》八百六十五引"咶"俱作"舐"。

安井衡云:"咶"音視,與"舐"同。

張佩綸云: "咕","舐"俗字,當作"甛"。《説文》"甛, 美也",《周禮·鹽人》"飴鹽",《注》"飴鹽,鹽之恬者",是 其證。言無人不以鹽爲美。

錢文霈云: 咶、餂通。以舌探物也。《御覽·飲食部》 三十二引"咶"俱作"舐"。 一多案:"咕"讀爲啖,食也。

沫若案: 聞說是也。同語亦見≪海王篇≫,彼"咶"字正作"食"。

升加分耗而釜五十

安井衡云: "耗"讀爲好,同聲假借字。好,孔也。分好,半錢也。《海王》作"彊",亦謂錢。

一多案: "耗"讀爲氂,"氂"與"釐"同。《漢書·律歷志》"不失豪氂",《注》"十豪爲氂",《禮記經解》"差若豪氂",《釋文》本"氂"作"釐"。此言"分耗"卽半釐也。

煮沸水爲鹽^{沸本}

洪頤煊云:"泲"當作"沸"。 沩水清不能爲鹽,且下文修河濟之流,字已作"濟"。《輕重甲篇》、《乙篇》、《丁篇》并此篇,此語凡五見,唯《輕重甲篇》作"沸",字不誤。

戴望云: 宋本正作"沸", 與洪説合。

安井衡云: 游,漉也。凡煮鹽,撒潮於沙上,既乾,盛沙於器,又灌潮而漉之,然後煮之,故云煮泲水也。

何如璋云:"泲"當作"海", 泲不可煮鹽也。

一多案:洪謂"济"爲誤字,良是,然沸字義亦難通。 今謂"济"當爲"沛",字之誤也。(济隸書作沸,與沛形近, 故每相混。《漢書·地理志》"卞泗水西南至方與入泲篡" 又"蕃,南梁水西南至湖陵入泲渠",今本沩俱作沛。)《輕 重乙篇》"夫海出沛無止,山生金木無息",《輕重丁篇》"煑 沛爲鹽",沛俱作名詞用,則字當讀爲浡。(沛從※聲,浡從字聲,孛又從※聲。)浡者,水浮漚也。陸羽《茶經》"凡酌置諸盌,令沫餑均;沫餑,湯之華也"。"餑"當爲"浡",沫浡即浮漚,一曰水花,故陸云湯之華。(今吾鄉呼水花曰浡子,讀如方音厚薄之薄,與餑音正相近。)古蓋以海水跳波擊岸,噴勃成漚者,其色正白,狀極似鹽,故呼水未成鹽者曰浡。字一作沸者,浡、沸聲義俱近,涫沸之水亦有浮漚,故海邊起浮漚之水亦稱沸水也。《禮記·緇衣》"口費而煩",《注》"費或爲哱,或爲悖",《墨子·魯問篇》"豈不悖哉",又曰"豈不費哉",又孛星,一作弗星,"綍"一作"紼",勃然變色一作艴然,並其比。

大夫毋得治宫室大本

洪頤煊云:"丈夫"當爲"大夫"。《輕重甲篇》"孟春既至,農事且起,大夫毋得繕冢墓、治宫室"其證也。《太平御覽》八百六十五引亦作"大夫"。

豬飼彦博、安井衡説同。

然鹽之賈必四什倍

一多案: "然"猶然則也。古書多以然爲然則者,《晏子春秋·雜篇》"公曰然夫子之於寡人何爲者也",《論衡·感虚篇》"夫草木水火,與土無異,然杞梁之妻不能崩城明矣"(以上引見《古書虚字集釋》),《後漢書·宦者傳》"《月令》仲冬命閹尹審門閭,謹房室,《詩》之《小雅》亦有巷伯

刺讒之篇,然宦人之在王朝者舊矣"(引見《詞詮》),皆 其例。

君以四什個之賈循河濟之流南 輸 梁 趙 宋 衛 濮 陽中下 倍字循本作修

安井衡云: 古本"趙"作"赴"。

孫星衍云:《御覽》八百六十五引"脩"作"循"。

王念孫云:"脩"當爲"循",言循河濟而南也。

丁士涵云: "四什"下脱"倍"字。

俞樾云:"修"乃"循"字之誤,言循流而下也。"循"誤作"脩",因誤作"修"。本書類此者不可勝舉。

守圉之本其用鹽獨重

維通案:本猶國也。《輕重甲篇》作"守圉之國",足證 "本"與國同義。說詳《輕重戊篇》。

沫若案: "本"乃"邦"之替字, 漢人諱邦, 或易以義同之"國", 或代以音近之"本"。

煮沛水以籍於天下^{沛本}

一多案:"泲"當爲"沛",說已詳上。

然則天下不圄洩矣不吾洩本

張佩綸云:"天下不減矣"當依《山至數篇》作"天下不 吾洩矣",語意始明。 夫本富而財物衆不能守則捝於天下五穀 興 豐 吾 賤 而 天下貴則挩於天下兩稅字本皆作稅 天下貴敗充作日錢

俞樾云:此本作"吾賤而天下貴",言五穀興豐,則吾國之穀價賤而天下貴矣,故曰"五穀興豐,吾賤而天下貴則稅於天下,然則吾民常爲天下虜矣"。今作"巨錢"者,"吾"字缺壞,止存上半之"五",遂誤爲"巨",至"賤"之與"錢",字形相似,音又相同,致誤尤易矣。

戴望云:"舆"常爲"舆",説見《臣乘馬篇》。

張佩綸云: "興"當爲"舉"之壞,"巨"當爲"吾"之壞, "錢"當作"賤"。

一多案:"税"爲"棁"之譌,王壽同説,詳上。

若以身濟於大海

戴望云: "身"疑"舟"字之誤。篆文"身"作"艮","舟"作" 启",形相近也。

天下高我下無下字

王念孫云: "天高"當作"天下高",義見上文。《輕重 丁篇》作"天下高我獨下"。

安井衡云: "天高"間當有"下"字,今本脱。

則財利挩於天下矣稅本

戴望云: 元本無"利"字。

一多案:"税"爲"税"之譌,詳上。

沫若案:税,舍也。不必改字。

桓公曰桓公下本有問於管子四字

一多案:此"問於管子"四字亦當删。

夫齊衢處之本通達②所出達下本無之字

丁士涵云: "本"當作"國"。《國蓄篇》云"壤正方,四面受敵,謂之衢國",《輕重甲篇》云"吾國者衢處之國也", (《輕重乙篇》同。)可證也。

安井衡云: "本"猶首也。《輕重乙》作"國",義各有當,不必依彼改此也。

戴望云:"達"當是"道"字之誤。

維遙案: "本"猶國也。上文"守圉之本",本亦國也, 而《輕重甲乙》兩篇作國。下文"食吾本粟,因吾本幣", 《輕重乙篇》本亦並作國,正可互證其義。此俞樾説,詳 《輕重戊篇》。"達"下奪"之"字。"通達之所出"與"游子 勝商之所道"文同一例。《荀子·王霸篇》"通達之屬,莫 不從服",《儒效篇》同。楊《注》"通達之屬,謂舟車所至之 處也",義與此同。

一多案:"也"字本在下文,誤倒於此。

游子勝商之所道団本無

豬飼彦博云:《輕重乙》作"游客蓄商"。

丁士涵云:"勝"當作"媵"。《方言》、《廣雅》並曰"媵,

寄也",寄商猶客商也。

尹桐陽云:"勝商",任商也,謂行商而自任物也。

維遹案: "勝"讀爲任。《月令》"戴勝",《淮南·時則篇》作"戴任",是其證。《揆度篇》"善正商任者省有肆"。

一多案: 當移上文"也"字於此。

人求本者食吾本粟因吾本幣

俞樾云: "求"乃"來"字之誤,"本"謂國也。《輕重乙 篇》曰"故入吾國之粟,因吾國之幣",文小異大同。

然後天下之寶壹爲我用

一多案: "壹"猶皆也。《禮記·三年問篇》"壹使足以成文理",義同。

善者用非国有使非国人类

張佩綸云: "善者用非有使非人",《輕重甲篇》"故聖 人善用非其有使非其人",此蓋古語,故《甲篇》以美湯, 《淮南·主術》以美武王,惟《事語》佚田引之,已爲管氏所 駁斥,而此與《甲篇》反兩引之,何歟?

一多案: "有"上、"人"上當依《輕重甲篇》各補"其"字。

揆度篇第七十八

張佩綸云:《説文》"癸,冬時水土平,可揆度也",《白虎通》"癸者,揆度也",《釋名》"癸,揆也,揆度而生乃出也",《史記·律書》"癸之爲言揆也,言萬物可揆度也,故曰癸"。此篇皆泛言輕重之筴,與《輕重》諸篇雜糅緟複,未測篇名"揆度"之義。《宙合篇》"大揆度儀,若覺卧,若晦明,若敖之在堯也",原解謂"通於可不利害之問",疑爲《管子》學者傳聞偶異,以敖之在堯爲堯、舜之數,推演而爲此言。至《輕重乙篇》"武王問於癸度",《丁篇》"癸度居人之國",則又因篇名而誤爲人名。《管》書自子政以後,苦無善校,其爲何人割裂竄易,無從考核,非好學深思,不能以知其意矣。……或曰"《輕重》以甲乙分篇,不應至庚篇而止,此必癸篇也。癸訓揆度,故篇名《揆度》,而大名曰《輕重癸》。淺人以辛壬並亡,而《漢志》八十六篇之數已足,故削足就屢,致十干之數不全,而《管子》之次第益亂"。此說頗有見,姑附之以備參核。

沫若案:《輕重乙篇》有"武王問於癸度曰"一段,當屬 於此篇,即此篇命名之所由。"揆度"即"癸度"。彼所謂 "武王"者,"武"殆"威"之誤,乃卽齊威王因齊也。 齊桓公問於管子曰自燧人以來其大會可得而 聞 乎 管子對曰

戴望云:《路史·前紀》五引此文云"齊桓公問於管仲曰:輕重安施?對曰:自理國,伏羲以來未有不以輕重而成其至者。曰:燧人以來,其大會可得而聞乎?對曰:燧人以來,未有不以輕重而爲天下者也"。較今本多二十五字,宜據以補入正文。

馬元材云: 會,會計也。《周禮》"月計日要,歲計日會",大會猶大計也。

林圃案:《通典·食貨》十二引"大"作"要"。

燧人以來未有不以輕重爲天下阇也

一多案: 爲,治也。"也"上當從《路史·前紀》五《注》 引補"者"字。

乘天勢以隘制天下

一多案:"隘"讀爲益。

破增藪焚沛澤

豬飼彦博云:"增"疑當作"槽",巢也。言破禽獸所寢。

何如璋云:"增"與"層"通,增藪者,草木荒穢之地也。 "沛澤",謂澤中草棘叢生者,《風俗通》"澤沛者草木之蔽 茂,禽獸之所匿也"。 李哲明云:"增"讀爲橧,古通用。《禮記·禮運》"夏則居橧巢",《釋文》"橧本又作增",是其明證。《家語·問禮注》"聚柴爲橧",《廣雅·釋獸》"橧,圈也",即其義。《國准》以上,同。

維遹案: "增"與"橧"通,李説是也。又通作"榛"。《淮南·原道篇》"夏處榛巢",高《注》"聚木曰榛"。此"增"字兼草木而言。

其勝禽獸以大夫隨之禽獸下本有

王引之云:"禽獸之仇",義不可通,禽獸安得有仇乎? 下文曰"猛獸勝於外"則所勝者禽獸,非禽獸之仇也。"之仇"二字蓋因下文"若從親戚之仇"而衍,尹不能釐正,而 曲爲之說,非。

張佩綸云:《爾雅·釋詁》"仇,匹也"。《説文》"隨,從也"。

維遹案:王説是也。"勝"猶克服也。尹《注》"勝猶益"非是。

一多案: 許説是也。《易·繫辭下傳》"貞勝者也",虞 《注》"勝,滅也"。隨,追也。

沫若案: "其勝禽獸,以大夫隨之"者,言禽獸既勝, "大夫散其邑粟與其財物以市虎豹之皮",則大夫亦隨禽 獸而被克制也。

林圃案:《通典·食貨》十二引此無"其勝"二字,引尹 《注》亦無"勝猶益也"四字。

皆以雙虎之皮虎本

洪頤煊云: "武"當作"虎",此唐人避諱字。《通典》十二、《路史·後紀》十一引俱作"虎"。

張佩綸云:"虎"作"武",避唐諱。

林圃案: 唐高祖祖名虎,故唐人諱"虎"爲武。此在劉 績本正文及《注》皆作"武",在楊忱本則正文作"武",《注》 作"虎"。作"虎"者乃唐以後人所回改。

卿大夫豹飾貨鄉

張佩綸云:"鄉"當依《通典》十二作"卿"。《詩》"羔裘豹飾,孔武有力",《傳》"豹飾,緣以豹皮也"。《禮記·玉藻》"羔裘豹飾,緇衣以裼之",鄭《注》"飾,猶褒也",《唐風·羔裘箋》"此位卿大夫之服也"。此鄭取《管》義以笺《詩》者。

故山林之人刺其猛獸若從親戚之仇

維適案:《詩·還篇》"並驅從兩肩兮",毛《傳》"從,逐也"。"親戚"猶父母也,言若追逐父母之仇讎也。

故君冕服於朝而猛獸勝於外^{故本}作此

一多案:"此"當作"故"。作"此"者涉上文而誤。

大夫已散其財物面萬民得受其流程本

張佩綸云:"民"作"人",避唐諱。

一多案: 物下當補"而"字, 乃與上文句法一律。

王念孫云: "桓公曰"當作"管子曰",下文"何謂事名二,何謂正名五"方是桓公問語。

張文虎云:"桓公曰"三字疑當在"天下治"下。

馬元材云:"事名二,正名五而天下治",與《樞言篇》 "事之名二,正之察之五者(按當作'正之察之者五')而天 下治",辭意略同。當是古有此成語,故桓公特分别舉此 以爲問。王、張二氏説皆非。

其在味者酸辛鹹苦甘也味者所以守民口也聲者所以 守民耳也色者所以守民目也下三句本在下文

俞樾云:"味者所以守民口也"三句當在"二五者人君以數制之"之上。試連上文"其在味者酸辛鹹苦甘也"讀之,則文義俱順矣。"二五者人君以數制之"又遠蒙"事名二,正名五"而言,下接"人君失二五者亡其國"。今於中間又錯入"味者所以守民口也"三句,則文不貫矣。幸其行一"人"字,知"以數制之"下本與"人君"相連,其跡未泯,尚可訂正。

二五者人君以數制之者下本有童山竭澤

陳奂云:"二五"者下不應有"童山竭澤"四字,此四字 202 疑在上文"堯、舜之王"節中,《國準篇》"有虞之王,枯澤童山"可證。下"人"字衍。

俞樾云:"童山竭澤"四字當在上文"至於黄帝之王" 句下,《輕重戊篇》云"黄帝之王,童山竭澤",是其明證,傳 寫誤入此,不可通矣。"人君以數制之人"句,亦不可通, 疑下"人"字衍文也。

張佩綸云:此節當與《山權數·國戒》節參訂。彼篇 "國機、君道、人心"爲三端,其後僅有"君道度法人心禁 缪",而國機乃見於此。此篇"事名二,正名五"兩端,正 名有聲味色三語疏解,而事名無之;彼篇乃有"穀智"二 句承之,而"此之謂事名二"又見於彼,其爲一節,無 疑。

姚永概云: 俞説均確,乃謂"味"上"人"字爲衍文,則可不必,當是"夫"字脱去二筆耳。

一多案:上文述黄帝之王"燒山林,破增藪,焚沛澤", 即"童山竭澤"之謂,則不當更有"童山竭澤"四字明甚。 俞説非是。四字疑本在"其勝禽獸"上。

輕重之法日

馬元材云:輕重之法,謂輕重家所訂立之法典也。 《史記·齊太公世家索隱》云 "《管子》有《理人輕重之法》 七篇",此處明標"輕重之法曰"云云,當與"《理人輕重之 法》"有關,惟不知所謂七篇者,究在《輕重》十九篇之内, 抑在其外耳。

自言能爲司馬不能爲司馬殺其身以覺其鼓

尹桐陽云: 釁,血祭也。《左》僖三十三年《傳》"不以 纍臣釁鼓",《韓子·説林下》"縛之,殺以釁鼓"。

維遙案: 鼓,軍器也。《周禮·大司馬》及《小子職》並云"釁軍器",鄭注《大司馬》"謂軍器鐸鼓之屬"。《左》定四年《傳》"君以軍行,被社釁鼓,祝奉以從"。《吕氏春秋·慎大篇》、《史記·封禪書》、《漢書·郊祀志》亦有釁鼓旗語。《索隱》引《司馬法》曰"血于鼙鼓者,神戎器也"。《虎鈐經·戰候篇》云"釁鼓文,年月日某謹釁於鼓神,三軍之威職在鼓旗之用,途血致誠,古之常典"。考釁鼓用牲血,夫人知之,然亦有殺人以血釁鼓者。《左》昭五年《傳》"吴子使其弟蹶由犒師,楚人執之,將以釁"。(《韓非·説林下》亦載此事。)成三年《傳》"和罃曰,臣不才,不勝其任,以爲俘馘,執事不以釁鼓,使歸卽戮,君之惠也"。僖三十三年《傳》"秦孟明曰,不以纍臣賢鼓",杜《注》"殺人以血塗鼓,謂之釁鼓"。足徵古以俘虜釁鼓。《管》書謂殺司馬釁鼓,以司馬職在武,功不稱職,殺之以釁鼓,其義更古矣。

林圃案: 許氏云"《索隱》引《司馬法》"云云,經查《四部叢刊》影宋本《司馬法》無此語。《虎鈐經》收在《粤雅堂叢書》内,原文曰"《釁鼓文》第二百九'年月日某謹釁于鼓神,三軍之威職在鼓旗之用,靈爲鬼神,塗血致誠,古之常典'"。許氏引文脱"靈爲鬼神"四字。

德鈞案: 許録"《索隱》引《司馬法》曰"云云, 見《史記·

高祖本紀》。《漢書·藝文志》"《古司馬法》百五十五篇", 今行世本《司馬法》,祇三卷五篇,顯非全書;《索隱》所引, 乃其逸文也。《虎鈐經·戰候篇》,在卷十八,篇次爲第一 百八十一。《釁鼓文》則在卷二十,篇次爲第二百九,不屬 於《戰候篇》。許引亦誤。

自言能爲治土不能爲治土者殺其身以景社兩治字下

維通案:據上文例,兩"能治田土"均當作"能爲治土",治土即司徒,古彝器銘司徒多作嗣土,治、嗣古爲一字,土、社古亦爲一字,司徒之職兼土地人民社稷,殺司徒以費社,正其職責所在耳。今本作"能治田土",蓋校者不知治土即司徒,以爲"治"爲動詞,遂删"爲"字,增"田"字。費社亦見《小問篇》,《周禮·大宗伯》"以血祭祭社稷",纍即血祭之大名。釁社用牲血,亦有用人血者,《公羊》僖十九年《傳》"邾婁人執鄫子,用之。恶乎用之。用之社也。其用之奈何。蓋叩其鼻,以血社也"。《穀梁傳》"血社"作"衈社"。范《注》"衈、鱟也"。

毓棠案:《管書·問篇》"問五官有度制"。《淮南·天文訓》"何謂五官?東方爲田,南方爲司馬,西方爲理,北方爲司空,中央爲都",高《注》"田主農,司馬主兵,理主獄,司空主土,都爲四方最也"。然則五官乃齊之中央官制,而"田"爲五官之一,主農事,職猶周之司徒。若以上下文爲例,則當言"爲田",以此上之"爲司馬",下之"爲官都"(按"官"下當有"都"字);此不作"爲田"而言"治田土"

者,就其職掌言也。不必如許説改字。

沫若案:"能治田土",兩"田"字當爲"申"字之誤,申 土卽司徒也。齊有申田之官,《立府篇》誤"申"爲"由",此 則誤"申"爲"田",蓋校書者不解"申土"之意,而以意改 之。《山至數篇》"泰夏賦穀以布擴,民皆受上穀以治田 土",殆卽校改者之所本。

自言能爲官圈不能爲官圈者剝以爲門父

張佩綸云: "能爲官不能爲官者", "官"下均當有"都"字。"都"與"者"形近,淺人删之耳。馬、鼓,土、社,都、父,爲韻。"官"讀爲管庫之管, "官都"《周禮》都則都士之屬,皆中士下士,或以《淮南》"中央爲都"釋"官都",非也。"則"當爲"刖",字之誤也。《周禮·秋官·司刑》"刖者使守門"。

金廷桂云: 剿,《唐韻》謂即劓字。《左傳》"鬻拳自刖, 楚人以爲大闇"。又"吾若以韓起爲闇",《注》"刖足使守 門也"。 剔當爲刖字之誤。

毓棠按:"官"下均當有"都"字,張説是。《淮南·天文訓》"中央爲都",高《注》"都爲四方最"。俞樾云"都上疑脱官字,官都者,官之都總也,蓋以二字爲官名"。《管書·問篇》"官都其有常斷",本篇下文云"故相任寅爲官都",皆本當作"官都"之塙證。官都爲五官之一,位爲中央,高《注》俞説是;張説此《周禮》都則都士之屬,非。

一多案: "剔"各本作"剔", 《説文》剔爲別之重文。

《易·困》九五"劓刖、困于赤紱"。劓刖疊韻連語,二字例當同義。然則劓猶刖也,不煩改字。《周禮·司刑》"刖罪五百",《注》"刖,斷足也"。古以斷足者爲關人,《司刑》"刖者使守門"是也。

故無敢姦能誣禄而至於□君者矣

一多案:《路史·後紀》十一《注》引"禄"下有"而"字, 當據補。"君"上似有效字。

故相任庚爲官都_{作寅}重門擊柝

俞樾云:"寅"字無義,疑更字之誤。隸書"寅"作"寅", 其下與"更"相似,故"更"誤爲"寅"矣。"相任更爲官都" 者,言使之相保任而更迭爲官都也。官都見《問篇》,按《問 篇》曰"問五官有度制,官都其有常斷,今事之稽也何待", 然則官都者五官之總司也。《淮南子·天文篇》曰"何謂五 官。東方爲田,南方爲司馬,西方爲理,北方爲司空,中央 爲都",都卽此所謂官都也。上文云"自言能爲司馬,不能 爲司馬者,殺其身以釁其鼓,自言能治田土,不能治田土 者,殺其身以釁其社",司馬也,田也,五官中之二也,然則 "相任更爲官都",殆謂使四官相保任,而更迭爲官都乎。

張佩綸云:"任寅"當作"任舉",本書屢見。

陶鴻慶云: "寅"疑"與"字之誤。與讀爲舉。官謂官府,都謂都邑,爲官以事言,爲都以地言也。"相任舉爲官都"對上文"自言能爲"者而言。"重門擊柝"對上文司馬

以下諸大官而言。此而不能者皆隨之以法。一不以過舉 而免之,一不以微職而寬之也。

一多案: "寅"當爲"庚",字之誤也。"庚"與"更"通。 <詩推度灾≫"庚者,更也",≪釋名・釋天≫"庚猶更也"。

沫若案: "寅"乃"矣"字之誤。"故相任矣"謂相臣勝 其任也。司馬、司徒、官都,均相位也。"爲官都重門擊 桥"卽爲官都之重門擊桥。

不能者亦隨之以法者本

俞樾云:"去"乃"者"字之誤,上文云"自言能爲司馬, 不能爲司馬者,殺其身以釁其鼓,自言能治田土,不能治 田土者,殺其身以釁其社,自言能爲官,不能爲官者,劓以 爲門父",故此言"重門擊柝不能者,亦隨之以法"不以其 職徽而寬之也。"重門擊柝"猶言抱關擊柝。

戴望云:《路史・後紀》十一引此文正作"者"。

一多案: "去"篆作"去","者"或作"者",二形相近,每 致譌混。《九歎·離世》"暮去次而敢止","去"亦作"者", 亦其比。

請問失准管子對曰失准者天下皆制我而無我焉此謂 失准^{三失字本}

安井衡云:"無"猶輕也。

張佩綸云:"大准"均當作"失准"。

沫若案:當作"天下皆制我,我而無義焉,此謂失准"。

上"我"字奪一重文符,下"我"字乃"義"之誤。

臣之能謀厲國定民者民本

俞樾云:"厲"讀爲利,"厲國"即利國也。《史記·陳 杞世家》"是爲厲公",《索隱》曰"厲、利聲相近",《國策· 秦策》曰"綴甲厲兵",高《注》曰"厲,利也"。

張佩綸云:"厲"當作"勱",≪說文≫"勱,勉力也",≪書· 立政≫"用勱相我國家"。

一多案: "厲"與"勱"通。"名" 當爲"民", 涉下文而誤。

重封君之臣二十里原本

豬飼彦博云:"民"當作"臣","二"字符。

陶鴻慶云: 重,益也。"重封君之民二十里",本作"重封君之臣二十里",與上文語意相承。今本涉下句"君之民"而誤也。

張佩綸説同。

沫若案:此"民"字不當改爲"臣","民"指下文"賈人" 而言。言有職之臣,既因戰事而得裂土分封,而無職之富 商蓄賈,亦因戰事而屯積居奇,所獲利潤更多一倍。民有 貧富,故下文云"鄰國每動,重富君之民,貧者重貧,富者 重富"。

君之民非閉富②也鄰國富之

陶鴻慶云: "君之民非富也"本作"君之民非君富之

也",與上文"非君封之也"語意一律,今本"富"上奪"君"字,"富"下奪"之"字。

張佩綸説同。

失准之數也^{失本}

張佩綸云:當作"輕重失准之數"。

厭而去

沫若案: 古本、劉本、朱東光本均作"厭分而去",是 也。分猶半,"厭分而去"者謂滿半價而去。

若此則幣重三分財物之輕重三分

張佩綸云: "幣重三分"當作"穀之輕重一分","財物之輕重三分"承上來。

沫若案:"財物之輕重三分"當衍"重"字,蓋賈人投出 其屯積則物價跌。國幣三分之一入賈人手,因而購買力 增大。賈人於戰前戰後均能操縱物價,控制金融,故言 "賈人市於三分之間,國之財物盡在賈人,而君無筴焉"。

民更相制

古本、劉本、朱東光本"更"作"吏",趙本以下各本均作"更"。

戴望云: 元本、宋本"更"作"吏"。

沫若案:作"吏"者是也。"制"(古作利)乃"利"之誤。 "民吏相利"謂大夫與商人狼狽爲奸。《山至數篇》"大夫 210 謂賈人,子爲吾運穀而斂財",卽其例。

此輕重之失准也失本

張佩綸云: 當作"輕重失准之數也"。

籍之於衢塞

安井衡云:"衢塞"謂關市。

張佩綸云:"衢塞"即"通塞"變文。

沫若案: 張所謂"通塞"乃法家言"開闔决塞"之謂,然而非也。原文"其在涂者籍之於衢塞,其在穀者守之〔於〕春秋,其在萬物者立貲而行","在涂(塗)者"指商旅言,"在穀者"指農民言,"在萬物者"指工虞之類言。商旅則於市廛關塞而征籍之,農民則視其年之豐嗇而賦役之,工虞蓋採取傭工制,《地數篇》云"陽春,農事方作。……北海之衆毋得聚庸以煮鹽"(亦見《輕重甲篇》),其證也。

守之春秋

李哲明云:"春秋"上亦當有"於"字。

君守其流則民失其高下

陶鴻慶云:"民失其高"不成文義,疑本作"民失其高下",言民不得自爲輕重也。下文"故守四方之高下"云云,即承此言。

李哲明云:"高"或當作"用",本篇數見。"君守其流" 即異於操本與始,斯民失其用矣。下"守四方高下,…… 貴賤相當",斯民得其用矣。故知當爲用也。

沫若案: 民指富商蓄賈言。"高"疑是"章"字之誤。 章者障也,即囤積居奇之意。

以利相守則數歸於君矣此②謂國衡此下本無之字此謂國衡以利相守則數歸於君矣此②謂國衡四字本在以利相守上

一多案: "此"下脱"之"字,"此之謂國衡"當在"矣" 字下。

沫若案:此"利"字當爲"制"(利),本書利、制二字每 互譌。

善正商任者省有肆省有肆則市朝閒

張佩綸云: 商任,《周禮·閭師》"任商以市事,貢貨 賄"。一說:《淮南·道應訓》"於是爲商旅將任車",高《注》 "任,載也"。"有"當作"賄"。《周禮》"肆長各掌其肆之政 令,陳其貨賄",是其證。

黄鞏云:"肆",聚陳也。"省"者察其不中度量,殺伐及姦聲亂色而禁之。省有肆,則禮不得踰,材不得枉,盗竊亂賊不得作,而又無淫巧惑世,欺詐病民。以有易無,交易而退,無争質聽斷,上煩有司,朝市所以閒也。

馬元材云:"省"者指宫禁或官府而言。《漢書·昭帝本紀》"共養省中",伏偃曰"蔡邕云'本爲禁中,門閤有禁,非侍御之臣,不得妄入。行道豹尾中,亦爲禁中。孝元皇后父名禁,避之,故曰省中'"。周壽昌云"《文選·魏都賦》'禁台省中'。李善《注》引《魏武集》荀欣等曰'漢制王

所居曰禁中,諸公所居曰省中'。是漢制原有禁與省之别。不是避王禁諱始。且昭帝下距元后時甚遠,何以遽避禁諱。若爲班氏進書,則班氏時已在中與後,更何所忌於王氏而爲之避也"。然此處"省"字無論爲宫禁或爲官府,均係政府之代名詞,則可斷言。蓋謂善正商賈之事者,政府應設爲專官,自營商業,賤則買之,貴則賣之,則人民咸將舍彼而趨此,不肯復至市場交易,而市場乃空閑矣。市場空閑則無利可圖,故一般逐什二以爲務者必返於農,而田野隨之而日趨繁榮。

一多案:"正"讀爲征。

沫若案: 以張、黄説爲是。省是動詞,謂省察也。"有"可讀爲賄。"省賄肆"謂稽察市廛耳。

善爲天下者不然幸作天下

張佩綸云:"天下善者"當作"善爲天下者"。 沫若案:當作"爲天下善者"。

此乃財餘以滿不足之數也

"財"字古本、劉本、朱本均作"則"。

豬飼彦博云:"財"當作"裁"。

張文虎云: "財"乃"裁"之借字,《易泰大象傳》"后以 財成天地之道","財",荀氏作"裁"。

張佩綸云:"財餘"當作"以餘財滿不足之數",餘、不 足對文,見《國蓍篇》。 一多案:"財"讀爲裁。張(佩綸)說非。

沫若案:"數"乃"術"字之同義語,本書屢見,張(佩 綸)說亦失之。

不察於終始習不可以爲至數矣

張佩綸云: "至矣"當作"至數矣",《山至數》,篇名。

李哲明云: "矣"是"美"字之訛。"美"與"始"韻。與 上句"不可以爲大治"相配。

一多案: "始"下當有"者"字, 乃與上句一律。

動左右以重相因二十國之筴也

劉績云:别本"二十"作"世"字,下放此。

張佩綸云:"動左右以重相因"亦有譌誤。疑"動"字 術。"左右",相須也,詳《禮注》。

沫若案:"動左右以重相因"謂衡(天秤)也。此以衡喻輕重之數(術)。"二十國之策"猶《輕重丁篇》言"如此而有二十齊之數"。("數"本作"故",依丁校改。)劉本及朱本有《注》云"按别本'二十'作'世'字,下放此","世"殆"廿"之誤。

林圃案: 唐人避太宗諱,每改"世"爲"代"或"系",或 省筆作"世",與"廿"字形近,故别本誤爲"世"也。

天下賓服海内以富有誠信仁義之士故民高辭讓無爲 奇怪者^{有字本在} 陶鴻慶云: "有"字當在"海内以富"句下,屬下句讀 之。蓋傳寫誤脱而錯補在上者。

沫若案:陶説不可從。"有海内"爲句。"以富誠信仁 義之士"即上文所謂"賞"。誠信仁義者得賞,故民勸也。

二年耕而十二年食團賈田二倍作士一年

丁士涵云:"十一年"疑當作"十二年"。下文亦當有 "栗賈十二倍"五字。即上文"一歲耕,六歲食,栗賈六倍" 之倍數也。

張文虎云: 據上文有"五歲""六歲",正得十一年。丁 君云"當作十二年",非。

尹桐陽云:"十一年食"合上五歲、六歲計也。

沫若案: 張、尹説是也。原文無訛,不當增改。

毋曰用之用不得不用也^{用不得本}作使不得

宋本、古本、劉本、朱本均作"使",趙本作"用"。

豬飼彦博云:《山至數》作"使不得不用",是。

宋翔鳳云:"用之用"下"用"字,宋本作"使"。

安井衡云: 古本"用不"作"使不"。

李哲明云:《山至數》作"使不得不用",是句上"用"字 當作"使"。宋本正作"使"。

沫若案: 當以作"使"爲是,許改從趙本,非也。

如金石之相舉重鈞則金傾

何如璋云: 金,謂五金之物。石者,四鈞也。

沫若案: 金,指貨幣言。百二十斤爲石,故何以"四 鈞"解之。石則當指五穀。二者重量不能相等也。

治道則勢贏^{廣本}

張佩綸云:"羸"當作"贏",傾、贏爲韻。

沫若案: 張說非也。"治權則勢重,治道則勢贏", "道"與"權"爲對,"贏"與"重"爲對。《揆度篇》作者採取 慎到重勢之說,寧採用權勢而捨正道。權與道猶金與石 之相比。如金與石等重則金受損失矣,如權與道並重,則 權受損失矣。權與勢,二而一者也。故曰"如金石之相 舉,重鈞則金傾,故治權則勢重,治道則勢贏"。張氏未得 其解。

有以重至而輕處者我動而錯之天下卽於我矣朝下本

丁士涵云: "處"亦去也。《左》僖二十六年《傳》"能左右之曰以",《穀梁》桓十四年《傳》"以者,不以者也",《注》 "不以者,謂本非所得制,今得以之也"。"有以重至而輕去"言物非無端而重至,無端而輕去,必有以之者,則權數是也。"我動而錯之天下"句,趙本"天下"屬下讀者,非。

張文虎云: 當作"天下卽於我矣","已"衍字耳。

張佩綸云:"處",《詩傳》"居也",去彼則居此。"卽已 於我",或以"已"爲"羨"字。案:已,止也。

馬元材云: "已"當是"泄"之壞字。"天下卽泄於我矣"者,猶上文言"諸侯之自泄"也。

聚則多散則少學

張佩綸云:"散則多"當作"散則寡,飲則多"。《國蓄篇》"夫物多則賤,寡則貴,散則輕,聚則重",是其證。

一多案: 當作"聚則多,散則少"。

毓棠案: 疑當作"聚則寡,散則多"。

沫若案: 以孫校爲是。上文云"物臧(藏)則重,發則輕",重輕猶貴賤也。蓋貨物被屯積,則流通者少而價昂; 貨物被疏散,則流通者多而價跌也。

此社稷之所図重於親戚也

張佩綸云:"所重"當作"所以重"。

有人而無甲兵盾甲兵而無食

安井衡云:"甲兵"下疑脱"有甲兵"三字。

沫若案: 不當加"有甲兵"三字。原文乃韻語,"有城無人謂之守平虚,有人而無甲兵而無食謂之與禍居", "居"與"虚"韻。加入三字,則句緩而韻失矣。

陰山之礝碈一筴也

豬飼彦博云:"礝磭"與"瑌珉"同,美石次玉者。

張佩綸云: 陰山、《漢書・匈奴傳》"侯應曰,臣聞北邊 塞至遼東外有陰山,東西千餘里,草木茂盛,多禽獸"。

尹桐陽云:《中山經》"合谷之山北三十里曰陰山,多礪石、文石,少水出焉"。案其道里及所出水疑即縣山,山

在山西祁縣沁源二縣界。"儒"《説文》作"碝",石次玉者。 "碣"即珉,美石也,與文爲聲轉字,故瑁一稱文石。《禮· 射義》"敢問君子貴玉而賤瑉者何也",《注》"瑉,石似玉, 或作玟也"。《玉藻》"士佩瓀玟"。

維遹案:《詩·青衿傳》"士佩瓀瑉而青組綬",《禮記· 玉藻篇》"士佩瓀玟而緼組綬"。

燕之紫山白金一筴也

張佩綸云: «水經·鮑邱水注»"《地理志》灅水出俊靡縣,南至無終,東入庚,庚水世亦謂之爲柘水也,南逕燕山下"。《鮑邱水注》又云"黄水又西南逕無終山,即帛仲理所合神丹處也。又於是山作金五千斤以救百姓"。帛仲理事本荒誕,然必無終山本産金,故有是言。疑"燕之紫山"即無終之燕山矣。

發朝鮮之文皮一筴也

孫星衍云:"發"北狄國名。

安井衡云:"發"東夷名,見於《汲冢周書》。

張佩綸云:發,《逸周書·王會篇》"發人應,應者若鹿 迅走",盧《注》"發,北發也",《史記·五帝紀》"北山戎發 息慎",《王恢傳》"北發月支可得而臣",《索隱》"北發是北 方國名"。

維通案: "發"當作"薉"。發、薉草書相似,《史記·平 準書》"彭吴賈濊朝鮮置滄海之郡",《漢書·食貨志》述此 事,"濊朝鮮"作"穢貊朝鮮",《武帝紀》"元朔元年秋東夷 薉君南閭等口二十八萬人降爲蒼海郡",是薉與濊、穢同, 是其證。

一多案:發、穢聲類同,不煩改字。

沫若案: 許引《史記·平準書》文與原文有出入,原文作"滅朝鮮",不作"濊"。《索隱》云"彭吴,賈人姓名,始開其道而滅之",則司馬貞所見本亦作"滅"。《食貨志》則作"彭吴穿濊貊朝鮮,置滄海郡"。考《逸周書·王會解》"穢人前兒,前兒若獮猴,立行,聲似小兒",其下云"發人應,應者若鹿,迅走",則穢與發分明兩族。發與貊聲更相近,殆發卽是貊也。

管子對曰君請使與正籍者皆以幣還於金

沫若案:此節所答非所問,疑與《輕重甲篇》"陰王之國"一節答語互易。

吾非埏埴摇鑪槖而立黄金也^{豪本}

洪頤煊云: "羹"當作"羹"。《埤蒼》"囊作鞴,鍛家用 吹火令熾者也"。

王念孫云:"鑪櫜"當爲"鑪橐",字之誤也。(《周官· 朝氏注》"故書蠹爲橐",譌作"櫜",《韓子·八説篇》"千 城距衝,不若湮穴伏橐",今本亦譌作"櫜"。)《老子》"天地 之間其猶橐籥乎",王《注》曰"橐,排橐也",《淮南·本經 篇》"鼓橐吹埵,以銷銅鐵",高《注》曰"橐,冶鑓排橐也", 《齊俗篇》曰"鑪橐埵坊,設非巧冶,不能以治金",《論衡· 量知篇》曰"工師鑿掘鑪橐鑄鑠乃成器",故曰"摇鑪橐而 立黄金"。

安井衡云:"橐"當爲"橐",冶氏熾炭之器,摇其柄則風生。立,成也。

此度去周七千八百里

維遹案: "度"當作"皆", 涉下文而誤。《地數篇》、《輕重乙篇》並作"此皆距周七千八百里"是其證。

其徐遠

孫星衍云: "徐"當作"涂"。

德鈞案: 趙用賢本作"徐",宋本、古本、劉本、中立本 均作"涂"。

先王図高下中幣制下上之用間本

古本、劉本及朱本"利"均作"制",宋楊忱本及趙本以下各本均作"利"。

戴望云: 元本"利"作"制"。

維通案:《地數篇》、《輕重乙篇》亦作"制"。

一多案: "王"下脱"以"字。

沫若案:"以"字不當加。《地數篇》云"先王……高下 其中幣而制下上之用",《輕重乙篇》云"先王善高下中幣, 制下上之用",謂以中幣黄金爲本位,高下其幣值,而調劑 上幣珠玉,下幣刀布之流通也。

百乘之國中而立市東西南北度百五十里

豬飼彦博云: 百乘之國地方百里,故四境去中各五十里,此乃《司馬法》一成一乘之制也。

俞樾云:"度"當爲"各",聲之誤也,謂東西南北各五 十里也。上文"故先王度用其重而因之",《地數篇》作"故 先王各用於其重"。度、各聲近而誤,在本篇卽可證矣。又 案此文當作"東西南北各百五十里",故其下云"三日出 竟",明毎日行五十里也。《荀子・大略篇》所謂"吉行五 十"是也。下文"千乘之國,中而立市,東西南北度百五十 餘里"當作"度二百五十里",故其下云"五日出竟",亦是 每日行五十里也。何以明之。據下文曰"萬乘之國,中而 立市,東西南北度五百里",其下即云"十日出竟"。夫五 百里而十日出意,則日行五十里可知。前後必當一例,故 知此文有奪誤也,詳《管子》之意,萬乘之國方千里,是古 王畿之制,千乘之國方五百里,是《周禮》諸公之國之制, 百乘之國方三百里,是《周禮》諸伯之國之制,蓋《管子》多 與《周禮》合也。古者公侯爲一等,伯子男爲一等,故《左 傳》曰"在《禮》,卿不會公侯,會伯子男可也",此文言公以 該侯,言伯以該子男耳。若如今本,則百乘之國方百里, 千乘之國方三百餘里,萬乘之國方千里,參差不齊矣。 又 五十、五百,均無餘數,獨于百五十言餘,亦不可通也。

三日出竟六日而反百乘之制輕重毋過六日兩六字

俞樾云: "五日而反"本作"六日而反"。據下文"五日

出竟,十日而反","十日出竟,二十日而反",是反之日必倍其出竟之日。此云"三日出竟",则必"六日而反"可知, 傳寫誤也。

爲闔分者萬人

丁士涵云: 下文云"爲當分者十萬人"、"爲當分者百萬人",皆有"當"字,宜據補。

豬飼彦博、安井衡説同。

張佩綸云:"分"當爲"介"。

東西南北度二百五十餘里

豬飼彦博云: 千乘之國地方三百十六里六十八步有奇,四竟去中各百五十八里三十四步。

俞樾云: 敚"二"字,詳上。

匹夫爲鳏

戴望云:宋本"鰥"下有"魚"字。

一多案:"魚"字衔,依各本删。

鄉吏視事葬於公壤

尹桐陽云:《前漢書·高帝紀》"令士卒從軍死者,爲 槥歸其縣。縣給衣衾棺葬具,祠以少牢。長吏視事"。法 蓋出此。

若産而無弟兄

張佩綸云:"若産而無弟兄"言止生一子也,此二語當

在前,言未死則賜以田,既死則予以葬地。

上必賜之匹馬之壤

郭嵩燾云:上文百乘爲耕田萬頃,爲馬四百匹,則匹 馬之壤當耕田二十五頃。

維通案: «山權數篇»有"一馬之田"語,是齊人以馬名 田壤之數。

其人力同而宫室美者良萌也

戴望云: 元本"同"作"周"。

張文虎云:"萌"即民也,《説文》"民,衆萌也"。

一多案: "萌"讀爲民。《楚辭·天問》"厥萌在初,誰所億焉",《文選·蜀都賦注》引《蜀王本紀》"是時人萌椎髻左袵,不曉文字,未有禮樂",成陽《靈臺碑》"以育苗萌","萌"並讀爲民。

當壯者遺之邊戍

一多案:當壯卽丁壯。

民之無本者貸之圃彊

何如璋云:"彊"當爲"疆",蓋歐民歸農,則力皆出於南畝而五穀豐。

沫若案:"强"假爲"繦",《山至數篇》所謂"縣州里 受公錢"也。

上農挾五中農挾四下農挾三

安井衡云: 挾、浹通, 周匝也。

俞樾云:"挾"猶給也。"挾"讀爲浹,古無"浹"字,故以"挾"爲之,浹之言周也,徧也,故有給足之義。《荀子·解蔽篇》"雖億萬已不足浹萬物之變",《注》曰"浹,周也",《文選·東京賦》"饔餼浹乎家陪",《注》曰"浹,徧也",並與給足義相近。此言上農足以給五人,中農足以給四人,下農足以給三人,與下文"上女衣五,中女衣四,下女衣三",同義。

何如璋云:"挟"與"浃"通。《天官·太宰》"懸治象之 法於魏象,挟日而歛之","挟"又作"浹"。

張佩綸云: "挾",《爾雅·釋言》"藏也", 言藏五人所 食之穀,四三遞減。

維遹案: "挟"與接、捷通。《孟子·盡心上篇》趙《注》 "挟,接也",《爾雅·釋詁》"接,捷也",《淮南·精神篇》 "食足以接氣",《禮記·内則篇》"接以太牢",鄭《注》"接 讀爲捷",《吕氏春秋·論威篇注》"捷,養也"。俞説亦通。

一農不耕民有爲之飢者一女不織民有爲之寒者

張佩綸云:《吕氏春秋·愛類篇》"神農之教曰: 士有當年而不耕者,則天下或受其饑矣; 女有當年而不績者,則天下或受其寒矣。故身親耕,妻親績,所以見致民利也"。《淮南·齊俗訓》"故神農之法曰:丈夫丁壯而不耕,天下有受其饑者,婦人當年而不織,天下有受其寒者"。《漢書·食貨志上》: 賈誼說上曰"《筦子》曰'倉廩實而知禮節',民不足而可治者,自古及今未之嘗聞。古之人曰

'一夫不耕,或受之饑;一女不織,或受之寒'。生之有時,而用之亡度,則物力必屈"。《吕》、《淮南》引作神農之書, 賈誼前引《筦子》,後以"古人"别之,知此兩語非《管子》語 矣。今移後管子引神農之教於前,則兩語亦管子引神農 之言,與《吕》、《淮南》、《漢書》均合,文義亦條貫可讀矣。

尹桐陽云:《吕覽·愛類》"神農之教曰: 士有當年而不耕者,則天下或受其飢矣。女有當年而不績者,則天下或受其寒矣"。《淮南·齊俗》"神農之法曰: 丈夫丁壯而不耕,天下有受其飢者。婦人當年而不織,天下有受其寒者"。其語略與此同。

必赴於糞土柱

丁士涵云: "起"疑"赴"之誤。《輕重甲篇》曰"勿使赴 於溝澮之中",是其明證。

于省吾云:丁説殊誤。溝壑可言赴,糞土不可言赴。 且下云"故先王謹於其始","始"字正與"起"字相應。上 文以耕織爲言,蓋農桑以糞土爲本,今不以耕織爲務,故 云"飢寒凍餓必起於糞土"。

維遹案:丁說是,而義未盡。"赴"與"仆"聲同義近。 《説文》"仆,頓也";引伸爲覆前投入,言死不得葬所,說詳 《輕重甲篇》。

事再其本民無檀者囨賣其子

王念孫云:"賣"上當有"不"字。"檀"即饘鬻之饘。

言事再其本,則民雖無讀而亦不賣其子也。《輕重甲篇》 曰"事再其本,則無賣其子者",是其證。

安井衡云:《輕重甲》似長,"檀者"二字蓋衍文耳。

沫若案: 王説有未諦。民既"無饘",焉能"不賣其子"。"無"下當有重文,即是"民無無檀者賣其子"。《輕重甲篇》則奪去"無檀"二字,二者可互校。"無檀賣子"之語,《乘馬數篇》、《山權數篇》等屢見。

三其本若爲食

丁士涵云:《輕重甲篇》曰"事三其本,則衣食足",疑 此文有誤。

維遹案:丁説是。"若"與下"則"互文,若亦則也。

事不能再其本而上之求焉無止

一多案:"而"猶則也。

然則姦涂不可獨遵

維遹案:《輕重甲篇》作"是使姦涂不可獨行",遵、行同義。行,止也。

貨財不安於拘

李哲明云:"拘"字疑誤,或當爲"徇",與遵、民韻。字 形似拘。言人君徇於貨財,貨財即不得安。徇之云者,所 謂"上之求焉無止"也。

維通案: "拘"與"挶"同。《説文・手部》"挶, 戟持

也","持,握也",言貨財不得安於握持。《輕重甲篇》作 "遺財不可拘止",拘止與握持義相因。

沫若案: 宋本《輕重甲篇》作"遺財不可包止","遺"字當從此作"貨",此"拘"則當爲"抱"之譌。包、抱通用。"貨財不安於抱"者即不安於懷抱也。

隨之以法則中内摲民也

趙用賢云:"摲"一作"漸",音衫, 芟也。

李哲明云: "内"讀爲納,言納民財於中幣,則是芟割 其民也。摲,芟也,用趙說。

維遹案:《說文》"摲,斬取也",《禮記·禮器篇》云"有 摲而播也",鄭《注》"摲之言芟也,芟,刈草也","中内摲 民"猶言暗中害民耳。

沫若案:《輕重甲篇》作"隨之以法則是下艾民",艾 民與摲民同意。"中"亦猶"是",今言"等於"也。

神農之數曰一穀不登減一穀穀之法什倍

何如璋云: 減者,減其所積而散之。

沫若案:"神農之數"當爲神農之教,《吕覽·愛類篇》 (見上)可證。"法"殆假爲"發",謂散發也。金文恆以 "法"爲"廢"。廢從發聲,法可爲廢,則亦可爲發矣。

夷疏滿之

何如璋云:夷傷者,疏稀者,補而滿之。

張佩綸云:《事語篇》"綈素滿之",案當從《事語篇》。

古文夷、第通,"疏食"亦作素食。"綈素滿之",言取盈於 女功,以補農事之不足也。丁士涵以"夷疏"爲芟夷果蔬, 亦通;但"滿之"二字,不可解矣。

一多案:"夷疏"讀爲"鴺嗉",詳《輕重甲篇》。

沫若案:"夷疏"乃平糶之意,夷謂平其價,疏謂通其有無。説見《輕重甲篇》。

無倍稱之民

安井衡云:稱,舉也。謂出息。

尹桐陽云:《前漢書·食貨志》"亡者取倍稱之息",如淳曰"取一償二爲倍"。師古曰"稱,舉也。今俗所謂舉錢是也"。

國准篇第七十九

張佩綸云: 《水地篇》"準者,五量之宗也",《漢書·律 歷志上》"準者,所以揆平取正也",《説文》"準,平也"。此 篇凡三節,首陳五家之數,次言今之時兼用五家之數,末 言來世不外五家之數。在各篇條理最爲融貫。惟《輕重 丁篇》明有"此謂國準"兩節,不知何以不入此篇。而《揆 度》"請問大准"一節,所言准數與此亦别。《輕重戊篇》亦 有兼用五家而勿盡之説,所陳五家與此大同小異,命意稍 岐。若管子以天下之才,止此一筴, 反復重沓, 豈足動桓 公之聽而成匡合之功。按《史記·平準書》"太史公曰: 農 工商交易之路通,而龜貝金錢刀布之幣興焉,所從來久 遠。自高辛氏以前,尚矣,靡得而記云:故《書》道唐、虞之 際,《詩》述殷周之世。安甯則長庠序,先本絀末,以禮義 防干利。事變多故而亦反是。是以物盛則衰,時極則轉, 一質一文,終始之變也。《禹貢》九州,各因其土地所宜, 人民所多少而納職焉: 湯武承弊易變, 使民不倦, 各兢兢 所以爲治,而稍陵遲衰微。齊桓公用管仲之謀,通輕重之 權,徼山海之業,以朝諸侯,用區區之齊顯成霸名:魏用李 克盡地力爲彊; 自是以後,天下争於戰國,以至於秦,平并 海内"。史公親見《管》書,故以管子李克上承帝王,而以 "自是以後"畫清戰國,知管氏立平準,即用上古之平準, 非戰國所知,即更非桑、孔平準所知也。然則用五家之 數,視時立儀,即《國準》要旨,而其要不外因土地人民,承 弊易變,不如此篇之瑣屑煩猥,明矣。疑《輕重戊篇》首節 所陳與《史記》尚合,乃《國準》本文,而此篇則民間所傳, 已淆其實。

桓公問於管子曰國准可得而聞乎檀公上本有齊字

古本、劉本、朱本均無"齊"字與"而"字。

張佩綸云:"齊"字衍。

一多案:各本無"齊"字,是。當據刪。

黄帝之王僅逃其爪牙

丁士涵云: 下脱"燒山林,破增藪,焚沛澤"九字,下文可證。

張佩綸云:《揆度篇》"謹逃其爪牙,燒增藪,焚沛澤,不利其器",屬之黄帝;《輕重戊篇》"童山竭澤"亦屬之黄帝;此乃分屬虞、夏、殷三朝,疑《揆度》、《戊篇》爲實,而此爲子政所删者。

沫若案:丁説近是。《揆度篇》云"黄帝之王僅逃其爪牙,不利其器,燒山林、破增藪,焚沛澤、逐禽獸,實以益人,然後天下可得而牧也",卽其證。唯在本篇"燒山林"等九字當在"僅逃其爪牙"上,始成條貫。此處奪去"燒山

林"等九字,下文奪去"僅逃其爪牙者"六字,恰可互補。

不益民之利

何如璋云:"不"字乃"以"字之譌。

張佩綸云: "益"當作"隘"。言大闢其利途也,即"益 烈山澤而焚之"。

李哲明云: "不"字當衍。《揆度篇》"燒山林,破增藪, 焚沛澤,逐禽獸,實以益人",此所以益民之政,何云"不益 民之利"也。下云"童山竭澤,益利搏流"亦其證。"不"字 蓋涉下"不利其器"而衍。下"不益民利"同。

沫若案: "益"不當改字, "不"字亦非誤衍。說詳下。

戴望云:宋本"猛"作"禽"。

丁士涵云: "燒山林破增藪焚沛澤" 上脱"僅逃其爪牙"五字。

陶鴻慶云: "燒增藪焚沛澤"云云,見下文論"夏后之王",此文不當複出。據上文云"黄帝之王謹逃其爪牙,有虞之王枯澤童山,夏后之王燒增藪焚沛澤,不益民之利,殷人之王諸侯無牛馬之牢,不利其器,周人之王官能以備物",此文自"童山竭澤"以下,皆與上文相值,則首論"黄帝之王",當云"謹逃其爪牙者猛獸衆也"。今本涉下文而

誤複耳。

沫若案: 丁説近是。然"僅逃其爪牙"當在"燒山林,破增藪,焚沛澤"下。此九字不當删。本篇所述黄帝、有虞、夏、殷、周,其進化之跡可尋。黄帝之"燒山林"等等與有虞氏之"枯澤童山"相差無幾。至夏后氏則僅"破增藪,焚沛澤"而不"燒山林",此爲一顯著進化。然而於民之利無所增益者,則不用器械,民智未開故也。此即所謂"逃械器,閉智能者輔己"。至有殷氏則服牛乘馬,引重致遠,是又一顯著進化。然養畜無牢,器械不利,猶未盡脱原始狀態。至周則"官能以備物",可謂文教大備。層次顯明如此,解者僅在枝節字句上追求,未能得其會通。

不益民利

何如璋云:"不"字亦當作"以"字。

張佩綸云:"益"當爲"隘",詳上。

沫若案:何、張説均非,説見上。

逃械器閉智能者輔己者也……逃戈刃

何如璋云:"逃械器"三句與上文不接,疑有脱誤。

張佩綸云:"逃械器"、"逃戈刃", 兩"逃"字明是"謹逃其爪牙"之壞文, "閉智能", "能"字即"官能備物"之壞文, 明是簡策剥蝕, 寫者以意傳合。

沫若案: 文無脱誤, 張説亦非是。"逃械器"者如《莊子·天地篇》之漢陰丈人, 羞用桔槔而抱甕灌圃, 謂"有機械者必有機事, 有機事者必有機心"。"逃戈刃"者即指武

王勝殷,"馬散之華山之陽而弗復乘,牛散之桃林之野而 弗復服"(《禮記·樂記》)。

諸侯無牛馬之牢不利其器者曰淫器而壹民心者也

豬飼彦博云:"曰"當作"禁"。

張佩綸云: "無牛馬之牢"下當移"禽獸衆也"句。"日 淫器"當作"毋淫器",《月令》"毋作淫巧以蕩上心"是也。

姚永概云: "曰"乃"遏"之壞字,脱去下半,只存一曰字耳。

官能以儘物者以人御人

張佩綸云:"以人御人"上奪"官能備物者"一句。"以人御人,逃戈刃,高仁義",釋官能; "乘天固以安己",釋 備物。

乘天固以安己者也質素

古本、劉本、朱本均作"固"。

張佩綸云:"國",明十行無注本作"固"。固,常也(《吕覽·首時》"時固不易得"《注》)。言乘天之常以安己。

一多案:"國"當作"固"。

五家之數殊而用一也

戴望云:元本"用"下有"之"字。

沫若案: 戴所據元本,所未見。今考古本、劉本、朱

本,此處文均與宋楊忱本同,無"之"字。唯上文"五家之數殊而用一也","用"字古本、劉本均作"之"。疑原文上下句均作"用之一也",故或奪"用",或奪"之"耳。

立祈羊以固山澤羊本

戴望云:宋本"固"作"周"。

一多案: "祥"當作"羊"。《形勢篇》"山高而不崩則祈羊至矣",正作"羊"。此涉"祈"字而誤加示旁。"祈"讀爲 刉,詳《形勢篇》。

益利摶流

古本、趙本作"搏",宋本、劉本、朱本、凌汝亨本作"摶"。

戴望云:宋本"搏"作"摶"。

安井衡云:"搏"當爲"博","博流",廣移其利也。

何如璋云:"搏流"當作"持流"。《乘馬數》"至於王國,持流而止矣",足證。持流者卽謹操重筴之謂。

李哲明云:宋本作"摶",是也。"摶"讀爲專。

一多案: "益"讀爲隘。《國蓄篇》"隘其利途"。摶猶擅也,各本作"搏",疑誤。本書謂利羨爲流,《輕重甲篇》"故伊尹得其栗而奪之流"。

沫若案: 聞說非是。"益"不當破字,"摶"當爲"摶", 讀爲溥。言官山煑海雖亦近於"童山竭澤",而其利則溢, 而其流則普。此卽用有虞氏之筴而有充足之智慧者也。

出山金立幣金山

古本、劉本、朱本作"出山金"。

張佩綸云:"出金山"當依明十行無注本,趙本、梅本作"出山金"。

存菹丘存本

古本、劉本、朱本均作"存"。

安井衡云:存,在也;在,察也。

張佩綸云: "成"當依趙本作"存"。言取金之外菹丘 之利存之,不盡用也。

立駢牢

丁士涵云: "駢"字乃牛馬二字相并而誤。上文云"諸 侯無牛馬之牢",《輕重戊篇》曰"立阜牢,服牛馬,而天下 化之"。

戴望云:《路史·夏禹紀》有"立駢守以爲民饒"句,疑本此文。

張佩綸云: 駢,《說文》"駕二馬也","牢, 閑養牛馬圈也", 《易》所謂"服牛乘馬, 引重致遠, 以利天下, 蓋取諸隨"。

一多案: 丁說非是。《晉語》"子爲我具特羊之饗", 韋 《注》"凡牲一爲特, 二爲牢"。近胡厚宣氏考卜辭凡稱牢 者皆謂二牛, 與韋說合。(詳所著《釋牢》, 載《歷史語言 研究所集刊»八本二分。)余謂本書言"駢牢",駢有二義,(《說文》"駢,駕二馬也"。)一牢本有二牛,故牢一稱駢牢也。此亦胡説之一證。《路史》引作"立駢守"。守即牢之誤。

彼菹萊之壤非五穀之所生也^{業本}

王念孫云: "菹菜"當爲 "菹菜", 字之誤也。(俗書 "菜"字作"菜", "菜"字作"菜", 二形相似。) "菹"或作 "沮", 《孟子·滕文公篇注》曰"菹, 澤生草者也"。《王制注》曰"沮, 謂萊沛"。《周官·縣師注》曰"萊, 休不耕者",是菹萊皆生草之地也。《輕重乙篇》"菹菜鹹鹵斥澤, 山間畏壘不爲用之壤", 萊字亦誤作菜。《輕重甲篇》"山 林菹澤草菜", 萊字不誤。

麋鹿牛馬之地

古本"麋"作"乘",誤。

維遹案:《周禮·春官》"九職任萬民……四曰藪牧", 此"地"字猶言牧地也。

春秋賦生殺老立施以守五穀

趙用賢云: 一本"施"作"弛", "弛"上有"殺"字。"五 穀"下又有"之所生也"。

戴望云: 朱本"施"作"弛","弛"上有"殺"字。"五穀"下有"之所生也"四字。(沫若案: 戴所云"朱本"不知何本,朱東光、朱長春、朱養和〔花齋本〕皆同此本。)

豬飼彦博云:"賦生殺老"謂麋鹿牛馬。"施"謂金幣。何如璋云:春則賦生以稽駒犢,秋則殺老以歛筋骨。施,量地之度。《地員》"其施七尺",是也。言立爲法度,以畜牧之息爲守穀之資。

張佩綸云:《淮南子·原道訓注》"施,用也"。"立施以守五穀",謂以金幣守五穀。《國蓄篇》"五穀食米,民之司命也,黄金刀幣,民之通施也,故善者執其通施,以御其司命",即此"立施以守五穀"。

李哲明云: "殺"疑當爲"養",古"養"字作"羖",與 "殺"形似而訛。"施"疑爲"族"。"族"與"穀"韻。《地員篇》"鳥獸安族",族亦訛施,即其證。言五穀不生之壤,利於畜牧,麋鹿牛馬,得以滋蕃。春秋生息,供其賦入。此所謂"賦生"矣。王者之政莫急於養老而安族,《輕重甲》云"視獨老者養之,勿使赴溝澮"(約舉其詞)。又家族失而不分,爲内敗之一,可知其重已。牲畜多,養老所資,兼爲立家族,使廣牧事以廩失業之人,可佐五穀之不足。故云"以守五穀"也。《山至數》云"牧食之人養視不失",養老立族之謂也。夫待養之老,待安之族,謂羸者也,得以養而安之,是"以無用之壤藏民之羸矣"。

沫若案: "賦生"者謂遊牝牡也。獸畜以春秋二季交尾,故曰"春秋賦生"。"殺老"者殺牲畜之老者以供祭祀,以資食用。"立施"之"施"當爲"杝",《説文》"杝,落也",《通俗文》"柴垣曰杝"。"五穀"之"榖"當作"榖",子畜也。"立杝以守五穀"者、爲圈以養幼畜也。

此以無用之壤臧民之贏魔本

安井衡云: 臧、藏同。"羸"當爲"羸"。

何如璋云: 化無用爲有用,而可藏民餘穀也。"羸"宜作"羸",謂豐歲民食有餘也。

維遹案: "臧"古"藏"字。《爾雅·釋言》"挾,藏也" 則藏亦挾也。挾猶養也,說詳《揆度篇》。"羸"當作"贏", 二形相近,故致譌耳。《國蓄篇》"以正户籍謂之養贏"是 其證。

沫若案: 臧、羸二字均不應破字。臧者善之也。善之也者繕也。故"臧民之羸"即補民之不足。臧字,明抄本作"減",誤。

五代之王以盡天下②數矣

安井衡云:以、已通。

一多案:"以"讀爲已,"數"上捝"之"字。

好譏而不亂

安井衡云: 護,察也。

維適案:"譏"與"幾"同;幾,察也。

函變而不變

沫若案: "亟變而不變" 殊爲不辭。下"變"字當爲 "孌"字之誤。《説文》"孌,慕也"。字通作"戀"。本書《九 變篇》名亦"《九孌》"之誤,説詳彼。"亟變而不孌"者謂當 變卽變,不稍留戀,卽《正世篇》所云"不慕古,不留今。與 時變,與俗化"。

時至則爲過則去

張佩綸云:《乘馬篇》"時之處事精矣,不可藏而舍也,故曰:今日不爲,明日亡貨。昔之日已往而不來矣!"即"時至則爲,過則去"之意。

輕重甲篇第八十

張佩綸云:《漢書·宣帝紀》"令甲:死者不可復生,刑者不可復息",《注》"令甲者,前帝第一令也",如淳曰"令有先後,故有令甲、令乙、令丙",師古曰"甲乙者,若今之第一第二篇耳"。 葛洪《西京雜記》"家世有劉子駿《漢書》百卷,首尾無題名,但以甲乙丙丁記其卷數,後好事者以意次第之,始甲之癸爲十帙,〔一帙〕十卷,合百卷"。《文選》目録賦自甲至癸,詩自甲至庚,均以十干紀數,疑漢《令》、子駿、昭明均本於此。《史記·齊世家索隱》"《管子》有《理人輕重之法》七篇,輕重,錢也。又有《捕魚责鹽法》"。自甲至庚,適得七篇,與小司馬所見合。蓋原書篇名在上,大名在下,以輕重甲乙題之,既曰輕重甲乙丙丁戊己庚,即不得云十三十四十五十六十七十八十九也。此七篇疑皆割裂爲之,既無篇名,則以篇名與大名分而爲二以足八十六篇之數,今亦無從釐定矣。

馬元材云:以十干紀數,自漢以來世多有之,本書以甲乙爲篇名,用意當與此同。《史記·齊太公世家索隱》云"《管子》有《理人輕重之法》七篇,又有《捕魚煑鹽法》",今本自甲至庚適得七篇,與小司馬所見合。《煑鹽

法》當指《海王》、《地數》及《甲篇》所述正鹽筴而言。《據 魚法》,除《甲篇》有"澤魚之正伯倍異日"一段外,各篇皆 未言及,或在諸亡篇中佚之矣。

桓公曰輕重有數乎

維遹案: 此發端之辭"桓公"下當有"問管子"三字,今 本誤奪。

晨譟於端門樂聞於三衢展讓於端門本

孫星衍云: 《太平御覽》四百九十二引作"晨譟於端門,樂聞於三衢",此有脱誤。《御覽》八十二又引作"晨譟聞於衢"。

王念孫云:《御覽·人事部》一百三十四引作"晨譟於端門,樂聞於三衢",是也。今本既脱且倒,則文不成義。

章炳麟云:"端"借爲謹。耑、藋聲通。《方言》云"雜, 關西謂之貒",《釋獸》"貍狐貒貈醜",《説文》引"貒"作 "雜"。《方言》"讙,讓也",即《説文》之"諯,一曰相讓也", 是耑、藋聲通。《説文》"灌,譁也",故曰"讙譟"。"晨"借 爲"振"。《法言·先知》云"吾見玄駒之步,雉之晨雊也", 晨雊卽震雊。《夏小正》"雉震呴",震也者,鼓其翼也。此 以震同振義,足明晨、振是一。《左傳》莊二十八年云"爲 館于其宫側而振萬焉","振樂"猶振萬也。言或"謹譟" 者,謂人歌也;或"振樂"者,謂八音也。《太平御覽》引《墨 子》"桀女樂三萬人晨譟聞於衢",引此作"晨譟於端門,樂 聞於三衢",蓋據他家注義,非本文也。《雜志》引之,未 是。

一多案: 王説是也。《文選·魏都賦》"南端逌遵", 《注》"凡南方正門皆謂之端",《景福殿賦》"開南端之豁 達",《注》"凡正門皆謂之端門",《東京賦》"啓南端之特 闡",薛《注》"端門,南方正門",《後漢書·李固傳注》"端 門,太徽宫南門也",是王都南面之門謂之端門。古者祭 祀作樂皆在南郊, 即此所謂"晨譟于端門"矣。《御覽》引 ≪墨子≫"晨譟聞於衢",亦"晨譟"連文,可資參證。章讀 "端"爲讙,殊近穿鑿。其讀"晨"爲振,則不可易。惟振當 訓奮訊。《爾雅·釋言》"振,訊也",《説文》"振,一日奮 也",《詩·雄雉箋》"奮訊其形貌"。《周書·小明武篇》 "羣振若雷,造于城下,鼓行參(桌)呼,以正什伍","羣振 若雷"謂士卒奮訊踊躍歡抃,其聲若雷也。《左傳》"振 萬",萬謂萬舞。振之訓奮訊,卽手舞足蹈之謂。(人讙譟 時奮訊其手足謂之振,鳥鳴時奮訊其羽翼亦謂之振。《夏 小正》"雉震响",《法言》"雉之晨雊",或作"震",或作 "晨",亦皆斥動作,不斥聲音。)"晨譟於端門"正謂舞蹈灌 譟於端門之外。章讀"晨樂"連文,云"振樂謂八音",殊 繆。(《尚書大傳》"惟丙午王逮師,前師乃鼓鉉譟,後師乃 慆(蹈),前歌後舞"。《大傳》以敍譟與慆(蹈)對舉,亦猶 《管子》以"晨(振)譟"連文。"三"疑當爲"五"。《巨乘馬 篇》"則五衢之内菹菜之地也",《輕重丁篇》"五衢之民衰 然多衣弊而屢穿"。

伊尹以薄之游女工文繡纂組

安井衡云: 薄、亳同。

張文虎云:薄卽亳也。下文云"夫湯以七十里之薄", 是其證。舊本於"之"字斷句,謬。

請使州有一稟里有積五笷票本

王引之云:"掌"字義不可通,當是"稟"字之譌。(隸書"掌"或作"掌",與"稟"字略相似。)稟,古廩字也。廩與節皆所以藏穀。《晏子春秋·問篇》"命吏計公稟之栗",《荀子·議兵篇》"則必發去稟窌之粟以食之",今本"稟"字並譌"掌"。(楊注《荀子》曰"掌窌,主倉廩之官",失之。辯見《荀子》。)

張佩綸云: 王説非也。《周禮·序官》鄭《注》"掌,主也"。州有一掌,即《周禮》"州長各掌其州之教治,政令之法",是也。里有積五節,即《周禮》"遺人掌鄉里之委積以恤民之囏阨",是也。

民無以與正籍者予之長假

安井衡云:"與"預也。"正籍"謂正户正人之籍。無預正籍者,謂無本業者。假,貸也。

張佩綸云:"予之長假""予之長度",當作"長予之假" "長予之度",《立政篇》"分鄉以爲五州,州爲之長",長即 州有一堂,長爲度量葬事,如《漢書·黄霸傳》"鰥寡孤獨 有死無以葬者,鄉部書言,霸具爲區處,某所大木可以爲棺,某亭猪子可以祭",卽其證矣。

馬元材云: "假"即《鹽鐵論·園池篇》所謂"池籞之假"與"公家有障假之名"。謂民之無產業、無納稅能力者由政府以國有苑囿公田池澤長期假之,《揆度篇》所謂"民之無本者貸之圃彊",是也。

維遹案: "正"讀爲征。"長假"即《周禮・鄉大夫》之 職舍役之事。

沫若案: 馬說得之。考《漢書·宣帝紀》地節三年十月部"池籞亦未御幸者假與貧民。……流民還歸者假公田,貸種食"。《元帝紀》初元二年三月部"罷黄門乘輿狗馬。水衡禁囿、宜春下苑、少府飲飛外池、嚴禦池田,假與貧民"。又秦時已有所謂"北假"者,見《史記·匈奴傳》,裴駰云"北假,北方田官,主以田假與貧人,故曰北假"。《漢書·元帝紀》有"北假田官",《注》引李斐云"主假賃見(現)官田與民,收其假稅,故置田農之官"。是秦漢之制每以空地假民。唯《揆度篇》"貸之圃彊"當是圃與綴二事,謂假以官地或公錢也。

死而不葬者予之長度

安井衡云: 度、渡同, 謂濟之。皆云"長"者予而不收也。

何如璋云:"長度"殆謂假以葬埋之費也。

于省吾云: 度、宅古字通,此例古籍習見。《尚書》度

字,古文作"宅",今文作"度"。《儀禮·士喪禮》"筮宅",《注》"宅,葬居也",《喪服小記》"祔葬者不筮宅",《注》"宅,葬地也"。《廣雅·釋丘》"宅,葬地也"。此言死而不葬者予之長久之葬地。

一多案: "度"讀爲宅。《書·堯典》"五流有宅",《史記· 五帝本紀》"宅"作"度",《禹貢》"三危既宅",《史記· 夏本紀》"宅"作"度",《詩·文王有聲》"宅是鎬京",《禮 記·坊記》"宅"作"度",《皇矣》"此維與宅",《論衡·初稟篇》"宅"作"度",《漢書·韋玄成傳》"先后兹度",《注》引臣 瓚曰"古文宅度同"。《儀禮·士喪禮》"筮宅",《注》"宅, 葬居也",《孝經》"卜其宅兆",《注》"宅,墓穴也"。"長宅" 謂葬地,下文"死者得葬",即承此言之。

不澹者得振澹本

宋楊忱本作"鉴",古本、劉本、朱本、趙本以下各本均作"資"。

王引之云:宋本"資"作"盗",下同。資、盜皆"澹"字之誤。說見《山權數篇》。

故聖人善用非其有使非其人

張文虎云:"故聖人善"貫下二句。"用非其有",卽所謂來天下之財也。"使非其人",卽所謂致天下之民也。 《事語篇》云"佚田謂寡人曰,善者用非其有,使非其人", 與此正同。舊本乃於"善用"斷句,繆甚。

張佩綸云:"善用非其有使非其人",承財、民言。

動言摇辭

維遹案:《説文》"摇,動也","摇"又與"繇"通。《禮記·明堂位注》"今之步摇",《釋文》"本又作繇"。《韓物碑》云"邑中繇發",是"繇"與"發"同義,引申之爲出辭耳。

沫若案:《輕重丁篇》作"動言操辭",又云"動之以言,潰之以辭"。三處均言、辭析言,則辭乃言之成文者也。余意"潰"當作"繢","操"當作"藻"。此"摇"字則又由"操"而誤者也。說見《丁篇》。

桀者冬不爲杠

維遹案:《孟子·離婁下篇》"歲十一月徒杠成",《音義》引"張音杠、方橋也"。

夏不束柎

何如璋云: 東柎者,以木爲桴,相比東之,浮水以渡 也。夏水大,故須束柎。

維遹案: "村"與"泔"同。《説文》"泔,編木以渡也", 餘詳《小匡篇》。

以觀厲凍溺

維遹案: "觀"下奪"其"字。下文云"以觀其驚駭",句 例正同,是其證。

弛牝虎充市以觀其驚駭

維遹案:《御覽·人事部》一百九引作"放虎入市", 246 《獸部》三引作"放虎於市",《事類賦》二十引同。

夷疏而積粟疏本

丁士涵云:"夷競"二字不可解。《揆度篇》曰"夷疏滿 之,無食者予之陳,無種者予之新",又《事語篇》曰"穀十 而守五,綈素滿之,五在上",(上下文皆言穀,必非繒綈。) "夷疏"與"綈素"同聲。則《揆度篇》之"夷疏滿之",即《事 語篇》之"綈素滿之"矣。凡從夷從弟之字,古皆通用。其 素疏二字通用者,惟有果蔬之疏古通用素。(《禁 藏 篇》 "果蓏素食,當十石",《墨子·辭過篇》"古之民未知爲飲 食,時素食而分處"。)《爾雅》曰"穀不孰曰饑,蔬不孰曰 饉",穀之外蔬最爲重,故《管子》言穀必兼及蔬也。據此 以推,則"夷競"之"競"疑本是"疏"字。(俗書競、疏形近 而誤。) 故對粟言之。粟言積,疏言夷者,夷讀如《周官· 薙氏>"夏日至而夷之"之夷,鄭《注》曰"夷之,以鉤鎌迫地 芟之也,若今取茭矣",先鄭《注》曰"夷氏掌殺草,故《春秋 傳》曰如農夫之務去草, 芟夷蘊崇之。又今俗間謂麥下爲 夷,下言芟夷其麥,以其下種禾豆也"。又《稻人》"夏以水 殄艸而芟夷之",«注»"先鄭説芟夷以«春秋傳» 日芟夷藴 崇之,今時謂禾下麥爲夷下麥,言芟刈其禾於下種麥也"。 案先鄭言夷禾夷麥,《管子》言夷疏,皆是翦取之意。後鄭 又以"取茭"爲况,蓋草菜必迫地芟之,疏是艸菜之可食 者,惟夷之乃得當耳。《事語篇》"綈"字本是"稊"字。夷 之通稊,猶荑之通蕛。淺人因下素字,遂取同聲之綈字改 之,而失其解矣。

孫詒讓云: "夷競", "競"當爲"竟", 即古"境"字。言平治疆界之道塗也。上文説"桀冬不爲杠, 夏不爲束柎", 正與湯相反。丁校以"夷競"爲《揆度篇》"夷疏"之誤, 失之。

張佩綸云:"夷競"乃"事蠶"之誤,第一節可證。丁氏 以爲"夷疏"之誤,似非。下文衣食分承自當是女功之事。

李哲明云:"競"當爲"竟",古"境"字。而"竟"或書爲 "竟",傳寫者不知"竟"即境字,謂是"競"之壞體,故改 "競"耳。"夷竟"云者,夷,平也,竟,界也,壤也。言平治 其土壤也。與"積栗"義相成。

一多案: 丁云"競"爲"疏"之譌,又云本篇及《揆度篇》之"夷疏"即《事語篇》之"綈素",又云"綈素"非繒綈之謂,所見皆是。惟讀"夷"爲芟夷之夷,讀"疏"爲蔬,則似失之。菜蔬之屬未聞有迫地芟夷之者,藉曰有之,"夷蔬滿之"之語,義亦難通。今驗之文法,"滿"在"之"上,當係用爲動詞,"夷疏"則限制動詞"滿"之副詞也。"夷疏而積栗","夷疏"亦副詞,限制動詞"積"。然古書中表狀表態之形容詞副詞,若二字連用,多係雙聲疊韻疊字複義等形式之連語,此復不類。故疑二字爲具有表態作用之副詞子句。古書語法屬於此例者,如《墨子·號令篇》之"立勿雞足置"謂立物如雞足狀,《備蛾傳篇》之"相覆勿令魚鱗三(參)",《雜守篇》之"入柴勿積,魚鱗簪(參)",《太玄·禮》次六"魚鱗差之",均謂參差覆之如魚鱗狀,《墨子·備

城門篇》之"靈丁三丈一, 犬牙(本作火耳, 從孫治讓改)施 之",謂錯互施之如犬牙之狀,**《**莊子·逍遥遊篇》"搏扶摇 羊角而上者九萬里",《淮南子·原道篇》"扶摇抮抱羊角 而上",謂迴旋而上如羊角之狀,胥是。"夷疏"之詞,疑與 "雞足""魚鱗""犬牙""羊角"同例,以聲求之,殆卽鶇嗉 敷。《史記·天官書》"張素爲廚,主觴客",《索隱》曰"素, 嗉也",《漢書·天文志》正作"嗉"。案張嗉即粻嗉。《爾 雅・釋鳥»"亢,鳥幟,其粻嗉",郭《注》曰"嗉者受食之處, 别名嗉,今江東呼粮"。《釋獸》齸屬"鳥曰嗉",《注》曰"咽 中裹食處"。鳥之大嗉者有鶧胡。陸機《詩疏》曰"鵜,水 鳥,……啄長尺餘,……頷下胡大如數斗囊。若小澤中有 魚,便羣共抒水,滿其胡而棄之,令水竭盡;魚在陸地,乃 共食之"。案胡即嗉也。鵜抒水必滿其嗉,令水竭盡乃 止,故凡取物滿量而後已者謂之"鵜嗉滿"。就句法言之, "鵜嗉滿之"與"魚鱗差之""犬牙施之"一律,"鵜嗉而積 粟"與"羊角而上"亦相仿。《説文》"鵜"重文作"鷞"。《淮 南子·齊俗篇》"鰁胡飲水數斗而不足",又作鰁。《揆度 篇》、《輕重甲篇》作"夷疏"者,"夷"即"鶇"之省,"疏"即 "嗉"之假,(疏、素音同字通,已詳丁説。) 《事語篇》 作"綈 素"者,"綈"蓋"鰁"之誤,"素"則"嗉"之省也。(《天官書》 以"素"爲"嗉"、引見上文。)丁謂"夷競"常爲"夷疏"、得其 字,未得其義。孫、張二說,俱遠失之。

沫若案:本篇"夷競而積栗",《揆度篇》"夷疏滿之", 《事語篇》"綈素滿之",丁士涵、聞一多均認爲三語必相

通,是也。但丁、聞之説均未得其確解。 余謂此乃李悝平 羅法之衍變。李悝云"善平糴者必謹觀歲,有上中下熟。 ·····大熟則上糴三而舍一(歲收四百石,糴其四分之三), 中熟則糴二(歲收三百石,糴其三分之二),下熟則糴一 (二百石之半),使民適足,價平則止。小饑則發小熟之所 斂,中饑則發中熟之所斂,大饑則發大熟之所斂,而糶之" (見《漢書·食貨志》)。後世常平倉之法本此,依託《管 子≫者亦本此。"夷競而積粟"當爲"夷賈而積粟"。夷者 平也。"賈"誤爲"竟","竟"再誤爲"競"耳。《揆度》與《事 語》二語須會通其上下文,始能明其真相。《揆度》云"一 穀不登減一穀,穀之法什倍。二穀不登減二穀,穀之法再 什倍。夷疏滿之,無食者予之陳,無種者貸之新。故無什 倍之賈,無倍稱之民"。此謂歲饑時上之善政,則"夷疏滿 之"謂平糶也。夷其價,疏通其有無,使人民能滿其欲也。 《事語》云"歲藏一,十年而十也。歲藏二,五年而十也。穀 十而守五。綈素滿之,五在上。故視歲而藏,縣時積歲, 國有十年之蓄"。此謂歲熟時上之善政,則"綈素滿之"謂 平糴也。"綈"乃"夷"之誤,"素"乃"疏"之假。後之校書 者不明"夷素"之義,臆以繒綈解之,故變"夷"爲"綈"耳。 "穀十而守五"者,謂糴其歲收之半(此僅及李悝平糴法之 "下熟")。豐收則穀賤,故上亦須平其價而疏通之,以滿 足民之所欲。糴其五,故言"五在上"。"視歲而藏,縣時 積歲,國有十年之蓄"即李悝所謂"善平糴者必謹觀歲 也"。故"夷疏滿之"或"夷素滿之"亦即李悝所謂"使民適 足,價平則止"之意。《地數篇》"〔爲〕天下善者,民重則君輕,民輕則君重,此乃財(裁)餘以滿不足之數(術)也",與此亦可爲互證。《輕重》諸篇及《揆度》、《事語》、《地數》等篇之作者爲李悝以後人,故衍變其法而以託之於管子。《揆度篇》語,其上冠有"神農之數曰"五字,表明此等語句爲戰國時農家者言。《孟子》所謂"有爲神農之言者許行"之流之遺説也。此等學者亦均出於李悝之後。

不澹者振之澹本

宋楊忱本作"鉴"。古本作"資",各本同。

宋翔鳳云:宋本"資"作"鉴"。

王引之云:"鉴"當爲"澹"。(詳上)

女華者桀之所愛也

張佩綸云: 《竹書紀年》"癸命扁伐岷山,岷山進女於 桀二人,曰琬、曰琰。后愛二人,女無子焉,斵其名于苕華 之玉,苕是琬,華是琰,而棄其元妃于洛曰末喜氏,以與伊 尹交,遂以亡夏"。(沫若案:此據《藝文類聚》八十三、《太 平御覽》一百三十五所引,又見《御覽》八十二,文字小有 異同。)

曲逆者桀之所善也

張佩綸云:"曲逆"未詳。《墨子·所染篇》"夏桀染於 干辛推哆",《明鬼篇》作"推哆大戲",《吕氏春秋·當染 篇》"夏桀染於羊辛歧歱戎",高《注》"羊芋歧歱戎,桀之邪臣",《慎大篇》作"干辛",《注》"干辛,桀之諛臣",曲逆殆即其類歟?

管子對曰戰衡戰准戰流戰權戰勢目下本

古本"衡"作"衛",誤。

張佩綸云:依問辭當屬《國準篇》,管子既歷言五家之國準,故桓公推及用兵,而管子後以五戰至兵之說進。五者均所以爲輕重。權數、國準皆篇名。言衡數見《輕重乙篇》,言流見《山權數篇》,言國勢見《山至數篇》。

吴闓生云:"請"蓋"謂"字。

維遹案:"請"字涉上文衍。

今每戰輿死扶傷如孤荼首之孫仰傳戟之寶

劉績云: "如"字當作"之"字,言與死扶傷之孤也。"茶首",白首也。"寶"字或是"室"字,言持载死事之室,此三等人皆所當恤也。(沫若案:此乃張登雲説,詳見朱東光本,趙用賢節録之,張、許均誤以爲劉績。)

張佩綸云:"輿死"卽輿尸。劉説"寶"爲"室",是。餘皆非也。"茶首"當爲"貧子"二字之壞。孤貧之子孫卽死事之後,下文"振孤寡,牧貧病",是其證。"寶"當作"室",下文"就士室"是其證。合"茶"之下及"首"之下乃"貧"字,而"子"字略壞卽似"首"之上截。傳戟,《史記·張耳陳餘傳》"莫敢傳刃公之腹中者","仰傳戟之室"言仰持载

而食也,即《孟子》所謂"持戟之士"。

維遹案: "死"與"屍"同。《史記·魯世家》"以其屍與之",《索隱》"本屍作死"。《陶齋藏甎·東門當葬甎》云 "東門當死在此下", "死"亦謂屍也。

沫若案: "如"疑"孺"字之聲誤,"孫"疑"俯"字之形誤 (草書略近)。"孺孤茶首之俯仰"謂仰事俯蓄也。張登雲 校"寶"爲"室",甚是。

章之以物則物重不章以物則物輕守之以物則物重不守以物則物輕

沫若案:"章"與"守"對文,與《乘馬數篇》"章[諸]四時,守諸開闔"文例相同。舊多訓章爲明,義難通。"章"當讀爲障,藏也,與守字義近。"章之以物"即使之障物,"守之以物"即使之守物。其結論則爲勿使豪家囤積居奇。

故遷封倉邑

宋本、古本、劉本、朱本均作"食邑",趙本作"倉邑"。 孫星衍云:宋本"倉"作"食",上下文俱作"遷封食邑",此"倉"字誤。

時蓄之家

安井衡云: 跱、峙同, 積也。

張文虎云:"跱"當爲"峙",《費誓》"峙乃糗糧"。《説 文》作"偫"。 一多案: 跱、峙同,無煩改字。

天下有慮

戴望云: 高誘注《吕氏春秋》曰"慮, 亂也"。

與之定其券契之齒

尹桐陽云:《説文》"券,契也。契别之書以刀判契其旁,故曰契券"。判契即判栔,栔,刻也,謂刻其旁爲齒也。 《易林》"符左契右,相與合齒"。《列子·説符》"宋人有遊於道,得人遺契者,歸而藏之,密數其齒"。

維遹案: 趙本"券"作"券",是也。《説文·刀部》"券, 契也,券别之書以刀判契其旁,故曰契券",《釋名·釋書 契》"契,刻也,刻識其數也"。然刻以識數者,亦謂之齒。 《列子·説符篇》"宋人有遊於道,得人遺契者,歸而藏之, 密數其齒",張《注》"刻處似齒",《易林·大畜》之未濟云 "符左契右,相與合齒",是也。

釜鏂之數

"釜"趙用賢本作"金",宋本、古本、劉本、朱本均作"釜"。

安井衡云: 古本作"釜"。

孫星衍云: "金"是"釜"字之譌,下文"釜鏂無止",其 證也。宋本作"釜鏂之數"。

豬飼彦博云:"金"當作"釜"。鏂、區同,五鏂馬釜。

遠道不推道本

戴望云:"通"乃"道"字誤。

張佩綸云:"通"當作"近"。"不推"即不推而往,不召而來,即遠近糴之者大至也。

李哲明云:"通"疑"道"之誤。"遠道不推"言窮民遠 道來糴者不推棄之,如《禮·檀弓》"推而遠之"之意。

沫若案:"通"當爲"邇",形近而訛。

收貧病^{收本}

宋楊忱本作"牧"。古本、劉本、朱本作"收"。趙本以 下各本均作"牧"。

安井衡云: 古本"牧"作"收"。

戴望云:"牧"當從朱本作"收",說見《侈靡篇》。

勿使赴於溝澮之中

維通案: "赴"讀爲仆。《說文》"仆, 頓也", 頓猶投沉也。《荀子·不苟篇》"故懷負石而赴河, 是行之難爲者, 而申徒狄能之", 《莊子·盗跖篇》述此事, 作"抱石自投於河", 《淮南子·説山篇》作"負石自沉於淵", 並其義。

若此則士争前戰爲顏行

張佩綸云: 顔行, 《漢書·嚴助傳》"如使越人蒙死徼幸以逆執事之顔行", 《注》"顔行, 猶雁行, 在前行, 故曰顔也"。

維遙案: "顏行"與 "雁行" 同。其義爲首行前行也。 《韓詩外傳》七"後吴興師攻楚,有人常爲應行", "應行" 亦"雁行"也,詳拙著《韓詩外傳集釋》。《漢書·嚴助傳》 "如使越人蒙死徼幸,以逆執事之顏行", 《注》引文穎曰 "顏行猶雁行,在前行,故曰顏也",是其明證。《說文·頁 部》"顏,眉之間也",顏亦稱顏,《方言》十"顏,顏也。東齊 謂之顏,江淮之間謂之顏",《公羊》昭二十五年《傳》"再拜 類",何《解》"顏者,猶今叩頭矣"。叩頭當於《周禮·大 祝》九拜之頓首,是顏之爲首,猶顏之爲首耳。

非爲國之數也句上本有皮輪筋角四字

一多案:"皮榦筋角"四字涉上文而衍。

沫若案: "皮榦筋角"四字非衍文,言"皮榦筋角"之税 徵重故使"市之皮榦筋角"之價上漲,删去則不成辭。

請以令高杠柴池

豬飼彦博云:"柴",藩落也。

戴望云:"柴"乃"采"字之誤,說見《中匡篇》。

于省吾云: 戴說非是。"柴池"即"差池","柴"亦作 "偨",《文選》司馬相如《上林賦》"偨池茈虒,旋還乎後 宫",《注》引張揖曰"偨池,參差也","高杠柴池"言高杠參 差不平,故下接以"使東西不相睹,南北不相見"。又下 云"杠池平之時","池"字當是羡文。後人不解"柴池" 之義,以爲"高杠""柴池"對文,故加"池"字耳。 維遹案: 戴說非也。《莊子·天地篇》"且夫趣舍聲色以柴其内",劉師培《莊子校補》云"柴與栅通",是也。《說文·木部》"栅,編豎木也",《通俗文》云"木垣曰栅",《淮南·道應篇》"柴箕子之門",高《注》"箕子亡之朝鮮,舊居空,故柴護之也",亦以柴編爲木垣而護之也。此云"柴池"謂以木垣圍護其池,故下云"使東西不相睹,南北不相見",若深其池,則不得云東西南北不相睹也。

林圃案:《集韻》"柴池,參差也",可爲于説之證。

夫妻服簞輕至百里

劉本、朱東光本作"簞",同宋楊忱本。古本、趙本、朱 長春本、凌本、花齋本以下各本均作"簟"。

豬飼彦博云:"簟"當作"車",謂引車也。

洪頤煊云: "服"讀爲負。(見《考工記·車人注》。) "簟"當依宋本作"簞",盛食之器。言夫妻負簞而往者不以百里爲難。今本作簟,誤。

王引之云:"簞"字義不可通,蓋"輦"字之譌,輦字隸或作輦(見《韓勑碑》),字從車,從共。(《説文》"扶讀若伴侣之伴"。)扶字上畔之卅,與隸書竹頭作++者相似,因譌爲竹,下畔之™,與吅字相似,因譌爲吅,又脱去車字上一畫,因譌爲簞笥之簞,後又譌爲莞簟之簟耳。夫妻服輦者,言杠池平之時,民間夫妻服輦而行,不用牛馬,亦不假多人輓之也。《海王篇》"行服連軺輦者"服連即服輦也。(《周官·鄉師注》"故書輦作連",鄭司農云"連讀爲輦",《巾

車»"連車組輓",《釋文》"連本亦作鳌"。) 字亦作漣。 《淮 南・人間篇》"負輦載粟而至"(今本脱載字,説見《淮 南》),《太平御覽・治道部》八引作"服槤",是也。(高 《注》訓服爲駕牛,摙爲擔,皆失之。) 服之言負也,任重之 名也。(《考工記・車人》"牝服", 鄭司農云 "服讀爲負"。 《小雅·大東篇》"睆彼牽牛,不以服箱",謂負箱也。)《史 記・貨殖傳》"卓氏見虜略,獨夫妻推輦行",蓋服輦者或 推或輓,前後各一人,故夫妻可以服釐也。下文云"今高 杠柴池,東西南北不相睹,天酸然雨,十人之力不能上", 正謂推輦不能上高梁也。《韓子·外儲説右篇》"兹鄭子 引輦上高梁而不能支"是也。蓋杠池平之時,夫妻二人即 可以服釐而過,及其高杠柴池也,天雨苟下,則雖十人之 力不能服鳌而登,地高而鳌重也。若作"服簞",則盛食之 器其輕,何至十人舁之,而猶不能上乎。 董今人謂之"二 把手",前後各兩轅,一人兩手持轅輓於前,一人如之推於 後,亦有夫婦推輓者,婦以繩輓於前,夫持兩轅推於後,則 此所謂夫妻服釐也。

張佩綸云:案王説辨矣,實則單字。服單對兩服而言。《禮記》"間傳麻葛重",《注》"單,獨也"。《晏子春秋》亦説此事云"民單服然後上"。彼言單服然後上,謂兩服重率疾行不得上。此言杠池平時服單輕至百里,卽杠池高采,服單始上,不能疾行輕至百里,其意同也。《史記·信陵君傳》"今單車來代之",《漢書·龔遂傳》"單車獨行到府",單車即"服單"。

天酸然雨

洪頤煊云: "酸"通作"霰"。《説文》云"霰,小雨也", 義本此。

俞樾説同。

夫舍牛馬之力無所因^{本作所}

王念孫云: "所無因"當作"無所因"。人力不足恃,則必借牛馬之力,故曰"夫舍牛馬之力無所因"。

戴望云:中立本作"無所因"。(德鈞案: 戴校誤,中立本仍作"所無因",《纂詁》本乃作"無所因"。)

道若秘云

安井衡云:"道若秘"蓋書名也。

張佩綸云:"若"字衍。

李哲明云: "道秘"當謂古秘書, "若"字涉下"不若"句 "若"字而衍。

尹桐陽云: "道若秘"者蓋古道書名。魏武帝《陌上桑》"受要秘道愛精神"。

維遹案: 張、李説是也。惟疑"道秘"當作"道誌",秘、 誌形近而誤。"道誌"猶《吕氏春秋·用衆篇》"學志"之比。

沫若案: "道若秘"爲書名,猶《莊子》内篇之《德充符》 也。《問篇》有《制地君》,亦古書名。"若"字不必衍。

弓弩多匡輆者而重藉於民

張登雲云: 匡轉,弓弩之戾礙不能應弦以射者之名,

俗謂之打調也。

豬飼彦博云: 匡, 邪枉也。

安井衡云: 匡, 匡刺也, 謂偏戾。 《考工記·輪人》"萬之以視其匡也", 《注》"輪中萬蔞則不匡刺"。 軫, 礙也。

張文虎云: 《考工記》"則輪雖敝不匡",《注》"匡, 枉也"。

戴望云: "匡"義如《國語》"月盈而匡"之匡,言弓不正 圓,如月之虧缺也。

張佩綸云: 《考工記》"輪雖敝不匡",《注》"匡,枉也", 《説文》"軭,戾也","軫,礙也"。

維通案:《説文》"軭,車戾也","軫,礙也",戾與枉義 皆爲曲。

沫若案: 軫字,劉本及朱東光本有《注》云"績按: 軫, 苦禮切,礙也"。宋楊忱本有此《注》,而無"績按"二字。足 證宋人曾見劉《注》,則劉非明人可知。

奉繕工而使弓弩匡軫者其故何也

馬元材云: 繕工、《左》成十六年《傳》"繕甲兵"、《注》 "繕,治也"、《漢書·息夫躬傳》"繕修干戈"、《注》"繕,補 也"。《周禮·夏官》之屬有《繕人》"掌王之弓弩矢箙矰弋 決拾,掌召王射"。繕工,即繕人也。

維遹案:"繕"即《周禮》繕人,"繕工"繕人之工也。

鵝鶩之舍近鵾雞鵠馳之道遠道一

王念孫云: "通"當爲"道",字之誤也。(《韓子·外儲說

右篇》"甘茂之吏道穴聞之",《吕氏春秋·知化篇》"接土鄰境,壤交道屬",今本"道"字並誤作"通"。)鵝鶩去人近, 鵾雞鵠鴕去人遠,故曰"鵝鶩之舍近,鵾雞鵠鴕之道遠"。

安井衡云: 舍, 塘也。通, 猶道也。

張佩綸云:《説文》"通,達也"。鵝鶩舍近易致, 鹍鵠通遠難致,似不必改"道"字。

君請式壁而聘之

段玉裁云:"式"讀當爲飾,字之假借。

安井衡云:式,用也。(德鈞案:《輕重丁篇》亦有此語,尹彼《注》云"式,用也。壁,石壁也。聘,問也。賜之以壁,仍存問之"。安井《注》本此。)

上無闕者前無趨人

沫若案: "上"當爲"工",謂繕工也。"前"當爲"箭"。 弓不待繕,故繕工足用。弓不偏戾,故箭不誤傷人。

三月解甸智格

王引之云:《説文》、《玉篇》、《廣韻》、《集韻》,皆無"匋"字。"匋"當爲"匋",篆書"缶"字作"圭","去"字作"去",二形相似。隸書"缶"字作"击","去"字作"去",亦相似,故隸書"匋"字多譌作"匋"。《漢冀州從事張衰碑》"復"攸陶父",《司隸校尉魯峻碑陰》"濟陰定陶",皆是也。"匋"讀與韜同,弓衣也。《廣雅》云"韜,弓藏也",《小雅·彤弓篇》"受言羹之",毛《傳》曰"羹,韜也",《釋文》"韜本又作

弢",《説文》曰"弢,弓衣也"古者舀、匋同聲,《小爾雅》曰"縚,索也",縚即"宵爾索綯"之"綯",《小雅·菀柳篇》"上帝甚蹈",《一切經音義》五引《韓詩》"蹈"作"陶",《楚辭·九章》"滔滔孟夏兮",《史記·屈原傳》"滔滔"作"陶陶"。《説文》"搯,搯捾也",《一切經音義》七引《通俗文》曰"捾出曰掏",是其證也。韜從舀聲,故通作"匋"。

安井衡云、"驾"當爲"驾", 驾音懸。音同則義通。懸, 繫也, 弓弩既成, 三月解其所繫束之繩, 不復匡軫也。

俞樾云:字書無" 写"字,疑" 医"字之誤。《説文· 匚部》 " 医, 盛弓弩矢器也,從 匚從矢", 《國語》曰"兵不解医"。 何如璋説同俞。

張佩綸云:《説文·韋部》"韣,弓衣也",以"匒"爲"蜀"之壞,亦通。似王説太迂,不及何説之確。

馬元材云: «小匡篇»有"兵不解医"之文,當以俞、何 説爲正。

彼十鈞之弩不得業撒不能自正

洪頤煊云:《荀子·性惡篇》"繁弱鉅黍古之良弓也, 然而不得排檄,則不能自正"。 裴、排古今字。

王念孫云:《説文》、《玉篇》、《廣韻》、《集韻》,皆無 "裴"字,當是"棐"字之譌。《説文》曰"棐,輔也",徐鍇曰 "輔卽弓檄也,故從木"。《説文》又曰"榜所以輔弓弩",又 曰"椒,榜也",棐、榜、檄三字皆從木,其義一也。此文曰 "彼十鈞之弩,不得棐椒,不能自正",《荀子·性惡篇》曰 "繁弱鉅黍古之良弓也,然而不得排檄,則不能自正",《説苑·建本篇》曰"烏號之弓雖良,不得排檄,不能自正", "排檄"與"棐檄"同。《韓子·外儲說右篇》曰"榜檄者,所以矯不直也",《鹽鐵論·申韓篇》曰"若隱栝輔檄之正弧刺也",棐、輔、榜一聲之轉。或言榜檄,或言輔檄,或言棐檄,其義一也。

冢田虎云:"棐儆"當作"棐儆",正弓體之木也。

張佩綸云: 《詩》"騂騂角弓,翩其反矣",《傳》"不善維 築巧用則翩然而反"。

唐蘭云:按王説甚是,然"漿"當是"棐"之别體,非譌字也。卜辭"叙"或作"敷",是其證。《説文》有栞、葉二字,其"棗"即"栞"字也。蓋古有二束字,一象囊橐之形,一象束木之意,而今混爲一矣。其象束木者,固可與木字相通假也。

故三月解因而弓弩無匡軫者看下本有此

王念孫云:"此何故也"四字涉上文而衍。上是桓公問語,此是管仲對桓公語,不當言何故。

豬飼彦博説同。

以其家習其所也

安井衡云:"所"猶事也。

維遹案: 此文當作"以其家所習也"。今本"習"下行 "其"字,習、所誤倒。

桓公忿然作色曰卷本

王念孫云: "忽然"非作色之貌。"忽然"當作"忿然"。 隸書"忿"字或作"忿",形與忽相近而誤。《晏子春秋·諫 篇》曰"公忿然作色",《莊子·天地篇》曰"爲圃者忿然作 色",《齊策》曰"王忿然作色",皆其證。

鬼神乃可得而籍夫

維遹案:"夫"猶乎也。

厭宜乘勢事之利得也計義因權事之囿大也^{養本}

安井衡云: 厭, 禳也。祭社曰宜。囿, 有也。因權而計議, 事之所包有者大也。

張佩綸云: 厭,厭勝。《禮·王制》"宜乎社",《注》 "類、宜、造皆祭名"。"囿大"當作"有大"。

于省吾云: "厭宜"與"計議"對。議與計義相近,宜與 厭義相近。《國語·周語》"克厭帝心",《注》"厭,合也"。 "厭宜"即"合宜"。"囿"應讀作侑,《禮記·禮器》"詔侑武 方",《注》"詔侑,或爲詔囿",是其證。侑之通詁訓助。此言 合宜而乘勢,則事之利得也。計議而因權,則事之助大也。

一多案:《荀子·儒效篇》"天下厭然猶一也",《注》 "厭然,順從貌"。"厭宜"猶"順宜"。"議"當爲"義",涉上 計字而誤沾言旁。《中庸》"義者宜也",《大雅·文王傳》 "義,善也"。"厭宜乘勢"與"計議因權"文偶義同。

沫若案:《國語·晉語》十二"鄢陵之役,荆厭晉師",

《注》"厭謂掩其不備也"。即此厭字義。

聖人乘幼

丁士涵云:"幼"讀爲幽。《大戴禮·誥志篇》、《史記·曆書》並云"幽者,幼也"。古"窈"字作"幼"。《爾雅》、《毛傳》云"冥,幼也",《詩釋文》"幼本作窈",幼冥即窈冥,窈冥即幽冥矣。《淮南子·道應訓》"可以明,可以窈",《注》"窈讀如幽",《禮記·玉藻注》"幽讀爲黝",《周官·牧人》"守祧",鄭司農並云"幽,讀爲黝,黑也;幽、黝古今字",毛《傳》云"幽,黑色也",黝從幼聲,黝謂之黑,幼亦謂之黑矣。《管子》有《幼官篇》,篇内言玄官者三,幼官即玄官耳。玄猶幽也,水官曰玄冥,正取幽冥爲義。(《淮南注》"玄冥將始用事,順陰而聚,故曰幽都"。)惠半農説,下文五吏爲五官之神,然則《幼官篇》之玄官,亦即玄冥。"聖人乘幼",故管子以之名篇也。

俞樾説同。

安井衡云: 幼,微也,聖人智明,故能乘微。

與物皆宜產本

宋本作"耳",各本均作"宜"。

維遹案: 趙本"耳"作"宜",當據改。

何如璋云: "堯之五吏"謂羲和共鯀之屬。"五官"即五行之官。"食",饗祀也。《左》昭二十九年《傳》"魏獻子日社稷五祀,誰氏之五官? 蔡墨對曰: 少皞氏有四叔,曰重,曰該,曰脩,曰熙,實能金木及水。使重爲句芒,該爲蓐收,脩及熙爲冥。世不失職,遂濟窮桑。此其三祀也"。(《注》云"窮桑,帝少皞之號也"。)"顓頊氏有子曰犁,爲祝融。共工氏有子曰龍,爲后土。此其二祀也"。是五官之祀皆非堯吏也。

一多案: "更"當從各本作"吏",下文仍作吏,不誤。 卜辭曰"炎又于帝五臣,又(有)大雨。王又歲于帝五臣 正,隹丛雨。辛亥卜……五臣……"(《萃》一三)。五吏蓋 卽五臣。"五官"二字疑衍。下文"君請立五厲之祭祭堯之 五吏",不言五官,可證。二字蓋舊注之闌入正文者。《左 傳》昭二十九年"故有五行之官,是謂五官。……木正曰 句芒,火正曰祝融,金正曰蓐收,水正曰玄冥,土正曰后 土"。舊《注》以此五官當堯之"五吏",未知然否。

沫若案: "五官"二字非衍文,《山權數篇》有"五官 技",以詩、時、春秋、行、易當之。《揆度篇》言"五官之數 不籍於民"。是則所謂"五官"者猶言百官耳。"五官無所 食"者謂官家未予以禋祀。

請立五厲之祭祭堯之五吏

安井衡云:無主後曰厲。

何如璋云:"属"謂前代有功之人而無主後者,立祀以報其功,使無歸之鬼不爲厲也。《禮·祭法》有泰厲、公厲、族厲。五官皆有所食,無所食而有功者謂之厲。泰厲有功於天下,天子立之。公厲者有功於一國,諸侯立之。族厲者有功於一家,大夫立之。"堯之五吏"即泰厲、公厲也,故仲請桓公立之。《左》昭七年《傳》"今夢黄熊入於寢門,其何厲鬼也?子産曰昔堯殛鯀於羽山,其神化爲黄熊,入於羽淵,實爲夏郊,三代祀之。晉爲盟主,其或者未之祀也乎?"鯀乃堯五吏之一,故此云"立五厲之祭"也。

春獻蘭秋歛落

戴望云:"歛"疑"獻"字誤。

何如璋云: 蘭,花之最貴,故春以爲獻。落,果實也, 秋熟而歛之。

張佩綸云:《説文》"蘭,香草也"。《爾雅·釋詁》"落, 死也"、《漢書·司馬相如傳上集注》引郭璞"落,穫也"。

維遹案: 戴説是也。惟"獻落"義不可通。疑"落"當作"菊",字之誤也。春蘭秋菊相對爲文。《楚辭·九歌·禮魂》云"春蘭兮秋菊,長無絶兮終古",義與此義相應,是其證。

一多案: "落"即"菊"無疑。《大戴記·夏小正篇》"鞠則見,初昏,參中,斗柄縣在下",《傳》曰"鞠者何也。星名也",王引之謂即北落。草名菊謂之落,猶星名鞠謂之北落矣。

原魚以爲脯鯢以爲殽

張文虎云:"魚"字當脱右旁。

張佩綸云:"原魚"當作"淵魚",避唐諱改。《說文》 "鯢,刺魚也",宋玉《對楚王問》"尺澤之鯢",《莊子·庚桑 楚》"尋常之溝,巨魚無所還其體,而鯢鰌爲之制",又云 "趣灌瀆守鯢鮒"。

維通案: "原魚"無義,疑爲鮪字誤分爲二字。(古篆原作原,有作為,形近。)"鮪以爲脯"與"鯢以爲殽"相對爲文。(《爾雅·釋魚》"鮥鱣鮪",郭《注》"鮪,鱣屬也"。)《山海經·東山經》郭《注》"鮪卽鱏也",而《説文·魚部》雖鮪鱏二篆割分異處,然鱏鯢二篆復以類相從,與此鮪鯢並舉,其比正同。《周禮·戲人》"春獻王鮪",《月令》以季春薦鮪,《夏小正》"二月祭鮪",彼言生薦于宗廟,此言脯薦于故祀,其實殊而用則一也。

沫若案: "原魚"當是"鰥"字,誤析爲二。"鰥"字,金文作"鱟"(《毛公鼎》與《父辛卣》),與"原魚"二字相似。《詩·齊風·敝笱》"其魚魴鰥",《傳》"鰥,大魚也"。《本草》謂卽鱤魚,其大者重三四十斤。"鯢"同"鮞",魚之小者也。鰥、鯢以大小爲對。

若此則澤魚之正伯倍異日

豬飼彦博云:"正伯倍"當作"征百倍"。

李哲明云:"澤魚"當爲"澤虞",掌藪澤之官也。涉上 魚字又魚虞同音而誤。"正"讀爲征,"伯"即"百"字,皆 易曉。

馬元材云:《漢書·食貨志》"宣帝卽位,大司農中丞 耿壽昌白增海租三倍,天子從其計。御史大夫蕭望之言 '故御史屬徐宫家在東萊,言往年加海租,魚不出。長老 言:武帝時,縣官嘗自漁海,魚不出。後復予民,魚乃出。 夫陰陽之感,物類相應,萬事盡然。……宜如故'。上不 聽"。據此則漢武帝及宣帝時均有加海租之事,此文特以 "澤魚之征百倍異日"爲抵補屋粟邦布之籍之唯一辦法, 本書之成必不得在是時以前。

沫若案:馬說非是。海澤之征,其事甚古。《左傳》 "海之鹽蜃,祈望守之"可證。至秦,則"鹽鐵之征二十倍 於古"(見《漢書·食貨志》),言鹽,則魚蜃在其中。是則 加海租事並不始於漢武也。

德鈞案:《漢書·百官公卿表》云"少府,秦官,掌山海 池澤之稅以給共養",此秦代已有海澤之征之明證。馬 說謬。

然則無屋粟邦布之藉面自足何求於民也無上本有則字然則

九字本在下文推 之以禮義也下

安井衡云:三夫爲屋,屋栗,三家所出之栗。邦布,邦中所納之錢,其數未聞。

維遹案:《周禮·載師》"凡宅不毛者有里布,凡田不 耕者出屋粟,凡民無職事者出夫家之征",孫詒讓云"邦布 當即此經里布夫布,蓋春秋時已額外責屋粟里布夫布之征,故管子亦欲去之也"。

一多案:"則無屋栗邦布之藉"本作"然則無屋栗邦布之藉而自足,何求於民也"。今本"然則自足何求於民也" 九字錯入下文。本文"無屋栗"上仍留一"則"字,尚可窺 見其錯簡之迹。"自足"上當補"而"字,語氣乃順。屋栗 者,《周禮·載師》"凡宅不毛者有里布,凡田不耕者出屋 栗",《注》曰"宅不毛者罰以一里二十五家之泉,空田者罰 以三家之税栗,以共吉凶二服及喪器也"。《載師》"掌聚 野之耡栗,屋栗,閒栗",《注》曰"屋栗,民有田不耕,所罰 三夫之税栗"。邦布者,《周禮·外府》"掌邦布之人出,以 共百物而待邦之用",《注》曰"布,泉也"。

此之謂設之以祈羊作為

一多案:"祥"爲"羊"之誤,說已詳上。

桓公曰天下之國莫強於越

安井衡云: 越之強在滅吴之後, 距桓公卒百七十餘年。

何如璋云:桓公時越實小弱,且其地距齊尚遠, 詎有 踰吴楚國境伐齊之事?作僞者殆誤以田齊之桓爲五霸之 桓耳。

張佩綸云:桓公之世,吴尚未通上國,何論於越?然 《齊語》言"東南淫亂之國",已兼萊莒徐夷吴越論之矣。 或疑《左氏》定十年《傳》"徐承帥舟師將自海入齊,齊人敗之,吴師乃還",殆戰國傳會以爲管子之事。佩綸詳考之而知其非盡傳會也。桓公之有事孤竹,必由海道出師,故《說苑》以卑耳之谿爲遼水。度海之前,先肆舟師於淄上,陰謀北伐而陽託南征,即內政軍令之一端。其後伐楚之役,亦必有舟師遵海而南,以張聲勢,而絶吴越應援之兵。以《左氏》證之,乘舟於囿,乃肆舟師之迹,轅濤塗請循海而歸,觀兵東夷,乃會合舟師之證。觀蔡姬蕩公亦是微過,何至怒而出之,特欲使舟師不減吴越之擊,播於江漢,以奪楚人之氣。以楚既成盟,舟師固不必用,不得不執轅濤塗,以爲凱旋轉計。此皆管子之老謀深算也。後人不測其故,以譌傳譌,則以爲越人來伐之事。越尚隔吴,豈能深入臨菑?伯主軍政脩明,豈陸軍無一可恃,必至直薄臨菑,背城借一,以水上軍死地求生乎。讀書者以意逆志可也。

馬元材云:此文內容,完全以漢武帝時代之事蹟爲背影。越於春秋諸國,最爲後起,在齊桓公時尚未通於中國。以後句踐北上中原,與諸夏争霸,然距桓公之卒,已百七十餘年。且爲時未久,即又寂焉無聞。至漢與,兩粤之勢燄始大張。武帝即位,猖獗尤甚。是時漢正與匈奴相對抗,而兩粤常內侵,爲北征軍後顧之憂。武帝之欲滅此朝食也,蓋非一朝一夕之故矣。《史記·平準書》載"是時粤欲與漢用船戰逐,乃發天下故吏伐棘上林,穿昆明池,列館環之,治樓船,高十餘丈,旗幟加其上,甚壯"。又《漢宫室疏》云"漢武帝作豫章大船,可容萬人"。《史記·

平準書索隱》云"昆明池有豫章館,豫章, 地名。以言將出軍於豫章也"。此元狩三年事,至元鼎五年,纔八年耳。而伏波將軍路博德等果將淮南以南樓船十萬人,(《平準書》作"因南方樓船卒二十餘萬人"。)與越馳義侯所將巴、蜀、夜郎之兵,咸會番禺。次年即定越地,以爲南海等九郡,列入大漢版圖矣。今觀此文有云"天下之國,莫强於越,寡人欲北舉事孤竹離枝,恐越人之至"。非卽影射漢武帝欲北伐匈奴而先征南越之事耶。"隱三川,立員都,立大舟之都",非卽影射昆明池之事耶。其它如大舟云云,則影射所謂高十餘丈而旗幟加其上可容萬人之豫章大船,如"扶身之士"五萬人則影射路博德等所率江淮以南樓船十萬人,如曲菑則影射番禺。所不同者,祇將漢人南征,改爲粤人北犯耳。然則本書之成,決不得在漢武帝元狩三年及元鼎五年平定南越以前,不大彰明較著耶。

沫若案:馬說雖辯,然僅出以意測。此節所言固是漢 代事蹟之反映,然不必卽是影射漢武帝治樓船事。古時 與越構兵必須水戰,漢武帝建元三年卽有莊助發會稽兵 浮海收東甌事(見《史記·東越列傳》)。作者蓋察知北人 水戰之不習,必須爲之豫,故設爲此寓言。漢武帝則從而 實踐之耳。

今寡人欲北舉事孤竹離枝

何如璋云:離枝即令支,有孤竹城。

維遹案:《小匡篇》云"制冷支,斬孤竹",離枝即冷支。

君請遏原流

何如璋云:"原流"謂原山之流,即甾水之源也。《漢書·地理志》"萊蕪原山,甾水所出,東至博昌入济"。遏而隄之,可爲沼池也。

令以矩游爲樂

俞樾云:"矩"當爲"渠"。《說文·水部》"渠,水所居, 从水,榘省聲",故得假矩爲之,"以渠游爲樂",謂以游於 渠爲樂。

何如璋云:此借"矩"爲"渠"也,非誤字。(沫若案: 《析疑》稿本作"矩,方也,謂以方舟之游爲樂,藉習水戰。 或云'矩當作渠',非"。與此不同,而說甚疎陋。)

張佩綸云:"矩"當作"竝",字之誤也。《説文》"方,併 船也",《淮南·氾論訓》高《注》"方,竝也",《詩》"就其深 矣,方之舟之;就其淺矣,泳之游之",深則方舟,淺則游 泳,故曰"竝游"。

于省吾云:上言大夫立沼池,此言矩游,即就沼池而言,不應再言渠。"矩"應讀作距,《周禮·考工記·輪人》"必矩其陰陽",《注》"故書矩爲距",《釋名·釋形體》"髮曲頭曰距,距,矩也,言其曲似矩也",是矩、距二字通之證。《左》僖二十八年《傳》"距躍三百",《注》"距躍,趨越也",然則"距游"即在水距躍游泳之意也。

請以令隱三川立員都

安井衡云: 員、圓,都、豬,皆通。瀦,水所聚也。

孫詒讓云:"隱"讀爲"匽"(《毛詩·小雅·魚麗傳》 "士不隱塞",《釋文》云"隱本作偃",匽、偃字同。)《荀子· 非相篇》楊《注》云"梁匽所以制水",《周禮·歔人》鄭衆 《注》云"梁,水偃也"。

張佩綸云:"立員都"句衔,即"大舟之都"而誤複者。

立大舟之都大舟之都有深淵壘十仞下舟字

王念孫云: "大身之都"亦當爲"大舟之都",此復舉上 文以起下文也。"舟"與"身"字形相近而誤。"都"即《禹 貢》"大野既豬"之豬,馬《注》云"水所停止,深者曰豬", 《史記·夏本紀》"豬"作"都"。

丁士涵云: "大舟"之"舟"當作"周", 古字通用。"大周"謂四周廣大也。《輕重乙篇》曰"以令至鼓,期於泰周之野期軍士",即此所謂"大周"也。

安井衡云:大舟、大身,皆地名,《輕重乙》有"泰舟之野"。壘、累通。七尺曰仞。

令日能游者賜千金

吴闓生云: 據"未能用金千"句,則上句"賜千金", "千"乃"十"字之誤。

隱曲菑以水齊^{菑本} 作蓋

戴望云:"薔"爲"菑"字之誤,說見《四稱篇》。

孫詒讓云:"隱"亦讀爲"匽",言雖淄水以灌齊也。王

讀"薔"馬"菑",謂"曲菑,菑水之曲處",是也。而釋隱爲塞,義通而未的。

管子有扶舟之士五萬人以待戰于曲菑舟本作身

安井衡云:扶,讀爲浮。

孫詒讓云:"扶身之士"難通,疑"身"爲"舟"之誤。上 文"大舟之都"譌作"大身"可證。

何如璋云:"扶舟"亦"大舟"之誤,"大"誤"夫","夫"乃誤"扶"。(沫若案:此條係録自張佩綸《管子學》引,《管子析疑》稿本作"'扶身'當作'扶舟',言齊有水軍五萬待戰於曲淄"。)

張佩綸云:"扶"乃"杭"之誤,《説文》"杭,方舟也"。 《禮》"天子造舟,諸侯維舟,大夫方舟,士特舟",《詩》"一 荤杭之",即就字。扶、杭均形近就耳。"薔"爲"菑"之誤, 詳《四稱篇》,王説菑曲即臨淄之曲也。

一多案: "扶"疑爲"杕",字之誤也。杕、枻音近可通。 (大、世古音近,故大子一曰世子。)《淮南子·道應篇》"依 非謂枻船者曰",《注》"枻,櫂也"。"杕舟之士"即枻船之 士也。

齊之北澤燒火光照堂下

王引之云:"燒"字絶句,"火"字下屬爲句。尹《注》 "獵而行火曰燒,式照反"九字本在燒字下,今本移入火字 下,則誤以"齊之北澤燒火"爲句矣。 維通案: 王説是也。下文云"今北澤燒"是其證。《書 動》八十五標以"北澤燒火,管子入賀",是虞世南所據本 已誤截其句。《御覽・地部》三十引無"光"字,則以"燒" 字爲句,而删"光"字。《書鈔》引與今本同。

林圃案:《通典·食貨》十二引同今本。

萬乘之國千乘之國

林圃案:《通典·食貨》十二引"萬乘"下無"之國" 二字。

春有以傳耜夏有以決芸

林圃案:《通典·食货》十二引"倳"作"事"。又"芸"下有《注》"耘同"二字,今脱。

桓公憂北郭民之貧

維遹案:各本"民"下有"之"字。《御覽·菜部》四引無"之"字。此"之"字疑當在"郭"字下,今本誤倒。《御覽》删去。

北郭者盡屨縷之甿也

古本"屨縷"作"屢婁",劉本、朱東光本、趙用賢本以 下各本均作"屨縷"。

俞樾云:"屢縷"二字無義,乃"窶數"之假字。《釋名・釋姿容》曰"窶數猶局縮,皆小意也"。然則窶數之甿, 謂小民也。窶、數二字, 並從婁聲,屢、縷二字,亦從婁聲, 故得通用矣。

姚永概云:此文下云"禁百鍾之家不得事轎","轎"當即"蹻"之别字。《莊子釋文》"屩與蹻同"。《漢書·卜式傳集注》"蹻字本作屩"。《釋名》"屩,草屨也"。不得事蹻,所以資屨縷之甿也。又云"去市三百步者不得樹葵菜",所以資厝園之甿也。若如俞説,則"不得事蹻"之文何所承乎。"屢縷"之縷當爲織字,涉上屢中之婁而誤爲縷矣。字又誤在屢字下。屢字不誤,下文故又承之曰"有所讎其手搔之功,唐園之利"。"手搔"者織屨也。

顏昌嶢云: 俞說非是。下文《管子》答言"百鍾之家不得事轎"。《集韻》"屩或作轎,轎謂屨也"。然則"屨縷之甿"蓋謂捆屨緝縷爲生者耳。下文又云"則北郭之甿有所讎其手掻之功","手掻之功"亦謂手繅之絲縷也。"搔"即"繰"之借字,通作"繅"。

尹桐陽云:《吕覽·節士》"齊有北郭騷者,結罘罔, 捆蒲葦,織葩屨,以養其母"。是北郭民之習屨縷也。甿, 民也。

百鍾之家不得事鞽

丁士涵云:上文云"北郭者盡屨縷之甿也",則鞽即 屩,謂履也。《集韻》"屩"或作"鞽"。

安井衡云:"轎"同"屩",草屨也。事謂作之。

張佩綸云:《集韻》"屩或作鞽",《説文》"屨,履也", "屩,履也",《廣雅》"屩,草屢也",《玉篇》"屨,履屬,麻作 謂之屨",是屩、屨略有别。

李哲明云:"鞽"即"屩"字。《釋名》"屩,草屨也"。 《莊子·天下篇》作"蹻"。《集韻》"屩"亦作"轎"。蓋捆屢 爲食,細民之事,故令百鍾之家不得爲此。

若此則空閒有以相給資作單

王念孫云: "空間"當依宋本作"空閒",謂以空閒之地給貧民。

沫若案: "空閒有以相給資"與"北郭之甿有所讎其手 搔之功"對文,則"空閒"當指失業者。

有所讎其手掻之功

張佩綸云:《士虞禮注》"掻當爲爪",又《士喪禮》 "蚤滿如他日",《注》"蚤讀爲爪",《説文》"叉,手足甲也", 段氏云"叉、爪古今字,《士喪禮》、《士虞禮》、《曲禮》蚤皆 叉字也,鄭《注》皆云'讀爲爪',讀爲者易其字也。不易爲 叉,而易爲爪,漢人固以爪爲手足甲之字矣"。案《管子》 古文多與《三禮》合,爪作掻,其一也。

一多案:《古詩》(《上山採蘼蕪》)曰"顏色類相似,手 爪不相如",又曰"新人工織鎌,故人工織素,織鎌日一匹, 織素五丈餘,將縑來比素,新人不如故",是古稱織作之技 能爲手爪。搔與爪同。"手搔之功"猶言織作之功耳。

陰王之國

馬元材云:《揆度篇》云"天筴,陽也;壤筴,陰也",齊、

楚、燕三國各據有自然特產爲其他各國所無,足以造成獨 占之局面,以操縱天下,所謂得地獨厚者,故謂之"陰 王"也。

中齊有菑石也麝本

王念孫云:"薔"亦當爲"菑"。中,當也。言楚之有黄金,當齊之有菑石也。《輕重乙篇》"使玉人刻石而爲壁",尹《注》"刻石,刻其曹石",薔石、曹石皆菑石之譌也。

何如璋云:"薔石"乃萊莒之誤。《輕重戊篇》"萊莒之 山生柴,君其率白徒之卒,鑄莊山之金以爲幣",即下文所 謂菹薪,蓋齊之能養鹽鑄幣,皆恃近海薪柴之給用,故云 中齊有萊莒。(沫若案:此録自張氏《管子學》引,《管子析 疑》稿本作"薔當作甾,甾水之旁,石質白而似玉者"。與 此大異。)

張佩綸云: 王説是也。夜石之幣亦即甾石,説具《山權數篇》。一說: 此篇以燕、齊之養鹽,與楚金並列,若謂楚金當菑石,則齊之鹽幣,已兼楚、燕兩國之利,陰王之業,齊獨當之矣。疑"齊有薔石"當作"中齊、燕有古也","古"即"盬"之省,似本篇文意相承不雜。

一多案: 王説是也。菑石蓋即磁石。"甾""兹"聲同通用,《説文》"鼒,鼎之園掩上者",重文作磁。金文有言"饋鼎"(《無哭鼎》,《邵王之諻鼎》)、"淄鼎"(《滁鼎》,《曾諸子鼎》)者,即鎡鼎,是其比。《地數篇》"上有慈石下有 銅金",慈石即磁石。此言齊有磁石,猶言有銅金,故可與

楚之黄金相比擬。

林圃案:《通典·食货》十二引《輕重乙篇》尹《注》 "蒥石"作"美石"。王念孫説爲菑石,可從,今山東臨淄産 淄石,石質細潤,多爲黑色,可以爲硯,或古人即以之爲 壁與?

天下倪而是耳

豬飼彦博云: 倪、睨同。"是"疑當作"走",言望視而去。

洪頤煊云:"倪"通作"睨","是"當作"走"。言操之不工,用之不善,天下之人皆斜視而走耳。今本作"是"字,誤。《輕重乙篇》同。

宋翔鳳云:"是"與"視"通用。

安井衡云: 倪、睨同。是讀爲題, 題, 視也。

張佩綸云: "是"當爲"眡", 聲之誤也。《禮記·曲禮下注》"是,或爲氏",《漢書·地理志下集注》"古字是、氏同"。《釋名》"視,是也","倪而是"即睨而視之。洪説非。

一多案: "是"讀爲睼。《説文》"睼,迎視也",《文選· 東都賦》"弦不睼禽",《思玄賦》"親所睼而弗識兮",舊 《注》"睼,視也"。字一作題,《廣雅·釋詁》一"題,視也"。

沫若案:《輕重乙篇》"民之人正籍者亦萬有餘里,故有百倍之力而不至者,有十倍之力而不至者,有倪(睨)而是者",彼言道路有遠近,故至者有難易。"睨而是"指近而易者言,蓋言轉瞬即至。此文云"苟有(又)操之不

工,用之不善,天下睨而是耳",二"不"字當讀爲丕,"天下 睨而是"者,言天下可轉眼得之也。

使吾得居楚之黄金吾能令農毋耕而食女毋織而衣使吾使夷

王念孫云:"吾"字涉上句"夷吾"而衍。

一多案: 王説非是。此當删"夷"字。古未有於君前 自稱其字者。

君請伐菹薪煑沸水爲鹽水本正而積之

劉本、古本"養沸水爲鹽"作"煮水爲鹽",朱本同,趙 本作"養沸水爲鹽"。朱長春、凌登嘉、花齋、凌汝亨各本 均作"煮沸火爲鹽",同宋楊忱本。

尹知章云:草枯曰菹,采居反。

豬飼彦博云:"沸火"當依《地數》作"泲水"。

洪頣煊云:"沸火"當作"沸水",見《地數篇》、《輕重 乙篇》。

王念孫云: 下文云"山林菹澤草萊者,薪蒸之所出也",尹《注》非。

安井衡云: 古本作"煮水爲鹽",《地數》作 "煮沸水", 古本脱"沸"字。正音征,下"始正"同。

戴望云:"火"字誤。當依朱本作"水"。

何如璋云:"沸火"乃"海水"之譌。《通典》引此作"煮

水",無"沸"字,殆以其誤而删之。然《注》有"煮海水"三字可證。

張佩綸云:《通典·食貨》十引自"齊有渠展之鹽"至 "得成金萬斤"止。"煮沸水"無"沸"字,而有"煮海水"三字注。"桓公曰諾""召管子而問焉安用此鹽而可""管子對"均删,"六千"字亦删。"三萬鍾"下接"下令曰"。"若此則鹽必坐長而十倍"節"若""鹽必"三字。"桓公曰善"至"請"十三字、"曰諾"二字、"以令"二字、"壹千餘"三字,均節。

維遹案: 趙本"火"作"水",當據改。

沫若案: 抄本《册府元龜》四百九十三引作"使國人煮水爲鹽"。下亦有《注》"煮海水也"四字。《注》既云"煮海水",則原文不當有"冻"字或"海"字。

成鹽三萬六千鍾

沫若案: 《地數篇》作"三萬鍾"。《通典·食貨》十二 引作"成三萬鍾", 《通考》及抄本《册府元龜》四百九十三 引同。

孟春既至

林圃案:《通典·食貨》十引,"孟春"上有"下令曰"三字。《通志》及抄本《册府元龜》引同。

北海之衆無得聚庸而煮鹽

尹知章云:庸,功也。"北海之衆"謂北海煑鹽之人。

本意禁人煑鹽,託以農事,慮有妨奪,先自大夫起,欲人不知其機,斯爲權術。

俞樾云:"庸"當爲"傭"。《史記·陳涉世家》"嘗與人傭耕",《索隱》引《廣雅》曰"傭,役也",《漢書》每以"庸"爲之。《周勃傳》"取庸苦之,不與錢",《司馬相如傳》"與庸保雜作",並假"庸"爲"傭",是其證也。"無得聚庸而養鹽",此所謂庸正是賃作者。尹訓爲功,失其義矣。《地數篇》"毋得聚庸而養鹽",義同。

以令糶之梁趙宋衞濮陽

沫若案:"濮陽",《地數篇》同。抄本《册府元龜》四百九十三作"淮楊",似較長。"楊"乃"揚"之誤。濮陽屬於衛,不應於衛之下復出濮陽也。

彼盡饋食之國也無鹽則腫層字本

古本"國"字在"也"字上, 劉本、朱本同。宋本、趙本、朱長春本以下各本"也"字均在"國"字上。 抄本 《册府元 龜》四百九十三引無"也"字。

王念孫云:朱本"國"字在"也"字上,是也。尹《注》曰 "本國自無鹽,遠饋而食"是其證。"無鹽則腫"自爲句。 《地數篇》作"惡食無鹽則腫"。

安井衡云:古本"國"字在"也"字上。

何如璋云:當作"饋食之國也",文義始順。《通典》引 此無"也"字。

乃以令使糶之

孫星衍云: 《太平御覽》八百六十五引"使"作"吏"。

得成金萬壹千餘斤

沫若案: 抄本《册府元龜》四百九十三引作"得之金萬斤",下有《注》云"一云萬一千餘斤"。"之"乃誤字。

故此所謂用挹於河海若輪之給馬輪本

張佩綸云:"輸"當作"輪"。《説苑·指武篇》"如尨之守户,如輪之逐馬",是其證。

維遹案:張説是。"故"猶則也。"給"與"及"通,"及 馬"與"逐馬"字異而義同。

沫若案:此節"管子對曰請以令使賀獻出正籍者必以金"以下,與《揆度篇》"陰山之馬"一節"管子對曰君請使與正籍者皆以幣還於金"以下,文當互易。此云"輸之給馬"卽謂輸出百倍之金以給陰山之馬也。"輸"字不當改爲輪。

此陰王之業也

一多案: 句末當補"也"字。

君之所與也

陶鴻慶云:"君之所與"下當有"也"字。言君以號令 操其輕重,則人民之富出於君上之賜與,君不賴人民而富 也。《揆度篇》之"君民非富也,鄰國富之"與此義正相反。 沫若案:陶説非是。《管》書輕重之筴在抑制富商大賈,"君之所與","與"當讀爲舉(與、舉古今字)。此如《周禮·地官·司門》"凡財物犯禁者舉之"之舉。又舉有抗義,即敵對之意。

故賈人乘其弊以守民之時^{弊本}作幣

古本、劉本、朱東光本、趙用賢本以下各本均作"弊", 唯凌汝亨本作"幣"。

一多案: "幣"各本作"弊",當據改。《太玄·規》"古者 寶龜而貨貝,後世君子易之以弊",則又以"弊"爲"幣"矣。

使民藉之

維適案:"藉"當作"矠",形近而誤。《魯語上》"矠魚鼈 以爲夏犒",韋《注》"矠,族也,矠刺魚鼈以爲夏儲也"。此 承上文菹澤而言,即使民矠刺菹澤之魚鼈。上文云"犧牲 之所起",魚亦牲也。《禁藏篇》云"以魚爲牲"。

然後可以通財交叚也程格

王念孫云:"殷"字義不可通,"殷"當爲"叚"。(即今

假字。)交叚謂交借財也。隸書"殷"字作"段","叚"字作"段",二形相似,故"叚"譌爲"殷"。(《史記·高祖功臣表》故市侯閻澤赤遷爲假相,《漢表》作"殷相","殷"乃"叚"之譌。又《漢書·地理志》"琅邪郡雩叚"《王子侯表》作虖葭,《史記·建元以來王子侯表》譌作雩殷。)《説文》作虖葭,《史記·建元以來王子侯表》譌作雩殷。)《説文》"假,非真也","叚,借也",是假借之字本作"叚",今經傳相承作假,而叚字不復用。此叚若不誤爲殷,則後人亦必改爲假矣。

請以給其口食笝曲之彊

古本"筒"作"筒",劉本、朱東光本同。趙用賢本以下 各本均作"筒"。(德鈞案:《纂詁》本作筒。)

洪頤煊云:字書無"筒"字。《月令》"具曲植籧筐", 《吕氏春秋》"籧"作"篆"。"筒"即"篆"字之壞。

安井衡云: "笝"疑當爲"筐"。《月令》云"具曲植篷筐",形相涉而譌耳。

王紹蘭云:"筒"字罕見,《説文》"筦,孳也","孳,筳也","筳,維絲筦也","曲,蠶薄也"。"筦"篆文"爲",因誤爲"筒"。"彊"乃"鏹"之調。"缬"壞爲"强"又誤爲"彊",即《國蓄篇》"藏鏹"之"鐰",謂錢貫也。(《説文》"鏹,觕類也",是其本義。)曲薄蠶事之始,維絲蠶事之成。此文上言蠶桑,下言絓絲,故給其口食筦曲之綴以爲資耳。

張佩綸云:"筒"與"篆"不相似,"筒"乃"篗"之壞。 《説文》"篗,收絲者也",其下"又"字可證。"彊"當作 "强",蓋即"繦"字。

尹桐陽云:《廣韻》"笝,奴盍切",此"笱"當作"笆", 籠也。

唐蘭云:按筒、簾不相似,無由致誤,洪說非是。 "筒"當爲"莆"之誤,莆即薄字也。古艸、竹往往不分, "甫"本作"出",亦作"※",蓋隸變作岗,脱誤爲冈耳。薄 曲皆蠶具,《説文》"曲,或說蠶薄也"。"曲,蠶薄也"。《史 記·周勃世家》"勃以織曲薄爲生",筒曲猶曲薄矣。《穆 天子傳》數言"桂薑百崗","崗"亦昔人所未識,今謂乃 "專"字古文"墨"之隸變,"專"讀爲縛,言桂薑百縛也,與 此可互證。

一多案:"筒"當爲"笆"之譌。《廣韻》、《集韻》並有 "笆"字,《集韻》音"図",《説文》"図"讀若辭。此本作 "笆",借爲"籋"。《説文》"欄,絡絲柎",籋、欄當係同字, 以竹爲者曰籋,以木爲者曰欄也。曲同笛,《説文》"笛,蠶 簿也"。笆曲均蠶具名。一説筃又音大例切(見《字鏡》 及《萬象名義》),當是帶之別構。(標,當蓋切。)《方言》五 "槌,宋、魏、陳、楚、江、淮之間謂之植,……其橫關西曰 餱,宋、魏、陳、楚、江、淮之間謂之權,齊部謂之持",郭 《注》曰"縣蠶薄柱也"。案《吕氏春秋·季春篇》"具栚 (擬)曲簾筐",《淮南子·時則篇》"栚"作"持",《月令》作 "植"。《管子》之"茵曲"即帶曲,與《吕覽》之"栚曲",《淮 南》之"持曲",《月令》之"植曲"(今本倒作曲植),皆以蠶 薄與縣蠶薄柱並舉,筃(帶)、栚、持、植一聲之轉,亦通。 沫若案:"筒"當爲"簿"字之譌,唯不如唐蘭所說變自 殷周古文,乃簿字草書之楷書化而已。

若此則絓絲之籍去分而飲矣

安井衡云: 粗者曰絓,繭滓所抽也。言民皆納絲償債,故絓絲去半而斂,亦足用也。

維通案:《説文・糸部》"絓,繭滓絓頭也,一曰以囊絮練也",《釋名・釋布帛》"紬,抽也,抽出絲端,出細緒也, 又謂之絓,絓,挂也",此云"絓絲之籍",猶《孟子・盡心篇》"有布縷之征"耳。

且四方之不至則六時制之

一多案:"六時"上當有"則"字,語意乃明。

春日傳耜

張佩綸云: 六"日"字均當作"日",即所謂"六時"也。 春曰傳耜,《月令》"孟春,天子親載耒耜,躬耕帝耤"是也。

一多案: 傳,插也。《後漢書·張衡傳》"丁厥子而傳 刃",《注》"北方人呼插物地中爲傳"。《漢書·蒯通傳》 "不敢事刃于公之腹者",《注》"李奇曰: 東方人以物臿地 中爲事,師古曰:《周官·考工記》字作菑","事"與"傳" 同。《詩·大田·載芟》"俶載南畝"兩"載"字《箋》亦皆讀 爲菑。"傳"與"載"並通"菑",是《管子》"傳耜"即《月令》 "載耒耜",並謂插耒耜於地中以發土反草,而《管子》字作 "傳",尤與東齊方言符合。

次日穫麥養本

安井衡云:"獲"讀爲穫。

張佩綸云:《説文》"穫,刈穀也"。穫麥,《月令》"孟夏,農乃登麥"。

維遹案:"獲"當作"穫",形近之誤也。《説文》"穫,刈 穀也",《月令》"孟夏農乃登麥",登穫義相成。

次日薄芋苹本

宋翔鳳云:宋本"芋"作"芋"。

安井衡云:"薄"讀爲鑄。

張佩綸云:薄芋者,《説文》"芋,壅禾本也",《詩》"或 尝或耔",《漢書·食貨志》引作"芋",非麻母之芋也。

李哲明云: "芋"當爲"芋",形近之誤,言布其耔種也。 宋本正作"芋"。《詩·蓼蕭序注》"外薄四海也",《釋文》 "薄本作敷",是"薄"可通"敷"。"薄芋"猶敷芋也。敷者 布也,言布種也。

維遹案: "薄"讀爲迫,迫,疾力也。"芋"當作"芋",形 近之誤也。 芋與耔、秆通,《詩·甫田篇》"或耘或耔",毛 《傳》"耔,雖本也",《説文》"秄,雖禾本",《漢書·食貨志 上》引詩"耔"作"芋",是其證。"薄芋"言疾力培壅禾本也。

次日絶菹

張佩綸云: 絕苴者,《吕覽·貴生篇注》"苴,草蒯也"。

維遹案: "菹"與"苴"通。《吕氏春秋·貴生篇注》"苴, 草蒯也"。 "絶菹"言除草芥也。

次日大雨且至趣芸壅培六時制之

張登雲云: 六時,"春日傳耜"以下六日之時。

張佩綸云:《月令》"季夏,土潤溽暑,大雨時行,燒薙行水,利以殺草,如以熱湯,可以糞田疇,可以美土彊",然則"六時"自孟春至季夏。

以給…鄉…至於國都善者因其輕重守其委廬區鄉字本在善者下

張佩綸云:"臣"乃藏字之壞。藏給者,《國語注》"給, 備也"。文當作"藏給至於都鄉,善爲國者因其輕重,守其 委廬"。或說"善"卽里之誤,者涉都而衍。至於國都里鄉, 卽《遺人》所謂"邦之委積,鄉里之委積,縣都之委積"也。

維遹案: 張説是也。惟疑"善"字當在"鄉"字下,"者" 爲"里"字之誤,從"鄉"字絶句。《輕重乙篇》"善因天時" 亦以"善因"連文。所謂"藏給至於國都里鄉",與《周禮· 遺人》"邦之委積,鄉里之委積,縣都之委積"其比正同。

一多案: "臣"疑當爲"以",字之誤也("以"本作"目",以形近誤爲"臣"。)上文"因以給之","請以給其口食笝曲之彊",兩言"以給"可證。"以給"下似有奪句,"鄉"字即其殘餘之錯置於下文者。"至於國都"四字爲句,與上文"且四方之不至"語意相應。"善者因其輕重,守其委廬",

則與《事語篇》"善者用非其有,使非其人",《國蓄篇》"故善者執其通施以御其司命",又"故善者委施於民之所不足",句法同例。

管子曰一農不耕(至)則是下艾

何如璋云:"一農不耕"四句,《賈子·無畜》有此語,乃泛引古人,不云《管子》,足徵此篇之僞託矣。"故事再其本"十五句,既見《揆度》;"民無檀者賣其子",此作"則無賣其子者",有脱誤。"貨財不安於拘",此作"遺財不可包止",包亦"拘"之譌。

林圃案: 賈思勰《齊民要術序》引此文作"管子曰: 一 農不耕,民有飢者; 一女不織,民有寒者。倉廩實知禮節, 衣食足知榮辱"。

死得藏

張佩綸云:"死得藏"下當依《揆度篇》增"矣"字。

維遹案: "藏"猶葬也。《揆度篇》作"然後死得葬矣", 《荀子·禮論篇》"輿藏而馬反",楊《注》"藏,謂埋之也"。

遺財不可拘止物本作包

古本作"拘",劉本、朱東光本、梅本同。趙用賢本、朱 長春本、凌汝亨本、花齋本、葛本均作"包",同宋楊忱本。

洪頤煊云:"包"當作"拘"。拘,留也。《揆度篇》作 "货財不安於拘",包、拘因字形相近而譌。

王念孫云:朱本正作"拘"。

安井衡云: 諸本"拘"作"包", 古本作"拘", 拘亦止也。

張佩綸云:《漢書·趙廣漢傳》"善爲鉤距以得事情。 鉤距者,設欲知馬價,則先問狗,已問羊,又問牛,然後及 馬,參伍其賈以類相準,則知馬之貴賤不失實矣"。此"拘 止"卽鉤距。蘇林曰"鉤得其情,使不得去"。晉灼曰"鉤, 致也。距,閑也"。卽此拘止之訓。"姦涂不可獨行",言 羣起爲盗;"遺財不可鉤止",言金幣分流。

李哲明云: 拘留之意於財貨不近。故疑前文"貨財不安於拘","拘"爲"徇"。即此文包字,正見括財之意,非不可通也。且此四語意俱仍前而不用其字。如"獨遵"爲"獨行","摲民"爲"下艾",即"包"不定爲拘。可知正無庸改。

沫若案:"遺財"當依《揆度篇》作"貨財"。"包"字不誤,《揆度篇》"拘"字則抱之誤也。"包"與"抱"通。"貨財不可包止"言貨財無法把持也。

則是下艾民

張文虎云: 艾、刈古通。"下艾"謂去其本。

張佩綸云:"則是下艾民"爲句,趙氏以"艾"字絶句, 非是,《揆度篇》可證。《孟子》"及陷於罪然後從而刑之, 是罔民也",《管》義與之合。

維遹案: 張說是也。惟"艾"與"刈"通。《揆度篇》作"中内摲民也"。《禮記·少儀篇》鄭《注》"下,陰也",《禮器篇注》"摲之言芟也",《吴語注》"芟草曰刈",是"下"與"中内","芟"與"摲"義均相同。則是"下芟民"猶言暗中害民耳。

食三升則鄉有乏食而盜食二升則里有乏食而盜食一 升則家有乏食而盜^{乏本皆}

王念孫云:此"正"字爲"匃"之誤。《廣雅》曰"匃,求也",俗書匃字作丐,與正相似而誤。襄公三十一年《左傳釋文》"丐本或作正",昭公六年《釋文》"士匃或作王正",是其證。

王引之云: "正"字義不可通。"正"當爲"乏",乏者匱也, 絶也。《史記·高祖紀》曰"漢軍乏食"是也。乏食則不忍飢餓而爲盗矣。"乏"字本作五,形與"正"相似,因爲而爲"正"。宣十五年《左傳》曰"文,反正爲乏"。

張佩綸云: 王氏父子兩說並通,當從小王爲是, 丐食則非盗矣。升非升斗之升。《穀梁》襄二十四年《傳》"一穀不升謂之嗛,二穀不升謂之饑,三穀不升謂之饉, 四穀不升謂之康,五穀不升謂之大侵"。食三升,二穀不升也。二升,三穀不升也。一升,四穀不升也。與《穀梁》、《韓詩外傳》均合。

今操下艾之事作不反

張文虎云: "不反"疑即上文"下艾"二字之譌。

何如璋云:"不反"謂農收不反其本也。

張佩綸云: "操不反之事", 張文虎云"疑卽下艾之 誤",亦通。案"不反"謂不反其本,似不必改字。

沫若案: 當以何説爲是,不應改字。"今操不反之事 而食四十倍之粟",操者食者均指民而言,故云"而求民之 毋失不可得矣"。上文"下艾"則是指上不恤民艱而"随之 以法",是操者爲上而非民矣,張(文虎)說非是。

是君朝令一怒布帛流越而之天下

俞樾云: "怒"讀爲弩,《方言》"凡人語而過,東齊謂之劍或謂之弩"。是齊人謂語而過者爲弩。"朝令一怒"正謂其語之過也。怒者"弩"之假字,管子齊人,故齊言耳。

民無以待之

維遹案:《晉語》"厚戒箴國以待之",韋《注》"待,備也",《周語》"内外齊給",韋《注》"給,備也",此言民不能供給。

家族失而不分

沫若案:"分"當作"合",字之誤也。

今君躬犁墾田壓耕發草上共作得其穀矣

陶鴻慶云: "耕"上奪"趣"字,"趣耕發草"爲句。下文云"君雖彊本,趣耕發草,立幣而無止,民猶若不足也",是其證。"土得其穀矣"本作"上得其數矣",言上得彊本之術也。《國蓄篇》云"且君引錣量用耕田發草,上得其數矣",是其證。

沫若案: 陶校非是。下文"彊本趣耕,發草立幣而無止","趣"與"彊"對文,此處不當有"趣"字。"耕發草土,

得其穀矣"不誤,《國蓄篇》文誤耳。《國蓄篇》文當爲"耕田發草土,得其穀矣",陶校適得其反。

人有若干罗畝之數作有人

王念孫云: "有人若干畝"當依《國蓄篇》作 "人有若干畝"。

郭嵩焘云:下文"人有百十之數",此亦當作"人有若干步畝之數"。

一多案: 趙本"畝"上有"步"字,當據補。《國蓄篇》 亦有。

人有匿圧百十之數

張佩綸云: "百十"亦當依《國蓄》作"若干百十之數"。 發草立幣而無止

丁士涵云:"發草"與"立幣"連言不詞,疑涉上而衍。

張佩綸云:發草鑄幣,《輕重戊篇》"萊莒之山生柴,鑄 莊山之金",是也。丁氏以發草與鑄幣連言疑涉上而衍, 實則彼言耕發草土,草土詳《地員篇》,與發草非一事。

沫若案:丁說非是。"發草立幣而無止",正總結上述 "墾田"與"鑄錢"二事,並非衍文。

民猶若不足也

安井衡云:"若"當爲"苦",字之誤也。

戴望云:"若"疑"苦"字誤。

張佩綸云: ("管子曰今爲國有地"至"民猶若不足也"。)此連下爲一節,各本分爲二,非是。説《管子》者,引《牧民》、《國蓄》以起下節。《説苑》所引《管子》逸文,往往以《經言》一二語演爲一節,蓋皆《管子》雜篇。不知此例,則皆以爲複重耳。

馬元材云:《吕氏春秋·用衆篇》云"雖不足,猶若有 跖",又《誣徒篇》云"雖不肖者猶若勸之",皆"猶若"二字 連用之證,仍以不改爲宜。

東車五乘東本

豬飼彦博云:"東"當作"束"。

丁士涵云: "東"乃"束"字誤。束車,約車也。《國策》 曰"請爲子約車",又曰"王爲約車載百金"。

張佩綸云:自"桓公問於管子"至"桓公曰諾"當併入上節。自"束車五乘"至末,當别爲一節。兩節首尾均有爛脱處。以癸乙説因與上説分散不相承。

迎癸乙於周下原

戴望云: 宋本"下"作"不"。

張佩綸云:《廣韻》"癸,《姓苑》云:出齊癸公後"。"下原"疑即蘇忿生之地温原,其時由鄭歸周,尚未與晉,故曰周下原也。《荀子・宥坐篇》"管仲誅付里乙",《元和姓纂》作"恃乙",《宋姓解》作"魯有忖乙爲齊所誅"未知即其人否?

尹桐陽云: "周"同"州", 淳于國之所都。《春秋》"州公如曹", 《左傳》云"淳于公如曹"。故城在今山東高密縣東北。

桓公開四二字因與癸乙管子甯戚相與四坐

豬飼彦博云:"問四"二字疑衍。

張佩綸云:"問四因","四"字涉下"四"字而衍。

維遹案:"問四因"三字涉下文而衍。

一多案: 衍"問四"二字。

管子差肩而問日

安井衡云: "差肩"肩差在後也,癸乙爲賓,故差肩而問焉。

維遹案:"差肩"猶比肩也。

不籍吾民何以待鄰國

維遹案:待,猶禦也。

唯好心爲可耳

安井衡云: "好", 孔也, 紂曰"吾聞聖人心有七竅", 蓋古謂有智慮者, 心有孔竅也。

張佩綸云:《釋名》"好,巧也,如巧者之造物,無不皆善,人巧之也"。

沫若案: "好心"二字舊未得其解。下文以"有餘富, 無餘乘者責之卿諸侯,足其所,不賂其游者責之命大夫" 釋明"好心"。其旨在分散卿大夫與附庸諸侯之聚財(說詳下)。准此則"好"當訓爲空。《爾雅·釋器》"肉倍好謂之璧,好倍肉謂之瑗,肉好若一謂之環"。"好"乃環璧等之中孔。是則"好心"即空其中心之意。卿大夫與附庸諸侯,在國内居心腹地,務使其財不蓄聚,以妨坐大。直說不便,故爲此"好心"之隱語耳。

有餘富無餘乘者責之卿諸侯足其所不賂其游者責之令大夫

豬飼彦博云: 卿諸侯,令大夫,蓋戰國之爵也。"足其所不將其游"謂獨足其家而不通財於交游也。

張佩綸云: 《說文》"賂,遺也"。游,卽上文之游財。 "卿諸侯"無義,當作"諸卿族",侯、族形近而譌。"令大 夫"卽"命大夫"之義。

維遹案: "侯"當作"族",字之誤也。"所"猶居也,見 《吕氏春秋注》,"游"當作"徭",以"游"與"滛"通,滛、徭 形相近,故譌爲"滛",再變爲"游"。"徭"字古祇作"繇"。 令、命古爲一字。言諸族足其室家,不供其賦繇者,則責 讓命大夫。上文云"有餘富無餘乘者責之卿","餘富"指 國言,故責讓卿。此指族言,故責讓命大夫,義各有當。趙 用賢以"責之卿諸侯"爲句,固非,即"諸侯"雖"足其所不 賂其游"亦不得"責之令大夫"足證今本有誤文。

沫若案: 張、許説均非。文正宜以"卿諸侯"斷句。《輕重乙篇》亦見"卿諸侯" "令大夫"之名。俞樾謂"卿諸侯"

馬大國之孤(詳見《乙篇》"使卿諸侯藏千鍾"條下)。余疑卿與諸侯爲二。"諸侯"者附庸諸國之君長也。《陳侯因 省敦》"朝問諸侯",知齊國實領有羣小諸侯。卿乃内臣,諸侯乃外臣,責令先内而後外。"足其所,不賂其游"者,謂有財不以分人,即自得其所而不顧交游。輕重之筴,旨在破除積蓄,以防私室之坐大,故有此等責令。此即所以"散積聚,調高下,分并財"之一術也。

故知三准同筴者能爲天下

安井衡云: 穀幣財爲"三准",從輕重而環之爲 "同策"。

尹桐陽云:一調高下,二分并財,三散積粟也。

沫若案: "三准"當即萬物通、萬物運、萬物賤。上文云"夫好心則萬物通,萬物通則萬物運,萬物運則萬物賤,萬物賤則萬物可因"。欲使有無相通,貨物流入市場,物價下跌,必須有所准據。而所准據則唯此"好心"之一策耳。故曰"三准同策",

抗之以疾徐也

安井衡云: 抗,舉也。

維遹案:《禮記·文王世子篇》"抗世子法於伯禽",鄭 《注》"抗猶舉也",與《輕重乙篇》"引之以疾徐"義亦相類。

今傳載十萬面薪采本作之靡日虚十里之衍

張佩綸云:"薪菜"當作"薪采"。《公羊》哀十四年

《傳》"然則孰狩之。薪采者也,薪采者則微者也"。

維通案: "萬"下脱"而"字。下文云"頓戟一譟,而靡 幣之用,日去千金之積"文同一例,是其證。

而靡幣之用日去千金之積

古本作"弊",其他各本均作"幣"。

丁士涵云: "幣"者,"敝"之借字。《説文》"敝, 帔也, 一曰敗衣也",《輕重乙篇》曰"器以時靡幣"。

張佩綸云: "靡幣"當作"靡敝"。《禮記·少儀》"國家 靡敝"。此言養兵則有薪樵之費,用兵則有轉饟之費。

管子對日以下至本

張佩綸云: 疑管子之對不應迂闊若此,當別有一節,而今脱去。其下節則意欲節省軍士之賞,而管子又明其不可,義始完足。

栗賈平鋻四十點完金賈四千

豬飼彦博云: "平"當依下文作"釜", "則"字符。

王引之云:當作"栗賈平,釜四十,金賈四千",言今之栗賈平,每栗一釜,其賈四十錢,金賈每一金。(《孟子·公孫丑》趙《注》曰"古者以一鎰爲一金,鎰,二十兩也"。)四千錢,二者皆當時之賈也。下文栗賈釜四十,則鍾四百也,十鍾四千也,二十鍾者爲八千也,即承"栗賈平釜四十"言之。金賈四千,則二金中八千也,即承"金賈四千"言之。

今本"四十"上脱"釜"字,"金賈"上衍"則"字(因下文 "栗 賈釜四十則鍾四百"而衍),而文義遂不可通。

安井衡云:《輕重乙篇》"狄諸侯,畝鍾之國也",畝鍾, 則百畝百鍾,而此云百畝二十鍾;《揆度》曰"金之平賈萬 也",而此云"金賈四千";蓋《管子》經數百年之久,而成於 數十人之手,是以僭差繆戾至于如此。餘不盡辨焉。

故發號出令而當一農之事有二十金之筴

陶鴻慶云: "日"字不當有。"一農之事"二句與上文 "一農之事乃中二金之財耳"語義相應。言號令之效如此 也,非上令下之辭。

一多案:疑"曰"爲"而"之誤。

湩然擊鼓

陳奂云: "湩"與鏜一聲之轉。《詩》"擊鼓其鏜",毛《傳》曰"鏜然,擊鼓聲也",《說文》"鼜,鼓聲也",引《詩》作 鼟,"鏜,鐘鼓之聲也",引《詩》作"鏜"。依毛訓,則《詩》之 "鏜"爲"鼜"。《司馬法》曰"鼓聲不過閶",閶爲鑿之假字。 又《說文》"饕,鼓聲",《集韻》通作"鼕"。隆、冬與湩,聲亦相近。

張佩綸云: 湩,乃鹽之轉,《樂府·秦女休行》"朣朧擊鼓赦書下",《御覽》作"隴橦",沈佺期詩"籠僮上西鼓",柳宗元詩"籠銅鼓報衙",朣朧、隴橦、籠僮、籠銅,即潼然也。

李哲明云:"湩"本無義,狀鼓音耳。今俗鼓聲如董, 《廣韻》作"蘸",云"蘸蘸鼓鳴也"。作"湩"者初無正字,因 聲假之。作蘸則後人臆造。知鼓音云董,由來久矣。

鎗然擊金士□□帥然筴枹^{本作}鼓從之

安井衡云: 鎗,鐘聲也。"士"下當脱二字,今不可考。 帥、率通; 帥然,急遽貌。

戴望云:"士"下當脱二字。"帥然筴桐鼓"爲句。

張佩綸云: "筴桐鼓從之", "桐"當爲"枹", 字之誤也。 《説文》"枹,擊鼓杖也", 《淮南・墜形》高《注》, 《文選・西征賦》引《淮南》許《注》均云"筴, 杖也"。

李哲明云:"帥然"羣聚之貌。揚雄《甘泉賦》"帥爾陰 閉",《注》晉灼曰"帥,聚也"。帥然,猶率而也。"筴"讀爲 挾,同聲假借。

尹桐陽云: 鎗,鐘聲也。金,鐘也。帥同連,先導也。 《淮南·説山》"范氏之敗,有竊其鐘負而走者,鎗然有 聲"。《吴語》"鳴鐘鼓丁寧淳于"。

維適案: 戴説是也。惟"帥然筴桐鼓從之"疑當作"帥 筴枹鼓士從之"。"然"字涉上文衍,"桐"爲"枹"字形誤,"鼓"下脱"士"字。《左》成三年《傳》"鞌之戰,晉軍郤克爲 帥,郤克右援枹而鼓,馬逸不能止,師從之","筴枹鼓"猶"援枹鼓","士從之"猶"師從之"。"士從之"與上文"士忿怒""士□□"詞例正同。《兵法篇》"鼓所以任也,所以起也,所以進也;金所以坐也,所以退也,所以免也"。此云

"士忿怒"即"所以起也","士從之"即"所以進也"。

沫若案: 當讀爲"銷然擊金、士帥然", 帥然者肅然也。 "桐"當爲"枹", 衍文。讀者注"枹"於"筴"字下, 被混入正 文耳。"從"讀爲縱。"筴鼓縱之, 輿死扶傷", 文從字順, 音調亦諧。

口滿用手滿錢

張登雲云: "用",食用也。言人勇於攻戰,死而不顧者,爲有重禄而"口滿食用",有重賞而"手滿錢",爲利所動也。

沫若案: 趙用賢録張説未注明來歷,前人誤以爲趙 說。然張説非是。此乃形容戰士在疆場奮進之貌。"用" 當爲"涌",謂不斷怒號,致口角流沫也。"錢"當爲"殘", 謂相互斫殺,致手滿傷痍也。

非從大學父母之仇也

豬飼彦博云:"大"當作"有"。

張佩綸云:"大父母之仇",《曲禮》、《周禮·調人》均言"父之讎",《檀弓》言"居父母之仇",皆不及大父母之仇。《周禮·調人疏》引《異義·古周禮説》"復讎可盡五世之内,五世之外,施之於己則無義,施之於彼則無罪,所復者,唯於殺者之身及在被殺者子孫,可盡五世得復之",鄭從之也。《曲禮疏》文有詳略,許、鄭皆主《周禮》,不主《公羊》,是大父母之仇亦當不反兵而鬭,與父母同。故管

子引之以喻戰,與經義合。

維遹案: "大"字當作"从", "从"字偏旁與"大"形近, 故譌爲"大"。"从"即"從"字。《揆度篇》云 "若從親戚之 仇",親戚亦父母也,從猶追逐也,說詳《揆度篇》。

沫若案:"大"疑"又"字之誤,讀爲有。

中軍行戰

維遹案: "中"當作"申","申軍"與"行戰"平列。古之 言兵者往往"申" "守"對舉。《左》哀二十六年"申開守 陴",本書《幼官篇》"申守不慎",此文申軍猶遣軍、發軍。 後人習見中軍。故改申爲中耳。

然則是大臣執於禄朝布列陣之士執於賞也

豬飼彦博云:"朝"疑當作"禄"。

孫詒讓云:上下文皆云重禄重賞,又云"故軒冕立於朝,爵禄不隨,臣不爲忠。申軍行戰,委予之賞不隨,士不死其列陳",則"執於朝""朝"當作"禄"。

張佩綸云:"執於朝"當作"執於禄"。

維遹案: 孫、張說是也。"執"猶愛也。《吕氏春秋·遇 合篇》"故嫫母執乎黄帝",高《注》"黄帝説之",以"説"釋 "執",説亦愛也。劉子《新論》襲文作"軒皇愛嫫母之醜 貌",此執、愛義同之證也。

沫若案: 許釋"執"爲愛,意雖近似,尚有一間。愛乃 外動詞,"愛於禄""愛於賞"殊爲不辭。"執"假爲"摯",情 意懇至謂之摯。又通作"鷙",擊殺勇鋭謂之鷙,《吕氏春秋·遇合篇》"嫫母執乎黄帝",情意懇至之比也。此言作戰之將士,則以勇鋭之意爲切,所謂重賞之下有勇夫也。

而能服有恃之國^{本作}

宋楊忱本作"固"。古本、劉本、朱本及趙本以下均作"國"。

沫若案: 作"國"是也。"服有恃之國" 與"威絶域之民"對文。

恐其逆政游於天下

豬飼彦博云:游,猶流也。

張佩綸云:"游於天下"卽《國蓄篇》之"蓄賈游市", 《地數篇》之"游子勝商"也。

而傷寡人寡人之爲此有道乎爲上本

豬飼彦博云:"寡人"二字衍。

張佩綸云:"寡人"衍二字。

一多案: "行"字衍。此本以"……而傷寡人"句,"寡人之爲此有道乎"句。《廣雅·釋詁》一"爲, 新也",《小爾雅·廣詁》"爲,治也",是"爲"有救治之義。"爲此有道乎"猶言此事有救治之方法乎。淺人不達此"爲"字之義,乃訓"爲"爲"行",注"行"字於旁,寫者復據以加入正文,遂成今本耳。

沫若案: 當依豬飼說, 衍"寡人"二字, 以"傷寡人之 行"爲句。

吴越不朝請珠象而以爲幣乎

王念孫云:"珠象"上脱"請"字。下文皆有,當據補。

發朝鮮不朝

維遹案:"發"當作"薉",下同。說詳《揆度篇》。

沫若案:發與叢非一族,許説非是。詳《揆度篇》。

崑崙本有虚不朝

孫星衍云:《御覽》八百九引無"之"字。《爾雅》"有崑崙虚之璆琳琅玕焉"。又云"河出崑崙虚",此不宜有"之"字。

一豹之皮容金而金也

陳奂云:上"金"字疑誤。

丁士涵云:"而金"疑當作"千金"。

張佩綸云: "一豹之皮容金而金也"當作"一豹之容而辟千金者,文皮也"。《廣雅·釋詁》二"容,飾也",《周禮·巾車》"皆有容蓋",司農《注》"容謂蟾車",《考工記·函人》"凡爲甲必先爲容",《注》"容謂象式","豹之容"即《揆度篇》之"豹飾""豹蟾"。或説容卽辟之居旁而誤加一者,當作"一豹而辟千金者",亦通。

姚永概云: 以上下文例之, 當作"一豹之皮而辟千金

也",乃可讀。

沫若案:上"金"字乃"裣"之省文,當作"一豹之皮容 裣而辟千金者文皮蚝服也"。《揆度篇》"卿大夫豹飾,列 大夫豹蟾",尹《注》"袖謂之飾,襟謂之蟾"。《禮記·玉 藻》"羔裘豹飾,緇衣以裼之",鄭《注》"飾猶袖也"。《詩· 唐風》"羔裘豹袖",《箋》"在位卿大夫之服也"。此爲尹所 本。說"蟾"爲襟,不知何所據,恐依聲得之。然則此"容" 即飾,"裣"卽蟾。《山權數篇》"一金之衣",李哲明說"金" 爲"裣"(見上)。裣者《説文》云"交衽也",又"衽,交裣 也"。《廣韻》"裣同襟"。古人衣如今之僧服,故言"交衽" 或"交裣"。準此,可見《管子》書每以"金"爲"裣"矣。

故物無主事無接遠近無以相因則四夷不得而朝矣

"主"字古本、劉本、朱本、趙本、凌汝亨本均作"主", 同宋楊忱本。朱長春本、花齋本、葛本均作"立"。

安井衡云: 諸本"主"作"立",今從古本。

張佩綸云: "不得而朝"當作"可得而朝"。朝日可得而朝,不朝日不朝。淺人未明其旨,妄改之。"主",《周禮·司市》"百族爲主","商賈爲主"之謂。《說文》"接,交也",物無主之者,事無交之者,則遠近不相因,彼絶市易之利,不得不稱臣奉貢,故曰"可得而朝"。

沫若案: 張説謬甚。原文因"四夷不服", 恐爲傷害, 託爲管子者建策: 以四方各國之珍物爲幣,則四國可得而 朝。《揆度篇》"堯舜之王所以化海内者, 北用禺氏之玉, 南貴江漢之珠,其勝禽獸之仇,以大夫隨之",措辭用意與 此大同小異。可知本篇乃以吴越表南,發朝鮮表東,禺氏 表北,崑崙之虚表西。蓋以四方之珍物爲幣,則物有所 主,事有所接,遠近有以相因;四方之人因有利可得,故欣 然來朝。苟不如是,則"物無主,事無接,遠近無以相因", 四方之人裹足不至矣。張未明原旨而妄改原文,正自示 其"淺"耳。

輕重乙篇第八十一

天下朝夕可定乎朝上本

張佩綸云:"之"字衍。桓公欲以一朝一夕定天下,言 速也,故管子答以終身不定。

李哲明云:"朝夕"上當棁"數"字。"天下之數"見《山權數》、《山至數》等篇, 棁"數"字, 句意爲不完足。

沫若案: "之"字不當衍,"之"下亦無奪文,"朝夕"猶潮汐,喻言起伏。

民之人正籍者亦萬有餘里

何如璋云:"正籍"謂定民征賦之籍也。以天下爲郡 縣故入正籍者萬有餘里。有周封建:王畿千里,畿外爲 侯、甸、男、采、衛各服,服五百里。建邦設牧,制爲職貢,無 萬里皆入正籍者。此乃秦制,作僞者附之《管子》,謬矣。

国疾怨上

維遹案: "疾"上奪"下"字。下文云"發民則下疾怨上",是其證。

民與之爲善缺然不朝

趙用賢云: 疑有闕文誤字。

維遹案: "民"疑當作"亡"。"亡"與"無"同,蓋"亡"誤 爲"氓",因缺其左畔,故成民字矣。

沫若案: 許説誤,趙用賢所謂"疑有闕文誤字"者乃指下句"天下之可得而霸"言,非謂此也。"民"字屬上爲句,即"邊竟(境)諸侯,受君之怨民,與之爲善,缺然不朝"。行文明白易曉,許未得其讀耳。"邊境諸侯"指附庸諸侯言。受怨民,與爲善,如陳成子者卽其例。

天下不可得而霸作之

戴望云: 宋本"霸"作"伯",下同。

豬飼彦博云:"之"當作"不"。

丁士涵云: "之"乃"不"字誤。《山至數篇》曰"天子以客行令以時出,孰穀之人亡",又曰"内則自還而不盡忠,外則諸侯連朋合與,孰穀之人則去亡,故天子失其權也",此言孰穀者去,天下不可得而霸,與《山至數篇》文義略同。

張佩綸云:"天下之可得而霸"作"不可得而霸"。

請與之立壤列天下之旁

丁士涵云:"壤列"二字連文。下文云"終則有始,與 天壤争",是謂立壤列也。或讀"列"字下屬,非。

何如璋云:此乃秦廢封建,儒生心慕古制,託爲是言, 否則春秋固立壤列也,管子胡爲議此乎。《繁露·爵國》 "然則其地列柰何。曰:天子邦圻千里,公侯百里,伯七十 里,子男五十里,附庸字者方三十里,名者方二十里,人氏者方十五里",即立壤列之義。

張佩綸云:"旁",《文選·東京賦》薛《注》"四方也"。

沫若案: "天下之旁"當爲"天下四旁",旁猶方也。又此文所答非所問。上言距中央有遠近,輸正籍者勞逸不均,論理所答應爲均輸,而乃答以封建,爲可異。

佌諸侯度百里

趙用賢云:"仳"音此,小也。

陳奂云: "妣",小也,其字當作"佡"。《説文》"佡, 小 皃,《詩》曰, 俭佡彼有屋",今《詩・正月》作"妣妣",《傳》 曰"妣妣,小也"。

張佩綸云: "他"當爲"齊",聲之誤也。紫魚或作鱭魚,鳧茈或名勃薺,皆此、齊一聲相轉之證。《事語篇》"天子之制壤方千里,齊諸侯方百里負海,子七十里,男五十里",是其證。此"此諸侯度百里負海",即彼"齊諸侯方百里負海"也。齊之始封侯爵地方百里,而有負海之利,亦與兼伯之壤相准,故《小匡》亦云"地方三百六十里"也。不言公與伯者,《左傳》"在禮,卿不會公侯,會伯子男可也",言侯則公可知,言子男則伯可知,故略之。此所説封壤與《周禮》、《孟子》均不同。

準徐疾羨不足^{準本}

趙本"推"作"准"。古本、劉本、朱本、凌登嘉本以下

各本皆作"推",同宋楊忱本。

王念孫云: "推"當爲"準","準"省作"准", 因譌而爲"推"。《事語篇》作"准徐疾贏不足",是其證。

夫海出沸無止

古本"沸"誤爲"沸",劉本、朱本、趙用賢本以下各本同,宋楊忱本作"沸"。

戴望云:宋本"泲"作"沸"。

維遹案: 趙本"沸"作"泲", 誤。"沸"下當有"水"字, 下文云"沸水之鹽以日消", 《地數篇》、《輕重甲篇》並云 "煮沸水爲鹽",均以"沸水"連文,是其證。

器以時靡幣

李哲明云: "幣"當爲"敝"。東方朔《答客難》"《吕刑》 靡敝"是也。"靡敝"猶言靡散。上篇"而靡幣之用",同。

癸度

張文虎云: 癸度,即揆度也。

張佩綸云:《揆度》,篇名,今作人名,非是。或疑"武王"即威公,"癸度"即癸乙,當與"迎癸乙於周下原"合爲一節。存考。

左右不足友幸作不善於羣臣

各本皆作"友",宋楊忱本作"支"。 戴望云:宋本"友"作"支",疑誤。 張佩綸云:"支"各本作"友",誤。"支"當作"枝"。此言來仕者,君既以賀獻而始親,羣臣又復賀獻而始善,故欲重禄以給左右之用,而不欲出於正賦,所答殊非所問,蓋原本壞佚,而妄人隨意掇拾成之。

馬元材云: "支"各本多作"友",仍當從宋本作"支", 支卽肢,謂四肢也,與"身"對文。

維遹案:各本"支"作"友",當據改。此當讀"左右不足"爲句,"友不善於羣臣"爲句。"友"與"有"通,有,又也。下文云"故不欲收穑户籍而給左右之用",因"左右不足"故云"給左右之用"也。

沫若案:作"友"是也,但不應讀爲又。原文爲"賀獻不重,身不重於君;左右不足,友不善於羣臣","友"與"身"對文,身猶言自己,友乃指左右也。言己之賀獻不重,故身不見重於君;而左右亦不豐潤,故左右之人亦不善於羣臣,則勢須"收穡户籍而給左右之用",但又不願。故問除此之外尚有道可爲否也。

故欲不收穡户籍而給左右之用從不本

戴望云:"不欲"當作"欲不",二字倒。

沫若案:"收"殆"畝"字之誤。"畝穑"與"户籍"對文。

遠秸之所通

豬飼彦博云:"秸"疑當作"近"。

張佩綸云: 遠秸者"百里賦納總,二百里納銍,三百里

納秸,四百里栗,五百里米",馬融《注》"秸,去其穎",鄭 《注》"秸,又生穎也,四百里人栗,五百里入米,遠彌輕 也"。遠秸,以栗米言,言遠方賦納之通涂也。

維遹案: "秸"爲"近"之假字, 秸、近聲類同。《揆度篇》有"則遠近通"語, 《地數篇》文與此略同, 作"通達所出",通達言舟車,此言遠近,其字異而義相成, 不必改爲一律。

沫若案:"秸"乃"蚨"之誤字。金文《大克鼎》"擾遠能 蚨",《番生殷》同,即《書·堯典》、《顧命》、《詩·大雅》之 "柔遠能邇"。王國維云"蚨與執通,《堯典》'格于蓺祖'今 文作'假于祖禰',知蓺、禰同用。《立政》之'蓺人表臣', 蓺人即邇人,與表臣對文"(見《克鼎銘考釋》)。今作"秸" 者,乃後人不識蚨字,輾轉傳寫而誤。《晉姜鼎》"遠蚨君 子",宋刻本"蚨"誤爲"紀",即其比。

故苟入吾國食吾國之粟因吾國之幣

豬飼彦博云: "人"當作"食", 《地數》曰"食吾本粟"。

丁士涵云:《地數篇》云"人求本者,食吾本粟,因吾本 幣",疑此文"人"當爲"食"。

陶鴻慶云:"故苟入吾國,食吾國之粟,因吾國之幣",皆指游客蓄商言之。今本誤奪三字,遂以"之粟"二字屬上讀之,則於義難通。《地數篇》云"夫齊衢處之本,(本謂國也。凡下言本者皆與國同義,說詳俞氏《平議》。)通達所出也,游子勝商之所道,人來(今本誤作'求',從俞氏改

正。)本者食吾本粟,因吾本幣,騏驥黄金,然後出",與此文小異,而其義並同,可證此文之誤。

故君請重重而輕輕而下本

豬飼彦博云:"衡"字衍。言重應重而輕應輕。 戴望云:"衡"字衍。

故謹毋失其度與本一字本則民可治

丁士涵云:案當讀"故謹毋失其度與本則民可治",今本"本"字誤"未",又"與本"二字倒,"則"字據上文"則國 筴可成"句補。上文曰"故苟食吾國之粟,因吾國之幣",粟、幣皆本也。故《地數篇》曰"人求本者,食吾本粟,因吾本幣","故謹無失其度與本,則民可治"與上文"故君請重 重而輕輕,運物而相因,則國筴可成",文法一例。

沫若案:不改字亦可通。原文當讀爲"故謹毋失其 度。未與(敷)?民可(何)治?"古文例以"與"爲"敷",以 "可"爲"何"。

玉出於禺氏之旁山

孫星衍云:"旁山"《地數篇》、《揆度篇》皆作"邊山", 奏旁因字形相近而譌。

故先王善高下中幣四制下上之用

一多案:"制"上脱"以"字。

一椎

張佩綸云:"椎"即"櫌"。《説文》"櫌,摩田器",《吕 覽》、《廣雅》均曰"櫌,椎也"。

一釘

孫詒讓云:《説文·金部》云"釭,車轂中鐵也",釭以沓轂之賢軹(賢謂大孔,軹謂小孔),一車兩輪,是有四釭,此云一釭,則不可通。且此方説重車所載之任器,非紀車上金木諸材也,亦不當及釭。"釭"當爲"鉏"之誤,《周禮·鄉師》注引《司馬法》云"輦一斧一斤一鑿一梩一鉏",是其塙證也。

一銶

尹知章云:鑿也。

張佩綸云:《説文》無銶字,毛《傳》"木屬曰**銶",《釋** 文》引《韓詩》"銶,鑿屬"。

一柯斯

丁士涵云:"軻"當爲"柯"。《考工記》"車人之事,一 櫃有半謂之柯",又"車人爲車柯,長三尺,博三寸,厚一寸 有半,五分其長,以其一爲之首",《注》"首六寸,謂今剛關 頭斧,柯,其柄也",鄭司農云"柯長三尺,謂斧柯",《説文》 "柯,斧柄也","柄,柯也,或作様",《詩》"伐柯伐柯,其則 不遠",《説文》"則,等畫物也",古之人或取法於斧柯,故 謂其則不遠。《爾雅》"柯,法也",尺寸取則於柯,故曰法 也。然則柯亦爲車者所不可少之物矣,《管子》言田器類及木柄,與此同義。

一箴

孫星**衍云: "**箴"當依《海王篇》作"鍼",《太平御覽》八百三十引作"針"。

一鈦

古本、劉本、朱本均作"錰"。 尹知章云: 時橘切,長針也。

然後成爲女

古本、劉本、朱本、趙本"後"下均有"成"字,宋楊忱本無。

一多案:"成"字脱,依各本補。

請以令斷山木鼓山鐵

安井衡云: 斷山木以爲炭也。鼓山鐵,鼓橐鑄鐵也。 戴望云: "鼓"乃"敳"字之誤,《説文》"敳,有所治也, 讀若墾",此因聲以得義,鐵在山中,利墾治之也。

爾昌嶢云: 戴説非是。《左傳》昭公二十九年"遂賦晉國一鼓鐵",《疏》云"冶石爲鐵,用橐扇火,動橐謂之鼓。今時語猶然"。又《淮南·本經訓》"鼓橐吹埵,以銷銅鐵",即此"鼓山鐵"之義也。

馬元材云: 鼓者鼓鑄也。《鹽鐵論・復古篇》云"往者

豪強大家得管山海之利,採鐵石,鼓鑄煑鹽",《史記·貨殖傳》、《漢書·終軍傳》均有"鼓鑄"語。又《揆度篇》云"摇鑓橐而立黄金",摇鑓橐即鼓之義也。戴氏説非。

今發徒隸而作之則逃亡而不守

馬元材云: 此種思想之發生,實亦有其時代之背影, 决非無病呻吟。考漢代鹽鐵政策,在孔僅時本爲官民合 營,至桑弘羊主政,始一律改爲官營。所用工人,主要皆 出於徒隸,但亦臨時徵發自由民協助,百姓疾苦之。以 此,至成帝時遂發牛潁川及山陽兩次鐵官徒暴動。《漢書· 成帝紀》"陽朔三年夏六月,潁川鐵官徒申屠聖等百八十 人殺長吏,盜庫兵,自稱將軍,經歷九郡。遣丞相長史御 史中丞逐捕,以軍興從事,皆伏誅"。又"永始三年十二 月,山陽鐵官徒蘇令等二百二十八人,攻殺長吏,盗庫兵, 自稱將軍,經歷郡國十九,殺東郡太守,汝南都尉。遺丞 相長史御史中丞持節督趣逐捕。汝南太守嚴訢捕斬令 等"。關於後者、《漢書·天文志》及《五行志》亦各有紀 載,均作"經歷郡國四十餘"。足證當日鐵官徒隸之逃亡 不守實已成爲不可否認之事實,而"經歷郡國四十餘",其 範圍之廣,聲勢之大,與羅馬以斯巴達卡斯爲首之奴隸大 暴動,可謂東西相映,無獨有偶。

沫若案:馬氏以《管子·輕重》諸篇作於王莽時,故以 此徒隸逃亡作爲成帝時鐵徒暴動之反映,說雖新穎,但大 有可商。考春秋中葉齊靈公時器《叔夷鐘銘》,已有"造鐵 徒四千爲汝敵寮"語,而秦代亦有"鐵官"。(見《史記·自叙》"司馬昌爲秦主鐵官,當始皇之時"。)是可證鐵初發現時固主要爲官營。官營,則徒隸逃亡乃經常事,不必至成帝時始有鐵徒暴動發生。奴隸暴動,非至大火燎原,例爲史官所不載。且如陳涉吴廣起義,亦爲徒隸大暴動,雖非鐵官徒,然不能斷言其中固毫無鐵官徒存在也。《漢書·食貨志》董仲舒疏"(秦)田租口賦,鹽鐵之利,二十倍於古。……民愁亡聊,亡逃山林,轉爲盗賊",此語尤足證鐵徒逃亡暴動之事,不始於漢。

民得其七作士

安井衡云:"十"當爲"七",字之誤也。

戴望云:"十"乃"七"字誤。

有雜之以輕重

張文虎云:"有"當爲"又"。

戴望云:"有"乃"肴"之誤字,説見《侈靡篇》。

維遹案: 戴説非也。"有"讀爲又。雜,會也,合也。

則民疾作而爲上虜矣

丁士涵云:"虜"乃"庸"字誤。

李哲明説同丁。

安井衡云: 貧富死生,唯上所爲,如虜獲於敵者然。

張佩綸云: 《説文》"虜,獲也"。爲上虜,言爲上力戰而大獲,對懷怨不戰言。

維遹案: "虜"字非誤文。下文云"爲天下虜",兩"虜" 字皆讀爲勞。

沫若案:"虜"即俘虜之意。下文言紀國之亡,其民散而"爲天下虜",尤其明證。民本古之奴,農亦奴之音轉。 古人視民爲虜,不足異也。不必強爲破字,或别作解釋。

河淤諸侯畝鍾之國也饋贈山諸侯之國也

豬飼彦博云: 娇、淤同。水中可居者曰淤。言近河之國爲沃土,每畝收栗一鍾也。《史記·河渠書》曰"鄭國渠就,皆畝一鍾,於是關中爲沃野"。皟,謂塉土。下曰"程諸侯,山諸侯之國也", 皟下蓋脱"諸侯"二字。

丁士涵云:"请"字義不可通,左旁白字疑百字誤,右旁青字疑負字誤,"百負"即百倍也,言畝鍾之國百倍於山諸侯之國也。寫者誤并"百負"二字爲碩,校者又改爲饋耳。負倍二字古通用。

何如璋云: "於"與"淤"通,地近濁水,水退受淤,畝收 數倍。"皟"當作"磧",謂山地,土兼沙石也。

張佩綸云:"饋"字無義,或云當作"磧",《說文》"磧,水陼有石者"。或云當作"積",《國語·楚語》"無一日之積",《注》"積,儲也",下文"斂疏藏菜"釋"積"之義。案"皟"當作"饋",《説文》"饋,餉也",《甲篇》"梁、趙、宋、衛、濮陽彼盡饋食之國也",此其證。河漿爲畝鍾之國,山諸侯爲饋食之國,常資河淤諸侯之饋遺。

馬元材云:"皟"當是"磧"之誤字,《説文》"磧,水渚有

石者"。謂山諸侯者乃砂磧之國,猶韓非之言"石田"矣。

沫若案: "皟"疑作"漬",當在"山諸侯"下。下文"山 諸侯之國則斂蔬藏菜"正釋明"山諸侯,漬之國也"之義。

至於山諸侯之國則斂蔬藏菜

張佩綸云:"蔬"當爲"疏",(《曲禮》"稻曰嘉疏",《述而》"疏食",或作"蔬",經典蔬、疏通,屢見。)《詩·召旻》"彼疏斯粹",《箋》"疏,麤也,謂糲米也",《孟子》"雖蔬食菜羹",趙《注》"疏食,糲食也",古蔬菜連文,蔬皆指糲食。故孔注《論語》,以疏食爲菜食。充其類,則鄭氏《月令注》、高氏《吕覽注》以草木之實爲疏食。《説文》無"蔬"字,《字林》直以"蔬"爲"菜",非也。

程諸侯

張佩綸云:程,《逸周書·大匡篇》"維周王宅程,三年遭天之大荒,作《大匡》,以韶牧其方。三州之侯咸率",孔《注》云"程,地名,在岐州左右,後以爲國"。《詩·皇矣》"度其鮮原,在岐之陽,在渭之將",《正義》引《釋山》"小山别,大山鮮"。大王初遷已在岐山,故言示在岐山之陽,是去舊都不遠也。《周書》稱文王在程作《程寤》《程典》,皇甫謐曰"文王徙宅於程",蓋謂此也。《史記·自序正義》引《括地志》"安陵故城在雍州咸陽東二十一里,周之程邑"。文王謀度而徙程,依岐之陽,故曰"山諸侯之國"。周自太王迫狄遷岐,然狄雖據河淤,毋耕田之業,故常不能勝周,此田積穀爲制夷狄要策,管氏蓋深得之。

國十倍而不足或五分而有餘

王念孫云:"十倍"上亦當有"或"字,與下句對文。 豬飼彦博説同。

沫若案: "十倍"與"五分"均以鍾爲單位而言。上云"狄諸侯十鍾而不得傳戟,程諸侯五釜而得傳戟",十鍾自爲鍾之十倍,故"不足"。分,猶半也,"五分"則爲二鍾五釜,故"有餘"。

故租籍君之所宜得也

李哲明云:"租籍"下當有"者"字,與下句配。

民奪之則怒予之則喜民情固然

姚永概云:上"民"字涉下而衍。

一多案:下"民"字疑當作"人"。

故見予之形不見奪之理作所

宋本、古本、劉本、趙本作"所",朱本作"形"。

豬飼彦博云: "所", 《國蓄》作"形", 是。

孫星衍云:據《國蓄篇》"所"是"形"字之譌。

戴望云: 朱本"所"作"形",《國蓄篇》正作"形"。

沫若案: "見"同"現", 言示民以予之形, 而不露奪 之實。

故民力可盡也

322.

維遹案:《國蓄篇》作"故民力可得而盡也"。

泉雨五尺其君必辱

維通案: "泉雨"疑爲"暴雨"之譌,泉、暴形相近也。 《小問篇》"飄風暴雨爲民害"。《小匡篇》"飄風暴雨數臻, 五穀不蕃,六畜不育,而蓬蒿藜雜並興",皆與此義合。《老 子》云"暴雨不終日",此云"暴雨五尺",蓋暴雨數臻,而水 入地五尺深,言災之甚也。

食稱之國必亡

張佩綸云:"食稱"無義。一説:《孟子》"又稱貸而益之",疑當作"稱貸", 说去"貸"字耳。一說:"稱"當爲"稅", 《說文》"稅, 虚無食也", 經典均借"荒"爲"稅", 淺人多見稱, 罕見稅, 因改而爲稱, 篆文辉、 縱形近。

李哲明云: "稱"謂稱貸,言國恃稱貸而食,其國必 亡也。

維遹案: "食稱"當作"饋食","饋食"見《輕重甲篇》。

沫若案: 李説近是。許謂"食稱"當作"饋食",於理難通。《輕重甲篇》"請以令糶之梁、趙、宋、衛、濮陽彼盡饋食之國也",依許說,則梁、趙、宋、衛必亡,殆無是理。

待五穀者衆也

豬飼彦博云: 待、峙同,儲也。言雨澤優足,穀食多收,則君必辱,國必亡。所以然者,下儲蓄五穀者衆多,而不從上之令也。

故樹木之勝霜雪藍者不受令於天

王念孫云: "露"當爲"雪",木勝霜雪,則經冬而不凋,故曰"不受令於天"。今本"雪"作"露",則非其旨矣。《侈靡篇》曰"樹木之勝霜雪者不聽於天",是其證。

家足其所者不從聖人

沫若案: 古本、劉本、朱本作"望人", 殆誤。《侈靡篇》 "士能自治者不從聖人", 彼三本亦作"聖人", 可證以"聖" 爲是。

可以爲益愈

張佩綸云:《説文》無"愈"字,"愈"即"瘉"。《説文》 "瘉,病瘳也",《爾雅·釋詁》及《詩·角弓傳》"瘉,病 也"。段氏曰"渾言之,謂瘳而尚病也,許則析言之,謂雖 病而瘳也"。此當從《爾雅》、《毛傳》。《樞言篇》"病加於 小愈"。"益愈"謂益之疾,故其弊至於國亡而身無所處。

沫若案:"益愈"即差可之意,張説殊泥。下文言"紀氏之國強本節用,其五穀豐滿而不能理",乃"不能理"之爲害,非"強本節用"之爲害也。"強本節用"而能理,則可以存矣。

昔者紀氏之國強本節用者<u></u> 也其五穀豐滿而不能 理^{也字本}

陶鴻慶云:"強本節用者"下當有"也"字,誤奪在下

句之末"而不能理"下。

若是則紀氏其強本節用適足以使其民穀盡而^{本有不能}爲 天下虜是以其國亡而身無所處

張佩綸云:《春秋》莊公四年"紀侯大去其國",《左氏傳》"違齊難也",《穀梁傳》曰"大去者,不遺一人之辭也,言民之從之者,四年而後畢也,紀侯賢而齊侯滅之,不言滅而曰大去者,不使小人加乎君子"。此言國亡身無所處,與《左氏》、《穀梁》均合;惟不以紀侯爲賢,兼《公羊》義。《春秋繁露·玉英篇》以上下同心俱死爲大去,傳聞異辭。要之,紀力不能距齊,不盡由"五穀豐滿而不能理"之故,此特輕重家之說,謂務本必兼飭末耳。處強大之間,固非彊本節用即能制敵,亦空言仁義者所宜知也。

陶鴻慶云: 複符"不能理"三字,元文本云"若是則紀氏其彊本節用,適足以使其民穀盡而爲天下虜,是以其國亡而身無所處",虜處皆隔句爲韻。

一多案:"若是則紀氏其強本節用"其猶之也。

沫若案: "而不能理"四字當依上文在"強本節用"下, 紀國之亡非緣"強本節用",乃緣"不能理"。"不能理"三 字不應删。

故回可以爲益愈而不足以爲存

維遹案: 此復舉上文,"故"下當有"曰"字,"益"上當有"爲"字,今本脱"曰""爲"二字。

滔^{本作}水十二空汶泗^{本作}洙沿滿三之於

宋本"沿"字,古本及各本均作"浩"。

宋翔鳳云:宋本"浩"作"沿"。

何如璋云: 涇水有三: 一在雍州,《書·禹貢》徑屬渭 汭; 一在丹陽,《漢書·地理志注》"涇水出蕪湖"; 一在交 趾,《水經注》"涇水出龍編縣高山"。三者均非齊地。此 "涇"字宜依《集韻》音徑,"涇涏,直流也"。《莊子·秋水 篇》"涇流之大",《注》"涇,通也",謂通流也。《爾雅·釋 水》"直波爲徑",字當作"涇"。《釋名》"水直波曰涇,涇, 徑也,言如道徑也"。

張佩綸云:"涇"當爲"淄",字之誤也。汶,汶水,淵, 天齊淵,見《水經·淄水注》。洙,洙水,"沿"即"台",《説 文》"沇,沇水,古文作台"。於,淡省,見《漢書》。言水溢 以溉田也。

維遹案:"淵"當爲"泗"之誤。

沫若案:此二語殊費解,當有誤字。察管子所言係講求水利,疑"涇水十二空"當爲"涇水上下控"。涇水乃小水,小道爲徑,則小水爲涇。小水因地形之高下加以控制,不使流失。汶、泗、洙、沿之水量因而豐滿,可增加三倍。"於"字下屬。"於乃請以令"云云猶言"於是請以令"也。

日至而穫而本

下"日"字,古本、劉本、朱本作"而"。趙本作"日",同

宋楊忱本。

戴望云:元本下"日"字作"而"。

豬飼彦博云: "日至",夏至也,下"日"字當作"而"。

維遹案:元刻本、趙本同,别本"而"作"日",誤。

林圃案: 許說"元刻本、趙本同,别本'而'作'日', 誤",不知何所據。"元刻本"所未見,趙本則無論明刻清 刻均作"日至日穫",與宋楊忱本同。

量其艾一畝幣之積中方都二

丁士涵云: "艾"與"刈"同。"收"當爲"畝"。"中方都二"之數雖不止一畝之積,要其所量,可於一畝約知其數也。

馬元材云: "一收"謂一歲之收穫也。《漢書·食貨 志》"一歲之收常過縵田畝一斛以上"。

請以一朝素賞軍士

豬飼彦博云:"素"猶豫也。

洪頤煊云:"素"古通作"索",索,盡也。

安井衡云:"素",空也,無功而賞,故曰"素"。

戴望云: "素"讀爲索。鄭注《禮記·檀弓》云 "索,猶 散也"。

張佩綸云:素,猶豫也,《吴語》"天謀必素見成事焉" 《注》。

顔昌蟯云:《史記·貨殖傳》"命日素封",《索隱》云

"素,空也"。《緯書》"孔子爲素王,左邱明爲素臣",素皆訓空。此"素賞"言未有戰事而空賞之也。

以令至鼓期於泰舟之野朝^{本作}軍士

孫星衍云:"期軍",《羣書治要》引作"朝軍"。

王念孫云:下"期"字當依《羣書治要》作"朝",言與軍士期於泰舟之野而朝之也。今作"期"者,即涉上文"期於"而誤。

安井衡云: 令應鼓戒之期,至於泰舟之野。諸本"朝" 作"期",今從《羣書治要》所引。《治要》無"以令至鼓"四字,蓋節焉。

戴望云:《治要》無"以令至鼓"四字。

張佩綸云:《治要》作"朝",涉上文"一朝"而誤。"以令至鼓期"句,"至"當爲"致","期"當爲"旗"。《論語》"巫馬期",《史記·弟子傳》作"巫馬施字子旗",《禮記·射義》"耄期",《釋文》本作"旗",是其證。《周禮·大司徒》"以旗致萬民",《大司馬》"以旗致民",《注》"以旗者,立旗期民於其下也"。下文"期軍士"及"鼓旗未相望"正承"鼓旗"言。

甯戚鮑叔牙隰朋本作甯戚鮑賓胥無皆差肩而立

 無"易牙"二字,明是後人所加,下文"五子曰善","五子" 本作"四子",因增入易牙,故又改四爲五耳。

張文虎云:"易"字衍,"牙"字當在"鮑叔"下,誤倒在 "朋"字下,後人遂妄增"易"字耳。

誰能陷陳破衆者賜之百金

孫星衍云: 《史記·李牧列傳集解》引作"能破敵禽將 者賞百金"。

千人之衆臣能陷之

一多案: 此一人秉劍者之答辭,句上省"曰"字。此例 古書多有。《治要》引有"曰"字,乃以意增。下文"千人之 長,臣能得之"句上亦無"曰"字。

幾何人卒之長也

陶鴻慶云: "卒"字衔,文本云"幾何人之長也",與上文"問日,幾何人之衆也"句例同。

馬元材云: "卒"字不衍,當作"幾何人之卒長"。上文 所問爲"誰能得卒長者",可見"卒長"乃一官名。《周禮· 大司馬》"卒長執鐃",《尉繚子·兵教》"什長教成,合之卒 長",是其證。

一多案:《莊子·天地篇》"人卒雖衆,其主君也",《至樂篇》"人卒聞之",《盗跖篇》"人卒未嘗不興名就利",皆"人卒"連文。此上言"誰能得卒長者",下言"幾何人卒之長","人卒"猶卒耳。陶説非是。

而得執將首者

俞樾云:"執將"即主將也。《淮南·説山訓》"執獄牢 者無病"高《注》"執,主也"。

戴望云: 高誘注《淮南子·説山篇》曰"執,主也"。

張佩綸云: "得執將首"當作"執將得首"。執,囚也。 (《吕覽·慎行篇》"使執連尹"《注》)或生執其將,或得其 將之首。

維遹案: 諸家説均非。"執將首"猶言獲甲首。《吕氏春秋・愛士篇》"皆先登而獲甲首",《韓詩外傳》十"獲甲首而獻之",《新序・義勇篇》同,《説苑・復思篇》亦有"獲甲首"語。《説苑・尊賢篇》"楚發五萬人,使上將軍至禽將軍首反"。

言能得者壘十紫作人

孫星衍云:《羣書治要》引"壘"作"累"。

丁士涵云:當作"言能得壘千人者",乃與上下文句一例。

安井衡云:"千"當爲"十"。

何如璋云:"壘"當爲"累"。"千人"當作"十人",若"千人"則四萬二千金不敷賞矣。

張佩綸云: "干"當作"十"。若"千人"則賞各千金爲 一百萬金,其數溢於素賞之外。

陶鴻慶云: "言能得者壘千人",而人賜之千金,合上 下文百金十金之賜,與四萬二千金之數多寡懸絶。且言 能得執將首者必無千人之多,千人之千當爲十,涉上下文而誤耳。

一多案: "壘"讀爲累。《穀梁》僖十八年《傳》注"累, 積也",積與盈義相因。"累十人"猶盈十人也。

其餘言能外事斬首者

張佩綸云: "能外斬首者"外字涉下"外爲名"而衍。 沫若案: "外"即"能"字草書之誤。蓋原本作"能",别

本誤爲"外",校書者不察而並存之。

吾曷以識此

安井衡云:"識",志也。吾何以記志此受賞者,以責 其成功哉?

戴望云:"識","職"之借字。

顔昌嶢云: 戴説非也。此言上文所素**賞之人**各自**誇** 其能者,吾何以識之以責其後效耶?

且使外爲名於其鄉内本作爲功於其親

吴志忠云:"内鄉"二字當互易。

安井衡云:"内鄉"當爲"鄉内",誤倒耳。

陶鴻慶云:"内鄉"二字誤倒。本云"且使外爲名於其鄉,内爲功於其親",下文云"行教半歲,父教其子,兄教其弟,妻諫其夫,曰:見禮若此其厚,而不死列陳,可以反其鄉乎?"正申言此義。

抹若案:"内鄉"二字並未誤倒。此"外"與"内"爲對。 "鄉"與"親"爲對,"家"與"妻子"爲對。"内"可包含鄉、 親、家與妻子,蓋"内"之中又有"内"也。"外爲名於其內, 鄉爲功於其親,家爲德於其妻子"者言一人在外建立功 名,則鄉黨增光,父母榮顯,妻子有德色也。

四五作子日善

王念孫云: "五子"本作"四子",因增入易牙,故又改四爲五耳。

見禮^{本作}若此其厚

孫星衍云:《羣書治要》引作"見禮如此"。

王念孫云: "見其"當依《羣書治要》作"見禮", "見禮" 二字, 總承上文而言, 今本"禮"作"其"者涉上下文諸"其" 字而誤。

姚永概云: "見其"之"其"當作"期"。《莊子·寓言》 "以期年耆者",《注》"期,待也"。此期字脱其半而誤爲 "其"。"見期如此其厚"即見待如此其厚。王念孫據《羣 書治要》改"其"作"禮",吾疑《羣書治要》因"見其"字不 順,遂據上文"百人之長必爲之朝禮"改爲禮字耳。

于省吾云:上"其"字應讀作期,謂期待也。其、期古字通,《武梁祠畫像》"樊於其頭","其"同"期",是其證。

維遹案: 此下"其"字猶"之"也。《治要》引删"其厚", 非是。 一多案: 禮、其形不近,無緣致誤。疑一本作"禮",一本作"異","其"即"異"之誤。異本有敬義。《爾雅·釋詁》"翼,敬也",《玉篇》"廙,敬也",魏丁廙字敬禮,異、翼、廙通。見異即見禮耳。

沫若案:上"其"字乃"共"字之誤,謂供養也。

桓公衛終舉兵攻萊

戴望云:宋本無"終"字。

維通案:墨寶堂本無"終"字。此"衍"字蓋校者據別本無"終"字,而注一"衍"字於"終"旁,今本復混入正文,當删。

戰於莒必市里

戴望云:《治要》無"必市里"三字。

張佩綸云:"必市里",《郡國志》"湻于有密鄉",《左傳》隱二年紀莒盟密,故密鄉在縣東北,後省。僖二年《左氏傳》"莒人歸之及密",杜《注》"密,魯地,琅邪費縣北有密如亭",疑"必市"乃"密"之壞,密近莒,故曰"莒密里"。

令富商蓄賈百符而一馬無有者取於公家

安井衡云:符,券也。貸財於人,符券及百者使之獻 馬一匹。無有馬者買之公家。蓋五十符者二家一馬,二 十五符者四家一馬,其獻不止百符也。

張佩綸云:《説文》"符,信也。漢制以竹,長六寸,分 而相合"。《周禮·小宰》"所稱責以傅别",《注》"傅别,謂 券書也,故書作傅辨,鄭大夫讀爲符别"。《韓詩外傳》六 "古者有命,民之有能敬長憐孤取舍好讓居事力者告於其 君,然後君命得乘飾車駢馬;未得命者不得乘飾車駢馬, 皆有罰"。《尚書大傳》同。《史記·平準書》"天下已平,高 祖乃令賈人不得衣絲乘車,重租稅以困辱之",漢制蓋準 古命。《管子》此策:商賈有二百券者許之乘車,蓋傳古者 "取舍好讓"之科,以一馬準百符,命民償之,其無馬者取 諸公家。如此則賈人以得乘車爲榮,而公私均無償債之 耗。雖若弛商賈之律,而實節官民之財。蓋古法取商賈 甚嚴,故能行一時權宜之計。

沫若案: 張説大謬, 此乃控制富商蓄賈之策。凡有債券者必須登記, 及百枚者獻馬一匹, 無馬者則向公家購馬以獻。如此, 則富商蓄賈必争先購馬, 故下言"馬必坐長", 而"公家之馬不離其牧阜"也。

崇弟蔣弟丁惠之功世吾歲罔寡人不得籍斗升焉去□ 菹萊^{★作}鹹鹵斥澤山間塅壜不爲用之壤寡人不得籍斗 升焉去一列稼緣封十五里之原強耕而自以爲落^{★有裝} 寡人不得籍斗升焉因□則是寡人之國五分不能操其 三^{生作}

各本末句"五分"下有"而"字。

俞樾云:此文凡三云"寡人不得籍斗升焉",句下當並有"去一"兩字,言如此則是去其一分也。今第一句下有

"去"字,而奪"一"字。第二句下"去一"兩字俱存,而誤屬下讀。第三句下"去一"兩字俱奪矣。而句上有"其民"兩字,甚爲不詞。蓋"其民"即"去一"之誤,古文"一"作"式",因誤爲"民","式"誤爲"民",因改"去"爲"其",屬之句上,而義全失矣。"不能操其二"當作"不能操其三",蓋上文三言"去一",則是去其三分,故桓公言"五分不能操其三"也,如今本則皆不得其指矣。又云"吾歲罔"者,即吾歲無也。罔、無一聲之轉。《尚書・湯誓》"罔有攸赦",《西伯戡黎》"罔敢知吉",《微子》"乃罔恒獲",《金縢》"王其罔害",《史記》並易以"無"字,是其證也。"歲無"即"歲凶"。或疑"罔"字爲"凶"字之誤,非是。

何如璋云: 崇、蔣二家無可考。丁當是丁公之後,惠當是惠公之後。惠公乃桓公子,足證此文後人所託也。

張佩綸云: "五分"當作"四分", 古"亖"字積畫與 "五"形近而譌,四分而去其三,故曰"不能操二"。"崇弟 蔣弟","崇"當作"宗","蔣"當作"孼",字之誤也。宗弟 者,《曾子問》"其辭於賓曰宗兄宗弟宗子在他國,使某 辭"。《説文》"孼,庶子也"。……《書大傳》"孽多殺宗",《詩·白華序》"以孽代宗",均以宗、孽對文。故知"蔣"爲"孼"誤。"丁、惠":東郭偃曰"君出自丁,臣出自桓",謂崔氏也;"二惠競爽",謂子尾、子雅。惠乃桓公之子,不應桓公已丁、惠並稱。疑作"丁、庮"。《史記・齊世家》: 丁公之子乙公得,乙公之子癸公慈母。癸公,《索隱》作祭公,《檀弓疏》引《世本》作"庮公",此本殆亦作"庮", 酋、惠

形近。

又云:"崇弟蔣弟"四字全誤,以《輕重丁篇》證之,乃 "宗臣守臣"四字之譌,指高國也。丁,崔氏。惠乃桓公之 子。其爲僞書顯然,不足深考。

沫若案: 俞説是也。但"其民"二字不當刪,言民在邊 驅隊地,強力耕作,自爲部落而不納税籍。如刪去"其民" 二字,則事失其主。古代國境有封疆林,待人口既增,農 事既進,故斫伐其林以爲耕地。此言"列稼緣封十五里之 原,強耕而自以爲落"卽指其事。"緣封十五里"卽國境邊 緣之地寬至十五里,積之,其面積竟等齊國五分之一,此 古代井田賦籍之制所以不得不變也。"丁、惠之功世",張 佩綸據《左氏傳》有所剔發(案東郭偃之言見《左傳》襄公 二十五年;"二惠競爽"乃晏嬰語,見昭公三年),初疑"惠 乃桓公之子,不應桓公已丁、惠竝稱",乃别立異説。後説 得之。蓋《管子》書乃僞託,此等處正作僞者於無心之間 漏出痕跡也。《輕重丁篇》有"丁、惠、高、國",與此同。

以是與天子提衡争秩於諸侯

張文虎云:"子"疑當作"下"。

千十年鍾之家不行百鍾之家不行十二年鍾之家不行

陶鴻慶云:"十鍾"當與"千鍾"互易。蓋初令止及"千鍾之家",次及"百鍾",又次及於"十鍾",至"十鍾之家"亦不行,則當行者少,故曰行者不能百之一、千之十,而囷窌

之數皆見於上也。今本誤倒,則不通矣。

子皆案困窌而不能挹損焉

古本、劉本作"子",朱東光本作"予",趙用賢本以下 各本皆作"子"。

尹知章云: 挹,猶謂減其數。

戴望云: 宋本"子"作"予"是。(沫若案: 楊忱本則作"子"。)

馬元材云: 考《輕重甲篇》云"用若挹於河海",則挹字實不能訓爲退或減。挹有取義,此處當訓爲益,挹損猶言益損,即《輕重甲篇》"不得爲侈弇"之意。

維遹案:《蒼頡篇》云"挹,損也",是古人有複辭耳。

沫若案:應以作"子"爲是。"子"字當屬上爲句,作 "予"者非也。原文爲"國貧而用不足,請以平價取之子, 皆案囷窌而不能挹損焉",條暢易曉。

林圃案:《通典・食貨》十二引此作"子","能"作"得"。

令日罷師歸農無所用之^{本有管子}天下有兵……

豬飼彦博云:"管子曰"三字衍。

張佩綸云:"無所用之,管子曰",顯有脱爛字句。

馬元材云: "令曰"當作"公曰",不然則"管子曰"三字 爲重出矣。

一多案:自"請以令發師置屯籍農"至章末皆管子語,

"天下有兵"上不當又出"管子曰"三字。此讀者未明文義而妄增。

辟之以號令引之以徐疾也於軍乎或其歸我若流水

安井衡云:辟,召也。"平"當爲"乎","施乎"舒行 貌。

俞樾云:"施"乃"也"字之誤,"乎"上當有"粟"字。《輕重甲篇》曰"故申之以號令,抗之以徐疾也,民乎其歸我若流水",文法與此同,知此文是"栗乎"非"民乎"者,以本文是言栗事耳。

吾欲殺任^{本作}商^{本有}之利而益農夫之事

張佩綸云:《通典》無"正"字。蓋一本作"殺",一本作 "正",校者據《通典》加"殺"字耳。"正商失其事",正 字符。

維遹案:《通典·食貨》十二引無"正"字。"殺"猶甚也,其義爲多,今東齊猶存此遺語。"正"讀爲征,征,稅也。下文同。

一多案: 下文"則正商失其事"許云"正當爲任",是也,余謂此"正"亦"任"之譌,"商"下又衍"賈"字。蓋"任" 既誤爲"正",讀者乃於"商"下增"賈"字,下文"則正商失其事" 商下無賈字,即其驗。殺,減也。"殺任商之利","益農夫之事"文相偶。

沫若案:"正"疑"巨"字之誤,下文兩"正商"同誤。

ŗ

故欲殺任正帝商士之利

一多案: "殺正商賈之利"當作"殺任商之利", 說已詳上。"殺"上亦當依上文補"欲"字。

沫若案:"故"即"欲"字之訛,"正"乃"巨"之誤。

則請重粟之賈釜。本作三百

古本"金"作"釜",劉本、朱東光本同。趙用賢以下各本均作"金"。

安井衡云: 古本"金"作"釜"。

丁士涵云: 元本作"釜三百"是也,謂每釜加賈三百, 下文所謂"三倍其賈也"。

俞樾云:此言栗價而云"金三百",義不可通,"金"乃 "釜"字之誤,釜字壞其上半,故成金字矣。據《輕重甲篇》 云"故善者重栗之賈釜四百,則是鍾四千也,十鍾四萬,二 十鍾者八萬",然則此文亦與彼同,"三百"當作"四百"。 古書"四"字或作"三",因誤爲"三"耳。

請以令與大夫城藏

王引之云:此當作"請以令與卿諸侯令大夫城藏"。城藏者,藏粟於城中也。下文曰"下令卿諸侯令大夫城藏",正承此句言之,其曰"使卿韶侯藏千鍾,令大夫藏五百鍾,列大夫藏百鍾",則分承此句言之也。今本"大夫"上脱"卿諸侯令"四字,則與下文不合。

陶鴻慶云: 王氏以下文"令大夫"之令爲使令之令,謂

使卿諸侯令其大夫。 果爾是城藏者祇及於大夫, 不及卿 諸侯,與下文"使卿諸侯藏千鍾,令大夫藏五百鍾,列大夫 藏百鍾"文不相值。俞氏云"此卿諸侯卽 《儀禮》 所謂諸 公,蓋大國之孤卿",此説得之。然亦未得"令大夫"之義。 今案令爲命之假字。(《五行篇》"令其五鍾",亦借令爲 命。)《史記・儒林列傳》"弟子通者至於命大夫",是其證 矣。《禮記·王制篇》云"大國三卿皆命於天子", 僖公十 二年《左傳》杜《注》云"國子、高子,天子所命爲齊守臣,皆 上卿也"、"命大夫"即國之上卿、位介於孤卿與大夫之間。 《周禮·典命職》云"公之孤四命,以皮帛眠小國之君,其 卿三命,其大夫再命",然則下文所謂"卿諸侯藏千鍾"者 謂孤卿也,"令大夫藏五百鍾"者謂上卿也,"列大夫藏百 鍾"者謂大夫也。此文但云"與大夫城藏"者,諸侯之臣自 卿以下,通謂之大夫,故晏子曰"唯卿爲大夫"。此云"請 以令與大夫城藏"者,乃總目,下文包卿諸侯、令大夫、列 大夫三者言之,非必有脱文也。下文云"下令卿諸侯令大 夫城藏",不言列大夫者,舉重以包輕,不必泥也。

馬元材云:"城藏"非藏栗於城中。《考工記·匠人》 "困節倉城",《注》"地上爲之,圓曰困;方曰倉;穿地曰 節"。然則"城藏"云者卽築爲困節倉以藏穀之謂,猶言廩 藏矣。

使卿諸侯藏千鍾

俞樾云:此"卿諸侯"即《儀禮》所謂"諸公"。鄭注《燕

禮》曰"諸公謂大國之孤也。孤一人,言諸者,容牧有三 監。"《管子》此文有"卿諸侯"之名,且列於大夫之上,其爲 "孤"無疑矣。

令大夫藏五百鍾

張佩綸云:"令大夫","令"作"命"。

維適案: "令大夫"即"命大夫",與下列大夫同比。古令、命爲一字。

富商蓄賈藏五十鍾

古本"十"作"千",劉本、朱本同,趙用賢本以下各本均作"十"。

安井衡云: 古本"十"作"千"。

沫若案: 當依古本作"五千",足證富商蓄賈之雄厚五 倍於卿諸侯,此其所以爲"二君二王"也。

則内可以爲國委外可以益農夫之事

一多案: 句上當補"則"字,語意乃明。

則任正常商失其事

維遹案: "正"爲"壬"字之譌,"壬"古"任"字。《揆度篇》作"商任",《地數篇》作"勝商",勝亦任也,並其證。

衡者使物一高一下不得常調^{本作}

王念孫云:"固"當爲"調",(下文兩"固"字並同。)

"調"誤爲"周",又誤爲"固"耳。下文"衡數不可調"即承此句而言。《國蓄篇》曰"衡者使物一高一下,不得有調也"(今本脱此文,説見《國蓄篇》),是其證。

何如璋云:輕重者物,使之高下者衡。固者滯也,固 則滯而不通,權與準無所施矣。固與下、數音叶。王云固 乃調之譌,非。

沫若案: 王校非也。"不得有調"即"不得常固"。如改"不得常固"爲"不得常調",則是可以不常調而成爲"有調"矣。細審,"衡"乃物價之意,本書中常以擴字爲之。何以天秤爲解,亦非。"桓公"問"衡有數乎?""管子"答以"衡無數",乃謂物價無定準。故申之以"衡者使物一高一下不得常固",而下文更云"物之輕重(貴賤)相什而相伯,故物不得有常固,故衡無數"。在舊社會中,物價不能經常固定,此乃常識。"調"是劃一物價之意。物價劃一則死,死則貨物不能購買。故云"不可調"或"不得有調";故云"調則澄,澄則常,常則高下不貳,高下不貳,則萬物不得而使用"。"澄"者静止也。"貳",如字,不當改爲賞。"使用","用"字誤作"固",當校改。

調則澄澄則常

王引之云:"澄"訓爲清,與調字常字義不相承,當是"憕"字之誤。《説文》"憕(音懲),平也",物之高者有時而下,下者有時而高,其數不能均平,調之則前後相等而高下平矣,故曰調則憕。平,則高者常高,下者常下矣,故曰

憕則常。古書篆作立心與水相近(鄭氏《周易注》, 見《小雅·采薇正義》。)故心旁誤爲水旁。

沫若案: 王校非是, 説見上。

常則高下不貳高下不貳則萬物不可得而使調本作

戴望云:"貮"當爲"貮",説見《勢篇》。

何如璋云:"萬物"下符"不"字,上下文可證。王云"澄"當爲"憕",憕,平也。"貮"當爲"貣",貣,忒也。本文義長,不必改。

一多案:"貳"自可訓忒,不煩改字。"固"當爲"調"。

沫若案: "貳"如字,不當改字,亦不訓忒。"萬物"下 "不"字非衍。"固"乃"用"字之誤。説見上。

夫歲有四秋而分本有四時

王念孫云: 案此言以四秋分屬四時也,分下不當有 "有"字,蓋涉上"有"字而衍(下文同)。《太平御覽·時序 部》二引此,作"歲有四秋,而分四時",無下"有"字。

何如璋云:"分"乃分數之分(去聲),謂萬物之本數也。王欲去"分"下"有"字,解爲"分屬四時",殊失本旨。

故常人看農事且作

孫星衍云:《太平御覽》十七引"且"作"既"。

戴望云: "農事且作",《御覽·時序部》二引作"農事既成"。

何如璋云: "農事且作"上脱"大春"二字,宜補,與下三句一例。

張佩綸云: 春非農事既成之時,當從今本。

一多案:"曰"字衍,"農事"上當補"大春"二字。

沫若案:"故"字亦當衍,"故曰"當即"大春"二字之證 壞字。

請以什伍農夫賦耜鐵

維適案: 《御覽・時序部》二引"賦"下有"其"字,《時 序部》九引與今本同。

沫若案:"什伍"作動詞用,猶言編制也。

大夏□□且至

一多案:依前後文例,"大夏"下當有缺文。

沫若案: "且至"乃"日至"之誤,謂日南至也。與"大 冬營室中"同例,均就天象而言。

絲繬之所作

344

戴望云:《御覽》"絲"作"蠶"。

沫若案:當以作"絲"爲是,蠶事在春,不在夏也。《月令》六月"命婦官染采黼黻文章",《齊民要術》"六月命女工纖鎌練,可燒灰染青紺雜色"。

大秋農톸既成五穀之所會

王念孫云:"大秋"上衍"而"字,上下文皆無此例,《御

覽》引此亦無。

一多案: "大秋"下當有"農事既"三字。《御覽》引上 文"農事且作"作"農事既成", 疑卽此文之倒置於上者。

沫若案: "而大秋成",不當有所增省,重視秋收,故行 文特出之。

女事紡績緝縷之所作^{本有}

戴望云:"也"字衍,《御覽》引此亦無。

物之輕重相什而相伯

古本"伯"作"百",劉本、朱本同。趙用賢本以下各本均作"伯"。

安井衡云: 古本"伯"作"百"。

曲衡之數

沫若案: 據下文所解"爲諸侯之商賈立客舍,一乘者有食,三乘者有芻菽,五乘者有伍養",則所謂"曲衡之數" 即"將欲取之,必先予之"之意。《牧民篇》所謂"知予之爲取者政之寶也"。

輕重丙篇第八十二亡

輕重丁篇第八十三

桓公曰寡人欲西朝天子

《通典·食貨》十二引"寡人"作"吾"。

何如璋云:桓公之一匡九合,並未朝周,此云"西朝天子",殊失事實。考本書《輕重》各篇,均無子目,此文目曰《石璧》,下章目曰《菁茅》,尤僞託之顯然者。

請以令城陰里

尹知章云:城者,築城也。陰里,齊地也。

張佩綸云: 《水經·淄水注》"又東北逕蕩陰里西,水東有冢,一基三墳,東西八十步,是烈士公孫接、田開疆、古冶子之墳也。晏子惡其勇而無禮,投桃以斃之,死葬陽里",即此也。趙一清云"陽里亦作陰陽里。《寰宇記》引《郡國志》臨淄縣東有陰陽里是也。《御覽》引作蕩陰里。諸葛亮《梁父吟》'步出齊東門,遥望蕩陰里',《樂府解題》作'追望陰陽里'"。佩綸案: 陰里即蕩陰里,三士葬其陽,故曰陽里。此城築其陰,故曰陰里。合言之則曰陰陽里,不得謂三士墳在陰陽里也。

觀於周室

安井衡云:"觀"疑當爲"覲"。

不得不以形弓石壁

張佩綸云: "形弓"當作"彫弓"。《荀子·大略篇》"天子彫弓,諸侯彤弓,大夫黑弓,禮也"。《公羊》定四年何《注》"禮天子雕弓,諸侯彤弓,大夫嬰弓,士盧弓"。據此則"彤弓"當作"彫弓",形近而譌。

一多案: "形弓"即"彫弓"。"形"字本作"形",從月 聲,"月"即"同"本字。同、周古字通,故形、彫亦通。

天下諸侯載黄金珠玉五穀文采布帛東作輸齊以收石壁

抄本《册府元龜》卷七百三十六引作"帛"。

王念孫云: "泉"當爲"帛"。下文亦云"有五穀叔粟布帛文采者"。《通典·食貨》十二引此正作"布帛"。又下文"大夏帷蓋衣幕之奉不給,謹守泉布之謝",案"泉布"亦當爲"帛布",(布帛或曰帛布,下文"帛布絲鑛之賈",卽其證)。此承上文"帷蓋衣幕之奉"而言,則當云"帛布",不當云"泉布"。帛、泉字相似,又涉上文"泉金"而誤也。又下文"功臣之家,人民百姓皆獻其穀菽粟泉金",案"泉金"亦當爲"帛布",上文作"五穀叔粟布帛文采",是其證。今作"泉金"者亦涉上文"泉金"而誤。

號令賦於天下則不信諸侯

張佩綸云: 當作"號令賦於天下諸侯則不信"。

母至其本名之曰菁茅

古本"母"作"每",劉本、朱本同。趙本以下各本均作"毋"。

戴望云:元本"母"作"每"。

俞樾云:"母"當作"毌",古"貫"字。

諸從天子封於太山禪於梁父者

維遹案:"諸"猶凡也。

必抱菁茅一束以爲本有藉権

王念孫云: "以爲禪籍", "禪"字涉上文"禪於梁父"而 衍。"籍"當爲"藉", 藉, 薦也。《史記·封禪書》曰"江淮 之間, 一茅三脊, 所以爲藉也", 是其證。

林圃案:《漢書·王莽傳》"陳菁茅四色之土,欽告於 岱宗泰社"。顔師古云"《尚書·禹貢》'苞匭菁茅',儒者 以爲'菁'菜名也,'茅'三脊茅也,而莽此言以菁茅爲一 物,則是謂善茅爲菁茅也"。案王莽此言以"菁茅"連文, 與《管子》此篇所云相同,疑即其所本之一,莽固亦自言 "考之經藝,合之傳記",其所謂傳記中當包括《管子》書在 内也。

不如令者不得從天子本有下諸侯載其黄金争秩而走

豬飼彦博云:"下"上脱"天"字。

王引之云: "不如令者不得從"爲句, "天下諸侯"連

讀,其"子"字則因上文"從天子"而衍。

張佩綸云: "不得從天子"句, "下諸侯"上 说"天"字。

于省吾云:"秩"應讀作"程",秩程一聲之轉。《書·堯典》"平秩東作","平秩南譌","平秩西成"。《史記·五帝紀》"秩"皆作"程"。《說文》"臷,大也。讀若《詩》'韯臷大猷'"。按《詩·巧言》作"秩秩大猷"。又《説文》"遫,走也。讀若《詩》'威儀秩秩'"。《廣雅·釋言》"袟,程也",王氏《疏證》云"袟通作秩。秩與程古聲義並同"。均其證也。程謂驛程。"争程而走"猶言競程而走也。

維遹案: 王説是也。惟"秩"疑當作"軼","軼"與"轍" 通。

令衡籍吾國富商蓄賈稱貸之處下家以利吾貧萌

維遹案: "之"字當在"貸"下,字錯亂耳。"稱貸之家" 見下文,是其證。

爲於此有道乎

王念孫云: "反此有道乎"當依前後文作 "爲此有道 乎"。今本"爲"作"反"者,涉下"反之"而誤。

何如璋云:桓公意因多務而衡籍,欲反其衡籍之道以順民情,故仲言"反之以號令"。兩"反"字相應,不宜改作 "爲此"。

張佩綸云:此節名曰"反準"。"反之號令"正承上"反此"而言,"反"字不誤。

沫若案:此"反此"及下文"反之以號令"兩"反"字殆"發"字之誤,草書形近。

子皆爲我君視四方稱貸之間常

丁士涵云: "閒"乃"閭"字誤。下文曰"表稱貸之家, 皆堊白其門而高其閭"。

張佩綸云:下文言"稱貸之家"七,此處不得言間。當 作"稱貸之家,其閒受息之氓幾何家,以報夷吾"。

其受息之氓幾何幸有家以報吾

王念孫云: "幾何千家"當作"幾何家",其"千"字則涉下文"千鍾"而衍。

馬元材云: "幾何千家"即幾千家也。此蓋以"千家" 爲單位。下文云"受子息民參萬家",其數字之大可以想 見。"以報吾"當作"以報夷吾",脱"夷"字。

維遹案:《周禮·泉府》"凡民之貸者與其有司辨而授 之以國服謂之息"。

沫若案:"受"與"授"通,"授息之氓"即負債之家。

其出之中^{本作}一鍾也^{本在}

豬飼彦博云:"鍾也一鍾"疑當作"中鍾二釜也"。

洪頤煊云:上"鍾"字當作"中"。下文"其出之中伯伍也"、"其出之中鍾五釜也"、"其出之中伯二十也",字皆作"中",此涉下"鍾"字而誤。

丁士涵云:案"也"字亦當在"一鍾"下,例見下文。

安井衡云:鍾亦一鍾,歲收息與本同。

何如璋云:"出之"下脱中字,中卽息也,言所出中息 貸一鍾者還須加息一鍾,與下文一例。王引洪説,以上 "鍾"當作"中",則少一鍾字,文義不明。

張佩綸云:洪説非也。"鍾也一鍾",貸以一鍾,息亦一鍾,"中伯伍"者貸百而息五十,"中鍾五釜"者貸一鍾而息五釜,"中伯二十"者貸百而息二十,或倍息,或半息,或二分息。如洪所改,則"中一鍾"也,則幾何鍾而當一鍾歟。不可通矣。

姚永概云: 據下文云云,疑當作"其出之中鍾幾釜 也",但不可確知釜數耳。

毓棠案:此當作"其出之中鍾一鍾也",張解是。"鍾一鍾"者倍息也,"鍾五釜"者半息也。

上斲╸輪軸下采杼栗。本作

趙本"斷"作"斲"。朱本"栗"作"粟"。

宋翔鳳云:宋本"斵"作"斵"。

安井衡云: 古本"斲"作"斷"。

戴望云:宋本"斵"作"斵","栗"作"粟"。(沫若案:戴 所謂"宋本"疑是朱本之誤。)

一多案:各本"斷"作"斲","粟"作"栗",今據改。

其出之中伯伍也

安井衡云: "伯伍"貸百錢收息五錢也,與上下相比,

爲數太少。且此以息重爲次,"伍"下疑脱什字。

何如璋云: "其出之中伯伍"言貸一百還須加中伍十。 毓棠案: "伯伍"當作"伯五十","伍"字乃"五十"二字 之誤合。

帶山負海谷著作處上斷本作輻本作

宋楊忱本作"苦",古本作"若",劉本、朱本、趙本以下 各本均同。抄本《册府元龜》卷七百三十六引亦作"若"。

戴望云:宋本"若"作"苦"。

豬飼彦博云: "若"當作"谷"。"福"當作"輻"。或云 "若處上斷福"此五字衍。

王念孫云:"苦處"當爲"谷處",上文"山居谷處"即其證。隸書"谷"字作"台","苦"字作"苦", 二形相似而誤。 "上斷福"三字義不可通。案上文云"上斲輪軸,下采杼 栗",則此"上斷福"當是"上斲輻"之譌。上言"斲輪軸", 此言"斲輻",若《詩》之言"伐輪伐輻"矣。

沫若案:"苦處上斷福"涉上文"山居谷處""上斷輪軸"而衍,"谷"又誤爲"苦"或"若","輪"又誤爲"福"耳。當刪。

其稱貸之家丁^{本作}惠高國

宋楊忱本作"下",古本、劉本、朱本、趙本以下各本均作"丁"。

張佩綸云:"丁惠"詳《乙篇》。《左氏傳》"天子之二守

高國在"。

少者三千鍾

宋本、古本、劉本、朱本、葛本作"千",趙本、凌登嘉本、朱長春本、凌汝亨本、梅本、花齋本均作"十"。抄本《册府元龜》卷七百三十六引作"三二千鍾(鍾誤爲食)"。 戴望云:"十"字誤,當依宋本作"千"。

其受息之萌八九百家

古本、劉本、朱本、趙本以下各本均作"萌"。 戴望云:宋本"氓"作"萌"。

煮沛^{本作} 爲鹽

張文虎云:"泲"疑"沸"字之譌。

一多案:"泲"當爲"沛",說已詳上。

出粟參數字千萬鍾

古本、劉本、朱本無"數"字,趙本以下各本均有"數"字,同宋本。

安井衡云: 古本"参"下無"數"字。

戴望云: 朱本無"數"字,是。

受子息民參萬家

安井衡云:據上所舉四方受息之萌三千五百餘家。"萬"當作"千"。

維遹案: 錢分母錢子錢,見《周語下》。"子息"即《周禮·小宰注》所謂"貸子"。《史記·孟嘗君傳》"使人出錢於薛,歲餘不入貸錢者,多不能與其息",《索隱》云"息猶利也"。

不意葉作我君之有萌中一國而五君五王二字本也

吴志忠云:"棄"乃"意"字誤。

丁士涵云: "之正"二字當是"五王"之誤。五王猶五君也。《輕重甲篇》曰"故爲人君而不審其號令,則中一國而二君二王也",是其證。

姚永概云:"弃"乃"幸"字之譌,二字形近致誤。

馬元材云:《輕重甲篇》之"二君二王"乃"二君之正" 之誤。此蓋言東西南北四方之民,除對國家負担租稅外, 尚須負担高利貸之利息,直與同時應五君之征者等耳。

請以令賀獻者皆以鐻枝蘭鼓

何如璋云:"據枝蘭鼓"殆戟枝兵架之屬,上設此爲 旌别而富民可以貲得者,《山權數》之樹表置高,猶此義 也。"棧臺"之職殆當時所設,漢之武功爵及賣爵令疑即 本此。

張佩綸云:"據枝蘭鼓"當作"鼓鐻枝蘭"。《説文》"虞, 鐘鼓之柎也,飾爲猛獸,從虍異,象其下足。或從金作鐻"。 《詩・靈臺箋》"虞也,栒也,所以縣鐘鼓也"。《釋名・釋 樂器》"所以懸鐘鼓者,横曰筍,從曰虞,虞,舉也,在旁舉 筍也"。枝、《釋名》"戟格也,旁有格枝也"。《一切經音義》五十九引《字林》"戟有枝兵器也"。《文選·西京賦》"武庫禁兵,設在蘭錡",劉逵《魏都賦注》"受他兵曰蘭"。《史記·倉公傳》有"陰支蘭藏""陽支蘭藏",《素問》曰"支者順節,蘭者橫節",足徵"枝蘭"爲古語。蓋受貸之家皆卿大夫,賜以金石之樂,門列棨戟,以代償貧民子息。

章炳麟云:《説文》"虞"或作"鐻",鐘鼓之柎也。"枝蘭"即"支蘭"。《史記·扁鵲倉公列傳》"夫以陽入陰支蘭藏者生,以陰入陽支蘭藏者死",《正義》"《素問》云:支者順節,蘭者橫節",蓋支本有支持支載之義,蘭字則《小匡》"蘭盾",《注》云"即所謂蘭錡,兵架也",與支義亦最近。在人之骨節則曰"支蘭",在鐘鼓之柎則曰"枝蘭"。鐘鼓柎——植者曰鐻,橫者曰栒,正與支蘭相似。鐻但當言枝,兼言蘭者,栒虞亦通稱虞,《周禮·小胥注》云"鐘磬者編縣之,二八十六枚而在一虞,謂之堵",是虞可包栒,故兼枝蘭橫直言之也。"枝蘭"本實指物體,亦可轉言物用,"鐻枝蘭鼓",言以鐻枝蘭此鼓也,猶言鐻架鼓耳,下云"寡人有鐻枝蘭鼓,其賈中純萬泉也"。按梓慶削木爲鐻,見者繁猶鬼神,然則鐻之精善者,萬泉不足道矣。

馬元材云:下文云"寡人有鐻枝蘭鼓,其賈中純萬泉也",又云"所出棧臺之職未能參千純也",是其物以"純" 爲計算單位。純乃布帛等匹端之名,故"鐻枝蘭鼓"當是 一種美錦之專名。其取義或因其上織有"鐻枝蘭鼓"之花 紋耳。 沫若案:馬說是也。依文義,"據枝蘭鼓"當有重文。

君之棧臺之職亦坐長什倍

豬飼彦博云:"職"當作"藏",下同。謂棧臺所藏鏤枝 蘭鼓也。

吴志忠云:"職"疑"藏"字誤,下文同。

張佩綸云:《山至數》"棧臺之錢",此亦當作"錢"。下文"棧臺之職未能參千純也","純"當爲"緡",聲之誤也。 《史記・酷吏傳》"出告緡令",《索隱》"緡,錢貫也"。《漢書・武紀》"初算緡錢",《注》引李斐"緡,絲也,以貫錢也"。《文選・永明策秀才文》引孟康《注》"緡,錢貫也"。

維遹案: 吴説未愜,"職"乃"織"字之譌,下文同。織,布帛之總名。下文云"所出棧臺之職,未能參千純也",純即匹端名,是其證。《山至數篇》云"請散棧臺之錢",錢帛以類相從也。

林圃案: 許說得之。織爲錦帛之總名。《史記·夏本紀》"其貢漆絲,其篚織文",孔安國《注》"地宜漆林,又宜蠶織。文,錦綺之屬"。又"其篚織貝",孔安國《注》"織,細繪也"。皆以織字單獨爲義,不與下字連文,足徵織乃錦帛之總名。

太宰行觴

張佩綸云:"太宰"當作"宰夫",或衍"太"字。"使宰 跪而請安"是其證。《儀禮》均言膳宰,無以太宰行觞者。

桓公舉衣而問日

古本"衣"作"哀",劉本、朱本、抄本《册府元龜》卷七百三十六引同。趙本以下各本均作"衣",同宋本。

安井衡云: 古本"衣"作"哀"。

戴望云: 元本、朱本"衣"作"哀"。

張文虎云:宋本、元本"衣"作"哀","哀"疑"衷"字 之譌。

張佩綸云: "衣""哀"均"辰"之誤。"艑"古文"觶"。 蓋"艑"省爲"辰",而壞爲"衣",或作"哀"。《鄉飲酒禮》、 《燕禮》、《特牲饋食禮》,均有舉觶之禮。君當拜,不當舉 衷也。

沫若案:"衣"或"哀",殆"卮"字之訛。

聞子之假貸吾貧萌使有以給終件其上

王壽同云: "終"當爲"給"。下文"民多稱貸負子息以給上之急,度上之求"是其證。

陶鴻慶云: "終"當爲"給"字之誤。下節云"峥丘之 戰,民多稱貸,負子息以給上之急,度上之求"。又云"吾 聞子假貸吾貧萌,使有以給寡人之急,度寡人之求,使吾 萌春有以傳耜,夏有以决芸,而給上事,子之力也"。《輕 重乙篇》"曲防之戰,民多假貸而給上事者"。皆其證。

今本作寡人有鎍枝蘭鼓

一多案: "令"當爲"今",屬下讀。舊屬上讀"使有以

終其上令"爲句,非是。

其賈中純萬泉也

張佩綸云:"純萬泉"當作"泉萬緡"也。

章炳麟云: "純"借爲"準"。《地官·質人》"壹其湻制",杜子春云"湻當爲純",《釋文》"其湻音準",是湻、純、準三通也。中萬泉與準萬錢同意。中準兩言者,古人文法多複舉也。下章云"昔萊人善染練,茈之於萊純錙,緺綬之於萊亦純錙也,其周中十金",言練茈與緺綬在萊則賈準一錙,在周則賈中十金也。又本章下文云"所出棧臺之職未能參千純也",當作"未能純千也",謂未能準千錢。

維遹案: 純卽端匹名, 説見上。

寡人之德子無所寵

丁士涵云:"寵"疑"窮"字誤。

于省吾云:丁説謬。寵謂榮寵。《楚語》"其寵大矣", 《注》"寵,榮也"。此言寡人之德子,而對子無所榮寵也。

馬元材云:《漢書·成帝紀》陽朔四年詔曰"寵其強力",顔師古曰"謂優寵力田之人",與此寵字用法正同。

故稱貸之家皆日本作再拜受

豬飼彦博云:"故"字、"曰"字衍。

王念孫云: 衍"曰"字。

一多案:"曰皆"二字當互易。

夫墾田發圍務上之所急可以無庶乎

王引之云:"發"下蓋脱"草"字。《國蓄篇》曰"耕田發草,上得其數矣",《輕重甲篇》曰"今君躬犁墾田,耕發草土",又曰"彊本趣耕,發草立幣而無止"是也。"務"字屬下讀,"務上之所急"者務農也,農者上之所急也。

張佩綸云:"無庶"即"蕪曠",庶从炗,黄亦从炗,形近 而誤。

沫若案: 張説近是。蓋本作"無廣", "無廣"即無曠也。《形勢篇》"怠倦者不及,無廣者疑神"。"廣"與"庶"形近而訛。

天下高亦高天下下郊下

張佩綸云: "下高亦高"當作"下亦下,高亦高"。《地 數篇》"天下高則高,天下下則下,天下高我下,則財利稅 於天下矣",是其證。

一多案: 當作"天下高亦高,天下下亦下",《地數篇》 可證。

沫若案: 抄本《册府元龜》卷七百三十六引正作"天下 高亦高"。唯"天下"小如《注》文,蓋示其爲重文。

昔萊人善染練靈茈之於萊純錙緺綬之於萊 亦 純 錙 也 其周中十金

"其周中"古本作"其中周"。劉本、朱本同。趙本以 下各本均作"其周中"。 豬飼彦博云: "練茈"當作"茈練"。茈,染紫草也。言 萊國多茈草,故其人善染紫。染練絹一束,僅得一錙金 也。"緺綬" 《後漢書·輿服志注》云"紫綬名緺,其色青 紫"。

張佩綸云:當以"萊人善染"爲句。《説文》"練,厚繒也","茈,茈草也",《西山經》"勞山多茈草",郭《注》"一名茈萸,中染紫也"。《御覽》引《説文》作"紫草",段氏玉裁云"茈、紫同音。司馬彪注《上林赋》曰'茈蓝,紫色之薑',郭注《南山經》曰'茈蠃,紫色蠃',知古茈、紫通用"。按"茈"上奪"綦"字,下文兩"綦茈"可證。《説文》"綼,帛蒼艾色也。《詩》曰縞衣綼巾,未嫁女所服,或作綦"。"練"即"綼"之誤。《説文》"綿綬,紫青也","綬,韍維也"。"練錙"者,《淮南・墜形訓》"純丈五尺",《注》"純,量名也",《儀禮・聘禮注》引《朝貢禮》云"純四只,制丈八尺",鄭《注》"四當爲三,咫則二尺四寸"。《史記・蘇秦傳》"錦繡千純",《集解》"純,匹端名"。《張儀傳索隱》"凡絲縣布帛等一段爲一純"。參考衆説,是一段廣二尺四寸,長丈五尺。《説文》"錙,六銖也"。在萊直一錙,在周則十金。

章炳麟云:言"練茈"與"緺綬"在萊則賈準一錙,在周 則賈中士金也。

維遹案:章氏從"染"字爲句,讀"純"爲準,故云然。惟疑從"練"字爲句。"茈"上奪"纂"字,"纂茈"見下文。 "茈"即"紫"字,見《説文》。茈下段《注》純爲匹端名,餘詳下文。 一多案: "練"之爲言淶也。凡湅治絲帛通謂之練,已 淶之絲帛亦通謂之練。《説文》練訓淶繒,已湅之帛也。 《淮南·説林篇》"墨子見練絲而泣之,爲其可以黄,可以 黑",高《注》云"練,白也"。此已淶之絲也。此云"染練" 當謂染其已淶之絲。章讀"染"字截句,非也。

沫若案:"其周中十金"舊均以"周"爲周人,周與萊遠隔,於文亦難通。"周"當指萊人四周之隣國,其中可包含齊、魯。下"周"字亦同此解。

萊人知之閒纂^{本作}茈空周且歛馬作見於萊人操之

古本"纂"作"繤",劉本、朱本及抄本《册府元龜》卷七百三十六作"綦",趙用賢本以下各本均作"纂",同宋本。

安井衡云: 俗本"纂"誤"綦"。

朱長春云:空則市難得,故以馬作見錢而易之。

洪頤煊云:"纂"當爲"綦",綦,雜色。茈草染成之,故稱"綦茈"。下文"萊失綦茈"字不誤。

張佩綸云: 間,少間也。周以重價致綦茈,及萊之綦 茈既空,則以馬作直,易之萊人。

維遹案: "間",須臾也。"繤"即"纂"字,隸變爲"綦"。 趙本"問"作"聞",誤;"綦"作"纂",是。下文"綦茈"亦"纂 茈"之壞。《説文》"纂似組而赤",段《注》"組之色不一,似 組而赤者則謂之纂",赤色與紫色相應,故曰"纂茈"。且 與"緺綬"以類相從。"見"疑爲"質"字之譌,言萊人知之, 待纂茈空乏,而周人又以馬爲質,給萊人操之,故下文云 "是自萊失纂茈而反準於馬也"。

萊有準^{排作}馬

安井衡云:俗本"推"誤"准"。

王壽同云:"推"乃"準"之誤,下文云云可證。

張佩綸云:"有"讀爲又,又多以馬至萊反準其金,雖 失之於綦茈而得之於馬。

沫若案:"推"疑是賤價出售之意,如今言推銷也。"萊有(又)推馬"者,以四周之馬集中於萊,萊因馬多而賤,四周因馬少而貴,故萊人又將賤價之馬大量推銷。是則四周雖因購買萊人之綦茈有所損失,却反而求得平衡於馬之交易也。此兩番周轉,均以證明"天下高我獨下"之爲害。萊人本爲齊所滅者,雖未必卽因此而失國,頗足供作者借喻之便。

齊西水潦而民飢

林圃案:《通典·食貨》十二引無"而"字。

齊東豐庸而糶賤

豬飼彦博云:"庸"疑當作"年"。

俞樾云:"庸"乃"康"字之誤。《淮南子·天文篇》"十二歲一康",高《注》曰"康,盛也"。然則豐康者,豐盛也。 尹《注》曰"庸,用也,謂豐稔而足用",非是。

維谲案: 庸、康古字诵用, 説詳《入國篇》。

沫若案:庸、康無可通用之理,庸者傭也,"豐庸"謂工

價高。

今齊西之粟釜百泉則鏂二十也齊東之粟 釜 十 泉 則鏂二錢也請以令籍人三十泉得以五穀菽粟 決 其籍 若此 則齊西出三斗而決其籍齊東出三釜而決其籍

黄震云:西飢東豐,則稅錢准穀而東西以平。稅錢三十,西准穀三斗,東准穀三釜。

豬飼彦博云:齊西之栗價十倍齊東,而齊東三釜正當 齊西三斗,可見三釜卽三斛矣。由此推之,則鏂爲二斗, 亦可知也。

王念孫云:齊西之栗三斗三十錢,則二斗二十錢也。 而鏂亦二十錢,則是二斗爲一鏂也,尹《注》云"斗二升八 合曰鏂",失之矣。

宋翔鳳云: "釜百泉則鏂二十也",此則以五鏂爲釜矣。下文言"齊西出三斗而決其籍,齊東出三釜而決其籍"上文"齊西釜百泉,齊東釜十泉"凡十倍,則此三釜亦十倍於斗,一釜得一斛亦爲一石,故《海王篇》"鹽百升而釜"與粟之量正同,知一鏂得二斗。則《管子》之量不與《春秋傳》言豆區釜鍾之數同,乃傳者之異,不可以彼難此也。

鄒漢勛云:齊舊量:豆,四升;區,十六升;鬴,六十四 升也。陳氏:豆,五升;區,二十五升;鬴,百二十五升也。 《管子》所言:豆,四升;鏂,二十升;鬴,百升也,與陳氏微 異。《管子》書多六國人所增益,疑《管子》之所言,即陳氏 之制。(《讀書偶識》。) 孫詒讓云:以管所言推之,齊西粟一鏂二十泉,而三 斗三十泉,則是二斗而當一鏂;齊東粟一釜十泉,而一鏂 二泉,則是五鏂而當一釜,釜凡十斗也。此正用陳氏新量 之數,與《海王篇》說"鹽百升而成釜"亦相應。尹釋鏂非 也。《管子》書多後人羼易,故與舊不合。

張佩綸云:王説非也。《周禮·廩人》、《考工記》、《論語》"與之釜"馬融《注》,均曰"釜,六斗四升"。按此文釜百、鏂二十,釜十、鏂二,五區爲釜剖之正得斗二升八合爲區。王氏鏂二斗之説,實兼取昭二年杜《注》,以區爲二斗,釜則八斗,乃四區爲釜,非五區爲釜,與本篇不同。尋繹文義,西出三斗當云西出三十,言西米貴泉賤則出泉,東米賤錢貴則出米。下文釜十之粟,即上文釜十泉之栗,蓋取東之米以救西之飢,不必改十爲斗也。《考工記》鄭《注》"四升曰豆,四豆曰區,四區曰鬴,鬴,六斗四升也",《廣雅·釋器》同。

又云:《左》昭二年《傳》"齊舊四量:豆、區、釜、鍾。四升爲豆,各自其四以登於釜;釜十則鍾。(《注》'四豆爲區,區斗六升,四區爲釜,釜六斗四升,鍾六斛四斗'。)陳氏四量皆登一焉,鍾乃大矣"。(以五升爲豆,四豆爲區,四區爲釜,則區二斗,釜八斗,鍾八斛。)《正義》"舊本以五升爲豆,四豆爲區,四區爲釜,直加豆爲五升,而區釜自大,故杜云'區二斗,釜八斗'是也。本或作五豆爲區,五區爲釜者,爲加舊豆區爲五,亦與杜《注》相會,非於五升之豆又五五而加也"。

然則釜十之粟皆實於倉廩

王念孫云: "十"當爲"斗"。"釜斗之粟"即承上三斗三釜而言。隸書"斗"字作"升",後人誤以爲"什"字而改爲"十"。《通典·食貨》十二引此已誤。

俞樾云:上云"齊西之粟釜百泉,齊東之粟釜十泉", 然則所謂"釜十之粟"者,乃一釜十泉之粟,指齊東而言 也。蓋齊西粟貴,齊東粟賤,故雖均是籍人三十泉,而齊 西止以栗三斗當泉三十,齊東必以栗三釜當泉三十,於是 齊西之粟所入無多,而齊東之栗皆實於倉廩矣。其下曰 "西之民飢者得食,寒者得衣",以此故也。管子因桓公欲 以東之賤被西之貴,故爲此法,則其所注意者本在齊東一 釜十泉之粟,故曰"然則釜十之粟皆實於倉廩"。王氏欲 改"十"爲"斗",則全失其義矣。

無本者子之陳無種者子之新

古本"本"作"食","子"作"予",劉本、朱東光本同。 趙用賢以下各本皆作"本",作"予"。

安井衡云: 古本"本"作"食"。

沫若案: 抄本《册府元龜》引無此二句。又《揆度篇》 作"無食者予之陳,無種者貸之新",疑是該篇脱簡竄此。 上文云"齊西出三斗而決其籍",民猶出三斗,則無所謂予 陳貸新之可言。

若此則東西之民相被遠近之準平矣

尹知章云: 君下令税人三十錢, 準以五穀, 令齊西之

人納三斗,東之人納三釜以賑西之人,則東西俱平矣。管子曰"智用無窮",以區區之齊,一匡天下,本仁祖義,成其霸業,所行權術,因機而發,非爲常道。故别篇云"偏行而不盡也"。

一多案: "之"下疑脱"民"字,上文"西之民飢者得食"可證。尹《注》云"東之人納三釜以賑西之人",以人易民,避唐諱也。

林圃案:此本尹《注》有誤,當據《通典·食貨》十二引文改。《通典》引文"管子"下無"曰"字,《管子》中並無"智用無窮"之文,今本增一"曰"字,文意大異。梅士享本乃以之標入正文,則尤誤矣。

溝瀆阸^{本作}而不遂谿谷報下^{本作}之水不安於藏

豬飼彦博云: "阮"疑當作"阨",塞也。"報上"二字疑 衍。

王引之云: "阮"當爲"阸", "報"當爲"鄣", 皆字之誤也。《立政篇》曰"溝瀆不遂於隘, 鄣水不安其藏", 又曰"通溝瀆,脩障防,安水藏"。"隘"與"阸"同, "鄣"與"障"同。

章炳麟云:《雜志》曰"報當爲障,字之誤也。"《立政》曰"鄣水不安其藏"。尋報、鄣形聲皆不相似,無緣致誤。此文不必與《立政篇》語同,報當借爲赴。《少儀》"毋報往",《注》"報讀爲赴疾之赴",是其證。"上"則"下"之誤,古文上下作二二,形相似而譌,"赴下"猶趨下也。水性趨

下,故曰"谿谷赴下之水"。

沫若案: 王説是也。溝瀆淤塞,故使溪谷之水不得宣洩,被阻逆流而致泛濫。"報"與"鄣"形正相近,且以本書證本書,無可非議也。章氏喜標新立異,而於原文之條理每多疏忽。

故君謹守泉金之謝物且爲之舉。

張佩綸云:"謝"當作"射"。《國蓄》"以重射輕,以賤 泄平",是其證。《爾雅·釋魚釋文》"謝本作射",《後漢 書·皇甫規傳》云"臣私報諸羗謝其錢貨",章懷《注》"謝 猶讎也",不知此"謝"字亦當作"射"。

章炳麟云:"謝"讀爲豫。《鄉射禮》"豫則鉤楹内", 《注》"豫讀如成周宣謝災之謝",是豫、謝得通。《晉語》 "豫而後給",《解》"豫,備也"。《左》成九年《傳》"備豫不 虞",《荀子·大略》"先患慮患謂之豫",是豫者先事而備 具之謂,義與儲同。故《漢書·何並傳注》"儲,豫備也"。 以將舉用之,故謹守諸貨之儲。

沫若案: 張讀"謝"爲射,是也。當以"謝物"爲句。 "守"者防也。當防止用金錢以射物者,如有則爲人民舉發 之。故"且爲之舉",即《周官·地官·司門》"凡財物犯禁 者舉之"之舉,下文夏秋冬三"守"均同此解。如此,則投機 者不能與風作浪,故曰"已守其謝,富商蓄賈不得如故"。

大夏帷蓋衣幕之奉不給

沫若案: 以下文"大秋甲兵求繕,弓弩求弦"例之,

"不"字當是"求"之譌。又下"大冬任甲兵,糧食不給,黄金之賞不足",兩"不"字亦當爲"求"。

謹守帛^{本作}布之謝

戴望云:"泉"乃"帛"字誤。

沫若案:應以"謹守帛布之謝(射)物"爲句,謂嚴防有 布帛者以此囤積居奇。

謹団絲麻之謝

豬飼彦博云:"謹"下脱"守"字。

丁士涵云:"謹"下當有"守"字,上文句例可證。

何如璋、陶鴻慶説同。

沫若案:應以"謹守絲麻之謝(射)物"爲句,謂嚴防 有絲麻者以此囤積居奇。

龍鬬於馬謂之陽牛山之陰

古本"謂"作"請",劉本、朱本同。宋楊忱本、趙用賢本作"謂",凌登嘉、朱長春、凌汝亨、梅士享、花齋、葛鼎各本同。

安井衡云: 古本"謂"作"請"。

戴望云:宋本"謂"作"請"。

張佩綸云: "請"與"謂"皆"瀆"字之譌。"馬瀆"即馬車瀆也。《漢書·地理志》"齊郡鉅定縣馬車瀆水首受鉅定,東北至琅槐入海",《水經·淄水注》"自山東北流逕牛山西, ……又東逕巨淀縣故城南, 又東北逕廣饒縣故城

南,又東北馬車瀆水注之,首受巨淀,淀卽濁水所注也。 吕忱曰:濁水一名溷水,出廣縣爲山,東北流逕廣固城西, 水際山側有五龍口"。龍鬭蓋在淄水巨淀之間,在牛山之 西北,馬車瀆之東北,山北曰陰,水北曰陽,故曰"馬瀆之 陽,牛山之陰"。《一統志》以萊蕪谷卽《春秋》成二年之馬 陘,在牛山上游,未知何據,今不從之。

吴闓生云:"於馬"五字疑衍文。

林圃案:"謂"字當有誤,作"請"亦不可通。《左傳》成公二年"擊馬陘",杜《注》"齊邑"。《春秋地名考略》"《史記》馬陘作馬陵,今在益都縣西南"。牛山見《孟子·告子章》"牛山之木",趙《注》"牛山齊之東南山也"。《四書釋地續》"今目驗牛山在臨淄南十里"。據此則牛山在東南而馬陘在西南,中間適爲齊都臨淄之近郊,故管仲云"天使使者臨君之郊"。故此"謂"字或"請"字當是"陘"字之誤。

請使大夫袀服為左右玄服□天之使者乎

戴望云: 宋本"飭"作"飾"。

豬飼彦博云:"天之使者"上疑脱"迎"字。

顧廣圻云: "初"疑"袀"字之誤。"請使大夫袀飭"爲句。"服"下當脱一字。

張佩綸云:"初"當爲"祈"。"使大夫祈"爲句,"飭左 右玄服"爲句。

陶鴻慶云:"飭"讀爲飾,"初"乃"袀"字之誤字,本作

"袗",《説文》"袗,玄服也"。《漢書·五行志》"袀服振振",信五年《左傳》"以均爲之"。服《注》"黑服也","大夫袀飾"與"左右玄服",文異而義同。龍爲水族之長,故必黑服以將事也。"天之使者乎"上當有脱字。

維適案: 顧説是也。惟"袀飭"當作"袀服",因"袀"調 爲"初",後人又改服爲飭。《吕氏春秋·悔過篇》"今袀服 回建"高《注》"袀,同也,兵服上下無别,故曰袀服"。又與 均服同,僖公五年《左傳》"均服振振",服《注》"袀服,黑服 也"。此言袀服爲戎服也。然《管》書"袀服"乃爲郊祀之 服,《儀禮·士冠禮》"兄弟畢袗玄",鄭《注》"袗,同也,古 文袗爲均"。《後漢書·輿服志》"郊祀之服皆以袀玄", 《淮南·齊俗篇》"尸祝袀袨",高《注》"袀,純服; 袨,黑齋 衣也"。《文選》潘岳《閒居赋》"天子有事于柴燎,以郊祖 而展義,……(袀)服振振以齊玄",是冠祭齋皆用袀服。 "左右玄服",玄端服也。

地動^{本作}投之哉兆

丁士涵云:"哉"乃"烖"字誤。

安井衡云: 哉、裁通。《尚書·康誥》"乃惟眚災適爾",《潛夫論》作"哉"。

何如璋云:"地重","重"字疑作"動"。

張佩綸云: 兩"重"字疑當作"動"。

維遹案: "重"爲"動"字之壞,《吕氏春秋·制樂篇》 "周文王立國八年,歲六月,文王寢疾,五日而地動,東西 南北不出國郊,百吏皆請曰,臣聞地之動爲人主也。…… 文王曰,天之見妖也,以罰有罪也"。此與"地動投之哉 兆"義正合。"哉"與"裁"通,《尚書·康誥》"乃惟告災", 《潛夫論·述赦篇》引"災"作"哉"。哉卽裁字,是其例。

沫若案: 說"重"爲"動", 說"哉"爲"裁", 是也。但"重"乃"動"之假字, 金文每以"童"字爲"動"。又"投"乃"疫"之壞字。下文"重投之哉兆"亦是"重疫之裁兆"。《説文》"疫,人皆疾也"。《史記·天官書》"氐爲天根, 主疫"。此與地動兆疫或不無關係,蓋地動則天根爲之不寧也。

國有慟

張佩綸云:"國有慟"句符,"慟"涉上下兩"動"字,"國有"涉下文兩"國有"字而衍。

星動作風重投之哉兆

安井衡云: 此當有"國有云云"數字,因"國有"二字複出而誤脱。

何如璋云:"風重","重"字疑作"動"。

維遹案: "風重"無義,當爲"星動"之譌。星動見《晉書》、《隋書·天文志》。《吕氏春秋·制樂篇》 "宋景公之時熒惑在心,子韋曰: 熒惑者天罰也,心者宋之分野也,禍當於君",高《注》"熒惑,五星之一,火之精也",此亦言星動也,其與"投之哉兆"義正相合。下文云"國有槍","國

有彗",皆承此而言之,是其證。

沫若案: "國有慟風重投之哉兆"當讀爲"國有慟風, 重疫之栽兆"。"慟風" 殆占候家之術語,或即熒惑之異 名。《史記·天官書》"察罰氣以處熒惑(罰或作剛,當以 作罰爲是)。……熒惑爲勃亂、殘賊、疾喪、饑兵"。《正 義》引《天官占》云"熒惑爲執法之星,其行無常,以其舍命 國爲殘賊,爲疾,爲喪,爲饑,爲兵。環繞句曲,芒角動摇, 乍前乍後,其殃逾甚。……其精爲風伯,惑兒童,歌謡譆 戲也"。熒惑之精爲風伯,惑兒童,歌謡譆戲,正宜具有 "慟風"之别號。誌此以備一解。

國有槍星其君必辱

豬飼彦博云:"國"謂其國之分野。

何如璋云: 槍星、彗星數句言星變之異。《吕覽·明理》"星有出而無光,其星有熒惑,有彗星,有天棓,有天 槐,有天竹,有天英,有天干,有賊星,有鬥星,有賓星",皆星之變異,上天垂象以示警者。天棓天欃即槍星之類。

維遹案: "槍"即天槍, 《隋書·天文志》"天槍主捕", 故云"其君必辱"。

國有篲星必有流血

維遹案:《晉書·天文志》"篲星所謂埽星,或竟天見 則兵起",故云"必有流血"。

德鈞案:《黄氏日鈔》卷五十五引"篲"作"彗"。《纂 詁》本亦作"彗"。

*

請有五穀菽幣菜布帛文采者皆勿敢左右

王念孫云:"收"當爲"叔","叔"即"菽"字,見下文。 《輕重甲篇》亦云"子大夫有五穀菽粟者勿敢左右"。"叔"字艸書作"為",因譌而爲"收"。

維遹案: 趙本"收"作"菽", 當據改。

國且有大事

維遹案:"且"猶將也,"大事"戎事也。

請以平賈取之

各本均作"之",朱東光本"賈"作"價"。 戴望云:宋本"之"作"人"。

人民百姓皆獻其国穀菽粟帛奉作金

王念孫云:"泉"當爲"帛",見上文。

陶鴻慶云:"穀"上當有"五"字,上文請有五穀菽栗云 云,是其證。

此謂乘天蕃衛而求民鄰財之道也

黄震云: 龍鬭而稱天使臨郊,亦因以動八侯之朝; 彗 出而稱國有大事,亦因以裒百姓之積; 凡皆駕虚翼空, 隨 物生智。

王念孫云:"嗇"當爲"甾","當"卽"災"字。篲星,天災也,因篲星出而斂財物,故曰"此謂乘天災而求民鄰財

之道也"。

豬飼彦博、俞樾説同。

何如璋云:"天嗇","嗇"當爲"蔷",古"災"字。《漢書·揚雄傳》"灑沉 蓋於溪瀆兮"可證。"天災"卽指上彗星。鄰、臣鄰也。

張佩綸云: 上文直求民財,非求鄰財也,"鄰"字衍。

維遹案: "嗇"趙本作"菑",當據改。"求"卽"逑"字之省,《說文》"逑, 歛聚也"。《五行篇》"五榖鄰熟",《注》"鄰,緊也,引伸爲集聚",字又與"遴"通,《揚子法言·問明篇》"鷦明遴集",《注》"遴,聚也"。

沫若案: 許所謂"趙本"乃清刻本,明刻本仍作"嗇"。

大夫多并其財而不出

戴望云:"并"與"屏"同。

管子^{本有}日請以令召城陽大夫而謫^{本作}之

黄震云: 士大夫之家不恤其族也,則滅城陽大夫之位,而人皆散財發粟。

王念孫云:"請之"當爲"謫之"。下文"滅其位,杜其門",是謫之之事也。今作"請之"者,涉上"請以令"而誤。

張佩綸云:《漢書·賈誼傳》"盤水加劍,造請室而請 罪耳",應劭曰"請室,請罪之室",蘇林曰"音絜清,胡公 《漢官》車駕出有請室令在前先驅,此官有别獄也"。《史 記·袁盎傳》"絳侯徵繫清室",《漢書》作"請室", "而請之"之"請",即請罪之謂,不必改字。

一多案:"對"字涉下文而衍,當删。

鵝鶩含餘粖

古本、劉本作"秣",朱本作"秫",趙本以下各本皆作"秣"。

戴望云: 朱本"秣"作"秫"。

張佩綸云:《説苑·尊賢篇》田饒曰"三升之稷不足於士,而君鴈鶩有餘栗,纨素綺繡靡麗,堂楯從風雨弊,而士曾不得以緣衣",《至公篇》齊景公嘗賞賜及後宫,"文繡被臺榭,菽栗食鳧鴈"。

吹笙箎之風

吴志忠云: "笙箎"下奪"之風"二字,《輕重己篇》有。 張佩綸云: 《己篇》云"吹塤箎之風,鑿動金石之音", 與此文不同,所奪未必定是"之風"字,吴殊武斷。

姚永概云: 脱"之音"二字。

一多案: 此下疑有脱文。"同姓不入"以下桓公語。

同姓不入

豬飼彦博云: "不人"疑當作"之人"。

維遹案:人,猶得也,見《廣雅·釋詁》。

皆寒而不得衣飢而不得食

姚永概云: 此下當有脱文,蓋此乃管子之語,不應接

以"子欲盡忠於寡人能乎"句,必有桓公召城陽大夫數以前罪,而云"同姓尚不恤"乃接以"子欲盡忠於寡人能乎"句也。

沫若案: 此下當奪"桓公曰諾。令城陽大夫而謫之曰 城陽大夫"云云,複述管子所數之罪。

此之謂繆數

張佩綸云: 此句衍,下節"惟繆數爲可耳",故曰"此之 謂繆數",此句乃複衍之未删者。

峥丘之戰

俞樾云: 尹《注》曰"峥丘, 地名, 未聞。説即葵丘"。 此說殊不可解, 經傳多言"葵丘之會", 無言"葵丘之戰" 者, 安得謂峥丘即葵丘乎? "葵"疑"乘"字之誤。《春秋》 莊十年"夏六月齊師宋師次于郎, 公敗宋師于乘丘"。或 說殆以乘丘之戰爲指此役, 故云"即乘丘"耳。"乘"古字 作"椉", 與"葵"字相似, 因而致誤。

何如璋云:《左》莊十三年《傳》"齊人滅遂而戍之",杜 《注》"遂國在濟北蛇邱縣東北"。《漢書·地理志》"泰山 郡蛇邱",此或是蛇邱之誤也。

張佩綸云: 峥邱原《注》"未聞,一説以爲葵丘"。佩綸案: 葵丘無戰事。閔二年《公羊傳》"桓公使南陽之甲立僖公而城魯,或曰: 自鹿門至於争門者,是也;或曰: 自争門至於吏門者,是也"。《説文》"净,魯北城門池也",《廣韻》作"埩,魯城北門池也",字本作"争",池則從水作净,門及

丘則从土、从山。然則峥邱之戰,卽桓公命高子城魯立僖之役。一說:《續漢書·郡國志》"琅邪國莒縣,本國,故屬城陽,有鐵,有峥嵘谷"。《三傳》無桓公伐莒事,而本書有伐莒之謀,疑卽指伐莒而言。

此何以給給

尹知章云:"治",通也。言百姓爲戎事失其本業,今 欲取之,何以通於此也。

王念孫云: "治"當爲"給",下文云"國中大給"卽其證也。給、治艸書相似,故"給"誤爲"治"。尹《注》非。

張佩綸云:《爾雅》"太歲在未曰協洽",《逢盛碑》作 "給",治、給通借,非譌字。"大給"當作"大洽",《説文》 "治,霑也","此何以洽"言何以使民徧霑吾惠。

唯繆數爲可耳

張佩綸云: 繆,《通典》作"膠",按當作"膠"。《詩·隰桑》"德音孔膠",《傳》"膠,固也",《說文》"膠,昵也",言此以恩澤膠固之,故日"膠數"。或作"繆",卽綢繆意。原《注》以繆爲詐謬,下文"豈弟君子民之父母"云云,卽膠固綢繆之意,無所爲詐謬也。

沫若案: 張説迂曲。所謂"繆數"猶《輕重乙篇》言"曲 衡之數"耳。數與術同意,欲取先予,旨在使稱貸之家不 能兼併,何膠固綢繆之有!

林圃案:《通典》引此"繆"作"膠",《注》"膠讀曰繆",

今本正文已改作"繆",故《注》亦改作"繆讀曰謬"矣。《小爾雅》"膠,譎詐也,涼州西南之間曰膠,自關而東西或曰譎,或曰膠,詐,通語也"。上節及此節末尾"此之謂繆數" 殆亦本作"膠數"。

旌^{本作}稱貸之家

尹知章云: 旌, 表也。

王念孫云:"表"當依宋本作"旌",故尹《注》云"旌,表也",今作"表"者,涉《注》文而誤。

張佩綸云:本文作"表",《注》作"表,旌也",亦通。

林圃案:《通典·食貨》十二引此文亦作"表",引尹 《注》云"表,旌也",是以作"表"爲是。宋本有作"旌"者乃 後人涉《注》而誤,復改《注》文以就本文耳。

執折箓

安井衡云: "箓" 當爲"篆", 折篆, 猶折簡也。 李哲明説同。

張佩綸云: 箓,即簿録。《説文》"録,金色也",假借爲簿录字。此假竹高篋之箓爲之,後乃孳乳爲篡字。《説文》"折,斷也",《禮記·少儀注》"折斷,分之也",此與反準之筴同,傳者小異耳。

桓公使八使者式璧而聘之以給鹽菜之用

姚永概云:"以"乃"曰"字之譌,尹《注》云"謙言",正 釋"曰"字也。今作"以"者,涉下文"以給鹽菜之用"而 誤。

林圃案:《通典·食貨》十二引無"桓公"二字,"八"字作"人",是也。"使人"爲句。

愷悌君子民之父母^{本有}

王念孫云: "也"字涉下文"父母也"而衍,《通典·食 貨》十二引無"也"字。

出其財物以振貧病振或分其故貲

古本、劉本"賑"作"振",朱東光本同。趙用賢本以下 各本均作"賑"。

戴望云: 宋本"賑"作"振"。

沫若案:"分其故貲","貲"當是"舊"之誤。

林圃案:《通典·食貨》十二引此亦作"振",同古本。

請以令決瓁洛之水通之杭莊之間

王念孫云:"杭"當爲"抗","抗"古讀若康, 抗莊卽康 莊。

張佩綸云:《說文》"濩,雨流雷下貌",《山海經·西山經》"有滛水其清洛洛",郭《注》"洛洛,水流下之貌也",《莊子·逍遥游》"剖之以爲瓢,則瓠落無所容",司馬"瓠"音"護",《注》云"瓠,布濩也。落,零落也。言其形平而淺,受水則零落而不容也"。"瓠落""濩落"均雙聲,言霖潦無所容之水。《詩·河廣傳》、《廣雅·釋詁》並云"杭,

渡也"。"杭莊之間"猶《孟子》言"莊、嶽之間",莊、嶽二里名,此杭、莊亦當爲二里名。莊則近市,而杭本有舊渡,或如乾時之類,今以霖潦之水歸之,始得通舟,故百鳥翔集於此。若如王説,則水溢通衢,既不能舟,又不能車,其策不亦迂繆乎?

一多案:" "

而郊之民殷然益富

李哲明云: 郊上應脱"四"字,上下文"四郊之民"凡三 見,此亦當有之。

沫若案: "而"即"四"字之誤。

則蟲母並作雍巨革作翡燕小鳥皆歸之

古本、劉本"虻"作"氓","鳥"作"鳥",朱本同。趙本、凌登嘉本、朱長春本、梅本、花齋本、葛本均作"虻",凌汝亨本作"亩"。

丁士涵云:"巨","渠"假字,"雄"當爲"庸"。《上林 賦》有庸渠,水鳥也。《説文》"鳙,鳙鳥"。

張佩綸云: "蟲虻",下作"蟲虵",孫星衍云"虵當依上文作虻"。案"蟲虻"當作"蟲母", "母"誤爲 "毋",轉爲 "亡",又譌爲"也",淺人意加虫旁。《爾雅・釋鳥》"鷏,蟲母",郭《注》"似鳥鷃而大,黄白雜文,鳴如鴿聲。今江東

呼爲蚊母。俗說此鳥常吐蚊,因以名云"。"巨雄"與"小鳥"對文。一說"巨雄"當作"雝渠",《爾雅》"䳭鴒雝渠",郭《注》"雀屬,飛則鳴,行則摇"。《常棣傳》同。《說文》"鱢,雝渠也",又云"雅,石鳥,一名雝鎳,一曰精列"。亦通。

于省吾云:"雄"乃"雒"字之誤,《漢書·古今人表》雒陶,《尸子》作雄陶,是其證。巨雒卽渠略。《詩·蜉蝣傳》"蜉蝣,渠略也"。雒略並諧"各"聲。《爾雅·釋蟲》"蜉蝣渠略",《釋文》"略或作監"。《説文》"蜍,螶蟘也,一曰蜉蝣,朝生暮死者"。《方言》十一"蜉蛛,秦、晉之間謂之蝶監"。然則巨雒卽渠略矣。

馬元材云: 蟲母卽今之蚊母鳥,大如鷄,體灰白色,頸及背腹部有黑斑,尾黑褐色。夏日居於黑龍江等處,冬赴熱地。畫伏森林,夕則飛翔河邊,食蚊虻羽蟻。嘴小深裂,張之則成大口,食蚊無算,故爲益鳥。舊説以爲"吐蚊",誤也。"巨雄"與"小鳥"對文,巨雄者大鳥也,指蟲母而言。丁說非,于說亦不合。下文云"投蟲母巨雄",如係渠略,則如何投之?"翡"卽"翡翠"。翡翠與燕皆不如蟲母之大,故曰"小鳥"也。

賣爲讎買爲取

豬飼彦博云: 謂賣者速售, 買者速取也。

投蟁母與作雍巨產作

孫星衍云:"她"當依上文作"虻"。

張佩綸云:《説文》"投,擿也",《漢書·蕭望之傳注》 "射之言投射也",以矢石擿之皆可曰投。《禮》"投壺", 《左氏傳》"抉石以投人",是。

新冠五尺者譜來彈懷丸游水上

吴志忠云:"請"乃"諸"字誤。

張佩綸云:"新冠",冠者。"五尺",五尺之童。

維遹案: "請"當作"者", 因"者"誤爲"諸", 復誤爲 "請"。"新冠", 新加冠也, 言丁壯者。"五尺", 五尺之童, 言幼少者。《輕重戊篇》作"丁壯者胡丸操彈居其下", 此 言"新冠五尺者", 彼言"丁壯者", 句例正同。各本"請"字 屬下讀, 吴氏以爲"諸"字之誤, 皆失之。

被於暮

安井衡云:"被","及"也。

一多案:《禹貢》"西被于流沙",某氏《傳》"被,及也"。

四郊之民賣匱而買賤何爲不富哉

豬飼彦博云:"賣賤"二字衍。

王念孫云: "賣賤"當作"買賤", 言四郊之民多買賤物,所以致富也。今作一賣賤"者,涉上文"賤賣"而誤。

陶鴻慶云: 王氏謂"賈賤"當爲"買賤",是也。今案元 文本作"賈貴而買賤",傳寫奪"貴而買"三字耳。此與上言 "商賈之人賤買而貴賣",事正相因。奪三字則文義不完。

衰然多衣弊而履穿

戴望云:宋本"衰"作"裒",是。

張佩綸云: 《太玄·眾》"兵衰衰",《注》"衰衰,痩瘠之貌"。

一多案: 衰、衰同, 蓑蓑然, 衣屦弊裂貌也。

請以令沐途旁之樹枝

黄震云: 沐,去樹枝也。沐途旁之樹以絶遊息,農人 皆務本業而農以富。

豬飼彦博云: 沐猶洗竹之洗, 謂披落樹枝也。

何如璋云: 沐,治也,謂治其枝而去之,如洗濯也。 《孟子》"牛山之木濯濯然",是也。

張佩綸云:《儀禮·既夕注》"湯沐,所以洗去污垢", 《釋名·釋姿容》"沐,秃",沐者髮下垂,秃者無髮,皆無上 貌之稱,此去樹之上枝,故曰沐。

維遹案: 沐,猶翦也,《釋名·釋姿容》"沐,秃也",《禮記·檀弓篇》"沐槨",鄭《注》"沐,治也",治、秃與翦義相因。

此其故何常也

王念孫云:當作"此其故何也",下文同。

戲笑超距

豬飼彦博云:超距,猶跳躍也。

張佩綸云: 《史記·王翦傳》"方投石超距",《索隱》 "超距,猶跳躍也"。《漢書·甘延壽傳》"投石拔距",張晏 曰"拔距,超距也"。

馬元材云: 此處當係指男女跳舞而言,今西南少數民 族中尚存此俗。

維遹案: 僖公二十八年《左傳》"距躍三百", 距躍亦跳 躍也。

論議互^{本作}語

張文虎云:"玄"當爲"互"字之譌,舊書往往相亂。

姚永概云:管子時安得有"玄語"字,"玄語"當作"立語"。

一多案: 張説近是。"互"蓋讀爲"晤"。《陳風·東門之池》"可與晤語",《箋》"晤,對也"。

是以田覃不發

陶鴻慶云: "田"下當有"草"字。"田草不發"與下"五穀不播","麻桑不種","蠒縷不治",句法一律。《國蓄篇》云"耕田發草,上得其數矣"。《輕重甲篇》云"彊本趣耕,發草立幣而無止",皆其證。

内嚴一家而三不歸

丁士涵云: "嚴"乃"瞰"之借字。《廣雅》曰"瞰,視 也",《孟子·離婁篇注》曰"瞰,視也",《音義》"關或作瞰, 同"。《說文》作"闞",云"望也"。《集韻》有"臟"字,云"與 瞰同,視也"。

張佩綸云: "嚴"當作"闞",字之誤也。《説文》"闞,望 也",或作"瞰",趙注《孟子》"瞰,視也",《集韻》作"職"。

寡人欲爲百姓萬民藏之

林圃案:《通典·食貨》十二引無"百姓"二字,抄本 《册府元龜》卷五百二引亦無。

有新成困京者二家

張佩綸云:《廣雅・釋室》"京,倉也"。

林圃案:"囷京"連文乃漢時常語,《急就篇》"門户井 竈廡囷京",顔師古《注》"囷,圓倉也;京,方倉也。一曰: 京之言矜也,寶貴之物可矜惜者藏於其中也"。

君請式壁而聘之

古本"請"作"親",劉本、朱本、趙本以下各本均作"請"。

安井衡云: 古本"請"作"親"。

林圃案:《通典》十二引此亦作"請",《通典》引尹《注》 "聘,問也"下有"使玉人刻石爲璧,尺萬泉,八寸者八千, 七寸者七千是也",共二十二字,乃節録《輕重乙篇·石 璧謀》文,抄本《册府元龜》亦有之。

此其故何常也

王念孫云:"何故"當作"故何",詳上。

國中莫不聞是上則無功而顯名於百姓也本有功立而下則實其困京本有以給上者有為一舉而名實俱在也

戴望云: 宋本"一"作"壹"。

丁士涵云:"無"疑"傘"字誤。

張佩綸云:"功立而名成""上爲君"皆《注》文闌入者, "上以給""上"亦羨字。上則無功而顯名,下則實其囷京 以給,故曰"名實俱在"。

一多案: "無功"下當有"而"字。"上以給上爲君"當作"以給上"。"給上"之文本書屢見。餘均當依張說。 "下則實其京囷上以給上爲君",張氏初稿云"當作'下則 實其囷京以給上'",繼又云"'上爲君'三字亦注文"。案 初稿是也。

民何囨爲也

豬飼彦博云:"民何爲"脱"不效"二字。

戴望云:當作"民何不爲也",脱"不"字。

王數之守

豬飼彦博云:"王數"當作"五穀"。

九月飲實牟平本作麥之始也

何如璋云:"平麥"當作"牟麥",以形近而譌。

張佩綸云:"平"當作"牟"。

李哲明云: "平"疑當作"牟", 形近而誤。"牟"通作

"舞",《孟子注》"舞麥,大麥也"。《詩·周頌》"來牟",《傳》云"牟,牟麥"。此其證。上言黍秣,此云牟麥,相配成文。

維遹案:張、李説是也。"牟麥之始"與上"黍秫之始" 文同一例。《詩·周頌·思文篇》"貽我來牟",毛《傳》"牟, 牟麥",《説文》作"彝",云"來雜,麥也",《孟子·告子上 篇》"今夫辨麥播種而耰之",趙《注》"辨麥,大麥也",此辨 麥連文之證也。《輕重乙篇》"九月種麥"與此亦合。趙用 賢以"平"字屬上讀,非是。

敢問齊國方屬方本幾何里

豬飼彦博云:"于"字衍。

丁士涵云:"于"即"方"字之誤而衍者。

于省吾云: "于"讀作"宇"。"方于"即"方宇"。左昭四年《傳》"失其守宇",《注》"於國四垂曰宇"。

維遹案:此文當作"敢問齊國方幾何里"。唐天后以 圀爲國,《玉篇》云"圀,古國字",卽指此而言。校者不曉 其義,遂改爲方字。于、方二形相近,又譌爲于字,變成今 本。"方幾何里"與下文答語"方五百里"正相應。

沫若案: 許說迂曲之至。"方于"當讀爲方輿。《易· 說卦》"坤爲大輿",《淮南·原道》"以地爲輿",宋玉《大言 賦》"方地爲輿,圓天爲蓋"。《史記·三王世家》"御史奏 輿地圖",《索隱》"天地有覆載之德,故謂天爲蓋,謂地爲 輿"。天圓地方,故地卽稱"方輿"。《輕重》諸篇乃漢人所 作,特變言爲"方于",以顯示其高古耳。

酒涯本作 龍夏

"鸿"古本、劉本作"池",朱本同。趙用賢本以下各本 均作"鸿"。

洪頤煊云:《山至數篇》"龍夏以北至海莊,禽獸牛羊之地也",此"濟"字本"海莊"二字譌并作一字。

王念孫云: 洪説是也。俗書"莊"字作"庄", (隸書莊字作注, 俗又省作庄。)因譌而爲"库",加》則爲"涟"矣。

安井衡云:"池"蓋亦邑,諸本作"浒",音義未詳。

張佩綸云:"海莊"當爲"海涯",此"涟"字乃"涯"字之壞,而上捝一"海"字。

沫若案: 張説不可從。下文"朝夕之所墆"爲海之潮 汐所侵蝕之地,既另列一項,則此不得爲"海涯"。"涟"乃 "海莊"之誤,仍以洪説爲是。一本作"池"者即"海"之壞 字。

其於齊國四分之一匪穀之厕里也

丁士涵云:"也"字上亦當有"非穀之所生"五字,與上下文一例。

朝夕於常之所墆逐齊地者五分之一非穀之所生也

豬飼彦博云:"朝夕",潮汐也。"外"字衍。墆、滯同。 言齊地濱海,故潮汐所浸者多也。

安井衡云:"朝夕"讀爲潮汐。外之, 遶其外也。

郭嵩燾云:"朝夕"即"潮汐"字,言近海之地爲潮灌輸出入,則不生五穀。《廣韻》"墆,止也",謂潮之所至,其外皆鹵地也。

何如璋云:"朝夕所墆","朝夕"即"潮汐"也,"墆",滯也。即下文之"斥",《書·禹貢》"海濱廣斥",是亦不生穀者。

一多案: 諸家讀"朝夕"爲潮汐,是也。"外"即"夕"之誤而衍。"墆"下當補"於"字。《說文》"滯,凝也"。《周語》"氣不沈滯",《注》"滯,積也"。《楚辭·涉江》"淹回水而凝滯",《注》"滯,留也"。"墆"與"滯"同。(《淮南子·時則篇注》"滯,止也",《廣韻》"墆,止也"。《法法篇》"财無砥墆"即底滯。)瀕海之壤,潮水之所冲刷,凝積而爲斥鹵,不宜耕種,故曰"潮汐之所墆……非穀之所生也"。

然則君善作非託食之主邪

古本、劉本"邪"作"也",朱本同。趙本以下各本"也" 均作"耶"。

俞樾云: "吾"字乃"君"字之誤。管仲謂桓公爲託食 之主,故桓公遽然起曰"然則爲之奈何"。

戴望云:"吾"乃"君"字誤。

潰之以辭

何如璋云:"潰"當作"謮",《説文》"謮,中止也",《玉篇》"譯也"。動言讀辭,施號令也。

張佩綸云:《詩·小旻》"是用不潰於成",《召旻》"草

木潰茂",《傳》"潰,遂也"。

李哲明云:"潰"當爲"漬",形近之誤。漬,猶染也,《通俗文》"水浸曰漬"。此言漸染之以辭,浸入其心也。

維遹案:《漢書·廣川惠王越傳注》"潰,決也",引伸 爲發。

一多案: 疑"潰"爲"淫"之誤,"淫"與"摇"通。下文作 "動言摇辭"(德鈞案: 本作"操辭",聞據王引之說改爲 "摇"也。)即承此言之。

沫若案:"潰"乃"繢"字之誤。古人於言與辭,混言之雖無别,析言之則言之成文者爲辭。故辭須藻繢。此言"動之以言,繢之以辭",下言"動言操辭",卽此意。"操"亦"藻"字之誤。因"藻"或作"繰",故誤爲"操"。《輕重甲篇》之"動言摇詞"則又由"操"誤爲"摇"耳。王引之據"摇"而改"操",適得其反。

君幣籍而務則賈人獨操國趣君穀籍而務則 農人 獨操 國固

馬元材云: "而務"即"爲務", 《荀子·王霸篇》"若夫 論一相以兼率之, 使臣下百吏莫不宿道向方而務", 楊 《注》"臣下皆以宿道向方爲務,不取姦詐也"。

沫若案:此處所謂"農人"當指地主言。謂如專以征 收貨幣爲務,則富商即將操縱金融;如專以征收穀物爲 務,則地主即將囤積食糧也。

君動言摇舞作辭

王引之云: "操"當作"摇", 摇辭卽動言, 古人自有複語耳。《輕重甲篇》云"動言揺辭, 萬民可得而親", 是其證。今本"摇"作"操"者, 涉上文兩"操"字而誤。

張佩綸云:《召旻箋》"潰茂之潰當作彙"。此本"動言 潰辭"一本作"彙",調而爲"操"。《甲篇》又調而爲"摇", 不能據彼改此。

沫若案: 張謂王説不足據,是也。但張説亦非, 説見上。(張書別見"潰辭亦操字之誤",蓋初意擬以"操"字爲正,後乃改易。然前後説均非。)

三敗殺君二重臣定社稷者吾此皆以狐突之地封者 也作孤

古本、劉本、朱本均作"孤"。宋本、趙本作"狐"。

戴望云: 宋本"孤"作"狐"。

吴汝綸云:"吾"當爲"五"。(屬上讀。)

張佩綸云:三敗,謂曹沫三敗。殺君,謂子般閔公。 二重臣,謂叔牙慶父。定社稷者吾,謂使高子將南陽之 甲,立僖公而城魯。

一多案:"此"即"皆"之誤而衍。

沫若案: "三敗"云云不知何所指,當是齊魯間之往事 爲史所闕佚。"此"字似不當衍。"此皆"者卽兼齊魯而 言,蓋謂兩國之封地犬牙相錯也。

及吾地亦有道乎

丁士涵云:"及"乃"反"字誤。

沫若案:此文上下當有脱簡或錯簡,文意不相連貫, 不宜强解。

君以織籍籍於糸本作系下同此下籍糸撫織再十倍其賈

古本、劉本、朱本均無第二"籍"字。宋本、趙本有。

戴望云:"君以織籍籍於系"元本無下"籍"字。

安井衡云:"系"當爲"糸",五忽爲糸,十忽爲絲。

何如璋云:"系"當作"糸",《説文》"糸,細絲也",徐鍇曰"一蠶所吐爲忽,十忽爲絲。糸,五忽也"。

張佩綸云: "系"當爲"糸"。《說文》"糸,細絲也,像束絲之形,讀若覛"。"未爲糸"當作"束爲糸"。司馬彪《輿服志》"凡先合單紡爲一糸,四糸爲一扶,五扶爲一首,五首爲一文"。

又云:"束爲糸"與"籍糸撫織"皆《注》文而誤作 大字。

一多案:"籍糸撫織"四字似非衍文,餘説均可從。

如此則六素質圖五穀之籍

趙用賢云: "云"疑當作"去"。

張佩綸云:劉(當作趙)說非也。《説文》"則,等畫物也","云"乃"六"字之誤,下捝"畜"字。"如此則六畜

五穀之籍"言以此等畫五穀六畜也。下文言五穀六畜是矣。

沫若案: "云"當爲"亡"。言籍於布、穀、六畜,則可以 無五穀之籍也。

籍於布則撫之系

沫若案: "系"字有誤,與下二句"山" "衍"不相爲類。 字當爲産麻之地,上文云"君守布則籍於麻",可證。準 此,殆爲"野"之壞字,本書《立政篇》"桑麻植于野"。

籍於穀則撫之山

張佩綸云:"山"當爲"屮",《説文》"屮,草木初生也, 象一出形,有枝莖也,讀若徹",《叀部》"屮,財見也"。

沫若案:"榖"當爲"榖"。山者蠶絲之所出,故云然。

籍於六畜則撫之術

何如璋云:"術"乃"衍"之譌。《小爾雅》"澤之廣者謂之衍",《山國軌》"梁渭陽瑣之牛馬滿齊衍"。衍者水草之區、畜牧之地,故籍六畜者必撫之於衍也。糸也(沫若案:"糸"當作"野"),山也,衍也,是謂"三原"。

張佩綸云: 術、遂通。《廣雅·釋言》"遂,育也",《齊語》"犧牲不略則牛羊遂",《注》"遂,長也",《漢書·禮樂志》"遂者,言皆生也"。 辛者布之始, 中者穀之始,遂者六畜之始,此所謂"三原"也。

管子曰以國一籍五^{本作}君^{本作} 守布萬兩而后^{本作}籍麻^{本作} 麻^{本有}十倍其賈^{本有符字}布五十倍其賈

丁士涵云: 當讀"以國一籍五"句,"臣"乃"五"字誤。 "君守布萬兩"句,"右"乃"君"字誤,上文云"君守布",是 其證。"而后籍麻"句,"麻十倍其賈"句,"布五十倍其賈"句。今本"籍麻"二字誤乙,又脱"麻"字,衍"四"字。"術"字宋本作"衍","衍"字係校語羼入。上文云"君守布則籍 於麻,麻十倍其賈,布五十倍其賈",是其證。

張佩綸云: "右守"之"右"當作"左",即上文所云"莫敢左右",《孟子》所謂"以左右顧而罔市利"也。"四十倍其賈","四"字衍。上文"君守布則籍於麻,十倍其賈,布五十倍其賈",是其證。校者注"衍"字於"四"字之旁,而此本不刊落"四"字,轉於"布五十倍其賈"上加一"衍"字,"四""衍"兩羨文均删。

沫若案:文意難曉。如"君守布","麻十倍其賈,布五十倍其賈"等語,與上文犯複,故此數語爲錯簡無疑。宋本出"衍"字,可見前人已知此等字句爲衍文。

如此而有二十齊之數本作

古本"二十"作"世",劉本、朱本同。趙用賢本以下各本均作"二十"。

丁士涵云: 朱本"二十"作"世", 蓋"廿"字誤。"故"乃"數"字誤。

吴汝綸云: 言視齊之舊日加二十倍也。

張佩綸云: "二十"朱本作"世",案"世"乃"卉"之誤, 《説文》"卉,三十併也"。

馬元材云: 吴説是也。故、古字通,謂所得贏利二十倍於齊之舊有收入也。此語似從董仲舒所云"力役三十倍於古,田租口賦鹽鐵之利二十倍於古"蜕化而來。

是故輕軼於賈穀制畜者則物軼於四時之輔

張佩綸云:"輕軼"當作"輕重",涉下"軼"字而誤。

沫若案:"輕"下脱"重"字。"則物"當爲"財物"。"輕重"與"財物"對文。"軼"與"佚"通,失也。賈穀制畜之道失其權衡,則財物之生聚失其時會。

湯之以高下

王念孫云:"湯"讀爲蕩。《陳風·宛邱》曰"子之湯兮"。

安井衡云:"湯"讀爲盪,盪,推也。

維通案: 王説是也。"湯"古"蕩"字,《論語》"君子坦蕩蕩",鄭注《魯論》作"坦湯湯"。《詩·宛丘篇》"子之湯兮", 毛《傳》"湯, 蕩也"。王逸《楚辭注》引此詩"湯"作"蕩"。

一可以爲田田可以爲百

王念孫云: "一可以爲百"當作"一可以爲十,十可以 爲百",《山權數篇》云"徐疾之數,輕重之策,一可以爲十, 十可以爲百"(此二句篇中凡兩見),是其證。

物之生未有刑

古本"刑"作"形",劉本、朱本同,趙用賢本以下各本均作"刑"。

戴望云:朱本"刑"作"形"。

吴汝綸云:"刑"當爲"形"。

江瀚云:"刑"與"形"同。

一多案:"刑"讀爲形,朱本正作"形"。

沫若案:諸家均在"刑"字上咀嚼,似於原語並未得其確解。《輕重篇》所言乃經濟範圍內事。"物之生"者謂貨物之生産或貨物之經營。"生"乃"治生"之生,非生死之生。《史記·貨殖傳》引白圭曰"吾治生(生下本有産字,據《漢書》刪),猶伊尹、吕尚之謀,孫、吴用兵,商鞅行法是也。故智不足與權變,勇不足以決斷,仁不足以取予,彊不能以有守,雖欲學吾術終不告也"。又言"蓋天下言治生者祖白圭"。知此,則可知"物之生未有刑"之確解。刑當讀爲型,言治生之道貴通權變,本無定型。顧雖無定型,能通權變者則能掌握之,故曰"而王霸立其功焉"。"伊尹、吕尚之謀,孫、吴用兵,商鞅行法",用於治生則爲富商蓄賈;用於治國則爲"王霸"。小大不同,其術則一。

以人求人則人重矣以數求物則物重矣

沫若案:上"人"字當爲"仁",與下句"數"字對文。人 爲財物生産之要素,故須求之以仁,而貴重之。

舉國而一則無貲舉國而十則有百

沫若案: "舉國而一"尅就求人言,謂舉國如一,則獲利不可計量。"無貲"者如《山權數篇》北郭之龜名"無貲"之寶。"舉國而十"尅就求物言,謂生産繁榮,經營多方也。

是以外内不踡

豬飼彦博云:"踡",屈也。

何如璋云:"踡"當作"倦","外内不倦"是能通其變也。

張佩綸云:當作"倦",《易》"通其變,使民不倦",《説文》"倦,勞也"。

沫岩案: 豬飼說得之,"外内不踡"即對內對外均無 虧損,不當破字。

王霸之不求於人而求之終始四時之高下 令 之 徐 疾 而 已矣

沫若案: "之不求於人"當爲"亡不求於人",古往今來 未有不得人而能王霸者。至如何求之,其全部過程("終 始")則在順四時之高下,行政令之疾徐而已。

守物之終始歷身不竭

王念孫云: 身上當有"終"字,上文"終身無咎"卽 其證。

豬飼彦博説與王同。

陳奂云: "終始"二字互倒。"守物之始,終身不竭", 四字爲句。

張佩綸云: 兩説均可從。

沫若案:以陳説爲是。"守物之始",即《乘馬數篇》 "王國守始"之意。原文四句,句各四字,有韻(竭、歇、竭 爲韻),不應於第三句獨爲五字句也。

輕重戊篇第八十四

虑戲作造六全以迎陰陽

"六盎"古本作"大陸"。劉本、朱本、趙用賢本以下均作"六盎"。

洪頣煊云:"峜"當作"金","金"古文"法"字。

莊述祖云: "崟"當作"金",古"法"字。亦通政,《大戴·盛德篇》有"六政",疑即"六金"。

俞正燮云:下有"九九之數",則"峜"計字也。

戴望云:《路史·後紀》一引作"六畫"。

何如璋云:"峚"音計,王若谷以爲卽計數之計(説見下)。按八卦始於處戲,六峚者六氣,卽陰陽風雨晦明也。故云"以迎陰陽"。造者製爲推測之器以驗之。《莊子·逍遥遊》"乘天地之正而御六氣之變",卽此義也。處戲法日月而作《易》,觀天象以造歷,演九九以作數,天道明焉,人文啓焉。

張佩綸云:明十行無注本此"六卷"作"大陸","大陸" 乃"八卦"二字之誤,周循六宏乃"六爻"之誤,"九九之數" 《周髀經》"矩出於九九八十一"。

唐蘭云:"峜"當爲"旋"字、卜辭金文並作"旋",古文

"从"或作片,故隸變作"崟","峇"又"峚"之譌也。六旋者六園也。疑六爻古或畫爲六園,故因以爲名也。

一多案:《路史注》引本不作畫,今本乃後人妄改。知 之者,原《注》云"畫,舊云古畫字,蓋法字爾。古文爲畫,亦 爲法"。既曰"舊云古畫字",是字本不作畫明其。疑羅氏 所引仍作"峚",後人以爲古"畫"字,遂擅改之如此。諸家 成謂羅引《管子》作畫, 豈未讀全《注》耶。據《注》,羅仍讀 此字爲法,又莊述祖以爲當作"金",古文"法"字,其說並 是。案《説文》"灋"古文作"念",今文作"法",以齊刀幣 "法貨"字作"去"推之,是灋、法並從去聲,"去"本一讀方 乏切也。(《大孟鼎》"瀍保先王",《秦公殷》"保攀氒秦", "保爨"即"灋保"。"攀"亦以去爲聲,故與"灋"通用,舊釋 業,非是。) 峚、金及下文崧字("周人之王循六恣") 疑皆念 之誤。"ځ"從去從止,當與"趺"同字, 古讀一與法同音, 故得借爲法也。又《説文》"爱,匘蓋也,讀若范",疑亦卺 之譌變,從灭爲恣之省,從夕與止同。訓"匘蓋"者, 告象 器蓋形,本亦古"蓋"字,此從赤省,故以爲匘蓋之名。讀 若范者,正與法音近。然則謂峜卽許書麥字,假借爲法, 亦無不可。六法者,《易通卦驗》上篇説 處戲作《易》而文 王演之,孔子贊之,下文列敍"法曰乾"、"法曰離"、"法曰 艮"、"法曰兑"、"法曰坎"、"法曰坤"(今本敍次譌互,從孫 治讓校正)。後文鄭《注》云"著六法,則以乾爲始,坤爲 終",又云"故此六法以乾坤爲終始",是八卦古有六法之 稱。(六爻之義蓋本如此。)此曰"虙戲作造六法",下文曰 "周人之王循六法",謂處戲始作卦而文王演之耳。羅、莊、 戴三氏知"崟"即"法"字,而不能質言六法之義,唐氏知六 峜與八卦有關而誤認"崟"爲"旋"字,此其説皆得失參半, 惟莊氏後説以爲六政,則遠失之。

沫若案: "六盗"古本作"大陸", 甚可貴。"盗"當是"查"(查)字之譌, 故書因以"陸"爲之。"大坴"者卽乾坤六法之謂,猶易稱"大易",道稱"大一"也。各本"大"均誤爲"六"。下文"周人之王循六恣合陰陽"亦爲"大壶"之誤,古本亦誤。

神農作樹五穀於淇山之陽

戴望云:《路史·炎帝紀注》引"樹"作"種","淇"上有"于"字。

張佩綸云: 淇山, 《漢志》"河内郡共, 故國。北山, 淇水所出, 東至黎陽人河", 《説文》"淇水出河内共北山, 東人河。或曰出隆慮西山", 《水經》"淇水出河内隆慮縣西大號山"。

一多案: "榖"下脱"於"字,《路史·後紀》三《注》引正作"於淇山之陽"。

燧人^{本作}作鑽鐩生火

戴望云:《御覽・火部》二引"生"作"出"。

陳立云:下又云"黄帝之王童山竭澤",當是訛燧人爲 黄帝也(《白虎通疏證》二《號篇》)。 張佩綸云:"黄帝作"當作"燧人作",涉下"黄帝之王" 而誤。句容陳立《白虎通疏證》亦以《管》書誤"燧人"爲 "黄帝"。

又云:《禮》說燧人在神農前,《書》說燧人在伏羲前,《禮疏》引《六藝論》及《易緯》鄭《注》均以燧人在伏羲之前,惟《白虎通》第一説與此篇合。然以本書考之,《封禪篇》言伏羲、神農、炎帝、黄帝,不及燧人,《揆度》言自燧人以來下及共工、黄帝而不言伏羲、神農,是本書之例若難整齊畫一。應劭《風俗通》又云:《易》稱伏羲、神農,"獨叙二皇不及燧人,燧人功重於祝融女媧,文明大見,《大傳》之義,斯近之矣"。竊謂三皇自當主伏羲、神農、燧人之説,《封禪》之炎帝疑即燧人,《大傳》所謂以火紀者也。《揆度》蓋有捝誤,當以此篇爲正。《白虎通》第一説必西漢經師舊義,與此適合,是其證矣。

一多案:《路史·後紀》三《注》引此文,曰"此正言炎、 燧改火事,字誤爲黄帝(本作故),下乃言'黄帝之王,童山 竭澤'云云,可見"。是此文黄帝爲燧人之誤,羅苹實首發 之。又《路史注》引作"鐵燧生火",今本作"鐩",疑涉"鑽" 字誤書從金。

以熟葷臊

戴望云:《路史注》引作"腥臊"。

一多案: 葷猶腥也。《説文》"葷,臭菜也","胜,犬膏臭也"。《周語》"其政腥臊",《注》"腥,臭惡也"。胜、腥同。葷、腥並有臭義,故得通稱。《莊子·人間世篇》"顏

回日:回之家貧,唯不飲酒,不茹葷者數月矣"。案回雖貧,何至並葱薤之屬亦無之?此葷謂腥耳。今相承猶謂肉類爲葷。本書葷臊卽腥臊無疑。《路史・後紀》三《注》引作"腥臊",蓋以意改。

無胘兹作閒之病

孫星衍云: «北堂書鈔»一百四十二、《太平御覽》七十九引"兹閒"作"腸閒"。 《集韻》"胃"古文作"閒"。

戴望云:《御覽·皇王部》四引"兹精"作"腸胃", 《集韻》"胃,古文作閒",《路史注》引作"無腥閒之疾"。

張佩綸云:"兹閒"當作"兹胃"。《說文》"兹,草木多益",引申之,凡物之多益皆曰滋。《說文》曰"滋,益也","兹","滋"省。經典"滋"多作"兹"。《吕氏春秋·重己篇》"味眾珍則胃充,胃充則中太鞔,中太鞔而氣不達,以此長生不得也"。胃充即此兹胃之疾也。

一多案: "兹"當爲"胘",字之誤也。《廣雅·釋親》 "胃謂之胘",(曹憲"胘音弦"。王氏《疏證》"本作肚",不知何據。)《類篇》引《通俗文》"有角曰胘,無角曰肚,一曰胃之厚肉爲胘",《字鏡》"胘,肚也",《萬象名義》"胘,胃厚"。胘閒之病即胃疾耳。(張佩綸初亦謂"兹"爲"胘"之誤,後又引《吕氏春秋·重己篇》"味眾珍則胃充",云兹閒即胃充,不必改字。案張氏後説迂曲難通,必舍彼而從此,欲以何明?)

燒曾藪

安井衡云: 曾、層同,"層",重也。"重藪"爲大藪。

民始始民知禮也

吴汝綸云:"始民"當互倒。

何如璋云:當作"民始知禮",文義爲順。

民無愠惡不服而天下化之

戴望云: 《路史·炎帝紀注》引無"而天下化之"五字。

吴汝綸云:"愠"當爲"蕴"。

夏人之王外鑿二十亩韘十七湛

豬飼彦博云:"韓"當作"渫",通也。

鄒漢勛云:《説文》"允,水廣也", 寅,同允。沈、湛、 溽、潭,古通字。韘,同渫。(《讀書偶識》。)

何如璋云:"韓"當作"渫"。《荀子·成相》"北決九河,通十二渚,疏三江",《吕覽·長攻》"若燕秦齊晉山處陸居,豈能踰五湖九江越十七阸而有吴哉?""湛"或是"阸"之譌,又疑"渚"之譌。

張佩綸云:"寅"當爲"允"。《說文》"允,水廣也,《易》 曰:包允用馮河"。"韓"當爲"渫",形聲相似而誤。《説文》"渫,除去也"。"湛"讀曰沈,《說文》"沈,陵上滈水也"。 章炳麟云:"外"字總舉以下諸事。"寅"字斷句,"寅" 疑"允"之誤,或"充"之借。虞氏《易·泰》九二"包允",《注》 "允,大川也"。"韘"借爲"渫",《易·井》九三"井渫",向 《注》浚治去泥濁也"。"湛"者,《文選注》引《倉頡篇》云 "湛,水不流也"。然則此謂鑿二十大川,浚十七停污不流 之水也。文與下文"疏三江,鑿五湖"一例。惟彼實指水 名,此則泛言水之形埶耳。

内疏三江鑿五湖

一多案: "疏"上疑敚"内"字。"内疏三江,鑿五湖"與 "外鑿二十允,渫十七湛"對舉。

沫若案: 上文"外"字當是衍文,"内"字更不應有。

道四涇之水本有商九州之高

古本"商"作"敵",劉本、朱本同。趙本以下各本均作"商"。

戴望云:朱本"商"作"敵","涇"當爲"瀆","商"當作 "奠",皆字之誤。

俞樾云:"商"當爲"障"。古音商與章近。《尚書·粜誓篇》"我商賚女",《釋文》曰"商,徐邈音章",是也。障從章聲,故得以商爲之。《吕氏春秋·勿躬篇》"臣不如弦章",《韓子·外儲説》作"弦商"。然則以商爲障,猶以商爲章矣。

張佩綸云:"四涇"當作"四瀆"。"道四涇之水以商九

州之高以治九藪"疑"之高"上棁五字。"以商九州"、"以 治九藪"對文。或"之高"爲"羡"字,或"九藪"下奪二字, 今無從攷正。

維適案: "商"讀爲章。《韓非子·外儲説左下》"弦商"《吕氏春秋·勿躬篇》作"弦章",《荀子·王制篇》"審詩商"即審詩章,是其證。《吕氏春秋·大樂篇》高《注》"章猶形也",朱本"商"作"敵",誤。戴云"商當爲奠",亦非。

一多案:《度地篇》"水之出於山而流入於海者命曰經水,引於他水,入於大水及海者命曰枝水",《素問·離合真邪論》"地有經水",《注》"謂海瀆渭湖沔、汝、江、淮、漯、河、漳、濟也"。《莊子·秋水篇》"涇流之大,兩涘渚涯之間不辨牛馬",《釋文》"涇,崔本作經"。"四涇之水"即四經水,亦即四瀆也。《秋水篇》司馬《注》"涇,通也"。《風俗通·山澤篇》"瀆者,通也"。涇、瀆義同,(今吴地猶呼溝瀆爲涇,如采蓮涇之類,説見朱氏《説文通訓定聲》。)故四瀆一曰四涇。戴、張二氏改"涇"爲"瀆",偵矣。"商九州之高"上不當有"以"字,此涉下文而衍。

沫若案:依古本、劉本及朱本"商"作"敵"推之,原本當作"敲"。敲者,厚也,大也。作爲動詞用時則爲使之厚大。

殷人之王立阜常牢服牛馬以爲民利

王念孫云: "帛"當爲"阜",字之誤也。(《史記·五宗

世家》"彭祖衣卓布衣",《漢書·景十三王傳》阜誤作帛。) 阜以養馬,牢以養牛,故曰"立阜牢,服牛馬"。

何如璋云:《國准篇》"殷人之王,諸侯無牛馬之牢,不 利其器",與此文異。足徵戰國時學術不明,言古事者各 習所聞,家異而户不同也。

張佩綸云: 王説非也。《公羊》桓八年《傳》注"牛羊豕凡三牲曰太牢,羊豕凡二牲曰少牢",此言"帛牢"猶它書言牲幣耳。《周禮·肆師職》"立大祀用玉帛牲牷,立次祀用牲牷,立小祀用牲",立帛牢,立祭祀之禮,殷人尚鬼也;服牛馬,乘殷之輅也。立帛牢以爲民利,《左氏傳》季梁所謂"上思利民,先成民而後致力於神",是也。服牛馬以爲民利,《易》所謂"服牛乘馬引重致遠以利天下",是也。殷制最善,故管氏獨舉之,猶孔子之稱殷輅。若如王説,殷人但立養馬之阜,養牛之牢,以爲王天下之基,不亦戾於理平。

維遹案: 王説是也。趙本正作"阜", 當據改。(沫若案: 明刻本仍作"帛",清刻本乃依王説而改正者。)

沫若案:何說有未深考。《國准篇》所言乃殷之諸侯 無牛馬之牢,非謂殷王室無牛馬之牢也。兩篇合看,可知 殷之王室服牛乘馬以爲專利耳。

周人之王循六盎本作合陰陽而天下化之

洪頤煊云:"忐"當作"金"。

安井衡云:《字典》引"崧"作"峚",是也。

戴望云:"凇","金"字之誤。

張佩綸云:"循六爻合陰陽"謂文王作《易》。武王訪 《範》,公旦制《禮》,胥本於此。

沫若案:"六恣"當作"大坴",說詳上。

并用而毋俱盡也

何如璋云:"俱"字衍。《國准》作"兼用五家而勿盡", 此文所引有七,故不云五家,然足證"俱"字爲衍也。

行義奈何行上本

王念孫云:"其"字涉上文"公其行義"而衍。

魯梁之於齊也

安井衡云:春秋有梁,地近秦,秦伯滅之。《輕重》諸 篇固不足信,然至地理必不以絶遠之梁爲近在泰山之陽, 此梁蓋魯邑之接齊境者,下文因稱其長爲魯梁之君,非 魯、梁二國也。

張佩綸云:魯、梁二國,地不相接,春秋時梁國近秦, 《漢志》"左馮翊夏陽地"。《左氏傳》襄公十八年"楚鋭師 侵鄭費滑,獻於雍梁",三十三年"鄭伯有奔雍梁",江永謂 "雍卽雍氏,梁者,漢河南郡之梁縣"。哀四年"楚爲一昔之期,襲梁及霍",杜《注》"梁,河南梁縣西南故城"。《漢志》"河南郡梁縣黑狐聚,秦滅西周,遷其君於此"。亦與齊、魯甚遠,惟《漢志》"東平國,故梁國,治無鹽,莽曰有鹽,屬兖州,在今泰安府東平州東三十里",所謂"故梁國"者,乃漢之梁孝王故國,非春秋梁國。此節卽漢人僞託《管子》,不應並漢郡國不知而疏舛若此。

金廷桂云:春秋之梁,周平王少子康所封國,在夏陽, 西近秦,國小而遠於齊,何足爲齊患?《地數篇》並言梁 趙,蓋指三晉之魏、趙言,當管子時未爲國也。殆傅玄所 謂好事者爲之。

馬元材云:張氏以梁爲漢梁孝王故國,極爲有見,考 《漢書·文三王傳》,梁孝王武以孝文二年,與太原王參, 梁王揖同日立,武爲代王。四年,徙爲淮陽王,十二年,徙 梁。又云"漢立太子^{秦在景}梁最親有功,又爲大國,居天 下膏腴,北界泰山,西至高陽,四十餘城,多大縣"。又 《賈誼傳》"梁王勝死,誼上疏曰:臣之愚計,願舉淮南地以 益淮陽,而爲梁王立後,割淮陽北邊二三列城與東郡以益 梁,不可者,可徙代王而都睢陽。梁起於新郪以北著之 河,淮陽包陳以南捷之江,則大諸侯之有異心者破胆而不 敢謀。梁足以捍齊、趙,淮陽足以禁吴楚,陛下高枕,終無 山東之憂矣。文帝於是從誼計,乃徙淮陽王武爲梁王,北 界泰山,西至高陽,得大縣四十餘城"。據此,則北界泰山 之梁,至文帝十二年,用賈誼言始有之。今此文言梁及魯 既皆在泰山之陽,更足證其所謂梁者不僅爲近齊之梁而非近秦之梁,而且確爲漢文帝時"割淮陽北邊二三列城與東郡以益梁,而起於新郪以北著之河"以後北界泰山之梁。然則本書之作,至早不得在漢文帝十二年徙淮陽王武爲梁王以前。

千穀也蠭螫也齒之有唇也

古本"干"作"干", 劉本、朱本、趙用賢本以下各本均作"干"。

尹知章云:"蠭",古"蜂"字。螫,音尸亦反。言魯、梁二國常爲齊患也。

趙用賢云: "千"一本作"子"。

俞樾云: "千"一本作"子", 當從之。"子穀", 蓋穀之 不成者, 猶言"童蓈"矣。《説文・艸部》 蓈篆下云"禾栗之 采, 生而不成者, 謂之童蓈"。子穀、童蓈, 其義一也。

王紹蘭云: "千穀"蓋"干敿"之譌。《説文》"敵,繋連也"。引《周書》"敿乃干"。此言干不可無敵,蜂不可無螫,齒不可無脣,以況齊不可無魯、梁。因欲服而下之,以爲齊有矣。

何如璋云:《通典》引此只"蠭螫"二字,"千穀"字無義,脣齒之喻不一類。尋《注》僅釋"蠭螫",是"千穀""齒脣"二句或唐以後所加,當據《通典》删去。

金廷桂云:"千穀"疑作"車轂",如車之有穀也。三句言其利害關係之切。

一多案: 尹《注》云"言魯、梁二國常爲齊患",是"齒之有脣"當作"齒之有焉"。《說文》"鴉,齒蠹也",重文作齲。 淺人習聞脣齒相依之喻,因改"焉"爲"脣",失其義矣。

沫若案: "千穀" 即"蜂螫"二字之壞殘,蓋一本壞爲 "千穀",一本作"蜂螫",後人乃並録之。"齒之有脣也"不 誤,蜂去螫則死,齒無脣則寒,故連類而及。《通典》無齒 脣句者,乃因誤解蜂螫爲患害而删去之。

今吾欲下魯梁

林圃案:《通典》十二引無"今"字。

公因令齊勿敢爲

林圃案:《通典》十二引無"公"字。

什至而金三千斤

林圃案:《通典·食貨》十二引"什"上有"子"字。

則是魯梁不賦於民屆財用足也

王念孫云:"財用"上脱"而"字。下文云"則是楚不賦於民而財用足也"卽其證。

曳炸橋而踵相隨

尹知章云:"絏繑"謂連續也。絏,息列反。繑,丘喬反。 豬飼彦博云:"絏繑"與"曳屩"同,屩,履也。

王念孫云: "繑"與"屩"同。(《集韻》"屩或作繑"。)

"絏"當作"曳",曳,引也,言引屬而踵相隨也。今作"絏"者,因"繑"字而誤加糸耳。尹《注》非。

車轂醫騎連伍而行

尹知章云:"鬶",齧也,士角反。言其車轂往來相齧, 而騎東西連而行,皆趨綈利耳。

安井衡云: 騎始於趙武靈王胡服, 然宣十二年邲之 戰,趙穿以其良馬二濟其兄與叔父,則古未必無騎法。但 如"騎連伍",春秋之時恐未有焉。

桂馥云:《説文》"齺, 醋也"。"醋, 齧也"。《注》與醋義合。但"齧騎"未安。《説文》又云"齺, 一曰馬口中橜也","齺騎",言馬連伍受橜。司馬相如《諫獵書》云"猶時有銜橜之變",張揖曰"糜, 騑馬口長銜也"。

沫若案: 以尹《注》爲是,"齺"字當屬上讀。

應聲之正無以給上

尹知章云:"應聲之正"謂急速之賦。"正"音征。

宋翔鳳云:"正"同"征"。

李哲明云:"聲"疑當作"穀"。緣俗書"穀"或爲"菜", 與聲字形近,因誤。

沫若案: "應聲之正"本篇中凡三見, 尹謂"急速之賦", 意指爲額外稅, 於理不合。蓋魯、梁之民既"餓餒相及", 卽正規稅亦應無以付矣, 何能付及額外稅? 余謂"聲"假爲"程", "應程之征"卽法定之正規稅也。古"聲"字或假爲"聖"。"聖"從壬聲, "程"從呈聲而呈從壬聲。故

"聲"既可假爲"聖",亦可假爲"程"矣。(古程字亦逕作 呈。)

魯梁之人糴十百齊糶十錢

古本、劉本、朱本作"齊糴十錢",趙本作"糶",同宋楊 忱本。

尹知章云:"耀十百", 榖斗千錢。"糶十錢", 榖斗十錢也。

安井衡云: 古本"糶"作"糴"。

馬元材云: 尹《注》"斗千錢"、"斗十錢", 當作"石千錢"、"石十錢"。下文"趙糴十五, 隰朋取之, 石五十", 即以"石"言, 可證。

沫若案: 正文有誤。"糴十百"當爲"糴石百"。如此 方近情理。

二十四月

孫星衍云: «通典»十二引作"周月"。

桓公問於管子曰

一多案:"問"下當補"於"字。

室屋漏而不治居

王念孫云: "居"當爲"治",字之誤也。《齊民要術》 一、《太平御覽·木部》一引此,並作"治"。下文"室屋漏 者得居"二書"居"亦作"治"。

沐涂樹之枝也

宋翔鳳云:《檀弓》"沐椁",鄭《注》"沐,治也"。此云"沐"者,亦謂脩治去其枝也。《孟子》"若彼濯濯然",與沐同義。

林圃案:《齊民要術》種桑"栽後二年,慎勿採沐",種 榆"初生三年,不用採葉,尤忌捋心,不用剥沐",《注》云 "剥者長而細,又多瘢痕,不剥則短麄而無病,諺曰'不剥 不沐,十年成穀'。言易麄也"。觀此"採沐","剥沐"並 言,蓋古農家者言治樹之術語,即今之剪枝也。

令謂左右伯

張佩綸云:《周禮》"宫伯"《注》"伯,長也",《國語》"司空視塗",章《注》"司空,掌道路者",則此左右伯,司空之屬。案古者列樹表道,左右伯沐涂樹之枝,殆亦治道之一端。

馬元材云: "左右伯" 之名於古無聞, 王莽時始有之。 《漢書·王莽傳》 "始建國二年甄豐子尋爲侍中京兆大尹 茂德侯, 即作符命。言新室當分陝立二伯, 以豐爲右伯, 太傅平晏爲左伯, 如周召故事。莽即從之, 拜豐爲右伯"。 今此以左右伯並稱, 其爲王莽時人所作, 甚明。

沫若案:馬説有未照。《禮·王制》"八伯各以其屬屬 於天子之老二人,分天下以爲左右曰二伯"。王莽故事即 做此。以此作爲《輕重》諸篇作於王莽時之證,殊欠斟酌。

林圃案:《齊民要術》引此文無"伯"字。

閱屬本作其年

安井衡云:"闊", 疏也。枝既沐故疏。("闊"字上屬 絶句。)

俞樾云:"闊"字無義,乃"閱"字之誤。"其"讀爲朞, 古字通用也。此當以"閱朞年"三字爲句。尹氏以"闊"字 屬上讀,《注》云"闊,涂也",非是。

民被白布

古本、劉本、朱本"布"作"而"。趙用賢本以下各本均同宋本作"布"。

戴望云:"白","帛"假字。

張佩綸云:"白","帛"省。

林圃案:《齊民要術》卷一引此文作"民被布帛"。

清中而濁阴

王紹蘭云:"濁"當爲"潤",以形而譌。

張佩綸云:《素問·經脈別論》"食氣入胃,濁氣歸心",王砅《注》"濁氣,穀氣也"。

一多案:"濁"下敚"外"字。

室屋漏者得治療

王念孫説"居"當爲"治",詳上。

以其不捎也指或

古本、劉本、趙本、朱本均作"琑"。

戴望云:宋本"垱"作"捎"。

王念孫云: "增"當爲"俏","俏"與"肖"同。 (《列子·力命篇》"佹佹成者俏成也",張湛《注》"俏、似也",《釋文》云"與肖字同"。又《楊朱篇》"人肖天地之類",《釋文》"作俏"。)言此息於樹下者皆游惰之民。故曰"齊者,夷萊之國也,一樹而百乘息其下者以其不肖也"。下文"三不歸"皆承"不肖"言之。宋本作"捎",《齊民要術》作"稍",皆"俏"字之譌。

宋翔鳳云: 宋本"垍"作"捎","蛸"字,字書所無,作 "捎"是也。《説文》"捎,自關以西凡取物之上者爲撟捎", 則捎謂芟其上枝,不能密陰。不捎則不芟也。

安井衡云:"蛸"當爲"捎",捎, 芟也。

俞樾云:"蛸"當從宋本作"捎",《考工記·輪人》"以 其圍之阞捎其藪",鄭《注》曰"捎,除也"。此言一樹而百 乘息其下者以其不捎除之,故下文曰"今吾沐涂樹之枝, 日中無尺寸之陰",正是捎除之也。

丁壯者胡丸操彈居其下

戴望云:"胡"乃"懷"字誤,《輕重丁篇》正作"懷"。

張佩綸云: 胡、懷形聲俱不近。疑"胡丸"當作"攝丸"。"攝"俗作"挕",與胡形近而誤。《楚策》"左挾彈,右攝丸",《易林》"公子王孫,把彈攝丸"。

又云:《廣雅》"袺謂之砌, 襭謂之裹", 王氏《疏證》引此云"胡與湖通", 馬瑞辰《毛詩傳箋通釋》云"湖蓋亦懷意"。案《爾雅》"執袵謂之洁", 毛《傳》同, 似胡丸訓爲執

丸。馬氏謂袎卽裹意,失之。

維遹案: 戴、張説均非。"胡"與"糊"通, 糊有懷義。 《廣雅・釋器》"袺謂之湖, 襭謂之襄", 王氏《疏證》引此文 云"胡與湖通"是其證。

林圃案:《齊民要術》卷一引此"胡"作"挾"。

父老柎枝而論

古本"村"作"拊",劉本、朱東光本同。趙用賢本以下各本均作"村"。

李哲明云:"村"者"拊"之借字, 拊, 猶撫也。

林圃案:《齊民要術》卷一引此文"柎"作"拊",與古本同。

歸市置亦惰倪終日不歸

王念孫云: "歸市"下當有"者"字, "歸市者"對上文 "丁壯者"及父老而言。

何如璋云:"倪"當作"睨",謂惰歸坐樹下,睨而相視也。

馬元材云: "惰倪"二字,又見《管子·正世篇》,其言曰"力罷,則不能無墮倪",墮即惰字之誤也。"倪",于省吾云: 應讀作繭,《易·困》九五"劓刖",《釋文》"鄭作倪伔",《文選·長笛賦》作"槷刖",是"倪"與從埶之字相通也,《書·堯典》曰"歸格於藝祖",《大傳》"藝"作"禰",又"柔遠能邇",金文作"頗遠能轶","轼"即"執",今作"藝","倪"既通槷,"執"又可讀禰讀邇,則"倪"亦可讀邇明矣。

倪、薾疊韻,並支部字,"薾"亦作"茶",《説文》作"闢",云 "智力少劣也",惰薾謰語。《莊子·齊物論》"薾然疲役而 不知其所歸",是薾爲疲役貌,正與惰義相因。

沫若案:"歸市"二字當是"婦女"之譌。《輕重乙篇》 沐途樹節言"男女相好"或"男女當壯",此言"丁壯者胡丸 操彈居其下","胡丸操彈"非婦女所爲,故别出之。

日中無尺寸之陰

林圃案:《齊民要術》卷一引此作"日方中無尺陰"。

出入者長時

張佩綸云:《廣雅·釋詁》"長,常也",言出入有常時。 沫若案:長謂尚也,重也。《侈靡篇》"好獵之君長虎 豹之皮",同例。

父老歸而治生

林圃案:《齊民要術》卷一引此"生"作"産"。

丁壯者歸而薄業

安井衡云:薄,勉也。

李哲明云: 疑當作"摶業","摶"讀專,本書屢見。形 近誤薄耳。

馬元材云: 薄, 《方言》"勉也, 秦、晉曰釗, 或曰薄, 故其鄙説曰薄努, 猶勉努也"。"薄業", 謂勉力於作業 也。 林圃案:《齊民要術》卷一引此"薄"作"有"。

彼以常作歸其三不歸此以鄉不資也

張佩綸云:"彼臣"當作"彼民"。

一多案: "臣"爲"目"之譌。"彼以"與"此以"對舉。

萊莒與柴田相幷

安井衡云: 莒大邑, 故與萊並稱。"與柴田相弁"者, 幷有柴與田也, 言其力强。一說: 幷, 合也。萊多薪, 莒多 田, 以柴田之利相合以防齊, 故桓公憂而問之。

王紹蘭云: "與"通"以", "柴"者"茈"之假字。《輕重 丁篇》"昔萊人善染, 練茈於萊純錙", 其證也。

沫若案: 疑當作"柴與田相幷"。鑄幣需柴,故重柴價 以誘萊、莒,使其田輟耕。"柴"字不得說爲茈,王説誤。

柴者吾國之奇出也

豬飼彦博云:"奇",餘也。

馬元材云:"奇",特也。"奇出"猶今言特産。

一多案:"奇",餘羡也,詳《禁藏篇》"旁入奇利"條。

萊莒之糴三百七十齊糶十錢

沫若案:"三百七十"當是"石百七十"之誤。

楚者山東之強國也

何如璋云: 楚地以太行計在汝、漢之南,不得言山東。

由齊而計亦不當言山東, 殆秦人語耳, 僞託無疑。

張佩綸云:山東,《日知録》"古所謂山東者,華山之東。《管子》言:楚者,山東之強國也。《史記》引賈生言:秦幷兼諸侯,山東三十餘郡。《後漢書·陳元傳》言:陛下不當都山東(原《注》:謂光武都洛陽)。蓋自函谷關以東,總謂之山東(唐人則以太行山之東爲山東,杜牧謂山東之地,禹劃九州曰冀州是也),而非若今之但以齊、魯爲山東也"。錢氏大昕云"《漢書·儒林傳》:伏生教齊、魯之間,齊學者由此頗能言《尚書》,山東大師亡不涉《尚書》以教。《酷吏傳》,御史大夫宏曰:臣居山東爲小吏時,甯成都尉。是漢時亦以齊、魯爲山東"。佩綸案以秦爲山西,五國爲山東,自是秦、漢之際語。《史記·晉世家》"冬十二月,晉兵先下山東而以厚封趙衰",是春秋以太行界,秦、晉皆山西,而楚亦可稱山東也。

沫若案:何説近是。《管子·輕重》諸篇乃漢文、景問人所作,故時作漢人語。張佩綸立説恆游移於兩端,每每不衷一是,此亦其一例。

卽以戰鬥之道與之矣

陶鴻慶云:與,當也,亦敵也。襄二十五年《左傳》"一 與一",《莊子・天下篇》"惠施曰:以其知與人之辯",義並 同。

公貴買其鹿

420

安井衡云: "公"當爲"君",下章"公其""公貴""公因"

之"公"同。

桓公卽爲百里之域城中使人之楚買生鹿

安井衡云:"城"非所以置鹿,"城"當是"囿"字誤。

維適案: 城、囿形不近,無緣致誤,疑"城"當作"域", 二形相近,古書往往互譌。《楚語》"王在靈囿",韋《注》 "囿,域也",則域亦囿也,《詩・靈臺傳》"囿者,所以域養 鳥獸也"。

一多案: 許說是也。域、囿聲近字通,猶"或"一曰 "有",九域一曰九有也。

沫若案: 抄本《册府元龜》卷七百三十六,"城"字作"城",不成字,蓋本作"域",因誤衍一筆,故刻本訛爲"城"也。

楚生鹿一而當本作當八萬

俞樾云:此本作"楚生鹿一而當八萬",言一鹿直八萬 泉也。傳寫者誤移"當"字於"一而"之上,義不可通。又 下文"子爲我致生鹿二十,賜子金百斤",是一鹿直金五斤 也,而當八萬泉,則金一斤直泉一萬六千,蓋金一兩而泉 一千也。《漢書·食貨志》曰"黄金重一斤,直錢萬",是春 秋時金價貴於漢也。

馬元材云:"楚生鹿當一而八萬"乃楚國原有之市價。 "二十鹿賜金百斤"則爲特高其價而致之,即所謂"貴買其 鹿"者,不得謂金五斤即當八萬泉也。且本書爲漢人所 作,與春秋時代亦無關。

毓棠案: 俞説誤。《輕重甲篇》曰"金賈四千",又曰"金賈四千,則二金中八千也",是齊之金一斤直錢四千明矣。下文"子爲我致生鹿二十,賜子金百金"者,但言提高其賞格耳。不然則"二十"爲"四十"之誤。齊金直四千而漢金直萬者,蓋以齊刀遠重於漢五銖錢也。

沫若案: "二十鹿賜金百斤",以"金賈四千" 計之,則一鹿之價二萬。既爲"貴買",則"當一而八萬"當有誤。蓋本作"當一而八百"。百字與簡書"万"字形近,故譌爲萬也。原價八百而以二萬買之,是提高二十五倍。

管子卽令桓公與民通輕重藏穀什之六令左司馬伯公將白徒而鑄錢於莊山

張佩綸云:伯公、《論語》"問管仲、曰:人也,奪伯氏 駢邑三百",伯公當卽其人。皇《疏》"伯氏名偃",不知所 本。

沫若案:此當爲上文"萊、莒與柴田相幷"節之脱簡,應在"重萊之柴賈"下,"萊君聞之"之上。又"桓公"當爲"隰朋",下文"管子卽令隰朋反農"可證。"管子卽令桓公"殊爲不辭。

明主之所以賞有功農或

趙本作"王",古本、劉本、朱本均作"主"。 戴望云:宋本"王"作"主",下同。

楚之男子居外女子居涂

趙用賢云:一本"涂"上有"内"字。

戴望云: "涂"上一本有"内"字。疑《管子》本或作 "内",或作"涂",而校者合之耳。

馬元材云:此言楚人無論男女皆爲求鹿而奔走,當以 居涂爲合。《輕重己篇》云"室無處女",即居涂之義矣。

錢五倍是楚強也

沫若案: 此七字當在上文"桓公曰奈何""曰"字下。

齊因令人載粟處芊之南

古本、劉本、朱東光本"芊"作"楚"。趙用賢本、朱長春本、凌汝亨本、梅士享本、花齋本、葛鼎本及抄本《册府元龜》卷七百三十六均作"芊"。

戴望云:元本、朱本"芊"作"楚"。

張佩綸云: 芊,楚姓,然齊不能處楚之南。《集韻》 "濔,或作洋沔",則芊南乃沔水之南。

一多案:"芊"不知何字之誤,當是齊地之近楚者。

其君且自得而修穀

吴汝綸云:"修"當讀爲蓄。

沫若案: 吴説非也。上文魯、梁節云"魯、梁之君卽令 其民去綈修農,穀不可三月而得"云云,與本節後文"楚王 果自得而修穀,穀不可三月而得也",文例全同。是則此 言"修穀"卽彼言"修農"耳。兩"自得","得"字義難通,當 是"復"字之誤。

代本有出狐白之皮

吴汝綸云:代戰國時始見,《史記》趙襄子殺代王。

張佩綸云:《漢書·地理志》"代郡,代,莽曰厭狄亭",應劭曰"故代國"。代谷,《梅福傳》福上事曰"代谷者,恆山在其南,北塞在其北,谷中之地,上谷在東,代郡在西",是其地也。趙始滅代,春秋之齊不與代境相接,明是戰國僞託。

陶鴻慶云:上當有桓公問辭,而今本脱之。

維遹案: 代下"之"字涉下文衍。《類聚》五十九又九十五、《御覽·獸部》二十一引並無"之"字,是其證。

公其貴買之本有管子狐本有應陰陽之變

劉績云: 疑衍"管子曰"三字。

張文虎云:"管子曰"三字當衍。

維適案:上文已有"管子對曰",此不當重出"管子曰"。又"狐白"之"白"指皮色言,此云"應陰陽之變",亦不當有"白"字,皆涉上文而衍。《類聚》、《御覽》引並無"管子曰"及"白"字,是其證。

沫若案: "狐白應陰陽之變" 白字不應删。西比利亞境內有狐大僅如狸,毛色淺褐,冬季轉白,以應雪色而自行保護。學名爲 Alopex lagopus (一般稱爲"北極狐")。《管》書所説卽指此,故曰"應陰陽之變,六月而壹見"。《類

聚》、《御覽》等妄删"白"字,不可從。

又案:關於北極狐,余曾舉以叩問動物學家。據云: 北極狐亦稱白狐或銀狐,歐亞大陸及美洲北部均產之。夏 毛深棕色,或青灰色,冬季變爲白色。亦有青灰色之狐周 年不變色者,有"藍狐"之稱,爲數極少,甚爲名貴。北極 狐在雪地僅兩眼及鼻端可見。足下有毛,故能在冰雪上 行走,捕食鳥獸,亦捕食魚類。古代中國北部或東北部原 始森林與西比利亞森林連接,故北極狐在中國北部曾有 之。其後森林斫伐,失去聯系,故此狐已絶跡。

代人忘其難得喜其貴賈^{本作}

王念孫云:"貴買"當爲"貴賈",《藝文類聚·武部》、《獸部》下、《太平御覽·獸部》二十一引此並作"貴價",是其證。下文亦云"不敢辯其貴賈"。今作"貴買"者,涉上文"公貴買之"而誤。又下文"衡山之君告其相曰,天下争吾械器,令其買再什以上",案"買"當依朱本作"賈",上文云"衡山之械器必倍其賈"即其證,此亦涉上文諸"買"字而誤。

沫若案: 王校是也。抄本《册府元龜》七百三十六引 正作"貴賈"。

代人必去其本而居山林之中

古本、劉本、朱本"居"作"出"。

孫星衍云:《藝文類聚》五十九、《御覽》九百九引"本"

俱作"農"。

戴望云:《藝文類聚》五十九、《御覽・獸部》二十引 "本"作"農",下文同。

俞樾云: 作"農"者, 乃後人不曉古語而臆改之。本 者,根本也,凡有根本之義者,皆可以本言之,故古人言本 者初無定名。《禮記・大學篇》"此謂知本",《正義》曰"本 謂身也"。《禮器篇》"反本脩古",《正義》曰"本謂心也"。 《周易·大過彖傳》"本末弱也",侯果曰"本,君也"。是知 "本"無定名,對天下國家而言則身爲本,對四體而言則心 爲本,對臣民而言則君爲本矣。《管子・地數篇》曰"守圉 之本,其用鹽獨重",又云"夫齊衢處之本,通達所出也,游 子勝商之所道,人求本者,食吾本栗,因吾本幣",《輕重甲 篇》曰"守圉之國,用鹽獨重",《輕重乙篇》曰"吾國者,衢 處之國也,遠秸之所通,游客蓄商之所道,財物之所遵,故 苟入吾國之栗,因吾國之幣",前後文小異大同,或言本, 或言國者,國亦可謂之本也。《淮南子·氾論篇》"立之於 本朝之上",高《注》曰"本朝, 國朝也"。此古人謂國爲本 之證。此文"代民必去其本而居山林之中"言去其國而居 山林之中也。若易"本"爲"農",則失其義矣。

沫若案: 俞説"本"爲"國",是也。此謂代民必須遠離 其國境,更往北地森林中以求白狐也。

公其令齊載金錢而往其令本

古本、劉本、朱本、趙本均作"因令"。

宋翔鳳云:宋本"因令"作"曰今"。

王念孫云: "公因"當爲"公其"。上文曰"君其鑄莊山之金以爲幣",下文曰"公其令人貴買衡山之械器而賣之",皆其證。

沫若案: 王校是也。抄本《册府元龜》七百三十六引 正作"公其令"。

二十四月而不得一

維遹案:《類聚》、《御覽》引無"而"字,"一"下有"狐"字。

沫若案:"一"字下當有奪字,《類聚》與《御覽》有"狐"字者乃以意補。代國既出狐白之皮,舉國而求之,焉有二年而不得"一狐"之理?疑所奪者當是"裘"字。

離枝聞之則侵其北

孫星衍云:《藝文類聚》九十五引作"離枝聞而伐之", 又五十九引作"齊聞而伐",誤。

離枝遂侵其北

張文虎云: 上文已云"離枝聞之遂侵其北", 疑此文 "侵"字當作"取"。

衡山之械器必倍其賈

戴望云: 案句例,"賈"下當有"矣"字。

豬飼彦博云:春秋戰國未有衡山。

安井衡云:"衡山"蓋戰國間附庸之國,據下文其地在

齊魯之間,漢所置衡山國則在荆州,相距甚遠,若漢人僞 撰此篇,必不移荆州之衡山,而北就兗州之齊魯,未可以 他書不言衡山,輒疑其國也。

張佩綸云:《漢志》六安國, 故楚地, 高帝元年别爲衡山國。五年屬淮南。文帝十六年後改爲衡山。武帝元狩二年别爲六安國。……春秋時安得有衡山國?……春秋有燕無代, 有秦無趙, 且與衡山均不相接。地理舛詭, 幾於播糠眯目, 南北易位。

馬元材云: 各書皆不言春秋戰國間有衡山國,秦統一 後,始有衡山郡,《史記·秦始皇本紀》"二十八年,乃西南 渡淮水,之衡山南郡,浮江至湘山祠。……上自南郡由武 關歸"。《正義》言"欲向衡山,即西北過南郡,入武關至咸 陽", 若如此說, 則始皇當日並未至衡山矣。然原文明明 記載"之衡山"三字於"渡淮水"之後,"至南郡浮江至湘山 祠"之前,可知其確已到達,而其地則必在淮水與南郡之 間。且南嶽之衡山,在秦漢時尚未爲人所重視,故不在天 下名山之内。《史記·封禪書》言秦前名山凡五,即石室 (嵩山),恆山,湘山,會稽,泰山是也。然則始皇所之之衡 山,必非南嶽之衡山,而爲安井衡所謂荆楚衡山明矣。考 楚項羽封吴芮爲衡山王,都邾,《正義》引《括地志》云"故 邾城在黄州黄岡縣東南二十里,本春秋時邾國",當是因 奏時舊邦爲國。而始皇所之亦當在此,故曰"西南渡淮水 之衡山"也。此爲衡山國之初見。漢興,衡山復爲郡,屬 淮南王黥布,文帝十六年,立淮南厲王子安陽侯勃爲衡山 王,是爲衡山國之再見。景帝五年,吴楚七國反,吴楚使者至衡山,衡山王堅守無二心。及吴楚已破,衡山王人朝,上以爲貞信,勞苦之曰"南方卑濕,徙王於濟北以褒之"。廬江王以邊越,數使使相交,徙爲衡山王,王江北。是爲衡山國之三見。武帝時淮南王安、衡山王賜謀反。元狩元年衡山王賜以反自到,國除爲衡山郡。故《漢書·地理志》云"六安國,故楚,高祖元年,别爲衡山國,五年屬淮南,文帝十六年,復爲衡山,武帝元狩二年,别爲六安國",於是衡山國之名乃絶。此書言及衡山,則其著成年代,不能在秦漢以前,蓋無可疑也。

不敢辯其貴賈

沫若案: 抄本《册府元龜》七百三十六引作"不敢辨其 賈","貴"乃衍文。

燕代脩三月

維遹案: "脩"下脱"使"字。"脩使"連文,亦見上文。 下文云"燕、代、秦、趙卽引其使而歸",承此言之,是其 證。

沫若案:上言"齊修器械於衡山十月",此言"燕、代修三月"即"燕、代修器械於衡山三月"之省文,並非脱"使"字。

令其賈^{本作}再什以上

古本"買"作"賈",劉本、朱東光本及抄本《册府元龜》

七百三十六引同,趙本以下各本均作"買"。 安井衡云:古本"買"作"賈"。

修械器之巧

安井衡云: 古本"巧"作"功"。

' 沫若案:安井此校疑有誤。余所見十行無注本作 "巧",劉本、朱東光本均作"巧"。

趙糶羅十五……修糴羅本作五月

吴志忠云:此與下文"修糶五月"糴、糶二字當互易。 陶鴻慶云:"趙糴十五","糴"當爲"糶","修糶五月", "糶"當爲"糴"。言齊先收衡山之器械,而後歛天下之穀 也。今本互誤,則文義俱乖矣。

輕重己篇第八十五

清神生心

丁士涵云:"清","精"假字。

聖人因而理之道備矣備本

維遹案: "徧"當作"備",字形近之誤也。《形勢篇》 "則君道備矣",《七臣七主篇》"則人主道備矣",《輕重戊 篇》"帝王之道備矣,不可加也",是其證。

以冬日至始數四十六日

石一參云: 自冬至日夜半子時起, 順數, 歷四十五日 而冬盡, 又一日而立春, 故合數爲四十六日。

維遹案:《御覽·時序部》十三引作"以冬至之日始"。

天子祀於□□東出其國四十六里而壇

張佩綸云:《月令》鄭《注》引《王居明堂禮》曰"出十五里迎歲",蓋殷禮也。周近郊五十里,此"四十六里"即周近郊五十里。下"九十二里""百三十八里",皆淺人意改。

維遹案:言出其國之東門也。《儀禮·覲禮》、《禮記· 玉藻》並云"拜日于東門之外",《祭義》云"祭日于壇",《祭 法》云"王宫祭日也",鄭《注》"王宫,日壇也"。

一多案: "天子"下疑當依後文例補, "祀於□□"四字。

搢玉忽本作惣

古本作"惣"。劉本、朱本同。趙用賢本以下各本均作"總"。

戴望云:朱本"總"作"揔"。

王念孫云: "總"與"抱"皆"忽"之調, "忽"即"笏"字也。《皋陶謨》"在治忽"鄭作"智",注云"智者,笏也,臣見君所秉,書思對命者也。君亦有焉"。(見《史記·夏本紀集解》)。《士喪禮》"竹笏",今文"笏"作"忽"。《墨子·公孟篇》曰"公孟子載章甫搢忽",是笏與忽通也。桓二年《左傳》"袞冕黻珽",杜《注》曰"珽,玉笏也"。此云天子搢玉忽,即《玉藻》所謂天子搢珽,《考工記·玉人》所謂大圭長三尺,天子服之者也。《周官·典瑞》云"王晉大圭以朝日",此云"天子搢玉忽祭日",正與《周官》合。《左傳正義》引《管子》云"天子執玉笏以朝日",即此篇之文。

何如璋云:"總"本作"總",《廣雅·釋器》"總,青也"。 謂所搢之玉色青者。大宗伯以青圭禮東方是也。王云 "總"乃"忽"之誤,"忽"即"笏"字。未免曲説。

沫若案: 王説是也。何於此總字引《廣雅》釋總爲青。

下文秋季亦"搢玉揔"則又引《玉篇》總青白色爲說,謂"青 而兼白,故秋用之",可謂"曲說"之尤者。

帶金玉牛監

豬飼彦博云:監、鑑同。

何如璋云:監者謂冕旒之飾也。《周禮·眡祲》"四日監",《注》"謂冠珥也。凡氣在日上爲冠爲戴,在旁直對爲珥。《雜占書》曰'日冠者如半暈也。法當在日上,有冠又有兩珥,尤吉'。《荆州占》曰'月珥且戴,不出百日,主有大喜'"。此云監,殆首上與兩耳玉瑱之類。

張佩綸云:"帶玉監","監","鑑"省。《內則》"左佩金燧",《疏》引皇氏云"晴則以金燧取火於日",《釋文》"金燧,火鏡",是燧亦名鏡也。《周禮·秋官·司烜氏》"掌以夫燧取明火於日,以鑒取明水於月",鄭《注》"夫燧,陽燧也"。鑒,鏡屬,初不言其爲金爲玉,疑天子以玉爲之。

一多案:張讀"監"爲鑑,是也。惟玉不能爲鑑,"玉"當爲"金"之誤。六國文字"金"或作"全"若金,缺其上即與玉同,故金或誤爲玉。祭日"帶金監"與下文祭月"帶錫監"對舉。金卽銅。古以青銅鑄器卽銅與錫之合金,故每金、錫並舉。然單銅單錫不中爲鏡,疑此稱銅多錫少者日金,錫多銅少者曰錫,其實皆青銅耳。銅多則色黄象日,故金監以祭日;錫多則色白象月,故錫監以祭月。《考工記》"攻金之工,築氏執下齊,冶氏執上齊",《注》云"多錫爲下齊,大刃削殺矢鑒燧也;少錫爲上齊,鐘鼎斧斤戈戟

也"。此金蓋卽上齊,錫卽下齊。惟彼云鑒燧用下齊,蓋 據日用之鑑言之。此祭祀所用特製之鑑,義取象徵,則祭 日與祭月者不妨異齊耳。

犧牲以魚

張佩綸云:《禮記·昏義》"婦人先嫁三月,教以婦德、婦言、婦容、婦功,教成祭之,牲用魚,芼之以蘋藻",鄭《注》"魚爲俎實,蘋藻爲羹菜,祭無牲牢,告事耳,非正祭也"。《白虎通·五祀篇》"井以豕,或曰井以魚",《史記·封禪書》"祠武夷君用乾魚",魚非牲牢,施之下祀,豈朝日之禮所宜。"魚"乃誤字,疑當作"太牢",篆文"典"與"魚"字相近而譌,又脱"太"字耳。《周禮·大宗伯》"以實柴祀日月",《注》"實柴,實牛柴上也",《漢書·郊祀志》"祭日以牛,祭月以半彘",皆其證。

發聽出令

古本"發"下有"號"字,劉本、朱東光本、梅本同。趙本、朱長春本、凌汝亨本、花齋本、葛本均無"號"字。

安井衡云: 古本"發"下有"號"字。

王念孫云:"發"下當有"號"字,見下文。

陶鴻慶云:"發"下當有"號"字,第三節、第六節、第七 節皆云"發號出令"。

以待期年

朱長春云:"期年",冬也。漢行刑亦盡冬月止。

教民樵室鑚燧熯竈泄井燺本

王念孫云:"墐"當作"熯",說詳《禁藏篇》。

何如璋云: 樵謂以火温之。《公羊》桓七年"焚咸丘", 《傳》"焚之者何。樵之也。樵之者何。以火攻也"。

張佩綸云:《詩》"塞向墐户",《傳》"墐, 塗也",熯、墐 義互相足。

耜^{本作}耒耨欘^{本作}

古本作"耜",趙本、葛本同。劉本、朱東光本、朱長春、凌汝亨、梅士享、花齋本均作"耟"。

安井衡云:古本"耟"作"耜"。

丁士涵云:"耟","耜"字之誤。"懷","欘"字之誤。

張佩綸云:字書無"秬"字,"耟"疑"桂"字之誤,《説文》"桂,册又可以劃麥,河内人用之",《玉篇》"桂,田器也"。"懷"當作"欘",《説文》"欘,斫也,齊謂之鎡"。

古本及劉本作"又",作"揾",凌汝亨、梅士享、花齋、 葛本同。朱東光本作"又",作"橿",朱長春本同。趙用賢 本作"乂",作"橿"。

劉績云:"鉊",之姚切,鎌也。"鈶",辭理切。

王念孫云: "又"當爲"乂", "乂"與"刈"通。《齊語》云 "槍刈耨鎛"是也。《説文》"橿, 组柄名"。《鹽鐵論·論勇 篇》云"组耰棘橿,以破衝隆"。

丁士涵云:"鈶","鉤"字之誤。

張佩綸云: 鉊,《説文》"大鎌也。鎌或謂之鉊,張徹 説"。鈶,枱或從金作鈶,經典相承爲耜。

養雄华渠線緤

"繉"字趙本作"繉"。"緤"字宋本、趙本作"綠",古本、劉本、朱本均作"緤"。

王念孫云:"權渠"下文作"穫渠",未詳。"繉"即"繩"字之誤,隸書"黽"字或作"黽",又作"黽",形與"晁"相似。"黽"之爲"晁",與"鼂"之爲"晁",其下半亦相類也。"緤"亦"繩"也。

丁士涵云:"權"當依下文作"穫",《説文》作"鑊",大 组也。"渠"與"權"同,《釋名》"齊魯謂四齒杷爲權"。

何如璋云:"權"乃"權"之譌,《釋名》"齊魯謂四齒杷 曰權也"。渠,《方言》五"杷,宋魏之間謂之渠拏,或謂之 渠疏"。是渠者杷之别名也。《説文》"杷,收麥器,一曰平 田器",固與各械一類。

張佩綸云:"權"當依下文作"穫"。《說文》"銍,穫禾短鎌也"。渠,《方言》"杷,宋魏之間謂之渠拏,或謂之渠疏",此省文言渠耳。《説文》"鑁,大组也",《釋名》"齊魯謂四齒杷爲權",皆一聲之轉。"繉"乃"緄"字之誤,《詩》"竹閉緄縢",《傳》"繩也"。俗本《篇海》直注"繉,胡昆切",並引《管子》此文。《韻會》"緄"亦作"胡昆切",疑其

偶檢誤本《韻會》而妄分之,然足爲"緄"誤爲"繉"之證。

李哲明云:"權"當爲"欔",說詳"穫渠"下。"矍"本從"瞿"得聲,昭二十五年《左傳》"有鸜鵒來巢",《釋文》"鸜,嵇康音權",《公羊》作"鸜鵒",何休《注》"鸛鵒猶權欲"。權瞿一聲之轉,故鸜可讀權,從瞿字或從雚也。此文蓋由"欔"誤爲"權",因又誤"權"耳。"渠"者"鋤"之聲假字,古通用。《史記·孔子世家》"雍渠",《韓子》作"雍鋤",是鋤得爲渠矣。

一多案: "線"似非誤字。古字"黽"與"兆"同,"鼂"一作"晁",是其明驗。他若磬名電一日鞉,魚名鱷一日鮡,亦並可證。《郜黛鐘》"大鐘八聿(肆),其電四堵",郭沫若據《寰襄石磬》云"自作遼磬",謂"寵"卽遼磬。余謂《周頌·有瞽篇》"應田縣鼓,鞉磬柷圉",寵磬、遼磬卽鞉磬也。(毛《傳》分鞉與磬爲二,非是,余别有辯。)《北山經》"洧水其中多鳠黽",《注》曰"鳠似鮎。黽,왭黽,似蝦蟇。或曰鳠黽一物名也"。案或說是也。《爾雅·釋魚》"魾,大鳠,小者鮡",《注》曰"鳠似鮎而大,白色"。《爾雅》之鳠即《山經》之鳠,《爾雅》之明》以此經》之數。魚名曰黽,字本作"鱦"。《釋魚》又曰"鱦,小魚",卽所謂"小者鮡"矣。《管》書多古字。此字作"繉",或卽繩之異文,或讀從晁聲,則與綯音近,認爲綯之異文,亦可,要必非誤字耳。

沫若案:"權渠"固卽下文"穫渠",諸家均以鉏權解之。然下文明言"穫渠當脅軻","脅軻"卽"脅甲",二者必相爲類,鉏權何以能當脅甲耶。余謂"權"乃"護"之誤,

"護"誤爲"穫",再誤爲"權"。"渠"乃"構"之誤,草書近似。構者臂衣,農人男女多用之,縛於左右手以便事。字或作韛或鞲。知"權渠"或"穫渠"均爲"護構"之訛,則與"綠碟"爲類,亦與"脅軻"爲類矣。"脅軻"李哲明説爲脅鞈(見下),可從。

所以御春夏之事也必具教民爲酒食

李哲明云:"也"字衍。"必具"當連"之事"讀爲一句。 此三^{本有}者皆就官而聚^{本作}

王引之云:"人"字衍。民之窮者有此三類,非謂僅有三人也。《孟子·梁惠王篇》"老而無妻曰鰥,老而無夫曰寡,老而無子曰獨,幼而無父曰孤,此四者,天下之窮民而無告者",文義與此同。

丁士涵云:"衆"疑"衣"字誤,衣下有"食"字,疑脱在"不可事者"下。《人國篇》曰"官而衣食之",隨其所言,勿遺棄也。

俞樾云:"衆"當作"禀"。《漢書·文帝紀》"吏禀當受 鬻者",師古《注》曰"禀,給也"。就官而禀,謂就官而給 也。作"衆"者,形近而誤。

張文虎云:"此三人者",猶言此三等人也,《雜志》謂 衍"人"字,非。

何如璋云:"衆"當作"庸",以音近而譌。

張佩綸云:"人"當作"民",承上民字,唐諱未改者。 以孤鰥寡爲三民,猶士農工商稱爲四民。"衆"乃"聚"字 之誤。

沫若案: "衆"當是"家"字之譌,故下云"是以路無行 乞者也"。

可事者團不可事者食如言而勿遺

張佩綸云: "可事者"下當有"事"字。"可事者事"詳 《人國篇》,鰥寡則合獨,幼孤則能事者止也。不可事者則 官衣食之。"如言而勿遺",《幼官篇》"養老弱而勿遺,信 利周而無私"。

維遹案: 張説是也。"如言"猶如德也。

沫若案: 張説非是,"事"字不當加。當讀爲"可事者,不可事者,食如言而勿遺"。"如言"者,謂如所言也。許解"如言"猶如德,疑有誤。

謂之春至

張佩綸云:司分司至,自少皞已然,曆家無以春分爲春至,秋分爲秋至者。"春至""秋至"皆"分"字之誤。

天子配於□□東出其國九十二里而壇

一多案: 此亦當補"祀於□□"四字。

服青而絕青朝諸侯卿大夫列士

一多案: 當從上祭日例補"服青而絻青"五字。

下作之地上作之天

俞樾云: 兩"作"字皆讀爲"詛",古字通用。《詩·蕩

篇》"侯作侯祝",《釋文》曰"作本作詛",是其證也。此言 有不樹蓺者必下詛之於地,上詛之於天,明其爲不服之 民。蓋以神道設教之意。若依本字讀之則不可通矣。

張佩綸云: "作"當爲"任",字之誤也。《左氏》文六年 《傳》杜《注》、《文選·西征賦注》引《倉頡》,均云"委任 也"。下則委之地利,上則委之天時,《盤庚》"惰農自安, 不昬作勞,不服田畝,越其罔有黍稷",故謂之"不服之 民"。

一多案: 俞説近是。金文《天亡殷》"不顯王乍省,不 緣王乍麂,不克三衣王祀",乍似亦謂祭祀。乍、作古今 字。

沫若案:以張説爲長。原文"謂之賊人"、"謂之不服之民"、"謂之役夫"三項平列,則"下任之地,上任之天"與"苟不樹藝者"同例,不得説爲在上者加以詛咒。聞所引《天亡殷》(一稱《大豐殷》)兩"乍"字當讀爲則,不能爲俞說之證。

處里爲下陳處師爲下通謂之役夫

何如璋云:陳,列也。通,行也。言處里中則爲**下列,** 在師中則爲下行。

張佩綸云: "下陳", 《晏子春秋》 "願得充數乎下陳", 《班倢伃賦》 "充下陳於後庭", 《注》 "下陳,後列也"。 "通" 當作"甬", 《方言》 "臧甬侮獲, 賤稱也, 自關而東陳、魏、宋、楚之間保庸謂之甬"。此即《周禮·九職》所謂臣妾。

《左》文元年《傳》杜《注》"役夫,賤者稱"。

沫若案: "陳"與"田"通,"通"當爲"勇"。"處里爲下田"者謂耕田不力。"處師爲下勇"者謂戰陣無勇。

三不樹而主使之

朱長春云:"主使"如後没爲官奴與城旦春之比。

何如璋云:"三不樹"卽指上不樹藝、不服及役夫。言三者皆惰民,不肯盡力樹藝,則主田之官必以法驅使之,令之歸農也。

天子服赤紫花颜赤而静處

王引之云:下文曰"秋盡而冬始,天子服黑絻黑而静 處",則此當云"天子服赤絻赤而静處",寫者脱誤耳。

何如璋云:"服黄"下宜加"絻黄"二字。土王於夏,與 火同用,又爲火之生數,故服絻用黄。坤至静而德有常, 故宜静處。

張佩綸云:黑黄宜於静處,赤非静處之服也。此篇脱去"服赤絻赤","服黄而静處"當移夏至下,錯置於此。

石一參云:夏服宜赤,火德王。此言服黄,火性烈,不宜助長,故服其所生之色。亦不出國門而壇,無迎夏之禮。尚静不尚動,所以節時氣之過也。

馬元材云: 《月令》"季夏之月天子居太廟太室,乘大路,駕黄騮,載黄旂,衣黄衣,服黄玉"。又《淮南·時則訓》"天子衣黄衣,乘黄騮,服黄玉,建黄旗",高《注》"黄,

順土色也"。與此正合。惟彼作季夏,此爲夏始,微有不同耳。

沫若案: 諸説紛紜,仍當以王説爲是。"服黄"乃"服赤統赤"之脱誤耳。或以此文四時所服無赤色,作爲本篇出於王莽時之證,謂以莽曾"寶黄廝赤"(見《漢書・王莽傳》地皇元年)。僅此一字孤證,不足爲據也。

毋斷大木^{本有誅大}毋斬大山毋戮大衍滅三大而國有害也

古本"誅大臣"上有"毋"字,劉本、朱本、梅本同。趙本、朱長春本、凌汝亨本、花齋本、葛本均無"毋"字。

孫星衍云:"誅"上當脱"毋"字。

安井衡云: 古本"誅"上有"毋"字。

俞樾云:"誅大臣"三字衍文,此蓋以"斷大木"、"斬大山"、"戮大衍"爲"滅三大"。其上文"聚大衆"、"行大火",非滅之也,故不數也。若加"誅大臣"則爲滅四大矣。又"斬大山"之"斬"當讀爲鏨,與《形勢解》"斬高"同。

何如璋説同俞。

張佩綸云:《七臣七主篇》"春無殺伐,無割大陵,倮大符,伐大木,斬大山,行大火,誅大臣,收榖赋",《禮·月令》"孟夏,毋起土功,毋發大衆,毋伐大樹",此與《月令》合。"三大"當作"三大",古四字積畫。

一多案:《吕氏春秋·上農篇》"澤人不敢灰僇",《注》 曰"燒灰不以時回多僇",王念孫引此文,又云戮、僇古通, 是也。衍亦澤也。斷大木,塹大山,戮大衍,三者事爲同 類,即下所謂"滅三大"者。今本有"誅大臣"三字,無論與彼三者事非一類,且與"三大"之數亦不合,其爲後人妄加無疑。

沫若案:以俞説爲是,"誅大臣"三字當衍。此所言乃 天子發號施令,其對象除諸侯外爲卿大夫列士以至於百 姓,何得言"誅大臣"或"毋誅大臣"。《七臣七主篇》言明 主有四禁,故春禁中包含"誅大臣"。彼乃天子之禁,不能 據彼以證此。"誅大臣"三字蓋即後之校書者據《七臣七 主篇》文而妄補者也。

以春日至始數九十二日謂之夏至夏至而麥熟

何如璋云:"夏至"下宜加"夏至"二字以申言之,文義始完,與下文一例。

張佩綸云:日至麥熟,《孟子》"今夫歘麥,至始日至之 時皆熟矣"。

一多案:"夏至"下當重"夏至"二字。下文"以夏日至始數九十二日,謂之秋至,秋至而禾熟",與此文同一例。 《玉燭寶典》引雖脱"至"字,而"夏"字猶存,蓋可證矣。

天子祀於大宗

孫星衍云: 《太平御覽》二十三引作"祈天宗",據下文 "祀於太祖",此當作"太宗"。

同族者入^{本作}殊族者處

王念孫云: "人"當爲"人"。"處",止也,言同族者則

入祭,異族者則止也。

皆齊大材出祭王母

何如璋云:《易·説卦》"坤,地也,故稱乎母",又《晉卦》"受兹介福,於其王母",蔡邕《獨斷》"王者父事天,母事地",此文有出字,疑指夏至祀地方澤之祭。"齊大材"謂以灋共祭祀之五齊三酒也,《天官·酒正》"掌酒之政令,以式灋授酒材"。《吕覽·仲冬紀》"乃命大酋,秫稻必齊,麴蘗必時,湛饍必潔,水泉必香,陶器必良,火齊必得,兼用六物,大酋監之,無有差忒"。據此則"大"乃"六"之 譌,六材即秫稻六者之材也。"齊"謂以灋式調劑也。《吕覽》在仲冬,此文在仲夏,或古今異宜歟?

張佩綸云:"皆齊"爲句。"大材"當作"大牲",《易· 革》"用大牲吉"。《爾雅·釋親》"父之妣曰王母",《曲禮》 "王母曰皇祖妣"。

何如璋云: "秋始"謂立秋也。"秋始"下宜加"秋始" 二字,與下文一例。

一多案: "秋始"下本重"秋始"二字,與上文"夏至而 麥熟,天子祀於太宗",下文"秋至而禾熟,天子祀於太惢" 文同一例。

大功者太祖小功者小祖

張佩綸云:《檀弓》"君復於小寢大寢,小祖大祖",《正義》"……小祖,高祖以下廟也,王侯同。大祖,天子始祖,諸侯太祖廟也"。

無功者皆稱其位而立沃有功者觀於外

豬飼彦博云: "無功"當作"有功", "有功" 當作"無功"。

吴志忠云:"沃"乃"飫"字誤。

安井衡云:"沃"讀爲飫,飫,燕食也。

何如璋云: 沃者灌也。無功之祖,祭乃設位,故"稱其位而立沃"。觀亦灌也,有功之祖,則以鬱鬯灌於中庭,在本位之外以示萬國觀瞻也。《春官·鬱人》"掌裸器,韶裸將之儀與其節獻之屬,莫重於祼",祼之言觀也。《易·觀卦》"觀盥而不薦"。祼者小宗奉而授,小宰贊而行,獻者獻於尸,奠於神。小祝沃尸盥,小臣沃王盥。此祼之儀節極隆,所以示觀於外也。

張佩綸云:"有""無"二字當互易。沃、飫通,《周語》 "……王公立飫,則有房烝"。

祖者以功祭也非以戚祭也兩以字上

吴志忠云: 兩"所"字皆涉下文"所以"字而衍。

天子之所以異貴賤而貢幣有功也

陶鴻慶云: 祀祖不可言"賞",當爲"貢"字之誤。

天子祀於大惢

安井衡云:"大惢"蓋星名,疑卽心星。心三星,故其字作"惢"。《詩》曰"七月流火",秋分祀心,餞其納也。 《説文》"惢,心疑也,讀若瑣",非此義。

王紹蘭云:下文云"號曰祭月",是則"大惢"卽月。此文惢蓋卽皛之譌。艸書"白"作"公"。傳寫者誤三白爲三心,遂譌作"惢"。《說文》"皛,顯也,從三白,讀若皎"。然則月偁"太皛",猶言太皎矣。許讀皛若皎,皎下云"月色之白也",引《詩》"月出皎兮",則以"太皛"稱月,義更著明矣。

張佩綸云: 依上文"麥熟祀於大宗","黍熟祀於太祖",則太惢亦太廟之名,其義未聞。上文有"其盛以麥", "盛以黍"句,依例當補"其盛以禾"四字。但此節恐爛捝 甚多,無從訂正。

江瀚云:日本安仲平曰"惢蓋心星,心三星,故字作 惢",説頗可喜。然祀心星,它無可證。竊意《玉篇》"‰, 雌狢也","惢"即"‰"之省文,《周禮·肆師》"祭表貉則爲位",《注》曰"貉,師祭也,其神蓋蚩蚘,或曰黄帝"。此殆借"‰"爲"貉",又省作"惢"耳。

章炳麟云:《説文》"惢"訓"心疑",《廣雅·釋詁》"惢"訓"善",皆不可以説此。日本人安井衡曰"大惢蓋心星,心三星,故其作惢。《詩》曰'七月流火',秋分祀心",其説更鑿。按《説文》云"惢讀若《易》'旅瑣瑣'",則此"惢"乃"瑣"之假借也。大瑣者,門也。《離騷》"欲少留此靈瑣

兮",《注》"瑣,門鏤也,文如連瑣",是此制從來遠矣。"大 瑣"與夏至所祀之大宗,秋始所祀之大祖文法一例,而事 則相異。按《月令》秋三月其祀門,故此於秋至祀之。祀 門之禮,北面設主於門左樞。此下文"西出國百三十八里 而壇"自專爲祭月,與祠大瑣不涉。

沫若案: "太惢", 説者多於天象以求之, 於文例有未深究。此謂"秋至而禾熟, 天子祀於太惢", 與上文"夏至而麥熟, 天子祀於太宗", "秋始而黍熟, 天子祀於太祖"同例, 則"太惢"與"太宗"、"太祖"同例, 乃人鬼之祀也。古者天子祀其祖, 有禘郊祖宗四祭。《國語·魯語》"有虞氏禘黄帝而祖顓頊, 郊堯而宗禹。商人禘舜而祖契, 郊冥而宗湯。周人禘譽而郊稷, 祖文王而宗武王"。今此"惢"字既同於祖宗, 則於郊禘必屬其一。《穆天子傳》"乃歌闢天之詩", 郭璞《注》"《詩頌》有'昊天有成命'", 是讀"闆"爲昊。闆字結構甚異, 殆以惢爲聲。則惢音必近於昊。王紹蘭以爲"皛"字之誤, 甚有見地。"皛", 據《説文》, "讀若皎", 則"太皛"即"太郊"矣。太郊猶後世社稷壇之類也。

西出其國百三十八里而壇

古本、劉本、朱本"百"作"日"。

俞樾云:以上下文推之,所出之里數皆與所數之日數相符,則此文亦宜云出國九十二里矣。乃出國百三十八 里者,蓋自夏日至始數上溯春盡夏始之四十六日而並計 之也。然所云"四十六日"乃舉成數而言,實止四十五日 有奇。故歲實三百六十五日有奇,而四時出國則爲三百 六十八里也。

張佩綸云:當作"四十六里"。

沫若案:"百三十八"乃九十二與四十六之和,俞說得之,故此數字實有用意。張云"當作四十六里"者,臆說也。唯出國里數,何以必須與氣節推移之日數相應,頗難理解。天行一日,人行一里,意者其即《易傳》所謂"天行健,君子以自強不息"耶?

搢玉忽^{本作}

王念孫說"總"當爲"忽",詳上。

吹塤箎之風鑿動金石之音

何如璋云:"動"與"吹"對,"鑿"字衍。

張佩綸云: 二句,祭日無之,依例當全補。

沫若案:"鑿"字當衍,蓋前人於"錫監"簡頭注以"鑒"字,抄書者誤爲鑿而易其位也。

犧牲以彘

張佩綸云:依《郊祀志》當補"羊"字。

發號出令回

戴望云:此句下脱"曰"字,當依上下文例補。

張佩綸云:"發號出令"下脱"曰"字。

陶鴻慶云:"發號出令"之下當有"曰"。首節云"發號

出令日,生而勿殺,賞而勿罰",與此正相反。

作衍牛馬之實在野者王天子之秋計也

張佩綸云: "作衍牛馬之實在野者"爲句,"王"字羡文。《魯頌·馴篇傳》曰"作,始也",《文選·東京賦》薛《注》"衍,申布也"。"作衍"謂始申布其令,猶《月令》"乃命宰祝循行"也。

金廷桂云:《詩·魯頌》"思馬斯作",《注》"作,始也"。 《漢書·司馬相如傳》"離靡廣衍",《注》"衍,布也"。謂始 將牛馬之實於野者而散布之。《月令》所謂"游牝於牧" 也。"王"字衍。

吴闓生云:凡書"衍"字者,皆衍誤之處,以前放此。 沫若案:當讀"作衍牛馬之實"句,"在野者王"句。 "王"讀去聲,今人以"旺"字爲之。

以秋至日始數九十二日闢□区至天子祀於□□□

王念孫云:此下當有"謂之冬至"四字。上文云"以冬至日始數,九十二日謂之春至","以春至日始數九十二日謂之夏至","以夏至日始數九十二日謂之秋至",是其證。

一多案: 疑此亦敚"祀於□□"四字。

沫若案: 聞疑甚有見地。天子四祭,禘、郊、祖、宗。 上既言"太郊"、"太祖"、"太宗",則此所缺當爲"太禘"矣。 禘祭有三,有時禘,有殷禘,有大禘。時禘者,《王制》"春 曰礿,夏曰禘,秋曰嘗,冬曰烝",禮家以爲夏殷之制,蓋未 必然。殷祭者合祭,合祭亦謂之禘,是爲殷禘。大禘則即 此禘郊祖宗之禘,所謂"王者禘其祖之所自出,以其祖配之"者也。(略本段玉裁説,見《説文》禘字下。)卜辭禘祭即以帝字爲之,然則禘之古義當爲祀天之祭。郊即郊禖,祀社之祭也。

毋犯天之隆

何如璋云:"隆"宜作"降",《孫子·行軍》"戰降無登" 亦一作"隆",可證。陰陽之氣不通,當守静以助天地之 閉,不可有所犯也。《禮·月令》"孟冬天氣上騰,地氣下 降,天地不通,閉塞而成冬"。又"仲冬君子齋戒,處必揜, 身欲寧",即其義也。《繁露·暖燠孰多》"天於是出凓下 霜而天降,物固已皆成矣"。本此。

張佩綸云:《周禮·山虞》"仲冬斬陽木,仲夏斬陰木, 凡服耜,斬季材以時入之",故孟冬有"毋行大火,毋斬大 山"之禁,與孟夏同。"毋塞大水",冬盛德在水,《易》虞 《注》"隆,上也",《月令》"是月也,天氣上騰,地氣下降,天 地不通,閉塞而成冬",故"毋犯天之隆"。

馬元材云:隆,尊也。《荀子》曰"君者,國之隆也"。古 人稱冬爲嚴冬,又曰隆冬。嚴、隆皆尊嚴不可侵犯之意。

沫若案:"隆"與"降"通。《山國軌篇》"府官以市櫎出 萬物,隆而止",正以"隆"爲"降"。

朝諸侯卿大夫列士號曰祭發華作繇

張佩綸云:"發繇"當爲"祭繇"之誤。"繇"當作"縣",

縣、玄通。《周禮》鄭《注》"兆雨師於北郊"。《風俗通義》, 《春秋左氏傳》説: 共工之子爲玄冥雨師,鄭大夫子産禳於 玄冥雨師也。足爲北出祭玄之證。

李哲明云:"列士"下亦當有"循於百姓"四字。

沫若案: "號曰"上當奪"循於百姓"四字,下當奪"祭辰" 二字。因祭字上端與發字上端略近, 抄書者遂致誤奪。日月星辰爲類, 見《四時篇》。唯《四時篇》以辰屬於秋,月屬於冬,此則互易爲異。又日、星亦不同,《四時篇》以星屬於春,日屬於夏, 此則同屬於春。蓋家數不同,然不當有日月星而無辰, 亦不當如張佩綸説以玄冥配日月星也。《漢書·郊祀志》平帝元始五年王莽奏言"四望蓋謂日月星海也",以海易辰,而出以蓋然之辭,所謂自我作故耳。又"號曰祭辰"下當奪"犧牲以□□,發號出令曰"等字句。

三日青作之後

張佩綸云:"月"當作"日",涉下"月"字而誤。

陶鴻慶云:當作"三日之後",謂發號後之三日也。蓋 冬日至後,農有餘栗,女有餘布,故得通功易事。若三月 之後,則爲春至,農事且作,非其時矣。"大通三月之蓄" 者,自冬至上溯秋至三月之所積,至此而大通,非謂俟諸 三月之後也。今本卽涉下文"三月之蓄"而誤。

皆以其所有易其所無謂之大通

張佩綸云:"大通"謂通功易事。

凡在趣耕而不耕

豬飼彦博云: "凡在趣"下疑脱事字。"耕而不耕"上脱宜字。

百草皆存

維遹案: "存"當爲"荐",字之壞也。又涉下文而誤。 "荐"與"薦"同,《漢書·景帝紀》如淳《注》"草稠曰薦",《説 苑・政理篇》"田畝荒穢而不休,雜增崇高",義亦與此合。

沫若案: 許說非是。原文上下句皆有韻。"宜芸而不芸,百草皆存,民以僅存",正以芸、存、存爲韻,上"存"字不當改爲荐。又此上言耕之文有奪字,當作"宜耕而不耕,百草皆生,民以不令",以耕、生、令爲韻,奪去"宜"與"百草皆生"五字,當依文例與韻補入。下文"宜穫而不穫,風雨皆作,五穀以削,士民零落",以穫、作、落爲韻。"宜藏而不藏,霧氣陽陽,宜死者生,宜蟄者鳴",藏、陽爲韻,生、鳴爲韻。"宜死"二句亦見《七臣七主篇》。

張耜當弩

戴望云:"張耜"以下數句乃他篇之佚文,誤綴于此。 張佩綸云:以下見《禁藏篇》,文小異。

獲渠當脅軻^{獲或}

古本"軻"作"軻",劉本、朱東光本同,趙用賢本以下 452 各本均作"軻"。

戴望云:宋本"穫"作"擭",元本"軻"作"軻"。

丁士涵云:"脅軻"之爲物形狀未聞,惠學士以"脅"爲 "甲","軻"疑當爲"軥",《玉篇》曰"軥,兵器也"。

張佩綸云: 農器豈可當甲。《中匡篇》"刑罰以脅盾一戟",《齊語》作"鞼盾一戟",韋《注》"鞼盾綴革有文如繢",此脅即脅盾。字書無"軻"字,當作"軥",《玉篇》"軥,兵器也,其俱切"。"軥"即"鉤"之俗體,《方言》九"戟,其曲者謂之鉤釨鏝胡"。有齒之渠與鉤相似,故足以當"鉤"。

沫若案:當作"護褠當脅鞈",說見上。

蓑笠當杆^{本作}櫓

豬飼彦博云:"抹"疑當作"杆"。

丁士涵云: "抹"當爲"楯"字之誤,"楯"者,"盾"之借字。 《禁藏篇》曰"苴笠以當盾櫓",是其證。

王紹蘭云:字書罕見"抹",《玉篇》、《廣韻》並有"林"字。云"木可用爲笏"。與干櫓之屬不相涉。疑林卽楯之壞字。家兄穀塍曰"抹櫓當是扞櫓。《爾雅・釋言》: 扞,干也。卽其證矣"。

張佩綸云: "抹"當爲"扞"。《詩》毛《傳》"干,扞也", "扞櫓"即"干櫓"。

輕重庚篇第八十六亡

附 錄 劉績《管子補注》本所見 遼金宋諱考(任林圃輯)

一遼 諱

遼人諱例,見於遼陵諸帝后《哀册》,其與劉績《管子補注》 本可相印證者,有以下各例:

"光"字,避遼太宗德光諱,缺末筆,作光,見《聖宗欽愛后哀册》。又《聖宗仁德后哀册》有光字,作光,當亦避諱字。欽愛、仁德二后均爲遼聖宗之皇后,《哀册》無一避一不避之理,故知遼代有以古體之字代本字以避諱之例,猶金之依《蘭亭》"崇"字作"崇"以"宋"代"宗"也。

"賢"字,避遼景宗賢諱,缺末筆作賢,見《聖宗》、《仁懿》、 《欽愛》三《哀册》。

劉績《管子補注》本中所見缺筆改體之字,可知其確爲遼 諱之遺者,有賢、緒、隆三字。

"賢"字有缺筆之例,亦有改體之例,缺筆作賢賢,缺其中 筆。此諱例在宋刊書中並不罕見,蓋古避諱並非皆缺末筆。 如南宋刊本《後漢書》(百衲本《廿四史》影印本)宋諱中即有類 被、模、点等諸字,皆其例(各例見百衲本廿四史《後漢書》卷末 張元濟跋)。又改體作美,乃由草書楷化而成。

"緒"字三見,均缺末筆,中一字鋒芒明晰,其爲避諱甚明, 此字爲遼聖宗隆緒諱。

"隆"字作降,或作降,亦或缺筆或改易字體。或以遼代年 號有壽隆,以遼人是否避隆字爲疑,然遼人刻石紀年實作壽 昌,不作壽隆也。《潛研堂金石文字跋尾·遼靈岩寺碑》云"文 云'壽昌初元歲次乙亥',按洪遵《泉志》有'壽昌元寶'錢,引李 季與《東北諸蕃樞要》云'契丹主天佑年號壽昌',又引《北遼通 書》云'天祚即位,壽昌七年改爲乾統',今《遼史》作壽隆,不云 壽昌,或疑《泉志》之誤。予見遼時石刻稱壽昌者多矣,無有云 壽隆者。《東都事略》、《文獻通考》皆宋人之書也,亦稱壽昌。 其以爲壽隆者,《遼史》之誤也。遼人謹於避諱,光禄卿之改崇 禄、澼太宗諱也:改女真爲女直、避與宗諱也: 追稱重熙爲重 和,避天祚嫌名也。凡石刻遇光字皆缺畫,或作灮,此碑亦然。 道宗者聖宗之孫,而以'壽隆'紀元,犯聖宗之諱,此理之必無 者"。《畿輔通志》云"碑有重和初元,重和二十二年,壽昌初元 歲次乙亥等語,《遼史》道宗壽隆元年歲建乙亥,知壽昌卽壽 隆,重熙即重和,可爲錢大昕避諱之説之一證"。案二説均是, 隆之作降或降者,猶光之作灮或作光也。

遼諱一般僅見於《注》文,可知其爲屢經回改之痕跡。

賢字證景。

《五輔》:"則賢良發"。

《大匡》:"尚賢於己",《注》"猶言於不殺也",言字楊本作賢,劉本已被黄丕烈以墨筆校改爲賢,但從紙背可見。

《霸言》:"列不讓賢",《注》"不讓吳俊"。

《霸言》:"賢不齒第擇衆",《注》"雖稱爲吳"。

《戒》:"進二子於里官",《注》"齊國之法舉 吳 必 自 里 尉始"。

《地圖》: "不敢蔽賢", 《注》"不敢蔽隱吴能"。

《制分》:"聖人賢士不爲愛尊爵",《注》"有聖人吴士"。

《君臣上》:"合而聽之則聖",《注》"吴聖不能易"。

《君臣上》:"上下交期於正",《注》"君有言臣",楊本言作賢。

《君臣下》:"道術德行出於賢人",《注》"吴人之道術德行者也"。

《君臣下》:"則賢人不來",《注》"上下不交則吴人隱"。

《君臣下》:"賢人不來則百姓不用",《注》"百姓無美人"。

《君臣下》:"能易賢不肖而可威",《注》"實美謂之不肖,實不肖謂之美,故曰易美不肖也"。

《君臣下》:"黨於下",劉績《補注》"績按: 謂能易美不肖而可以爲朋黨於下"。

《君臣下》:"無諫死之誋",《注》"君明相吴"。

《四稱》:"以攻賢者",《注》"常有陷吴之心"。

《四稱》:"見賢若貨",《注》"其見吴人"。

《侈靡》:"賢者不肖者化焉",《注》"則天下之吴與不肖,無

4

不化也"。

《侈靡》:"賢者少不肖者多",《注》"吴與〔不〕肖, 教而使之","不"字劉本脱,楊本有。

《侈靡》:"鄰國之君俱不賢",《注》"若俱吳則不可得而制"。

《侈靡》:"忽然易卿而移",《注》"立仁吴"。

《侈靡》: "祭之時上賢者也",《注》"謂助祭之時,吴者居上"。

《侈靡》:"而役賢者昌",《注》"用吴其功成"。

≪侈靡»:"恶得伐不服用",≪注»"必待吴能"。

《侈靡》:"百夫無長不可臨也",《注》"若無吴,雖百夫之長無人爲之"。

《侈靡》:"賢不可威",《注》"威吳則邦國殄瘁"。

《侈靡》:"豈不幾於危社主哉",《注》"不能用吴道爲己用"。

《七臣七主》:"誅賢忠"。

《禁藏》:"物有多寡而情不能等",《注》"賢者欲寡"。

«禁藏»: "事有成敗而意不能同", «注»"賢者意多成"。

隆字遠聖宗

≪法法≫:"黄帝唐虞帝之隆也"。

«小匡»: "成周反胙於陰嶽", 《注》"齊太嶽之後, 故言 陰嶽"。

《君臣上》:"外夫人而危太子",《注》"女有寵隆"。

《君臣下》:"爵位雖尊禮無不行",劉績《補注》"績按:故親 愛陽而不敢並嫡子"。

《五行》: "終者九也", 《注》"既能與前王比隆"。

《内業》: "反於道德", 《注》"知極反德則常道自隆"。

《山國軌》:"萬物降而止"。

緒字影響。

《君臣上》:"重道法而輕其國也",《注》"德道之真以理身, 緒餘以理國家"。

《弟子職》:"捧椀以爲緒",《注》"緒,然燭燼也,椀所以緒緒也"。

二 金諱據《金史· 金諱孫即康傳》。

直字金熙宗諱,"虞"字上"靣"同。

《牧民》:"守在倉廪"。

《牧民》:"倉廪實則知禮節"。

《牧民》:"不務地利則倉廪不盈"。

《乘馬》:"倉廪之實"。

《海王》:"一人廪食"。

《海王》:"十人廪食"。

《海王》:"百人廪食"。

《山國軌》:"君已应之矣"。《注》"廪,藏也"。

《山權數》:"倉廩虚則傳賤"。

≪揆度≫:"分廪於賈人"。

≪揆度≫:"賈人受而廪之"。

《輕重甲》:"守在倉廩"。

《輕重甲》:"倉廩實則知禮節"。

宗字金睿宗諱。泰和六年諱字子例,"依《蘭亭》作来"。

《小匡》: "陳力尚賢以勸民之",《注》"吴能陳力而粜上之"。

《侈靡》:"應國之稱號亦更矣",《注》"改其所應祭"。

堯字金睿宗諱。泰和六年華例,从"班"。

≪立政≫:"視肥膮"。

《幼官》:"焼交疆郊",《注》"焚焼而交也"。

≪幼官圖≫:"焼交疆郊"。

《五輔》:"而飲食薪菜競",劉績《補注》"績按:惡飲食,故飲食薪菜競"。

《宙合》:"若敖之在尭也"。

《宙合》:"若敖之在垚也"。(原篇兩見。)

《宙合》:"高下肥墝"。

≪樞言》:"尭舜禹湯"。

≪八觀≫:"荒者不必墝"。

≪小匡≫:"不撓富貴"。

《霸形》:"焼焫熯焚鄭地"(重見)。

《霸形》:"屋之焼者不得復茸也"。

《霸言》:"尭舜人君非生而理也"。

《問》:"甲兵兵車旗鼓鐃帷幕帥車之載幾何乘"。

《地圖》:"困殖之地",《注》"謂其地墝埆"。

《君臣上》:"則民不幸生",《注》"必德律以偷生也"。

《君臣上》:"合而聽之則聖",《注》"蒭荛之言"。

《侈靡》:"故雖有聖人惡用之",《注》"堯爲匹夫"。

《侈靡》:"國貧而貧鄙富",《注》"邊鄙富饒"。

《侈靡》:"不侈",《注》"侈謂饒多也,末事不饒多,本事不給"。

《侈靡》:"則不可以道山也",《注》"其富饒取類於山也"。

《侈靡》:"問運之合滿安臧",《注》"黄帝尭舜"。

《水地》:"折而不桡勇也"。

《任法》:"昔者尭之治天下也"。

《任法》:"故尭之治也"。

《任法》: "不禁而止",《注》"比黄帝之於尭,則尭有爲而黄帝無爲"。

《七臣七主》:"倮大衍",《注》"倮謂焚焼"。

《封禪》:"尭封泰山"。

《小問》:"覺社寒禱"、《注》"殺牲以血澆落於社"。

《桓公問》:"尭有衢室之問者"。

《度地》:"民得其饒"。

≪形勢解≫:"棟生橈"。

《形勢解》:"常以言翹明其與人也"。

《形勢解》:"尭舜古之明主也"。

《揆度》:"焼山林"。

《揆度》:"至於尭舜之王"。

《揆度》:"此尭舜之數也"。

《國准》:"燒增藪"。

《國准》:"燒山林"。

《國准》:"燒增藪"。

《輕重甲》:"昔堯之五吏"。

《輕重甲》:"祭堯之五吏"。

《輕重甲》:"齊之北澤燒"。

《輕重甲》:"今北澤焼"。

≪輕重甲≫:"賣其薪荛"。

《輕重戊》:"燒增藪"。

允字金顯宗諱。泰和六年諱例,允字字只書斜畫,从允之字作兄。

《牧民》:"是謂賢王",劉績《補注》"克滿室堂"。

《權修》:"兵不可以無主",《注》"則無所統一也"。

《幼官》:"審取予以總之",《注》"以總統之"。

《宙合》:"讂克言心也"。

《宙合》:"故葆綂而好終"。

《樞言》:"卑者尊之綂也"。

《心術》:"嗜欲綜益"。

«内業»:"自克自盈",《注»"克盈"。

三 宋 諱

匡字^{朱太}

《五輔》:"此謂匡其急"。

《五輔》:"巨貧窶"。

《大王》:"吾人設詐",劉績《補注》"績按: 詐一本作詎"。

≪封禪»:"一臣天下"。

≪明法解》:"臣主之過"。

《匡乘馬》: 篇目一見作"臣"。

《輕重甲》:"弓弩多匣轉者"。

《輕重甲》: "而使弓弩多臣輆者"。

《輕重甲》:"弓弩無臣輅者"。

《輕重甲》: "而弓弩無匡够者"。

恆字宗真。

《任法》:"法者不可恒也"。

《任法》:"故明主之所恒者二"。

《任法》:"主之所恒也"。

昭字·宋英宗諱,嫌名屬字缺筆, 昭字·見《紹熙重修文書令》。

《立政》:"至都之日",《注》"五屬之都"。

≪幼官》:"弱國爲屬"。

《八觀》:"力事屬私",《注》"但屬意於私"。

《中匡》:"三者之屬"。

《侈靡》:"且君之屬也",《注》"以義相屬"。

《侈靡》:"索屬故也",《注》"臣雖屬君"。

≪侈靡»:"屬際也"。

≪明法≫:"□數雖衆",數上空一屬字,此避諱缺字例。

≪山權數≫:"其餘皆屬諸荒田"。

《山至數》:"盡出於軌之屬也"。

桓字宗章。

全書齊桓公桓字均省筆作"桓",在二百五十處以上,不備舉。

構字崇

<牧民»:"城郭溝渠"。

≪立政≫:"溝瀆不遂於隘"。

《立政》:"溝瀆遂於隘"。

≪立政》:"通溝漕"。

≪乘馬≫:"下毋近水而溝防省"。

≪五輔≫:"利陂溝"。

《問》:"清壑之淺深"。

《制分》:"無溝壘而有耳目",《注》"溝壘,防禦小,視聽遠"。

《四時》:"修溝瀆",《注》"時方溉溝"。

≪揆度≫:"溝瀆也"。

《輕重甲》:"勿使赴於溝澮之中"。

《輕重丁》:"溝瀆阬而不遂"。

慎字宗 。

≪版法解»:"慎施報"。

偁字宋孝宗父 秀王偁諱。

《大匡》:"州里佴之"。

《侈靡》:"保本而動"。

《明法》:"有權衡之稱者"。

《七臣七主》:"故記爾之曰"。

≪版法解»:"事有稱量"。

《版法解》:"察稱量"。

《版法解》:"故君子惡稱人之惡"。

《版法解》:"惡不公議而名常稱"。

《明法解》:"權衡之稱者"。

《山國軌》:"穪貧富而調之"。

校畢書後

本書之增訂,計自一九五三年十一月接受許、聞初稿加以整理,至今二校校畢爲止,費時整整二年。行有餘力,大抵集中於此。用力頗多,但所獲成果殊難令人滿意。

許、聞舊稿僅屬草創,嚴格言之,離成書階段甚遠。爲之補苴罅漏,已超過原有字數數倍。但爲體例所限,一律以許、聞案語録後,以增補之説録前,因而許、聞之説不能照顧全面,且復時有雷同。雖已略爲删芟,然以處理他人遺稿,終不能任所欲爲。此難令人滿意者一也。

許、聞舊稿引列《管》書辭句標目,依己裁斷,每已竄改原文,而以小注標示異同。但其所見未廣,裁斷多欠斟酌處。本書既已增引别家意見或自立新案,於許、聞裁斷有所平反,而標目却不能不仍許、聞之舊,因而眉目不清,易生淆亂。且全文既有標點,而標目文字獨無,未能畫一。此難令人滿意者二也。

舊稿成於輾轉纂集,且錄於助理者之手,錯誤甚多。如戴望《管子校正》既纂録他書,舊稿復轉抄戴著,每每以訛傳訛,戴著之誤更多未能釐正。進行增訂雖已盡力覆檢母本,但亦 苦難周匝,違失之處,更改當有未盡。且糾舉違失時,其過甚 者每不能不加以說明,因而更不免有"許以爲直"之嫌。此難令人滿意者三也。

纂録既出自數人之手,期日之相懸復在二十年以上。雜纂成書,選擇與裁斷之標準不一。且孰係舊稿原有,孰係出於增補,讀者不易了了,因而纂録者之責任有欠分明。歿者之錯誤如未能爲之補正,存者當負其責,而存者所新增之錯誤則因責可旁貸,將不免玷及歿者焉。此難令人滿意者四也。

整理之方,初未詳加考慮,頗自悔其孟浪。蓋策之上者,應將許、聞原稿照樣印行,再别爲增補以匡其違失。如此,則責任分明,而體例亦不致淆亂。然今已無可如何矣。

本書如上所述,雖有種種疵病,然於歷來《管子》校勘工作,已爲之作一初步總結。此一工作,於今後有志研究《管子》者,當不無裨補。此書之作,專爲供研究者參考之用耳。使用此書時或不免有龐然淆雜之感,然如耐心讀之,披沙可以揀金,較之自行漁獵,獺祭羣書,省時撙力多多矣。

至余整理此書,亦復時有弋獲。《管子》一書乃戰國、秦、 漢文字總匯,秦、漢之際諸家學説尤多彙集於此。例如《明法 篇》乃韓非後學所爲,《水地篇》成於西楚霸王時,《侈靡篇》乃 吕后稱制時作品,《輕重》諸篇成於漢文、景之世,皆確鑿有 據。故欲研究秦、漢之際之學説思想,《管子》實爲一重要源 泉。余久有意加以徹底研究,而文字奧衍,簡篇淆亂,苦難理 解。今得此機會,能將原書反復通讀,鑿通渾沌,已爲此後研 究奠定基礎。二年之光陰,亦非純然虚費也。

本書二校校樣,余曾通體校閱一遍,復有所增補删改。曩

時助理者任君林圃因病已回濟南,張君德鈞繼之,分任校政, 增補文字亦頗多。楊遇夫先生亦曾校閱一部分,有所揭發,其 說已爲録入。

書中採及明抄本《册府元龜》,乃青島勞山華嚴寺藏書,去年七月下旬在青島渡休假時,因張公制先生之介紹,得以借閱。該書中所引《管子》,文字與現存《管子》書宋明刻本時有不同,而較爲優勝,蓋所據乃唐人寫本,與宋明刻本之母本有別,故能局部存真也。惜其書已殘,所可利用之處有限耳。

本書之成,多得各地友好及各機構之協助,卷首《叙録》中 已叙及。兹於二校校畢,謹在此再深致謝意。

郭沫若 一九五五年十一月十七日

鹽鐵論讀本

(-)

爲了便於閱讀起見,我把《鹽鐵論》標點了,定名爲《鹽鐵論讀本》。對於難解或者經過校改的字句,我加了一些簡單的注釋。但書中依然還有一些難解和有訛誤的地方,且留待學者們作進一步的探討。

書名叫《鹽鐵論》,只是鹽鐵會議的意思,它並不是經濟論 文,雖然它包含着很豐富的西漢中葉的經濟思想史料。原書 分爲十卷六十篇,自第一篇至第四十一篇是寫鹽鐵會議的正 式辯論,自第四十二篇至第五十九篇是寫會議後的餘談,最後 一篇《雜論第六十》是全書的後序。古人寫序,照例是寫在書 的末尾的。

我在這《讀本》裏面把卷數取消了,只在目録裏面注出,保留着它的痕跡。事實上分篇也是多餘的,但我没有改動。古人的書有的是寫在竹簡上,有的是寫在紙上或者帛上。寫在竹簡上的寫滿了一定分量成爲一册,即稱爲"册"或稱爲"編"(篇)。册字的形象就是竹簡的彙集,編是用繩子編聯起來的意思。寫在紙上或者帛上的,寫滿了一定分量成爲一捲,便名

之爲"卷",卷者捲也。寫在竹簡上用繩子編聯起來的當然也可以捲起來。故在實際上分篇分卷的辦法有時候並没有一定的必然性。本書就是一個例證。

各人的對話,我把它們分列了。有些簡單的描寫和敘述 文字,我也把它們分列了。這樣可以使眉目清醒一些。

(=)

鹽鐵會議是怎麽一回事呢?

這是在漢昭帝始元六年(公元前八十一年)二月,當時的朝廷所召開的一次會議。當時的朝廷把天下的讀書人,有功名的和没有功名的,一共六十多人,召集到京師,和政府的負責人討論鹽鐵國營和酒類專賣等問題。這些本是自漢武帝以來政府所奉行着的最高國策,因爲有人反對,故召集會議來討論。

政府方面參加討論的有丞相田千秋卽書中的"丞相",有 御史大夫桑弘羊卽書中的"大夫",有丞相的下屬"丞相史"、御 史大夫的下屬"御史"。

民間來的代表就是"文學"即讀書人和"賢良"即讀書人已 經被選爲了"賢良方正"的。選讀書人爲"賢良方正"是漢朝的 制度,始於漢文帝二年。這種人是有了功名,但還没有一定的 官職。

鹽鐵國營、酒類專賣以及平準均輸等財政政策是漢武帝 一代的文治武功的經濟基礎。桑弘羊是制定和推行這些政策 472 的一位主腦人物。這些中央集權的高級政策對於國家事業是 有利的,但從民間的商人和地主階級的立場看來,便感覺着很 不利。因此從民間來的代表"賢良"與"文學"便極端反對這種 國策,辯論得非常激烈。

"賢良"與"文學"以儒家思想爲武器,講道德,說仁義,在 我們今天看來,講說得有時候非常迂腐可笑。桑弘羊和他的 下屬們基本上是站在法家的立場,議論都從現實出發,有時也 很尖鋭地批評儒家和孔子。因此這一次的會議事實上是一場 思想上的大鬥争。這在表面上雖然是朝廷與民間的明争,而 在事實上是大將軍霍光與桑弘羊的暗鬥。

霍光、田千秋、桑弘羊是在漢武帝死時同受遺韶扶持幼主的人(見《漢書·車千秋傳》等)。從種種史實看來,霍光和桑弘羊是對立的。霍光很顯然就是代表地主商人階級利益而反對國營和專賣政策的人。他爲了擴大自己的勢力,所以要利用民間的力量來反對,賢良和文學那一批人就是霍光所利用的人。鹽鐵會議假使没有霍光的主動支持,毫無疑問,是不可能召開的。

會議的結果,朝廷是讓了一步,便是把酒類專賣廢止了, 那是在始元六年七月見諸實施的。但是霍光和桑弘羊之間的 鬥争却不久就明朗化了。那就是在鹽鐵會議後的一年(元鳳 元年),因燕王之變(這只是上述的思想鬥争的擴大表現),桑 弘羊和他的一家都被霍光處死了。 班固在《漢書·車千秋傳贊》裏提到鹽鐵會議的梗概和桓 寬寫出這部《鹽鐵論》的經過。

"所謂鹽鐵議者起始元中,徵文學、賢良問以治亂,皆 對願罷郡國鹽鐵、酒榷、均輸,務本抑末,毋與天下争利, 然後教化可與。

御史大夫桑弘羊以爲此乃所以安邊竟、制四夷,國家大業,不可廢也。

當時相詰難,頗有其議文。

至宣帝時,汝南桓寬次公治《公羊春秋》,舉爲郎,至 廬江太守丞。博通,善屬文。推衍鹽鐵之議,增廣條目, 極其論難,著數萬言,亦欲以究治亂,成一家之法焉"。 (接下去把本書後序《雜論第六十》幾乎全録了)。

據此可知,鹽鐵會議在當時是有紀錄的("頗有其議文"), 桓寬利用了那些紀錄把它組織了一番,即"推衍"和"增廣"。 所以這部《鹽鐵論》並不等於鹽鐵會議的紀錄文件。

這部《鹽鐵論》,在我認爲是一部處理歷史題材的對話體小說。它不僅保留了許多西漢中葉的經濟思想史料和風俗習慣,在文體的創造性上也是值得重視的。它雖然主要是對話體,但也有一些描述文字。特別值得注意的是桓寬創造了人物的典型。他用了概括的手法把六十幾位民間代表概括成爲了"賢良"與"文學"兩人,把丞相和御史大夫的寮屬也只概括

成了"丞相史"與"御史"兩人。這四種人物都各有一定的立場,有時更簡單地寫出了他們的感情和動態。

田千秋,綽號"車千秋",因爲他年紀老,受到優遇,"朝見得乘小車入宫殿中",所以又叫作車千秋。他是一位有名的鄉愿,不説話、不得罪人的濫好人。霍光相當喜歡他。本書中寫田千秋就只無關痛癢地問了兩句話。桓寬在后序裏稱讚他道:"車丞相卽周魯之列,當軸處中,括囊不言,容身而去。彼哉! 彼哉!"可見桓寬寫丞相,並不是不肯多費筆墨,而是有意塑造一個"括囊不言"的活寶貝。

桑弘羊寫得最好,不僅顯示出了他的智慧,也顯示出了他 的大政治家的風度。

(四)

桑弘羊在中國歷史上是一位了不起的人物。他本來是洛陽商人的兒子,是一位數學天才,在十三歲的時候就被漢武帝賞識,提拔到身邊做自己的助手("侍中")。他是一位理財的專家。在前面已經說過,鹽鐵國營、酒類專賣、平準均輸等國策的訂立和推行,他都是參預了的,而且是主要脚色。漢武帝一代的文治武功就是以這些高級的國家財經政策爲基礎的。兩千多年前就有桑弘羊這樣有魄力的偉大財政家,應該說是值得驚異的。

桑弘羊是很值得我們作進一步研究的歷史人物,但要研究桑弘羊,這部《鹽鐵論》就是絕好的材料。本書《貧富第十七

篇》中桑弘羊自己說"余結髮束脩,年十三幸得宿衞,給事輦穀之下以至卿相之位,獲禄受賜六十有餘年矣",十三加上六十幾,可以知道他死時已經在七十歲以上。桑弘羊與上官桀爲一派,他們擁戴漢昭帝的哥哥燕王旦,打算除掉霍光,廢掉在霍光掌握中的十四歲的小兒皇帝,但因機事不密,洩露了,遭了失敗。史書稱這次事變爲"争權",其實是包含着了一個在思想和政策上不同意見的大鬥争的。燕王旦之變,我認爲可以看作是鹽鐵會議的擴大。

桓寬本人也是代表地主階級和商人利益的人,他服膺儒家思想,反對法家,因而很不滿意桑弘羊。在《雜論篇》裏他的批評是"桑大夫據當世,合時變,推道術,尚權利,辟略小辯,雖非正法,然巨儒宿學恧然不能自解,可謂博物通士矣;然攝卿相之位,不引準繩以道化下,放於末利,不師始古,《易》曰'焚如棄如',處非其位,行非其道,果殞其身,以及厥宗"。桓寬,對於桑弘羊之死是在幸災樂禍的。因此,書中關於桑弘羊的言論,我們可以斷定,必然是根據實録,不會是由桓寬所"推衍"或"增廣"。有桓寬這一部書,把桑弘羊這樣一位歷史人物的思想、言論和風度,相當完整地保留了下來,是值得慶幸的。這裏也提出一個例證,便是作家思想雖然保守,但他如果采取了現實主義的方法,他也可以出色地反映出歷史的真實。

從書中的描寫看來,桑弘羊是很聰明犀利的人。他差不 多一個人在那裏舌戰羣儒。他站在實際政治家的立場,基本 上祖述法家,而反對儒家;主張切合實際,而反對不切實際的 空論。儘管以儒家思想爲武器的賢良和文學執扭地圍攻他, 有時甚至是當面罵他,他雖然也每每使用了好些相當尖銳的話來回敬,但他並没有鬧到翻臉的地步。在收場的時候,桑弘羊所說的一句話非常有趣。那便是"膠車條逢雨,請與諸生解"。膠起來的車子,忽然遇到雨就分解了,上句取的就是一個"解"字。這有點像現代的歇後語之類。在四川話裏面,這種語法很多,一般叫作"展諺子"。可見這種習慣,在兩千多年前的西漢就已經有了。用了這句話來結束會議,充分表現了桑弘羊的幽默感。

(五)

班固稱讚桓寬"博通、善屬文"是可以同意的。本書所涉及的範圍相當廣泛,的確表示了作者的"博通"。拿文字來講,書中有好些形象化的語句,例如,"順風承意之士(指御史和丞相史)如編鐘,口張而不歙,舌舉而不下,闍然如懷重負而見責"。也有好些特創的語法,例如"若夫劍客論,博奕辯,盛色而相蘇秦",把蘇秦這個固有名詞轉化而爲了動詞。又如"有韶公卿與斯議,而空戰口也","空戰口"也是很奇特的創語。根據這些,也可以看出桓寬的確是"善屬文"。

本來漢賦就是對話體的文字,但一般只有兩個人或頂多 三個人,往往就像兩扇大門一樣,一開一合。《鹽鐵論》是把這 種體裁發展了,書中有六種人物,而問答也相當生動,並不那 麼呆板。這可以說是走向戲劇文學的發展,但可惜這一發展 在漢代沒有得到繼承。 如果呆板的漢賦都可以看成文學作品,而《鹽鐵論》却不 把它看成文學作品,這是很值得詫異的。

因此我要再說一遍,《鹽鐵論》是處理經濟題材的對話體 的歷史小說。它要求我們的文學史家應該予以適當的地位。

郭沫若 一九五六年三月二十日

本 議 第 一

惟始元六年,有詔書使丞相、御史與所舉賢良、文學語。問民間所疾苦。

文學對曰: 竊聞治人之道,防淫佚之原,廣道德之端,抑末 利而開仁義,毋示以利,然後教化可興,而風俗可移也。今郡 國有鹽鐵、酒榷、均輸,與民争利。散敦厚之樸,成食鄙之化。 是以百姓就本者寡,趨末者衆。夫文繁則質衰,末盛則本虧。 末修則民淫,本修則民慤。民慤則財用足,民侈則饑寒生①。 願罷鹽鐵、酒榷、均輸,所以進本退末,廣利農業,便也。

大夫曰:匈奴背叛不臣,數爲寇暴於邊鄙。備之則勞中國之士,不備則侵盗不止。先帝哀邊人之久患,苦爲虜所係獲也,故修障塞,飭烽燧,屯戍以備之邊。用度不足,故與鹽鐵,設酒権,置均輸。蕃貨長財,以佐助邊費。今議者欲罷之,内空府庫之藏,外乏執備之用,使備塞乘城之士饑寒於邊,將何以贍之,罷之,不便也。

文學曰: 孔子曰"有國有家者不患寡而患不均,不患貧而 患不安"。故天子不言多少,諸侯不言利害,大夫不言得喪。

① 王先謙云:《通典》十一作"末修則人侈,本修則人懿。懿則財用足,侈 則饑寒生。"唐諱民爲人。《通典》引此書,字句多删節。——作者注

畜仁義以風之,廣德行以懷之。是以近者親附而遠者悦服。 故善克者不戰,善戰者不師,善師者不陣。修之於廟堂,而折 衝旋師。王者行仁政,無敵於天下,惡用費哉?

大夫曰:匈奴桀黠擅恣,入塞,犯厲中國,殺伐郡縣朔方都尉,甚悖逆不軌,宜誅討之日久矣。陛下垂大惠,哀元元之未贍,不忍暴士大夫於原野,縱無被堅執鋭者北面復匈奴之志①,又欲罷鹽鐵、均輸,用損武略②,無憂邊之心。於其義(議)未便也。

文學曰: 古者貴以德而賤用兵。孔子曰"遠人不服,則修 文德以來之。既來之,則安之"。今廢道德而任兵革,興師而 伐之,屯戍而備之,暴兵露師以支久長,轉輸糧食無已,使邊境 之士饑寒於外,百姓勞苦於內。立鹽鐵,始張利官以給之,非 長策也。故以罷之爲便也。

大夫曰: 古之立國家者,開本末之途,通有無之用。市朝以一其求,致士民,聚萬貨,農商工師各得所欲,交易而退。 《易》曰"通其變,使民不倦"。故工不出,則農用乏③;商不出, 則寶貨絶。農用乏,則穀不殖;寶貨絶,則財用匱。故鹽鐵、均 輸,所以通委財而調緩急。罷之,不便也。

文學曰: 夫導民以德則民歸厚,示民以利則民俗薄。俗薄 則背義而趨利,趨利則百姓交於道而接於市。老子曰"貧國若 有餘",非多財也,嗜慾衆而民躁也。是以王者崇本退末,以禮

① "縱無"原作"縱然","者"作"有",不可通,以意改。 —— 作者注

② 原作"憂邊用損武略","憂邊"二字,涉下文而衍。 ——作者注

③ "乏"原作"乖",明華氏活字本作"乏",盧文弨引《大典》本同,是。

義防民,欲實菽粟貨財。市,商不通無用之物,工不作無用之器。故商所以通鬱滯,工所以備器械,非治國之本務也。

大夫曰:管子云"國有沃野之饒而民不足於食者,器械不備也。有山海之貨而民不足於財者,商工不備也"。隴、蜀之丹漆旄羽,荆、揚之皮革骨象,江南之枏梓竹箭,燕、齊之魚鹽 旃裘,兗、豫之漆絲絺紵,養生送終之具也,待商而通,待工而成。故聖人作爲舟檝之用以通川谷,服牛駕馬以達陵陸;致遠窮深,所以交庶物而便百姓。是以先帝建鐵官以贍農用,開均輸以足民財,鹽鐵、均輸,萬民所戴仰而取給者,罷之,不便也。

文學曰:國有沃野之饒而民不足於食者,工商盛而本業荒也。有山海之貨而民不足於財者,不務民用而淫巧衆也。故川源不能實漏卮,山海不能贍溪壑。是以盤庚率苦①,舜藏黄金,高帝禁商賈不得仕宦,所以遏貪鄙之俗而醇至誠之風也。排困市井,防塞利門,而民猶爲非也,況上之爲利乎。傳曰"諸侯好利則大夫鄙,大夫鄙則士貪,士貪則庶人盗"。是開利孔爲民罪梯也。

大夫曰:往者郡國諸侯各以其物貢輸,往來煩難②,物多 苦惡,或不償其費。故郡置輸官以相給運,而便遠方之貢,故

① "率苦",原誤作"萃居",依孫詒讓校改。孫云:"萃居當作率苦,形近而誤。張衡《西京賦》云'盤庚作《誥》,帥人以苦'。李《注》引《書·盤庚》'率籲衆蹙,出矢言'。蓋西漢經師有帥人以苦之説。桓、張並本於彼。率、帥,古字通"。——作者注

② "煩難"原作"煩雜".依盧文弨校改。——作者注

曰均輸。開委府於京,以籠貨物。賤卽買,貴則賣。是以縣官不失實,商賈無所貿利,故曰平準。平準則民不失職,均輸則民齊勞逸。故平準、均輸,所以平萬物而便百姓,非開利孔爲民罪梯者也。

文學曰:古者之賦稅於民也,因其所工、不求所拙。農人納其穫,女工効其功。今釋其所有,責其所無。百姓賤賣貨物以便上求。間者郡國或令民作布絮,吏恣留難①,與之爲市。吏之所入,非獨齊阿之嫌②,蜀漢之布也,亦民間之所爲耳。行姦賣平③,農民重苦、女工再稅、未見輸之均也。縣官猥發、闔門擅市,則萬物並收。萬物並收,則物騰躍。騰躍,則商賈侔利。自市,則吏容姦豪④。而⑤富商積貨儲物以待其急,輕賈姦吏收賤以取貴,未見準之平也。蓋古之均輸,所以齊勞逸而便貢輸,非以爲利而賈萬物也。

① "恣"字原奪,據盧文弨校補。 —— 作者注

② "阿"原作"陶",據洪頤煊校改。洪云:"陶即定陶,不聞出練。陶當是阿字之譌。《淮南·脩務篇》'衣阿錫'。《史記·司馬相如列傳》'被阿錫'。《集解》 '《漢書音義》阿、細繪也。'《正義》'東阿出繪'。"——作者注

③ 王先謙云:《周禮》"小宰聽賣買以質劑",先鄭云"質劑謂市中平賈,今時月平是也"。《法言·學行篇》"一鬨之市必立之平",李《注》"市無平,必失貴賤之正"。據此,若今市中經紀平定時價長落矣,故曰賣平。《曆夫論·巫列篇》"此猶人之有姦言賣平以干求者也",與此"行姦賣平"同義。亦曰"賣評",見《後漢書·蓋勳傳注》。——作者注

④ 此句疑有奪誤,"自市"蓋謂官家自營貿易。——作者注

⑤ 明沈延銓等本"而"字作"吏",則當讀作"自市,則吏容姦,豪吏富商積貸儲物以待其急"。

力耕第二

大夫曰:王者塞天財,禁關市,執準守時,以輕重御民。豐年歲登,則儲積以備乏絕;凶年惡歲,則行幣物;流有餘而調不足也。昔禹水湯旱,百姓匱乏,或相假以接衣食。禹以歷山之金,湯以莊山之銅①,鑄幣以贈其民②,而天下稱仁。往者財用不足、戰士或不得禄,而山東被災,齊、趙大饑,賴均輸之畜,倉廩之積,戰士以奉,饑民以賑。故均輸之物,府庫之財,非所以賈萬民而專奉兵師之用,亦所以賑困乏而備水旱之災也。

文學曰:古者十一而稅,澤梁以時入而無禁,黎民咸被南 畝而不失其務。故三年耕而餘一年之蓄,九年耕〔而〕有三年 之蓄。此禹湯所以備水旱而安百姓也。草萊不闢,田疇不治, 雖擅山海之財,通百末之利^③,猶不能贈也。是以古者尚力務 本而種樹繁,躬耕趣時而衣食足,雖累凶年而人不病也。故衣

① "莊山"原作"嚴山",據王啓源校改。王云: 按《管子》言"湯以莊山之金 鑄幣而贖民之無檀賣子者"。言"嚴山"者東京世避明帝諱追改,若莊公之爲"嚴 公",莊助之爲"嚴助",非次公舊本也。——作者注

② 楊樹達《讀鹽鐵論札記》謂"贈"當作"贖",是。

③ "百末"原作"百味",據盧文弨校改。王先謙云: 以《通有篇》"無味利"證之,則味爲末字之爲,甚明。——作者注

4

食者民之本、稼穑者民之務也。二者修,則國富而民安也。 《詩》曰"百室盈止、婦子寧止"也。

大夫曰: 聖賢治家非一室、富國非一道。昔管仲以權譎霸,而紀氏以强本亡①。使治家養生必於農,則舜不甄陶而伊尹不爲庖。故善爲國者、天下之下我高,天下之輕我重。以末易其本,以虚蕩其實。今山澤之財,均輸之藏,所以御輕重而役諸侯也。汝漢之金,繼微之貢,所以誘外國而釣胡羌之寶也。夫中國一端之縵,得匈奴累金之物,而損敵國之用。是以廳驢馲駝銜尾人塞,驒騱騵馬盡爲我畜,驒韶狐貉采旃文罽充於內府,而璧玉珊瑚瑠璃咸爲國之寶。是則外國之物内流,而利不外泄也。異物内流則國用饒,利不外泄則民用給矣②。

文學曰: 古者、商通物而不豫,工致牢而不僞。故君子耕稼田魚,其實一也。商則長詐,工則飾罵③,内懷闚關而心不怍,是以薄夫欺而敦夫薄。昔桀女樂充宫室,文繡衣裳,故伊尹高逝遊薄,而女樂終廢其國。今驘驢之用不中牛馬之功,鱓貂旃罽不益錦綈之實。美玉珊瑚出於昆山,珠璣犀象出於桂

① 原作"范氏以強大亡",據張敦仁校改。張云:按"范"當作"紀","大"當作"本"。《管子·輕重乙》載其事云"桓公曰:強本節用可以爲存乎?管子對曰:可以爲益愈,而未足以爲存也。昔紀氏之國強本節用者,其五穀豊滿而不能理也,四流而歸於天下。是則紀氏其強本節用適足以使其民穀盡而不能理,爲天下虜。是以其國亡而身無所處"。此語出於彼。紀氏亡者即《春秋》"紀侯大去其國"。強本謂務農,故大夫以之難文學。今本不可通。下文云"故善爲國者天下之下我高,天下之輕我重"。其語亦出於彼。——作者注

② 此下本有"《詩》曰百室盈止婦子寧止"十字。盧文弨云"十字因上衍",是也。今據删。——作者注

③ 罵當作駕。《左傳》昭元年"猶詐晉而駕焉",杜《注》"駕、陵也"。——作者注

林。此距漢萬有餘里。計耕桑之功,資財之費,是一物而售百倍其價①,一揖而中萬鍾之栗也。夫上好珍怪則淫服下流,費遠方之物則貨財外充。是以王者不珍無用以節其民,不愛奇貨②以富其國。故理民之道在於節用尚本,分土井田而已。

大夫曰:自京師東西南北,歷山川,經郡國,諸殷富大都, 無非街衢五通,商賈之所臻,萬物之所殖者。故聖人因天時, 智者因地財,上士取諸人,中士勞其形。長沮、桀溺無百金之 積,蹠蹻之徒³ 無猗頓之富,宛、周、齊、魯商徧天下。故乃商 賈之富⁴,或累萬金,追利乘羨之所致也。富國何必用本農, 足民何必井田也。

文學曰:洪水滔天而有禹之績,河水泛濫而有宣房之功。 商紂暴虐而有孟津之謀,天下煩擾而有乘羨之富。夫上古至 治,民樸而貴本,安愉而寡求。當此之時,道路罕行,市朝生 草。故耕不强者無以充虚,織不强者無以掩形。雖有凑會之 要,陶、宛之術⑤,無所施其巧。自古及今,不施而得報,不勞 而有功者,未之有也。

① 此下原有"一也"二字。俞樾云: "其價一也"四字文有錯誤。"其價"當作"之價",屬上句讀。"一也"二字衍文,蓋即下句"一挹"之誤而衍者。其本文云"是一物而售百倍之價,一挹而中萬鍾之栗也",兩句相對。沫若案: 俞説可從。唯"其"猶"之"也,不必改。——作者注

② "奇"原作"其",明華氏活字本、太玄書室本、張之象本、沈延銓本皆作"奇",是。

③ 王啓源以"蹫"爲曆,訓爲草履,謂此"非如諸篇之謂盗雖、莊蹻"。——作者注

④ "商"原作"萬",據盧文弨説校改。

⑤ 原作"陶室之術",依孫詒讓校改。孫云: 疑"室"當爲"宛"。《史記·貨殖傳》云"范蠡之陶爲朱公"。又云"宛孔氏用鐵冶爲業,家致富數千金"。陶、宛即指朱公與孔氏也。上文云"宛、周、齊、魯商徧天下"亦可證。——作者注

通有第三

大夫曰: 燕之涿薊,趙之邯鄲,魏之温軹,韓之滎陽,齊之臨淄,楚之宛、陳①,鄭之陽翟,二周之三川②,富冠海内,皆爲天下名都。非有助之耕其野而田其地者也,居五諸侯之衢,跨街衝之路也。故物豐者民衍,宅近市者家富。富在術數,不在勞身;利在勢居,不在力耕也。

文學曰: 荆陽、南有桂林之饒,内有江湖之利,左陵陽之金,右蜀漢之材,伐木而樹穀,燔萊而播栗,火耕而水耨,地廣而饒財;然後紫窳偷生,好衣甘食。雖白屋草廬,歌謳鼓琴,日給月單(殫),朝歌暮戚。趙中山帶大河,纂四通神衢,當天下之蹊。商賈錯於路,諸侯交於道。然民淫好末,侈靡而不務本。田疇不修,男女矜飾。家無斗筲,鳴琴在室。是以楚、趙之民均貧而寡富。宋、衛、韓、梁好本稼穡,編户齊民,無不家衍人給。故利在自惜,不在勢居街衢;富在儉力趣時,不在歲

① 原作"楚之宛丘",據王先謙校改。王云:《御覽》四百七十二《人事部》引 "丘"作"陳"。案《御覽》是也。宛、陳皆楚地。宛、漢南陽郡,今南陽府治。陳、漢 淮陽國,今陳州府治。故曰"天下名都"。若陳有宛丘,見於《詩雅》。但此言"富冠 海内",不得專指一丘。雖後代嘗緣宛丘立縣,固非漢世所侈稱也。——作者注

② 原作"三川之二周",明張之象本、沈延銓本作"二周之三川",是。

司羽鳩也①。

大夫曰: 五行、東方木,而丹、章有金銅之山; 南方火,而交趾有大海之川; 西方金,而蜀隴有名材之林; 北方水,而幽都有積沙之地。此天地所以均有無而通萬物也。今吴越之竹,隋唐之材,不可勝用,而曹、衛、梁、宋采棺轉尸②; 江湖之魚,萊、黄之鮐,不可勝食,而鄒、魯、周、韓藜藿蔬食。天地之利無不贍,而山海之貨無不富也,然百姓匱乏,財用不足,多寡不調,而(則)天下財不散也。

文學曰: 古者采椽不斲,茅屋不翦,衣布褐,飯土硎,鑄金爲鉏,埏埴爲器,工不造奇巧,世不寶不可衣食之物。各安其居,樂其俗,甘其食,便其器。是以遠方之物不交,而昆山之玉不至。今世俗壞而競於淫靡,女極纖微,工極技巧,雕素樸而尚珍怪,鑽山石而求金銀,没深淵求珠璣,設機陷求犀象,張網羅求翡翠,求蠻貉之物以眩中國,徙卬筰之貨致之東海,交萬里之財,曠日費功,無益於用。是以褐夫匹婦③勞罷(疲)力屈,而衣食不足也。故王者禁溢利,節漏費。溢利禁則反本,漏費節則民用給。是以生無乏資,死無轉尸也。

大夫曰: 古者宫室有度, 輿服以庸; 采椽茅茨、非先王之制也。君子節奢刺儉, 儉則固。昔孫叔敖相楚, 妻不衣帛, 馬不

① 此語頗費解,疑"羽鳩"乃聚斂之意。《周禮·地官》有羽人,"掌以時徵羽翮之政於山澤之農,以當邦賦之政令"。"歲司羽鳩"殆謂歲以鳩 斂 爲事。——作者注

② "采槟"謂以柞木爲棺,"轉尸"猶棄尸。——作者注

③ "褐"原作"揭",明華氏活字本、樱寧齋鈔本、倪邦彦本、九行本、太玄書室本作"褐",是。

秣栗。孔子曰"不可,大儉極下",此《蟋蟀》所爲作也。管子曰 "不飾宫室則材木不可勝用,不充庖廚則禽獸不損其壽,無末 利則本業何出,無黼黻則女工不施"①。故工商梓匠,邦國之 用、器械之備也,自古有之,非獨於此。弦高販牛於周,五羖賃 車入秦,公輸子以規矩,歐治以鎔鑄。百工居肆,以致其事②; 農商交易,以利本末。山居澤虞,蓬蒿境埆,財物流通,有以均 之。是以多者不獨衍,少者不獨饉。若各居其處,食其食,則 是橘柚不鬻,朐鹵之鹽不出,旃罽不市,而吴唐之材不用也。

文學曰: 孟子云"不違農時、穀不可勝食。蠶麻以時,布帛不可勝衣也。斧斤以時入,材木不可勝用。田漁以時,魚肉不可勝食"。若則飾宫室,增臺樹,梓匠斲巨爲小,以圓爲方,上成雲氣,下成山林,則材木不足用也。男子去本爲末,雕文刻鏤以象禽獸,窮物究變,則穀不足食也。婦女飾微治細以成文章,極伎盡巧,則絲布不足衣也。庖宰烹殺胎卵,煎炙齊(劑)和,窮極五味,則魚肉不足食也。當今世、非患禽獸不損,材木不勝,患僭侈之無窮也;非患無旃罽橘柚,患無狹廬糟糠③也。

① 今本《管子》無此文,殆係摄述《侈靡篇》之大意。又"無末利"原作"無味利",依盧文弨校改。"本業何出","何"原作"所",亦係字誤。——作者注

② "百工居肆"上原有"語曰"二字,當是衍文,今删去。——作者注

③ "糟糠"原作"糠糟",據張之象本、沈延銓本乙正。

錯幣第四

大夫曰:交幣通施,民事不及,物有所并也。計本量委,民有機者,穀有所藏也。智者有百人之功,愚者〔有〕不更本之事。人君不調,民有相妨之富也。此其所以或儲百年之餘,或不厭糟糠也。民大富,則不可以禄使也;大彊,則不可以威罰也;非散聚均利者不齊。故人主積其食,守其用;制其有餘,調其不足;禁溢羡,厄利塗;然後百姓可家給人足也①。

文學曰: 古者貴德而賤利,重義而輕財。三王之時,疊盛 疊衰。衰則扶之,傾則定之。是以夏忠,殷敬,周文,庠序之 教、恭讓之禮,粲然可得而觀也。及其後、禮義弛崩,風俗 (教?)滅息。故自食禄之君子違於義而競於財,大小相吞,啟 轉(急緩)相傾。此所以或储百年之餘,或無以充虚蔽形也。 古之仕者不穑,田者不漁,抱關擊析皆有常秩,不得兼利盡物。 如此,則愚智同功,不相傾也。《詩》云"彼有遺秉,此有滯穗, 伊寡婦之利",言不盡物也。

大夫曰: 湯文繼衰, 漢興乘弊。一質一文, 非苟易常也。 俗弊冢法^②, 非務變古也, 亦所以救失扶衰也。故教與俗改,

① 此節議論與《管子·國蓄篇》文大同小異,蓋取材於彼。——作者注

② "俗弊冢法"原作"俗弊家法",意不可通。"冢法"者謂承秦之法而不改也。即下文"漢初乘弊而不改易"之意。——作者注

弊(幣)與世易。夏后以玄貝,周人以紫石,後世或金錢刀布。 物極而衰,終始之運也,故山澤無征則君臣同利,刀幣無禁則 姦貞並行。夫臣富相侈,下專利則相傾也。

文學曰: 古者市朝而無刀幣,各以其所有易無,抱布貿絲而已。後世卽有龜貝金錢交施之也,幣數變而民滋僞。夫救僞以質,防失以禮。湯文繼衰,革法易化,而殷周道興。漢初乘弊而不改易,畜利變幣,欲以反本,是猶以煎止燔、以火止沸也。上好禮則民誾飾,上好貨則下死利也①。

大夫曰:文帝之時,縱民得鑄錢,冶鐵,煮鹽。吴王擅鄣海澤,鄧通專西山。山東奸猾咸聚吴國,秦雍漢蜀因鄧氏。吴鄧錢布天下,故有鑄錢之禁,禁禦之法立,而奸僞息。奸僞息則民不期於妄得而各務其職,不反本何爲?故統一,則民不二也;幣由上,則下不疑也。

文學曰:往古幣衆財通而民樂,其後稍去舊幣,更行白金龜龍,民多巧新幣,幣數易而民益疑。於是廢天下諸錢,而專命水衡三官作。吏匠侵利②,或不中式,故有薄厚輕重。農人不習,物類比之,信故疑新,不知姦真。商賈以美貿惡,以半易倍。買則失實,賣則失理,其疑或(惑)滋益甚。夫鑄僞金錢以(已)有法,而錢之善惡無增損於故③。擇錢則物稽滯,而用人尤被其苦。《春秋》曰"算不及蠻夷則不行"。故王者外不鄣海澤以便民用,内不禁刀幣以通民施。

① 徐德培云:《荀子·大略篇》"上好義則民關飾矣,上好富則民死利矣", 次公即用《荀子》而小變其文。——作者注

② "吏匠"原作"吏近",據孫詒讓校改。孫云: "吏近"義不可通,"近"當爲 "匠",謂鑄泉之工匠也。——作者注

③ "於故"原作"於政",據孫詒讓校改。——作者注

禁 耕 第 五

大夫曰:家人有寶器,尚函匣而藏之,況人主之山海乎?夫權利之處,必在深山窮澤之中,非豪民不能通其利。異時鹽鐵未籠,布衣有朐邴,人君有吴王①,專山澤之饒,薄賦其民,賑贈窮小,以成私威。私威積而逆節之心作。夫不蚤絕其源而憂其末,若決吕梁,沛然,其所傷必多矣。太公曰"一家害百家,百家害諸侯,諸侯害天下,王法禁之"。今放民於權利,罷鹽鐵以資暴彊,遂其貪心,衆邪羣聚,私門成黨,則强禦日以不制,而并兼之徒姦形成矣。

文學曰:民人藏於家,諸侯藏於國,天子藏於海內。故民 人以垣牆爲藏閉,天子以四海爲匣匱。天子適諸侯,升自阼 階,諸侯納管鍵,執策而聽命,示莫爲主也。是以王者不畜聚, 下藏於民,遠浮利,務民之義。義禮立則民化上。若是,雖湯 武生存於世,無所容其慮。工商之事,歐治之任,何姦之能成? 三桓專魯、六卿分晉,不以鹽鐵。故權利深者、不在山海,在朝 廷;一家害百家,在蕭牆,而不在朐邴也。

大夫曰: 山海有禁而民不傾, 貴賤有平而民不疑。縣官

① "布衣有胸邴,人君有吴王", 朐山在魯之東,其地邴氏以鐵冶致富。吴王濞鑄錢煮海,富埒天子,其後叛亂。——作者注

設衡立準,人從所欲,雖使五尺童子適市,莫之能欺。今罷去之,則豪民擅其用而專其利。決市間巷,高下在口吻,貴賤無常,端坐而民豪。是以養强抑弱而藏於跖也。彊養弱抑,則齊民消;若衆穢之盛而害五穀。一家害百家不在朐邴,如何也?

文學曰: 山海者,財用之寶路也。鐵器者,農夫之死士 也①。死士用則仇讎滅,仇讎滅則田野闢,田野闢而五穀熟。 寶路開則百姓贍而民用給,民用給則國富。國富而教之以禮, 則行道有讓,而工商不相豫,人懷敦樸以相接而莫相利。夫 秦、楚、燕、齊士力不同,剛柔異勢,巨小之用,居局之宜,黨殊 俗易,各有所便。縣官籠而一之,則鐵器失其宜,而農民失其 便。器用不便,則農夫罷於壄而草萊不辟。草萊不辟,則民困 乏。故鹽冶之處、大校皆依山川,近鐵炭,其勢咸遠而作劇。郡 中卒踐更者,多不勘(堪),賣取庸代②。縣邑或以户口賦鐵, 而賤平其準。良家以道次發僦運鹽鐵,煩費,百姓病苦之。愚 竊見一官之傷千里,未覩其在朐邴也。

① "寶路",路字原奪,據《通典》十引,補。"死士"原誤作"死生",據《通典》十引校改。下"死士用"句,同。——作者注

② 漢民年二十三以上爲正卒,五十六歲而免。年服役一月, 更替爲之, 謂之"卒更"。富者可傭人代役, 月出錢二千, 謂之"踐更"。 —— 作者注

復古第六

大夫曰: 故扇水都尉彭祖寧歸,言鹽鐵令,品品甚明①,卒 徒衣食縣官,作鑄鐵器,給用甚衆,無妨於民。而吏或不良,禁 令不行,故民煩苦之。令意總一鹽鐵②,非獨爲利人也,將以 建本抑末,離朋黨、禁淫侈、絶幷兼之路也。古者名山大澤不 以封,爲下之專利也。山海之利,廣澤之畜,天下之藏也,皆宜 屬少府。陛下不私,以屬大司農,以佐助百姓。浮食豪民好欲 擅山海之貨,以致富業,役制細民③,故沮事議者衆。鐵器兵 刃,天下之大用也,非衆庶所宜事也。往者豪彊大家得管山海 之利,采鐵石鼓鑄,養鹽,一家聚衆或至千餘人,大抵盡收放流 人民也。遠去鄉里,棄墳墓,依倚大家,聚深山窮澤之中,成姦 僞之業,遂朋黨之權,其輕爲非亦大矣。今者廣進賢之途,練 擇守尉,不待去鹽鐵而安民也。

文學曰:扇水都尉所言,當時之利,權一切之術也,不可以 久行而傳世。此非明王所以君國子民之道也。《詩》云"哀哉

① 原作"鹽鐵令品令品甚明", 義不可通,下"令"字當是衍文,今爲删去。 "品品其明"者謂區别標格甚明,上"品"字是動詞,下"品"字是名詞。 —— 作者注

② 原作"今意總一鹽錢",誤。"令"字從張敦仁校改,"鐵"字從張之象本。——作者注

③ 原誤作"役利細民"。古"制"本作"利",與"利"形近,故訛。——作者注

爲猶,匪先民是程,匪大猶是經,維邇言是聽"。此詩人刺不通 於王道,而善爲權利者。孝武皇帝攘九夷,平百越,師旅數起, 糧食不足。故立田官,置錢,入穀射官,救急,贍不給。今陛 下繼大功之勤,養勞勸之民,此用麋鬻之時①,公卿宜思所以 安集百姓,致利除害,輔明主以仁義,修潤洪業之道。明主即 位以來,六年于兹,公卿無請減除不急之官,省罷機利之人。 人權縣太久,民良望於上。陛下宣聖德,昭明光,令郡國賢良 文學之士,乘傳詣公車,議五帝三王之道,六藝之風,册陳安危 利害之分,指意粲然。今公卿辨議,未有所定。此所謂守小節 而遺大體,抱小利而忘大利者也。

大夫曰: 宇宙之內,舊雀不知天地之高也, 坎井之鼊不知江海之大,窮夫否婦不知國家之慮, 負荷之商不知猗頓之富。 先帝計外國之利,料胡越之兵,兵敵弱而易制,用力少而功大。故因勢變以主四夷,地濱山海以屬長城,北略河外, 開路匈奴之鄉,功未卒善。文王受命伐崇,作邑于豐,武王繼之,載尸以行,破商擒村,遂成王業。曹沫棄三北之恥而復侵地,管仲負當世之累而立霸功。故志大者遺小,用權者離俗。有司思師望之計,遂先帝之業,志在絕胡貉,擒單于,故未遑〔顧〕扣扃之義(議)而録拘儒之論。

文學曰: 舊雀離巢字而有鷹隼之憂,坎井之鼁離其居而有蛇鼠之患, 況翱翔千仞而遊四海乎。其禍必大矣。此李斯之所以折翼, 而趙高没淵也。聞文武受命, 伐不義以安諸侯大

① 《月令》"仲秋之月……行麋粥飲食"。"麋" 假爲 "糜"。此言應慰勞人民,解除苛政。——作者注

夫,未聞弊諸夏以役夷狄也。昔秦常舉天下之力以事胡越,竭 天下之財以奉其用,然衆不能畢,而以百萬之師爲一夫之任。 此天下共聞也。且數戰則民勞,久師則兵弊。此百姓所疾苦 而拘儒之所憂也。

非鞅第七

大夫曰: 昔商君相秦也,内立法度,嚴刑罰,飭政教,姦僞無所容。外設百倍之利,收山澤之税,國富民强,器械完飾,蓄積有餘。是以征敵伐國,攘地斥境,不賦百姓而師以贍。故利用不竭而民不知①,地盡西河而民不苦。鹽鐵之利,所以佐百姓之急,足軍旅之費,務蓄積以備乏絶,所給甚衆,有益於國,無害於人。百姓何苦爾,而文學何憂也?

文學曰: 昔文帝之時②,無鹽鐵之利而民富。今有之而百姓困乏,未見利之所利也,而見其害也。且利不從天來,不從地出,一取之民閒,謂之百倍,此計之失者也。無異於愚人反袭而負薪,愛其毛,不知其皮盡也。夫李梅實多者,來年爲之衰,新穀熟,舊穀爲之虧③。自天地不能兩盈,而况於人事乎?故利於彼者必耗於此,猶陰陽之不並曜,晝夜之代長短也④。商鞅峭法長利,秦人不聊生,相與哭孝公。吴起長兵攻取,楚

① 原本"用"上無"利"字,下文"惡在利用不竭而民不知",則"用"上當有 "利"字。《通典》十引此,有"利"字。——作者注

② "昔"原作"蓋"、據盧文弨説校改。

③ "新穀熟"下原有"者"字,據王先謙說校 删。王先謙曰: "案文義不當有 '者'字,此妄人所加,以配上句,《通典》十無'者'字。"

④ "代"字原作"有",此據《通典》十校改。 ——作者注

人搔動,相與泣悼王。其後楚日以危,秦日以弱。故利蓄而怨 積,地廣而禍構,惡在利用不竭而民不知,地盡西河而人不苦 也?今商鞅之册(策)任於内,吴起之兵用於外,行者勤於 路,居者匱於室。老母號泣,怨女歎息。文學雖欲無憂,其可 得也?

大夫曰:秦任商君,國以富强,其後卒幷六國而成帝業。及二世之時,邪臣擅斷,公道不行,諸侯叛弛,宗廟隳亡。《春秋》曰"末言爾,祭仲亡也"①。夫善歌者使人續其聲,善作者使人紹其功。椎車之蟬攫②,負子之教也③。周道之成,周公之力也。雖有裨諶之草創,無子産之潤色,有文武之規矩,而無周吕之鑿枘,則功業不成。今以趙高之亡秦而非商鞅,猶以崇虎亂殷而非伊尹也。

① "末言爾"原誤爲"未言介",據盧文弨校改。《公羊》桓十五年"秋七月鄭伯突入於樂。櫟者何? 鄭之邑也。曷不言入於鄭?末言爾。曷爲末言爾? 祭仲亡矣。"——作者注

② "椎車"原作"推車",據張敦仁校改。張云按"推"當作 "椎"。後《遵道篇》"而椎車尚在也",《世務篇》"無徒守椎車之語",《散不足篇》"古者椎車無柔",並不誤。椎車者但斷一木使外圓,以爲車輪,不用三材也。蟬攫即柔,柔即三材之牙也。(《廣雅·釋器》"蟬轇、輮朝也"。《淮南子·説林訓》作蟬噩。蟬蟬同字,撄輕壓亦同字。《散不足》又云"郡國繇役素桑揉"。《説文》作輮。柔揉輮皆同字。即三材之牙者,據《周禮注》鄭司農云。)《韓非子·八説》云"古者寡事而簡備,樸陋而不盡。故有珧鈍而椎車者"。又云"故智者不乘椎車,聖人不行椎政"。此語出於彼。(今本《韓非》、《淮南》亦誤椎爲推,皆當訂正。)——作者注

③ 負子當是人名,無可考。《山海經·大荒西經》"西北海之外,大荒之隅,有山而不合,名曰不周負子",殆古代神話中之人神而移以爲山名者。其詳失傳。——作者注

文學曰:善鑿者建固而不拔①,善基者致高而不歷。伊尹 以堯舜之道爲殷國基,子孫紹位,百代不絕。商鞅以重刑峭法 爲秦國基,故二世而奪。刑既嚴峻矣,又作爲相坐之法,造誹 謗、增肉刑,百姓齋栗,不知所措手足也。賦斂既煩數矣,又外 禁山澤之原,內設百倍之利,民無所開説容言。崇利而簡義, 高力而尚功。非不廣壤進地也,然猶人之病水,益水而疾深。 知其爲秦開帝業,不知其爲秦致亡道也。狐刺之鑿②,雖公輸 子不能善其枘。畚土之基,雖良匠不能成其高。譬若秋蓬被 霜,遭風則零落,雖有十子産,如之何。故扁鵲不能肉白骨,微 箕不能存亡國也。

大夫曰: 言之非難,行之爲難。故賢者處實而效功,亦非 徒陳空文而已。昔商君明於開塞之術,假當世之權,爲秦致利 成業,是以戰勝攻取,幷近滅遠,乘燕趙,陵齊楚,諸侯歛袵,西 面而向風。其後蒙恬征胡,斥地千里,踰之河北,若壞朽折腐。 何者? 商君之遺謀,備飭素脩也③。故舉而有利,動而有功。夫 蓄積籌策、國家之所以强也。故弛廢而歸之民,未覩巨計而涉 大道也。

文學曰: 商鞅之開塞非不行也,蒙恬却胡千里非無功也, 威震天下非不强也,諸侯隨風西面非不從也,然而皆秦之所以

① 原作"建周而不疲"。"周"當是固之誤。"疲"據張敦仁校改爲拔。張云按"疲"當作"拔",與下句"魘"字爲韻。《老子》曰"善建不拔"。——作者注

② "狐刺"本書《申韓篇》作"弧刺"。盧文弨、洪頤煊均以爲"瓜"之譌。《周禮·形方氏》"正其封疆,無有華離之地",鄭《注》"華讀爲佩哨之瓜,正之不使佩邪"。賈《疏》"瓜者兩頭寬,中狹;邪者謂一頭寬,一頭狹。"——作者注

③ 原誤作"備飾素循也",依孫詒讓校改。——作者注

亡也。商鞅以權數危秦國,蒙恬以得千里亡秦社稷。此二子者知利而不知害,知進而不知退,故果身死而衆敗。此所謂戀 (擊)朐之智、而愚人之計也,夫何大道之有。故曰"小人先合而後忤,初雖乘馬,卒必泣血"。此之謂也。

大夫曰: 淑好之人,戚施之所妬也。賢知之士, 閩茸之所 惡也。是以上官大夫短屈原於頃襄,公伯寮愬子路於季孫。夫 商君起布衣,自魏入秦,期年而相之,革法明教,而秦人大治。 故兵動而割地,兵休而國富。孝公大悦, 封之於、商之地方五 百里。功如丘山,名傳後世。世人不能爲,是以相與嫉其能, 而疵其功也。

文學曰: 君子進必以道,退不失義,高而勿矜,勞而不伐, 位尊而行恭,功大而理順。故俗不疾其能,而世不妬其業。今 商鞅棄道而用權,廢德而任力,峭法盛刑,以虐戾爲俗,欺舊交 以爲功,刑公族以立威,無恩於百姓,無信於諸侯,人與之爲 怨,家與之爲讎,雖以獲功見封,猶食毒肉愉(偷)飽而罹其咎 也。蘇秦合縱連橫,統理六國,業非不大也。桀紂與堯舜並 稱,至今不亡,名非不長也。然非者不足貴。故事不苟多,名 不苟傳也。

大夫曰: 編素不能自分於緇墨,賢聖不能自理於亂世。是 以箕子執囚,比干被刑。伍員相闔閭以霸,夫差不道,流而殺 之。樂毅信功於燕昭,而見疑於惠王。人臣盡節以徇名,遭世 主之不用。大夫種輔翼越王,爲之深謀,卒擒强吴,據有東夷, 終賜屬鏤而死。驕主背恩德,聽流說,不計其功故也,豈身之 罪哉? 文學曰: 比干剖心,子胥鴟夷,非輕犯君以危身、强諫以干名也,僭怛之忠、誠心動於内,忘禍患之發於外,志在匡君救民,故身死而不怨。君子能行是不能禦非,雖在刑戮之中,非其罪也。是以比干死而殷人怨,子胥死而吴人恨。今秦怨毒商鞅之法甚於私仇,故孝公卒之日,舉國而攻之,東西南北莫可奔走,仰天而嘆曰"嗟乎,爲政之弊至於斯極也"卒事裂族夷,爲天下笑。斯人自殺,非人殺之也。

晁 錯 第 八

大夫曰:《春秋》之法,君親無將,將而必誅。故臣罪莫重於弑君,子罪莫重於弑父。日者、淮南衡山修文學,招四方遊士,山東儒墨咸聚於江淮之間,講議集論,著書數十篇。然卒於背義不臣,謀叛逆,誅及宗族。使晁錯變法易常,不用制度,迫蹙宗族,侵削諸侯,蕃臣不附,骨肉不親,吴楚積怨,斬錯東市,以慰三軍之士而謝諸侯。斯亦誰殺之乎?

文學曰: 孔子不飲盗泉之流, 曾子不入勝母之間。名且惡之,而况爲不臣不子乎。是以孔子沐浴而朝, 告之哀公。陳文子有馬十乘, 棄而違之。傳曰"君子可貴可賤, 可刑可殺, 而不可使爲亂"。若夫外飾其貌而内無其實, 口誦其文而行不猶(由)其道, 是盗固與盗, 而不容於君子之域。《春秋》不以寡犯衆, 誅絶之義有所止, 不兼怨惡也。故舜之誅、誅鮌, 其舉、舉禹。夫以璵璠之玼而棄其璞, 以一人之罪而兼其衆, 則天下無美寶信士也。晁生言諸侯之地大, 富則驕奢, 急則合從, 故因吴之過而削之會稽, 因楚之罪而奪之東海, 所以均輕重, 分其權, 而爲萬世慮也。弦高誕於秦而信於鄭, 晁生忠於漢而讎於

諸侯。人臣各死其主,爲其國用。此解揚之所以厚於晉而薄於荆也①。

① 見《左傳》宣公十五年。楚國宋,晉大夫解揚爲晉使於宋,告以晉教將至,勿降。解爲楚所獲,楚王厚賂之,令反其宮以告宋。解佯許之,乃登樓車呼告宋人曰"晉師悉起,將至矣!"楚王釋解,解園而去。——作者注

刺權第九

大夫曰: 今夫越之具區, 楚之雲夢, 宋之鉅野, 齊之孟諸, 有國之富而霸王之資也。人君統而守之則强, 不禁則亡。齊以其腸胃予人, 家强而不制, 枝大而折榦, 以專巨海之富而擅魚鹽之利也, 勢足以使衆, 恩足以卹下。是以齊國內倍而外附, 權移於臣, 政墜於家, 公室卑而田宗强, 轉轂游海者蓋三千乘, 失之於本而末不可救。今山川海澤之原、非獨雲夢孟諸也。鼓金煑鹽, 其勢必深居幽谷, 而人民所罕至。姦猾交通山海之際, 恐生大姦, 乘利驕溢, 散樸①滋僞, 則人之貴本者寡。大農鹽鐵丞咸陽孔僅等上請: 願募民自給費, 因縣官器煑鹽予用, 以杜浮僞之路。由此觀之, 令意所禁微, 有司之慮亦遠矣。

文學曰:有司之慮遠而權家之利近,令意所禁微而奢僭之 道著。自利官之設,三業之起,貴人之家雲行於塗,穀擊於道, 攘公法,申私利,跨山澤,擅官市,非特巨海魚鹽也; 執國家之 柄以行海内,非特田常之勢、陪臣之權也;威重於六卿,富累於 陶衛^②,與服僭於王公,宫室溢於制度,幷兼列宅,隔絕閭巷, 閣道錯連足以游觀.鑿池曲道足以騁鶩,臨淵釣魚,放犬走兔,

① "散樸"原作"敦樸",據孫貽穀校改。——作者注

② 陶、陶朱, 衛、衛公子荆。 —— 作者注

隆豺鼎力,蹋鞠鬭雞,中山素女撫流徵於堂上,鳴鼓巴俞作於堂下,婦女被羅紈,婢妾曳締紵,子孫連車列騎,田獵出人,畢弋捷健。是以耕者釋耒而不勤,百姓冰釋而懈怠。何者?已爲之而彼取之,僭侈相效,上升而不息,此百姓所以滋僞而罕歸本也。

大夫曰:官尊者禄厚,本美者枝茂。故文王德而子孫封, 周公相而伯禽富。水廣者魚大,父尊者子貴。傳曰:"河海潤 千里,盛德及四海",况之妻子乎?故夫貴於朝,妻貴於室,富 曰苟美,古之道也。孟子曰"王者與人同,而如彼者,居使然 也"。居編户之列而望卿相之子孫,是以跛夫之欲及樓季也, 無錢而欲千金之寶,不亦虚望哉?

文學曰: 禹稷自布衣,思天下有不得其所者,若己推而納 之溝中,故起而佐堯,平治水土,教民稼穑。其自任天下如此 其重也,豈云食禄以養妻子而已乎? 夫食萬人之力者,蒙其 憂,任其勞,一人失職,一官不治,皆公卿之累也。故君子之仕, 行其義,非樂其勢也。受禄以潤賢,非私其利。見賢不隱,食 禄不專。此公叔之所以爲文,魏成子所以爲賢也。故周德成 而後封子孫,天下不以爲黨①,周公功成而後受封,天下不以 爲貪。今則不然,親戚相推,朋黨相舉,父尊於位,子溢於內, 夫貴於朝,妻謁行於外。無周公之德而有其富,無管仲之功而 有其侈。故編户跛夫而望疾步也。

① "天下"二字原奪,據盧文弨校補。 —— 作者注

刺復第十

大夫曰(爰)爲色矜而心不懌,曰:但居者不知負戴之勞①,從旁議者與當局者異憂。方今爲天下腹居,郡諸侯並湊。中外未安②。心憧憧若涉大川,遭風而未薄。是以夙夜思念國家之用,寢而忘寐,饑而忘食,計數不離於前,萬事簡閱於心。丞史器小不足與謀,獨鬱大道,思覩文學,若俟周邵而望子高③。御史案事郡國,察廉舉賢才,歲不乏也。今賢良、文學,臻者六十餘人,懷六藝之術,騁意極論,宜若開光發蒙;信往而乖於今,道古而不合於世務,意者不足以知士也,將多飾文誣能以亂實邪?何賢士之難覩也!自千乘倪寬以治《尚書》位冠九卿,及所聞覩選舉之士,擢升贊憲甚顯,然未見絶倫比,而爲縣官興滯立功也。

文學曰: 輸子之制材木也,正其規矩而鑿枘調。師曠之諧 五音也,正其六律而宫商調。當世之工匠、不能調其鑿枘則改 規矩,不能協聲音則變舊律。是以鑿枘刺戾而不合,聲音泛越

① "戴"原作"载",據張之象本、沈延銓本校改。

② 原作"郡諸侯並臻,中外未然",義不可通,以意改。臻湊形近,然安音近,故致譌。——作者注

③ 莱公子高,沈諸梁。莱公爲楚人所重,人謂之,有"國人望君如望慈父母"及"國人望君如望歲"之語。見《左傳》哀公十六年。——作者注

而不和。 夫舉規矩而知官,吹律而知變,上也:因循而不作,以 俟其人, 次也。是以曹丞相日飲醇酒, 倪大夫閉口不言。故治 大者不可以煩,煩則亂:治小者不可[以]怠, 怠則廢。《春秋》 曰"其政恢卓、恢卓可以爲卿相。其政察察、察察可以爲匹 夫"。夫維綱不張,禮義不行,公卿之憂也。案上之文,期會之 事, 丞史之任也。《尚書》曰"俊乂在官, 百僚師師, 百工惟時, 庶尹允諧",言官得其人,人任其事,故官治而不亂,事起而不 廢。士守其職,大夫理其位,公卿總要執凡而已。故任能者責 成而不勞,任己者事廢而無功。桓公之於管仲,耳而目之。故 君子勞於求賢,逸於用之,豈云殆哉? 昔周公之相也,謙卑而 不鄰(吝),以勞天下之土。是以俊乂滿朝,賢智充門。孔子無 爵位,以布衣從才士七十有餘人,皆諸侯卿相之人也, 况處三 公之尊以養天下之士哉。今以公卿之上位、爵禄之美,而不能 致土,則未有進賢之道。堯之舉舜也,賓而妻之。桓公舉管仲 也,賓而師之。以天子而妻匹夫,可謂親賢矣。以諸侯而師匹 夫①、可謂敬宿矣。是以賢者從之若流,歸之不疑。今當世在 位者既無燕昭之下十,《鹿鳴》之樂賢,而行臧文子叔之意, 蔽 賢妬能,自高其智,誊人之才,足己而不問,卑士而不友,以位 尚賢,以禄驕士,而求士之用,亦難矣。

大夫繆然不言,蓋賢良長歎息焉。

御史進曰:太公相文武以王天下,管仲相桓公以霸諸侯, 故賢者得位、猶龍得水、騰蛇游霧也。公孫丞相以《春秋》説先

① "而"原作"之"、據張之象本、沈延銓本校改。

帝,遽即三公,處周邵之列,據萬里之勢,爲天下準繩,衣不重彩,食不兼位,以先天下,而無益於治。博士褚泰徐偃等承明韶,建節馳傳,巡省郡國,舉孝廉,勸元元,而流俗不改。招舉賢良方正文學之士,超遷官爵,或至卿大夫,非燕昭之薦士、文王之廣賢也。然而未覩功業所成。殆非龍蛇之才①,而《鹿鳴》之所樂賢也。

文學曰:冰炭不同器,日月不並明。當公孫弘之時,人主 方設謀垂意於四夷,故權譎之謀進,荆楚之士用。將帥或至封 侯食邑,而剋獲者咸蒙厚賞②。是以奮擊之士由此興。其後 干戈不休,軍旅相望,甲士糜弊。縣官用不足,故設險與利之 臣起,磻溪熊羆之士隱。涇淮造渠以通漕運,東郭咸陽孔僅③ 建鹽鐵,策諸利,富者買爵販官④,免刑除罪,公用彌多而爲者 徇私,上下兼求⑤,百姓不堪。抗弊而從法,故憯急之臣進,而 見知廢格之法起⑥。杜周咸宣之屬以峻文决理貴,而王温舒 之徒以鷹隼擊殺顯。其欲據仁義以道事君者寡,偷合取容者 衆,獨以一公孫弘,如之何?

① "蛇"原作"她",九行本、張之象本、沈延銓本作"蛇",是。《韓非子·難 勢篇》云:"夫有雲霧之勢,龍蛇之材,美也。"

② "剋"原作"勉",據孫治讓説校改。

③ 原作"東陽偃、孔僅",今改正。據前《刺權篇》及後《輕重篇》均作"咸陽、 孔僅",可知非桓寬之誤,乃後世録書者妄改。東郭偃乃春秋時人。——作者注

④ "贩"原作"敗"、據張之象本、沈延銓本校改。

⑤ "兼"原作"無",據張敦仁説校改。

⑥ 漢武帝時新政: 吏見罪而不舉,坐以"見知"之法; 擱置法令不使行者,治以"廢格"之罪。——作者注

論儒第十一

御史曰:文學祖述仲尼,稱誦其德,以爲自古及今未之有也。然孔子修道魯衞之間,教化洙泗之上,弟子不爲變,當世不爲治,魯國之削滋甚。齊宣王褒儒尊學,孟軻淳于髡之徒,受上大夫之禄,不任職而論國事,蓋齊稷下先生千有餘人。當此之時,非一公孫弘也,弱燕攻齊,長驅至臨淄,湣王遁逃,死於莒而不能救;王建禽於秦,與之俱虜而不能存。若此,儒者之安國尊君,未始有效也。

文學曰:無鞭策,雖造父不能調駟馬。無勢位,雖舜禹不能治萬民。孔子曰"鳳鳥不至,河不出圖,吾已矣夫"。故軺車良馬,無以馳之,聖德仁義,無所施之。齊威宣之時,顯賢進士①,國家富强,威行敵國。及湣王,奮二世之餘烈,南舉楚淮,北并巨宋,苞十二國,西摧三晉、卻彊秦,五國賓從,鄒魯之君,泗上諸侯皆入臣,矜功不休,百姓不堪。諸儒諫不從,各分散。慎到捷子亡去,田駢如薜,而孫卿適楚。内無良臣,故諸侯合謀而伐之。王建聽流説,信反間,用后勝之計,不與諸侯從親,以亡國,爲秦所禽,不亦宜乎?

御史曰:伊尹以割烹事湯,百里以飯牛要穆公,始爲苟合,信、然〔後〕與之霸王。何言不從,何道不行?故商君以王道説孝公,不用,即以彊國之道,卒以成功。鄒子以儒術干世主,不用,即以變化始終之論,卒以顯名。故馬效千里,不必胡代;士貴成功,不必文辭。孟軻守舊術,不知世務,故困於梁宋。孔子能方不能圓,故饑於黎丘。今晚世之儒勤德,時有乏匱,言以爲非,困此不行。自周室以來千有餘歲,獨有文武成康。如言必參一焉,取所不能及而稱之,猶躃者能言遠不能行也。聖人異塗同歸,或行或止,其趣一也。商君雖革法改教,志存於彊國利民。鄒子之作變化之術,亦歸於仁義。祭仲自貶損以行權,時也。故小枉大直,君子爲之。今硜硜然守一道,引尾生之意,即(則)晉文之譎諸侯以尊周室不足道,而管仲蒙恥辱以存亡不足稱也?

文學曰:伊尹之干湯,知聖主也。百里之歸秦,知明君也。 二君之能知霸王,其册(策)素形於己,非暗而以冥冥決事也。 孔子曰"名不正則言不順,言不順則事不成"。如何其苟合而 以成霸王也?君子執德秉義而行,故造次必於是,顛沛必於 是。孟子曰"居今之朝,不易其俗而成千乘之勢,不能一朝居 也"。寧窮饑居於陋巷,安能變己而從俗化?闔廬殺僚,公子 札去而之延陵,終身不人吴國。魯公殺子赤,叔眄退而隱處, 不食其禄。虧義得尊,枉道取容,効死不爲也。聞正道不行, 釋事而退,未聞枉道以求容也。

御史曰:《論語》"親於其身爲不善者,君子不入也"。有是言而行不足從也。季氏爲無道,逐其君,奪其政,而冉求仲由

臣焉。《禮》"男女不授,不交爵"。孔子適衞,因嬖臣彌子瑕以 見衞夫人,子路不悦。子瑕、佞臣也,夫子因之,非正也。男女 不交,孔子見南子,非禮也。禮義由孔氏,且貶道以求容,惡在 其釋事而退也?

文學曰: 天下不平, 庶國不寧, 明王之憂也。上無天子, 下無方伯, 天下煩亂, 賢聖之憂也。是以堯憂洪水, 伊尹憂民, 管仲束縛, 孔子周流, 憂百姓之禍而欲安其危也。是以負鼎俎, 囚拘匍匐以救之。故追亡者趨, 拯溺者濡。今民陷溝壑, 雖欲無濡, 豈得已哉。

御史默不對。

憂邊第十二

大夫曰:文學言"天下不平,庶國不寧,明王之憂也"。故 王者之於天下,猶一室之中也,有一人不得其所,則謂(爲)之 不樂。故民流溺而弗救①非惠君也。國家有難而不憂,非忠 臣也。夫守節死難者人臣之職也,衣食饑寒者慈父之道也。 今子弟遠勞於外,人主爲之夙夜不寧,羣臣盡力畢議,册滋國 用。故少府丞令請建酒権,以贍邊,給戰士,拯救民於難也。 爲人父兄者豈可以已乎,內省衣食以卹在外者猶未足,今又 欲罷諸用,減奉邊之費,未可爲慈父賢兄也。

文學曰:周之季末,天子微弱,諸侯力政(征),故國君不安,謀臣奔馳。何者?敵國衆而社稷危也。今九州同域,天下一統,陛下優游巖廊,覽羣臣極言,至内論《雅》《頌》,外鳴和鑾,純德粲然,並於唐虞,功烈流於子孫。夫蠻貊之人,不食之地,何足以煩慮而有戰國之憂哉?若陛下不棄,加之以德,施之以惠,北夷必内向,款塞自至。然後以爲萌,列於外臣,即匈奴没齒不食其所言矣②。

① 流下本有沈字,依王先謙校删。王云:流沈二字古曹通用,疑本作"流溺",後人改注"沈"字於下,遂兩存之。——作者注

② "然後以爲萌,列於外臣","萌列"二字原作"胡制",以意改。又"不食其所言","言"原誤作"用"。——作者注

大夫曰:聖主思念中國之未寧,北邊之未安,故使廷尉評等問人間所疾苦,拯卹貧賤,周贍不足。君(羣)臣所宣明王之德、安宇内者,未得其紀,故問諸生。諸生議不干天則入淵,乃欲以間里之治而況國家之大事,亦不幾矣。發於畎畝,出於窮巷,不知冰水之寒,若醉而新寤,殊不足與言也。

文學曰: 夫欲安民富國之道,在於反本,本立而道生。順 天之理,因地之利,即不勞而功成。夫不修其源而事其流,無 本以統之,雖竭精神,盡思慮,無益於治。欲安之適足以危之, 欲教之適足以敗之。夫治亂之端在於本末而已,不至勞其心 而道可得也。孔子曰"不通於論者難於言治,道不同者不與相 謀"。今公卿意有所倚,故文學之言不可用也。

大夫曰: 吾聞爲人臣者盡忠以順職,爲人子者致孝以承 業。君有非則臣覆蓋之,父有非則子匿逃之。故君薨,臣不變 君之政,父没,則子不改父之道也。《春秋》譏毀泉臺,爲其隳 先祖之所爲而揚君父之惡也。今鹽鐵均輸,所從來久矣,而欲 罷之,得無害先帝之功而妨聖主之德乎。有司倚於忠孝之路, 是道殊而不同於文學之謀也。

文學曰:明者因時而變,知者隨世而制。孔子曰"麻冕禮也,今也純儉,吾從衆"。故聖人上賢不離古,順俗而不偏宜。 魯定公序昭穆、順祖禰,昭公廢卿士以省事節用,不可謂變祖 之所爲而改父之道也。二世充大阿房以崇緒,趙高增累秦法 以廣威,而未可謂忠臣孝子也。

園池第十三

大夫曰:諸侯以國爲家,其憂在内。天子以八極爲境,其 處在外。故字小者用菲,功巨者用大。是以縣官開園池,總山 海,致利以助貢賦,修溝渠,立諸農,廣田牧,盛苑囿。太僕、水 衡、少府、大農,歲課諸人,田牧之利,池禦之假,及北邊置任田 官,以贍諸用,而猶未足。今欲罷之,絕其原,杜其流,上下俱 殫,困乏之應也。雖好省事節用,如之何其可也?

文學曰: 古者制地足以養民,民足以承其上。千乘之國、百里之地,公侯伯子男各充其求,贍其欲。秦兼萬國之地,有四海之富而意不贍,非字小而用菲,嗜欲多而下不堪其求也。語曰"廚有腐肉,國有饑民,厩有肥馬,路有餧人"。今狗馬之養,蟲獸之食,豈特腐肉秣馬之費哉。無用之官,不急之作,服淫侈之變,無功而衣食縣官者衆。是以上不足而下困乏也。今不減除其本而欲贍其末,設機利,造田畜,與百姓争薦草,與商賈争市利,非所以明主德而相國家也。夫男耕女績,天下之大業也。故古者分地而處之,制田畝而事之①。是以業無不食之地,國無乏作之民。今縣官之多張苑囿、公田、池澤,公家有鄣假之名,而利歸權家。三輔追近於山河,地狹人衆,四方

① "制田畝"原作"利田畝"。制古作利,形近而訛。——作者注

並臻,粟米薪采不能相贍。公田轉假,桑榆菜果不殖,地力不盡。愚以爲非先帝之開苑囿池籞,可賦歸之於民,縣官租稅而已。假、稅殊名,其實一也。夫如是,匹夫之力盡於南畝,匹婦之力盡於麻枲。田野關,麻枲治,則上下俱衍,何困乏之有矣?大夫默然,視其丞相、御史。

輕重第十四

御史進曰: 昔太公封於營丘, 辟草萊而居焉。地薄人少, 於是通利末之道,極女工之巧。是以鄰國交於齊, 財畜貨殖, 世爲彊國。管仲相桓公,襲先君之業,行輕重之變, 南服彊楚 而霸諸侯。今大夫君修太公桓管之術①,總一鹽鐵,通山川之 利而萬物殖。是以縣官用饒足,民不困乏,本末並利,上下俱 足。此籌計之所致,非獨耕桑農業也。

文學曰: 禮義者國之基也,而權利者政之殘也。孔子曰 "能以禮讓爲國乎,何有?"伊尹太公以百里興其君,管仲專於 桓公,以千乘之齊而不能至於王,其所務非也。故功名隳壞而 道不濟。當此之時,諸侯莫能以德而争於公私,故以權相傾。 今天下合爲一家,利末惡欲行? 淫巧惡欲施? 大夫君以心計 策國用,構諸侯,參以酒榷,咸陽孔僅增以鹽鐵,江充楊可之 等②,加以鋒鋭,言利末之事析秋毫,可爲(謂)無間矣。非特 管仲設九府,徼山海也。然而,國家衰耗,城郭空虚。故非崇仁 義無以化民,非力本農無以富邦也。

① "大夫君"對桑弘羊之尊稱,君原誤爲"各"。 —— 作者注

② 楊可原作"耕谷",依張敦仁校改。張云:"耕谷"蓋"楊可"二字之誤。"楊可告缗,江充禁服",後《國病篇》連言之。——作者注

御史曰: 水有猵獺而池魚勞,國有强禦而齊民消。故茂林之下無豐草,大槐之間無美苗①。夫理國之道,除穢鋤豪,然後百姓均平,各安其宇。張廷尉論定律令,明法以繩天下,誅姦猾,絕并兼之徒,而强不凌弱,衆不暴寡。大夫君運籌策,建國用;籠天下鹽鐵諸利,以排富商大賈;買官贖罪,損有餘,補不足,以齊黎民。是以兵革東西征伐,賦斂不增而用足。夫損益之事,賢者所覩,非衆人之所知也。

文學曰:扁鵲無息脈而知疾所由生、陽氣盛則損之而調 陰,寒氣盛則損之而調陽。是以氣脈調和,而邪氣無所留矣。 夫拙醫不知脈理之腠,血氣之分,妄刺而無益於疾,傷肌膚而 已矣。今欲損有餘,補不足,富者愈富,貧者愈貧矣。嚴法任 刑欲以禁暴止姦,而姦猶不止。意者非扁鵲之用鍼石,故衆人 未得其職也②。

御史曰:周之建國也,蓋千八百諸侯,其後彊吞弱,大兼小,并爲六國。六國連兵結難數百年,内拒敵國,外攘四夷。由此觀之,兵甲不休,戰伐不乏,軍旅外奉,倉庫内實。今以天下之富,海内之財,百郡之貢,非特齊楚之畜、趙魏之庫也,計委量入,雖急用之,宜無乏絶之時;顧大農等以術體躬稼,則后稷之烈③,軍四出而用不繼。非天之財少也,用鍼石調,均有

① "大槐"原作"大塊",以意改。——作者注

② "衆人"者文學自謂,蓋上文御史譏文學"賢者所覩,非衆人之所知",故文學反唇譏之謂"非扁鵲之用鍼石,故衆人未得其識"。職與識,可通用。 —— 作者注

③ 王先謙云: 則、法也。 —— 作者注

無,補不足,亦非上也①。大夫君爲治粟都尉②,管領大農事, 灸刺稽滯,開利百脈。是以萬物流通,而縣官富實。當此之 時,四方征暴亂,甲車之費,克獲之賞,以億萬計,皆贍〔於〕大 司農。此皆扁鵲之力,而鹽鐵之福也。

文學曰:邊郡山居谷處,陰陽不和,寒凍裂地,衝風飄鹵,沙石凝積,地勢無所宜。中國、天地之中,陰陽之際也。日月經其南,斗極出其北。含衆和之氣,産育庶物。今去而侵邊,多斥不毛寒苦之地,是猶棄江皋河濱,而田於嶺坂菹澤也。轉倉廪之委,飛府庫之財,以給邊民。中國困於繇賦,邊民苦於戍禦。力耕不便種糴,無桑麻之利,仰中國絲絮而後衣之,皮裘蒙毛曾不足蓋形。夏不去複(覆),冬不離窟,父子夫婦內藏於專室土圖之中。中外空虚,扁鵲何力,而鹽鐵何福也?

① "亦非上也"原作"亦非也上",以意乙。 —— 作者注

② "爲"原作"與",據張敦仁説校改。

未通第十五

御史曰: 内郡人衆,水泉薦草不能相贍,地勢温溼,不宜牛馬。民蹠耒而耕,負擔而行,勞罷而寡功。是以百姓貧苦而衣食不足,老弱負輅於路,而列卿大夫或乘牛車。孝武皇帝平百越以爲園圃,卻羌胡以爲苑囿。是以珍怪異物充於後宫,騊駼駃騠實於外厩,匹夫莫不乘堅良,而民間厭橘柚。由此觀之,邊郡之利亦饒矣,而曰"何福之有?"未通於計也。

文學曰: 禹平水土,定九州,四方各以土地所生貢獻,足以 充宫室,供人主之欲。膏壤萬里,山川之利,足以富百姓,不待 蠻貊之地、遠方之物,而用足。聞往者未伐胡越之時,繇賦省 而民富足,温衣飽食,藏新食陳,布帛充用,牛馬成羣。農夫以 馬耕載,而民莫不騎乘。當此之時,卻走馬以糞。其後師旅數 發,戎馬不足,牸牝入陣,故駒犢生於戰地。六畜不育於家,五 穀不殖於野。民不足於糟糠,何橘柚之所厭。傳曰"大軍之 後,累世不復"。方今郡國田野有壟而不墾①,城郭有宇而不 實,邊郡何饒之有乎。

御史曰: 古者制田百步爲畝,民井田而耕,什而藉一,義先 公而後己,民臣之職也。先帝哀憐百姓之愁苦,衣食不足,制

① "壟"原作"隴",據張之象本、沈延銓本校改。

田二百四十步而一畝,率三十而稅一。惰民不務田作①, 饑寒及己,固其理也。其不耕而欲播,不播而欲穫,鹽鐵又何過乎?

文學曰: 什一而藉, 民之力也, 豐耗美惡,與民共之。民 饉,己不獨衍。民衍,己不獨饉②。故曰"什一者, 天下之中正 也"。田雖三十而以頃畝出税, 樂歲粒米狼戾而寡取之③, 凶 年饑饉而必求足。加之以口賦更繇之役,率一人之作,中分其 功。農夫悉其所得,或假貸而益之。是以百姓疾耕力作,而饑 寒遂及己也。築城者先厚其基而求其高, 畜民者先厚其業而 後求其贍。《論語》曰"百姓足,君孰與不足乎?"

御史曰:古者諸侯争强,戰國並起,甲兵不休,民曠於田疇,什一而藉,不違其職。今賴陛下神靈,甲兵不動久矣,然則(而)民不齊出於南畝。以口率被,墾田而不足,空倉廩而賑貧乏,侵益日甚,是以愈惰而仰利縣官也。爲斯君者亦病矣,反以身勞民,民猶背恩棄義而遠流亡,避匿上公之事。民相做做,田地日蕪④,租賦不入,抵扞縣官。君雖欲足,誰與之足乎?

文學曰:樹木數徙則發,蟲獸徙居則壞。故代馬依北風,飛 鳥翔故巢,莫不哀(愛)其生。由此觀之,民非利避上公之事而

① "惰"原作"墮",九行本、張之象本、沈延銓本作"惰",是。

② 兩"饉"字原作"勤",據盧文弨説校改。盧文弨曰:"張本二'勤'字皆作'饉'(沈本同)。徐本作'勤',非。前《通有篇》云:'富者不獨衍,少者不獨饉。'亦以'饉'對'衍'。"

③ "狼戾"原作"梁櫔",明華氏活字本、九行本、張之象本、沈延銓本作"狼戾",是。《孟子·滕文公上》云:"樂歲粒米狼戾"。

④ "蕪"原作"無"、據張之象本、沈延鈴本校改。

樂流亡也。往者軍陣數起,用度不足,以訾(資)徵賦,常取給 賤民。田家又被其勞,故不齊出於南畝也。大抵逋賦,皆在大 家①,吏正畏憚,不敢篤責。刻急細民,細民不堪,流亡遠去。 中家爲之包出②,後亡者爲先亡者服事。録民數創於惡吏,故 相倣傚,去尤甚而就少愈。傳曰"政寬者民死之,政急者父子 離"。是以田地日荒,城郭空虚。夫牧民之道,除其所疾,適其 所安,安而不擾,使而不勞。是以百姓勸業而樂公賦。若此, 則君無賑於民,民無議於上,上下交利③,而頌聲作。故取而 民不厭,役而民不苦。《靈臺》之詩,非或使之,民自爲之。若 斯,則君何不足之有乎?

御史曰: 古者十五入大學,與小役; 二十冠而成人,與戎事; 五十以上血脈溢剛,曰艾壯。《詩》曰"方叔元老,克壯其猶"。故商師若烏,周師若茶。今陛下哀憐百姓,寬力役之政,二十三始賦,五十六而免,所以輔者壯而息老艾也。丁者治其田里,老者修其唐園,儉力趣時,無饑寒之患。不治其家而訟縣官,亦悖矣。

文學曰:十九年已下爲殤,未成人也。二十而冠,三十而 娶,可以從戎事。五十已上曰艾老,杖於家,不從力役。所以 扶不足而息高年也。鄉飲酒之禮,耆老異饌,所以優耆耄而明 養老也。故老者非肉不飽,非帛不暖,非杖不行。今五十已上 至六十,與子孫服輓輸,並給繇役,非養老之意也。古有大喪

① "逋赋"原作"逋流"。依俞樾校改。 —— 作者注

② "包出"原作"色出",以意改。 ——作者注

③ 原文"議""利"二字互易,今以意改。——作者注

者,居三年不呼其門,通其孝道,遂其哀戚之心也。君子之所 重而自盡者,其惟親之喪乎! 今或僵尸,棄衰經而從戎事,非 所以子百姓,順孝悌之心也。周公抱成王,聽天下,恩塞海内, 澤被四表。矧惟人面①,含仁保德,靡不得其所。《詩》云"夙 夜基命宥密"。陛下富於春秋,委任大臣,公卿輔政,政教未 均,故庶人議也。

御史默不答也。

① "人面"原作"南面",依張敦仁校改。 —— 作者注

地廣第十六

大夫曰:王者包含并覆,普愛無私,不爲近重施,不爲遠遺恩。今俱是民也,俱是臣也,安危勞佚不齊,獨不當調耶?不念彼而獨計此,斯亦好議矣。緣邊之民處苦寒之地,距强胡之難,烽燧一動,有没身之累。故邊民百戰,而中國恬卧者,以邊郡爲蔽扞也。《詩》云"莫非王事,而我獨勞",刺不均也。是以聖王懷四方獨苦,與師推卻胡越,遠寇安災①,散中國肥饒之餘以調邊境。邊境强則中國安,國安則晏然無事。何求而不默也?

文學曰: 古者天子之立於天下之中,縣內方不過千里,諸侯列國不及不食之地。《禹貢》至於五千里,民各供其君,諸侯各保其國。是以百姓均調,而繇役不勞也。今推胡越數千里,道路迴避,士卒勞罷。故邊民有刎頸之禍,而中國有死亡之患,此百姓所以囂囂而不默也。夫治國之道、由中及外,自近者始。近者親附,然後來遠。百姓內足,然後卹外。故羣臣論或欲田輪臺,明主不許,以爲先救近、務及時本業也。故下韶曰"當今之務、在於禁苛暴,止擅賦,力本農"。公卿宜承意,請減除不任,以佐百姓之急。今中國弊落不憂,務在邊境,意者

① "寇"下原有"國"字,據張敦仁説校刪。

地廣而不耕,多種而不耨,費力而無功。《詩》云"無田甫田,維 莠驕縣",其斯之謂敷?

大夫曰:湯武之伐,非好用兵也,周宣王辟國千里,非貪侵也,所以除寇賊而安百姓也。故無功之師、君子不行,無用之地、聖王不貪。先帝舉湯武之師,定三垂之難,一面而制敵,匈奴遁逃。因河山以爲防,故去沙石鹹鹵不食之地,故割斗辟之縣,棄造陽之地以與胡。省曲塞,據河險,守要害,以寬徭役,保士民。由此觀之,聖主用心非務廣地以勞衆而已矣。

文學曰:秦之用兵可謂極矣,蒙恬斥境可謂遠矣。今踰蒙恬之塞,立郡縣寇虜之地,地彌遠而民彌勞。朔方以西,長安以北,新郡之功,外城之費,不可勝計。非徒是也,司馬唐蒙鑿西南夷之塗,巴蜀弊於邛筰;横海征南夷,樓船戍東越,荆楚罷於甌駱;左將伐朝鮮,開臨洮,燕齊困於穢貉①;張騫通殊遠,納無用,府庫之藏流於外國;非特斗辟之費、造陽之役也。由此觀之,非人主用心,好事之臣爲縣官計過也。

大夫曰:挾管仲之智者非爲廝役之使也,懷陶朱之慮者不 居貧困之處。文學能言而不能行,居下而訕上,處貧而非富, 大言而不從,高厲而行卑,誹譽訾議以要名采善於當世。夫禄 不過秉握者不足以言治,家不滿檐石者不足以計事。儒皆貧

① 《史記·平準書》曰:"唐蒙、司馬相如開路西南夷,鑿山通道千餘里,以廣巴蜀"。《漢書·西南夷傳》曰:"漢誅邛君,並殺筰侯"。《史記·南越尉佗傳》曰:"佗以兵威邊,財物路遣閩越西甌駱,役屬焉"。《索隱》曰:"交阯、九真二郡,即甌駱也"。漢之交阯,即今越南北部地;九真,今越南境内河内以南。

武帝元封二年,使左將軍荀彘出遼東,擊朝鮮。《史記·平準書》曰:"滅朝鮮,置滄海之郡,則燕、齊之間靡然發動"。——作者注

扁,衣冠不完,安知國家之政、縣官之事乎。何斗辟造陽也!

文學曰:夫賤不害智、貧不妨行。顏淵屢空,不爲不賢;孔子不容,不爲不聖。必將以貌舉人,以財進士,則太公終身鼓刀,寧戚不離飯牛矣。古之君子守道以立名,修身以俟時,不爲窮變節,不爲賤易志。惟仁之處,惟義之行。臨財不苟①,見利反義。不義而富,無名而貴,仁者不爲也,故曾參閔子不以其仁易晉楚之富。伯夷不以其行易諸侯之位,是以齊景公有馬千駟而不能與之争名②。孔子曰"賢哉回也,一簞食,一瓢飲,在於陋巷,人不堪其憂,回也不改其樂"。故惟仁者能處約樂貧,小人富斯暴,貧斯濫矣。楊子曰"爲仁不富,爲富不仁"。苟先利而後義,取奪不厭。公卿積億萬,大夫積千金,士積百金,利己并財以聚。百姓寒苦,流離於路,儒獨何以完其衣冠也?

① "不苟"原作"苟得",九行本、張之象本、沈延銓本作"不苟",是。

② 《論語》"齊景公有馬千駟,死之日,民無德而稱焉。伯夷、叔齊餓於首陽之下,民到於今稱之"。——作者注

貧富第十七

大夫曰: 余結髮束脩,年十三,幸得宿衛,給事輦轂之下,以至卿大夫之位;獲禄受賜,六十有餘年矣。車馬衣服之用,妻子僕養之費,儉節以居之。奉禄賞賜,一一籌策之①。積浸以致富成業。故分土若一,賢者能守之;分財若一,智者能籌之。夫白圭之廢著,子貢之三至千金,豈必賴之民哉。運之六寸②,轉之息耗,取之貴賤之間耳,

文學曰: 古者事業不二,利禄不兼,然後諸業不相遠,而貧富不相懸也。夫乘爵禄以謙讓者,名不可勝舉也; 因權勢以求利者,入不可勝數也。食湖池,管山海,芻蕘者不能與之争澤,商賈不能與之争利。子貢以布衣致之,而孔子非之,況以勢位求之者乎。故古者大夫思其仁義以充其位,不爲權利以充其私也。

大夫曰: 山岳有饒,然後百姓贍焉。河海有潤,然後民取 足焉。夫尋常之污不能溉陂澤,丘阜之木不能成宫室。小不 能苞大,少不能贍多。未有不能自足而能足人者也,未有不能

① "一一"原作"一二",明華氏活字本作"一一",是。

② "六寸",算籌也。《漢書·律歷志》"其算法,用竹,徑一分,長六寸,二百七十一枚而成六觚,爲一握。"(王先謙説)——作者注

自治而能治人者也。故善爲人者能自爲者也,善治人者能自 治者也。文學不能治內,安能理外乎?

文學曰: 行遠者假於車,濟江海者因於舟。故賢士之立功成名,因資而假物者也。公輸子能因人主之材木以構宫室臺榭,而不能自爲專屋狹廬,材不足也。歐治能因國君銅鐵以爲金鑓大鍾,而不能自爲一鼎盤,材無其用也。君子因人主之正朝,以和百姓,潤衆庶,而不能自饒其家,勢不便也。故舜耕於歷山,恩不及州里;太公屠牛於朝歌,利不及妻子;及其見用,恩流八荒,德溢四海。故舜假之堯,太公因之周。君子能修身以假道者,不能枉道而假財也。

大夫曰: 道懸於天, 物布於地, 智者以衍, 愚者以困。子貢以著積顯於諸侯, 陶朱公以貨殖尊於當世。富者交焉, 貧者贈焉。故上自人君, 下及布衣之士, 莫不戴其德、稱其仁。原憲、孔伋, 當世被饑寒之患, 顔回屢空於窮巷。當此之時, 追於窟穴, 拘於緼袍, 雖欲假財, 信姦佞亦不能也。

文學曰: 孔子云"富而可求,雖執鞭之事吾亦爲之;如不可求,從吾所好"。君子求義,非苟富也。故刺子貢不受命而貨殖焉。君子遭時則富且貴,不遇退而樂道。不以利累己,故不違義而妄取。隱居修節,不欲妨行,故不毀名而趨勢。雖付之以韓魏之家,非其志則不居也。富貴不能榮,謗毀不能傷也。故原憲之緼袍賢於季孫之狐貉,趙宣孟之魚食甘於智伯之芻豢,子思之銀珮美於虞公之垂棘。魏文侯軾段干木之間,非以其有勢也。晉文公見韓慶,下車而趨,非以其多財,以其富於仁、充於德也。故貴何必財。亦仁義而已矣。

毁 學 第 十 八

大夫曰: 夫懷枉而言正, 自託於無欲而實不從, 非此士之情也? 昔李斯與包丘子俱事荀卿, 既而李斯人秦, 遂取三公, 據萬乘之權以制海內, 功侔伊望, 名巨太山, 而包丘子不免於甕牖蒿廬。如潦歲之鼊, 口非不衆也, 然卒死於溝壑而已。今內無以養, 外無以稱, 貧賤而好議。雖言仁義, 亦不足貴也!

文學曰:方李斯之相秦也,始皇任之,人臣無二,然而荀卿 爲之不食,覩其罹不測之禍也。包丘子飯麻蓬藜,修道白屋之 下,樂其志,安於廣廈芻豢,無赫赫之勢,亦無戚戚之憂。夫晉 獻垂棘非不美也,宮之奇見之而嘆,知荀息之圖之也。智伯富 有三晉非不盛也,然不知襄子之謀之也。季孫之狐貉非不麗 也,而不知魯君之患之也。故晉獻以寶馬釣虞號,襄子以城壤 誘智伯。故智伯身禽於趙,而虞號卒并於晉,以其務得不顧其 後,貪土地而利寶馬也。孔子曰"人無遠慮,必有近憂"。今之 在位者,見利不虞害,貪得不顧恥,以利易身,以財易死。無仁 義之德而有富貴之禄,若蹈坎穽,食於懸門之下。此李斯之所 以伏五刑也。南方有鳥,名鵷鶵,非竹實不食,非醴泉不飲,飛 過太山,太山之鴟俛啄腐鼠,仰見鵷鶵而嚇。今公卿以其富貴 笑儒者,爲之(此)常行,得無若太山鴟嚇鵷鶵乎? 大夫曰:學者所以防固辭,禮者所以文鄙行也。故學以輔德,禮以文質。言思可道,行思可樂。惡言不出於口,邪行不及於己。動作應禮,從容中道。故禮以行之,遜以出之。是以終日言,無口過;終身行,無怨尤①。今人主、張官立朝以治民,疏爵分禄以衰賢,而曰"懸門""腐鼠",何辭之鄙背而悖於所聞也?

文學曰:聖主設官以授任,能者處之;分禄以任賢,能者受之。義貴無高,義取無多。故舜受堯之天下,太公不避周之三公,苟非其人,簞食豆羹猶爲賴民也②。故德薄而位高,力少而任重,鮮不及(岌)矣。夫泰山鸱啄腐鼠於窮澤幽谷之中,非有害於人也。今之有司、盗主財而食之於刑法之旁,不知機之是發,又以嚇人,其患、惡得若泰山之鸱乎?

大夫曰:司馬子言"天下穰穣、皆爲利往"。趙女不擇醜好,鄭姬不擇遠近③,商人不媿恥辱,戎士不愛死力。士不在親,事君不避其難,皆爲利禄也。儒墨内貪外矜,往來游說,栖栖然亦未爲得也。故尊榮者士之願也,富貴者士之期也。方李斯在荀卿之門,闆茸與之齊軫;及其奮翼高舉,龍昇驥驁,過九軼二,翱翔萬仞,鴻鵠華騮且非同侣,況跛牂燕雀之屬乎!席天下之權,御字内之衆,後車百乘,食禄萬鍾,而拘儒布褐不完,糟糠不飽,非甘菽藿而卑廣廈,亦不能得已。雖欲嚇人,其

① "怨"原作"宽",據盧文弨説校改。

② 洪頤煊云: 古厲賴通用,"賴民"即厲民。《論語》王肅注"厲,病也"。——作者注

③ "婭"各本原作"嫗",據張敦仁説校改。

何已(以)乎。

文學曰: 君子懷德,小人懷土。賢士徇名,食夫死利。李 斯貪其所欲,致其所惡。孫叔敖早見於未萌,三去相而不悔, 非樂卑賤而惡重禄也,慮遠而避害謹也。夫郊祭之牛,養食春 年,衣之文繡、以入廟堂,太宰執其鸞刀以啓其毛。方此之時, 願任重而上峻岅,不可得也。商鞅困於彭池,吴起之伏王尸, 願被布褐而處窮鄙之蒿廬,不可得也。李斯相秦,席天下之 勢,志小萬乘,及其囚於囹圄,車裂於雲陽之市,亦願負薪入東 門,行上蔡曲街徑,不可得也。蘇秦吴起以權勢自殺,商鞅李 斯以尊重自滅,皆貪禄慕榮以没其身。從車百乘,曾不足以 載其禍也!

衰 賢 第 十 九

大夫曰:伯夷以廉饑,尾生以信死,由小器而虧大體。匹夫匹婦之爲諒也,經於溝瀆而莫之知也,何功名之有。蘇秦張儀智足以强國,勇足以威敵,一怒而諸侯懼,安居而天下息,萬乘之主莫不屈體,卑辭〔重〕幣請交,此所謂天下名士也。夫智不足與謀,而權不能舉當世,民斯爲下也。今舉(指所舉文學)亡而爲有,虚而爲盈,布衣穿履,深念徐行,若有遺亡,非立功成名之士,而亦未免於世俗也。

文學曰:蘇秦以從顯於趙,張儀以横任於秦,方此之時,非不尊貴也,然智士隨而憂之,知夫不以道進必不以道退,不以義得者必不以義亡。季孟之權,三桓之富,不可及也,孔子爲(謂)之曰"微"①。爲人臣,權均於君,富侔於國者,亡。故其位彌高而罪彌重,禄滋厚而罪滋多。夫行者先全己而後求名,仕者先辟害而後求禄。故香餌非不美也,龜龍聞而深藏、鸞鳳見而高逝者,知其害身也。夫爲烏鵲魚鱉,食香餌而後狂飛奔走,遜頭屈遰,無益於死。今有司盗秉國法,進不顧罪,卒然有急,然後車馳人趨,無益於死。所盗不足償於臧獲,妻子奔亡

① "爲"與謂通。張敦仁云此引《論語》:"故夫三桓之子孫微矣"。——作者注

無處所,身在深牢,莫知恤視。方此江時,何暇得以笑乎?

大夫曰:文學飭高行,矯然若不可卷;盛節絜言,皦然若不可涅。然戍卒陳勝釋輓輅,首爲叛逆,自立張楚,素非有回由處士之行,宰相列臣之位也。奮於大澤,不過旬月,而齊魯儒墨縉紳之徒,肆其長衣,負孔氏之禮器詩書,委質爲臣。孔甲爲涉博士,卒俱死陳,爲天下大笑。深藏高逝者固若是也?

文學曰:周室衰,禮義壞,不能統理天下。諸侯交争,相滅亡,并爲六國;兵革不休,民不得寧息。秦以虎狼之心,蠶食諸侯,并吞戰國以爲郡縣,伐能矜功,自以爲過堯舜而羞與之同。棄仁義而尚刑罰,以爲今時不師於文而決於武。趙高治獄於內,蒙恬用兵於外,百姓愁苦,同心而患秦。陳王赫然奮爪牙爲天下首事,道雖凶而儒墨或干之者,以爲無王久矣,道擁遏不得行,自孔子以至於兹。而秦復重禁之,故發憤於陳王也。孔子曰"如有用我者,吾其爲東周乎!"庶幾成湯文武之功,爲百姓除殘去賊,贵貪禄樂位哉。

大夫曰:文學言行雖有伯夷之廉,不及柳下惠之貞,不過 高瞻下視,絜言污行,觴酒豆肉,遷延相讓,辭小取大,雞廉狼 吞。趙綰王臧之等以儒術擢爲上卿,而有姦利殘忍之心。主 父偃以口舌取大官,竊權重,欺紿宗室,受諸侯之賂。卒皆誅 死。東方朔自稱辯略消堅釋石,當世無雙,然省其私行,狂夫 不忍爲! 况無東方朔之口,其餘無可觀者也?

文學曰: 志善者忘惡, 謹小者致大。俎豆之間足以觀禮, 閨門之内足以論行。夫服古之服,誦古之道,舍而爲非者, 鮮 矣。故君子時然後言,義然後取,不以道得之不居也。滿而不 溢,泰而不驕。故袁盘親於景帝,秣馬不過一駟;公孫弘即三公之位,家不過十乘;東方先生說聽言行於武帝,而不驕溢;主父見困厄之日久,疾在位者不好道而富且貴、莫知卹士也,於是取饒衍之餘以周窮士之急,非爲私家之業也。當世囂囂,非患儒之雞廉,患在位者之虎飽鷁咽於求覽(攬),無所孑遺耳。

相刺第二十

大夫曰: 古者經井田,制廛里,丈夫治其田疇,女子治其麻 泉,無曠地,無遊人。故非商工不得食於利末,非良農不得食 於收穫,非執政不得食於官爵。今儒者釋耒耜而學不驗之語, 曠日彌久而無益於理,往來浮游,不耕而食,不蠶而衣,巧僞良 民,以奪農妨政。此亦當世之所患也。

文學曰: 禹感洪水①身親其勞,澤行路宿,過門不入。當此之時,簪墮不掇,冠挂不顧,而暇耕乎? 孔子曰"詩人疾之不能默,丘疾之不能伏。是以東西南北七十説而不用,然後退而修王道,作《春秋》,垂之萬載之後,天下折中焉"。豈與匹夫匹婦同耕織哉? 傳曰"君子當時不動而民無觀也"。故非君子莫治小人,非小人無以養君子,不當耕織爲匹夫匹婦也。君子耕而不學,則亂之道也。

大夫曰:文學言治尚於唐虞,言義高於秋天,有華言矣,未見其實也。昔魯穆公之時,公儀相,子思子原②爲之卿,然北

① "感"原作"蹙",依王先謙校改。王云: 禹感洪水者,禹憂洪水也。《御覽》四百三十一《人事部》引作"感",感亦感字之誤。《北堂書鈔·衣冠部》,引作"治",則淺人妄改耳。——作者注

② 盧文弨云:子原《說苑·雜言篇》作子庚,乃泄柳字。——作者注

削於齊,以泗馬境,南畏楚人,西賓秦國。孟軻居梁,兵折於齊,上將軍死而太子虜,西敗於秦,地奪壤削,亡河內河外。夫仲尼之門七十子之徒,去父母,捐家室,負荷而隨孔子,不耕而學,亂乃愈滋。故玉屑滿篋不爲有寶,誦《詩》《書》負笈不爲有道,要在安國家,利人民,不苟文繁衆辭而已。

文學曰: 虞不用百里奚之謀而滅,秦穆用之以至霸焉。夫不用賢則亡,而不削何可得乎? 孟子適梁,惠王問利,答以仁義。趣舍不合,是以不用而去,懷寶而無語。故有栗不食,無益於饑; 覩賢不用,無益於削。紂之時,內有微箕二子,外有膠鬲棘子①,故胡其不能存? 夫言而不用,諫而不聽,雖賢,惡得有益於治也?

大夫曰:橘柚生於江南,而民皆甘之於口,味同也。好音生於鄭衛,而人皆樂之於耳,聲同也。越人夷吾②,戎人由余,待譯而後通,而并顯齊秦,人之心於善惡同也。故曾子倚山而吟,山鳥下翔;師曠鼓琴,百獸率舞。未有善而不合,誠而不應者也。意未誠與。何故言而不見從,行而不合也。

文學曰:扁鵲不能治不受鍼藥之疾,賢聖不能正不食諫静之君。故桀有關龍逢而亡夏,殷有三人而商滅,不患無由余夷吾之倫,患無桓穆之聽耳。是以孔子東西無所適遇,屈原放逐

① 棘子,此書僅見,他無可考。 — 作者注

② 張敦仁云此句有誤。《史記·列傳》云"管仲夷吾者潁上人也"。又案《鄉陽列傳》"是以秦用戎人由余而霸中國,齊用越人蒙而彊威、宣",《索隱》云"越人蒙未見所出,《漢書》作子臧。又張晏云子臧或是越人蒙字也"。此下句連言戎人由余似即取彼語,夷吾或子臧之誤也。下文又云"不思無由余、夷吾(依上則亦當作子臧)之倫,思無桓、穆(依上則當作穆、威)之聽耳",亦有誤。——作者注

於楚。故曰"直道而事人,焉往而不三黜? 枉道而事人,何必 去父母之邦?"終非以此言而不見從,行而不合者也?

大夫曰:歌者不期於利聲而貴在中節,論者不期於麗辭而務在事實。善聲而不知轉,未可爲能歌也;善言而不知變,未可謂能說也。持規而非矩,執準而非繩,通一孔,曉一理,而不知權衡。以所不覩,不信人,若蟬之不知雪。堅據古文以應當世,猶辰參之錯。廖柱而調瑟,固而難合矣。孔子所以不用於世,而孟軻見賤於諸侯也。

文學曰: 日月之光而盲者不能見, 雷電之聲而聲人不能聞。夫爲不知音者言,若語於瘖聾,何特蟬之不知重雪耶? 夫以伊尹之智,太公之賢,而不能開辭於桀紂,非説也非,聽者過也。是以荆和抱璞而泣血, 曰安得良工而剖之? 屈原行吟澤畔,曰安得皋陶而察之? 夫人君莫不欲求賢以自輔,任能以治國,然牽於流説,惑於道諛。是以聖賢蔽掩而讒佞用事,以此亡國破家,而賢士饑於巖穴也。昔趙高無過人之志(智)而居萬人之位,是以傾覆秦國而禍殃其宗,盡失其瑟,何廖柱之調也?

大夫曰: 所謂文學高第者智略能明先王之術,而姿質足以履行其道。故居則爲人師,用則爲世法。今文學言治則稱堯、舜,道行則言孔、墨,授之政則不達。懷古道而不能行,言直而行之枉,道是而情非。衣冠有以殊於鄉曲,而實無以異於凡人。諸生所謂(爲)中直者,遭時蒙幸①,備數適然耶。殆非明

① "所謂中直",謂與爲通。中讀去聲,直同值。"中值"猶言合格。"幸"字原作"率",依王先謙校改。---作者注

舉,所謂固,未可與論治也。

文學曰:天設三光以照記^①,天子立公卿以明治。故曰 "公卿者四海之表儀,神化之丹青也"。上有輔明主之任,下有 遂聖化之事。和陰陽,調四時,安衆庶,育羣生,使百姓輯睦,無怨思之色;四夷順德,無叛逆之憂。此公卿之職,而賢者之 所務也。若伊尹周召三公之才,太顛閎夭九卿之人。文學不中聖主之明舉,今之執政亦未能稱盛德也。

大夫不説,作色,不應也。

文學曰:朝無忠臣者政闇,大夫無直士者位危。任座正言君之過,文侯改言行,稱爲賢君。袁盎面刺絳侯之驕矜,卒得其慶②。故觸死亡以干主之過者忠臣也,犯嚴顏以匡公卿之失者直士也。鄙人不能巷言面違(韙)③。方今人主,彀之教令,張而不施(弛)④。食禄多非其人,以妨農商工,市井之利未歸於民,民望不塞也。且夫帝王之道多墮壞而不修。《詩》云"濟濟多士",意者誠任用其計,非苟陳虚言而已。

① 徐德培云: 記與認同,《淮南子·繆稱篇》云"目之精者可以消釋而不可以昭認",又《琴操·箕山操》"日月運照,靡不記睹"。"記睹"之"記",亦與認同。——作者注

② 魏文侯問羣臣日"寡人何如君也?"皆曰"仁君也。"任座曰"君得中山,不以封君之弟,而以封君之子;何謂仁君?"文侯怒,座趨出。次問翟璜;璜對曰"仁君也。"文侯曰"何以知之?"對曰"君仁則臣直。向者任座之言直,是以知之。"文侯说,使璜召任座而反之,迎以爲上客。

絳侯周勃爲丞相,朝罷趨出,意甚得。文帝禮之恭,常目送之。郎中袁盎進日 "丞相如有驕主色,陛下謙讓。臣主失禮,竊爲陛下不取也。"後每朝,文帝益莊, 丞相益畏。或告絳侯反,大臣莫敢言;惟盎明其無罪。絳侯乃得釋。——作者注

③ "巷言面違",違與戀通,猶言面諛腹誹。 ——作者注

④ "彀"原作"榖",據正先謙說校改。王先謙曰: "'穀'當爲'彀','彀'亦'張'也。'施'與'弛'同。'彀之教令'句,'張而不弛'句,謂鹽轍法令不改也。"

殊路第二十一

大夫曰: 七十子躬受聖人之術,有名列於孔子之門,皆諸侯卿相之才,可南面者數人云。政事者冉有季路,言語宰我子賈。宰我秉事,有寵於齊,田常作難,道不行,身死庭中,簡公殺於檀臺。子路仕衛,孔悝作亂,不能救君出亡,身菹於衛;子賈子皋遁逃,不能死其難。食人之重禄不能更(賡),處人尊官不能存,何其厚於己而薄於君哉。同門共業,自以爲知古今之義,明君臣之禮,或死或亡。二三子殊路,何道之悖也?

文學曰:朱殤公知孔父之賢而不早任,故身死。魯莊知季 有之賢,授之政晚而國亂。衛君近佞遠賢,子路居薄,孔悝爲 政;簡公不聽宰我而漏其謀;是以二君身被放殺,而禍及忠臣。 二子者(子貢、子皋)有事而不與其謀,故可以死,可以生。去 止,其義一也。晏嬰不死崔慶之難,不可謂不義。微子去殷之 亂,可謂不仁乎?

大夫曰: 至美素璞,物莫能飾也。至賢保真,僞文莫能增也。故全玉不琢,美珠不畫。今仲由冉求無檀柘之材、隋和之璞,而强文之,譬若彫朽木而礪鈆刀。飾嫫母,畫土人也,被以五色,斐然成章,及遭行潦流波,則沮矣。夫重懷古道, 枕籍《詩》《書》,危不能安,亂不能治; 郵里逐雞難,亦無當也。

文學曰: 非學無以治身,非禮無以輔德。和氏之璞、天下之美寶也,待鑑識之工而後明①。毛嫱、天下之姣人也,待香澤脂粉而後容。周公、天下之至聖人也,待賢師學問而後通。 今齊世庸士之人、不好學問,專以己之愚而荷負巨任,若無檝舳,濟江海而遭大風,漂没於百仞之淵,東流無崖之川,安得沮而止乎?

大夫曰: 性有剛柔,形有好惡,聖人能因而不能改。孔子外變二三子之服而不能革其心,故子路解長劍,去危冠,屈節於夫子之門,然攝齊師友②,行行爾鄙心猶存;宰予晝寢,欲損三年之喪;孔子曰"糞土之牆不可杇也","若由不得其死然"。故内無其質而外學其文,雖有賢師良友,若畫脂鏤冰,費日損功。故良師不能飾戚施,香澤不能化嫫母也。

文學曰:〔西子〕蒙以不潔,鄙夫掩鼻,惡人盛飾,可以宗祀上帝。使二人不涉聖人之門,不免爲窮夫,安得卿大夫之名?故砥所以致於刃,學所以盡其才也。孔子曰"觚不觚,觚哉,觚哉,"故人事③加則爲宗廟器,否則廝④養之爨材。干、越之鋌不厲,匹夫賤之;工人施巧,人主服而朝也。夫醜者自以爲姣,故〔不〕飾;愚者自以爲知,故不學。觀笑在己而不自知,不好用人,自是之過也。

① 張敦仁云:"鑑識"當作鑑諸。《淮南子·説山訓》"玉待鑑諸而成器", 《説林訓》"璧瑗成器, 鑑諸之功"。此語出於彼。《説文》作"厱", 云"厱諸、治玉石也, 讀若藍"。《廣雅·釋器》云"礛磁、礪也"。——作者注

② 《論語·鄉黨》"攝齊升堂",註"衣下曰齊,攝齊者,搵衣也"。——作者注

③ 原作"事人", 據張敦仁說乙正。

④ 原作"斯",明華氏活字本、張之象本、沈延銓本作"麻",是。

頌賢第二十二

大夫曰:剛者折,柔者卷。故季由以强梁死,宰我以柔弱殺。使二子不學,未必不得其死。何者? 矜己而伐能,小知而巨收,欲人之從己,不能以己之從人,莫視而自見,莫賈而自貴,此其所以身殺死而終菹醢也。未見其爲宗廟器,覩其爲世戮也。當此之時,東流亦安之乎?

文學曰: 騏驎之輓鹽車,垂頭於太行,屠者持刀而睨之。 太公之窮困,負販於朝歌也,蓬頭相聚而笑之。當此之時,非 無遠筋駿才也,非文王伯樂莫知之賈也。子路宰我生不逢伯 樂之舉而遇狂屠,故君子傷之。若由不得其死然,天其"祝予" 矣①。孔父累華督之難,不可謂不義。仇牧涉宋萬之禍,不可 謂不賢也。

大夫曰:今之學者、無太公之能、騏驥之才,有以蜂蠆介毒而自害也。東海成顋、河東胡建是也。二子者以術蒙舉,起卒伍,爲縣令。獨非自是,無與合同。引之不來,推之不往。狂狷不遜, 忮害不恭。刻轢公主,侵陵大臣。知其不可而强行之,欲以干名。所由不軌,果没其身。未覩功業所至而見兩

① 子路死,孔子曰"天祝予!"見《左傳》魯哀公十五年。祝與斯同。——作者注

觀①之殃,身得重罪,不得以壽終。狡而以爲知,訐而以爲直,不遜以爲勇,其遭難、故(固)亦宜也。

文學曰: 二公懷精白之心,行忠正之道,直己以事上,竭力以徇公,奉法推理,不避强禦,不阿所親,不貴妻子之養,不顧私家之業。然卒不能免於嫉妬之人,爲衆枉所排也,其所以累不測之刑而功不遂也。夫公族不正則法令不行,股肱不正則姦邪興起。趙奢行之平原,范睢行之穰侯②,二國治而兩家全。故君過而臣正,上非而下譏,大臣正,縣令何有?不反諸己而乃非於人,執政之大失也。夫屈原之沈淵,遭子蘭之譖也;管子得行其道,鮑叔之力也。今不覩鮑叔之力,而見汨羅之禍,雖欲以壽終,其能得乎?

① 原作"東觀",張之象本、沈延銓本等作"兩觀",是。

② 趙奢爲田部吏,而平原君家不肯出稅。趙奢以法治之,殺平原君用事者九人。平原君怒,將殺奢。奢因說曰"以君之貴,奉公如法,則上下平。上下平,則國强。國强,則趙固。而君爲貴戚,豈輕於天下耶?"平原君以爲賢,言之於王。王用奢治國賦,國賦大平,民富而府庫實。

泰昭王以宣太后弟穰侯爲相,穰侯專權。范睢説昭王曰"今自有秩以上至諸大夫,下及王左右者,無非相國之人者。見王獨立於朝,臣竊爲王恐。萬世之後,有秦國者,非王子孫也!"昭王聞之大懼,乃收穰侯之印,遣歸封邑。於是范睢爲相,秦以富强。——作者注

遵道第二十三

大夫曰: 御史!

御史未應。

謂丞相史曰:文學結髮學語,服膺不舍,辭若循環,轉若陶 鈞,文繁於春華,無效於抱(捕)風。飾虚言以亂實,道古以害 今。從之,則縣官用廢,虚言不可實而行之。不從,文學以爲 非也,衆口囂囂,不可勝聽。諸卿都(居)大府日久矣,通先古, 明當世,今將何從而可矣?

丞相史進曰:晉文公譎而不正,齊桓公正而不譎,所由不同,俱歸於霸。而必隨古不革,襲故不改,是文質不變,而椎車尚在也。故或作之,或述之,然後法令調於民,而器械便於用也。孔對三君殊意,晏子相三君異道①,非苟相反,所務之時異也。公卿既定大業之路,建不竭之本,願無顧細故之語,牽儒墨論也。

① 哀公問曰"何爲則民服?"孔子對曰"舉直錯諸枉,則民服;舉枉錯諸直,則民不服"。齊景公問政於孔子,孔子對曰"君君,臣臣,父父,子子"。葉公問政,子曰"近者悦,遠者來"。

梁丘據問晏子曰"子事三君,君不同心而子俱順焉。仁人固多心乎?"晏子對曰"嬰聞之:順愛不懈可以使百姓,强暴不忠不可以使一人。一心可以事百君,三心不可以事一君"。——作者注

文學曰: 師曠之調五音,不失宫商。聖王之治世,不離仁義。故有改制之名,無變道之實。上自黄帝,下及三王,莫不明德教、謹庠序、崇仁義、立教化。此百世不易之道也。殷周因循而昌,秦王變法而亡。《詩》云"雖無老成人,尚有典刑",言法教故(固)没而存之,舉而貫之,貫而行之;何更爲哉?

丞相史曰: 説西施之美無益於容,道堯舜之德無益於治。 今文學不言所爲治而言以(已)治之無功,猶不言耕田之方,美 富人之囷倉也。夫欲粟者務時,欲治者因世。故商君昭然獨 見存亡不可與世俗同者,爲其沮功而多近也。庸人安其故,而 愚者果所聞。故舟車之治,使民三年而後安之;商君之法立, 然後民信之。孔子曰"可與共學,未可與權"。文學可令扶繩 循刻,非所與論道術之外也。

文學曰:君子多聞闕疑,述而不作,聖達而謀小,叡智而事寡,是以功成而不隳,名立而不頓。小人智淺而謀大,羸弱而任重,故中道而廢,蘇秦商鞅是也。無先王之法,非聖人之道,而因於己,故亡。《易》曰"小人處盛位,雖高必崩。不盈其道,不恒其德,而能以善終者,未之有也。是以初登于天,後人於地"。禹之治水也,民知其利,莫不勸其功。商鞅之立法,民知其害,莫不畏其刑。故夏后功立而王,商鞅法行而亡。商鞅有獨智之慮,世不獨見之(是)證。文學不足與權,當世亦無累負之殃也。

論誹第二十四

丞相史曰: 晏子有言"儒者華於言而寡於實,繁於樂而舒於民,久喪以害生,厚葬以傷業,禮煩而難行,道迂而難遵,稱往古而訾當世,賤所見而貴所聞"。言人本枉,以己爲式①。此額異所以誅黜,而狄山死於匈奴也②。處其位而非其朝,生乎世而訕其上,終以被戮而喪其驅,此獨誰爲負其累而蒙其殃乎?

文學曰:禮所以防淫,樂所以移風,禮與樂正則刑罰中。 故隄防成而民無水菑,禮義立而民無亂患。故禮義壞,隄防 決,所以治者,未之有也。孔子曰"禮與其奢也寧儉,喪與其易 也寧戚"。故禮之所爲作,非以害生傷業也;威儀節文,非以亂 化傷俗也。治國謹其禮,危國謹其法。昔秦以武力吞天下,而 斯高以妖孽累其禍,廢古術,隳舊禮,專任刑法,而儒墨既喪

① "言人本在","言"原作"此",乃"此颜異所以誅黜""此"字抄複,"言"字又誤竄人上文"稱往古而訾當世"句"而"字下。此兩句蓋指荀子性惡之説而言。——作者注

② 漢武帝既用御史大夫張湯議,造白鹿皮幣;以問大農顔異。異對曰"今王侯朝賀以倉璧,直數千,而其皮薦反四十萬;本末不相稱"。武帝不悦。湯又與異有隙,遂誣以他罪論死。

狄山爲漢博士,諫武帝伐匈奴。武帝怒,使之守鄣。鄣者,塞上要險處,別築 爲城,因置吏士而爲鄣蔽以扞寇也。月餘,匈奴軍至,斬其頭而去。——作者注

焉。塞士之塗,壅人之口,道諛日進而上不聞其過,此秦所以 失天下而隕社稷也。故聖人爲政,必先誅之,爲巧言以輔非, 而傾覆國家也。今子安取亡國之語而來乎? 夫公卿處其位不 正其道,而以意阿色順風,疾小人淺淺(諓)面從,以成人之過 也。故知言之士不忍從苟合之徒,是以不免於縲絏。悲夫!

丞相史曰:檀柘而有鄉,雚葦而有蒙,言物類之相從也。 孔子曰"德不孤,必有鄰"。故湯興而伊尹至,不仁者遠矣。未 有明君在上而亂臣在下也。今先帝躬行仁聖之道以臨海内, 招舉俊才賢良之士,唯仁是用;誅逐亂臣,不避所親;務以求賢 而簡退不肖,猶堯之舉舜禹之族,殛鯀,放驩兜也。而曰"苟合 之徒",是則主非而臣阿。是也?

文學曰:皋陶對舜,"在知人,惟帝其難之"。洪水之災、堯獨愁悴而不能治,得舜禹而九州寧。故雖有堯明之君而無舜禹之佐,則純德不流。《春秋》刺有君而無臣。先帝之時,良臣未備,故邪臣得間。堯得舜禹而鯀殛,驩兜誅,趙簡子得周舍①而盛青肩詘。語曰"未見君子,不知僞臣"。《詩》云"未見君子,憂心忡忡。既見君子,我心則降"。此之謂也。

丞相史曰: 堯任鯀驩兜, 得舜禹而放殛之以其罪, 而天下成服, 誅不仁也。人君用之齊民。而顏異、濟南亭長也。先帝舉而加之高位, 官至上卿; 狄山起布衣, 爲漢議臣; 處舜禹之位, 執天下之中, 不能以治, 而反坐訕上。故驩兜之誅加而刑戮至焉。賢者受賞而不肖者被刑, 固其然也。文學何怪焉?

文學曰: 論者相扶以義,相喻以道,從善不求勝,服義不恥

① 周舍原作叔向,據盧文弨校改。——作者注

窮。若相迷以僞,相亂以辭,相矜於後息,期於茍勝,非其貴者也。夫蘇秦張儀熒惑諸侯,傾覆萬乘,使人主失其所持。非不辯,然亂之道也。君子疾鄙夫之不可與事君,患其聽從而無所不至也。今子不聽正義以輔卿相,又從而順之,好須臾之說,不計其後。若子之爲人吏,宜受上戮。子姑默矣!

丞相史曰:蓋聞士之居世也,衣服足以勝身,食飲足以供親,内足以相卹,外不求於人。故身修然後可以理家,家治然後可以治官。故飯蔬糲①者不可以言孝,妻子饑寒者不可以言慈,緒業不備者不可以言理。居斯世,行斯身,而有此三累者,斯亦足以默矣。

① "蔬"原作"薪", 據洪頤煊說校改。

孝養第二十五

文學曰:善養者不必芻豢也,善供服者不必錦繡也。以己之所有,盡事其親,孝之至也。故匹夫勤勞猶足以順禮, 歠菽飲水足以致其敬。孔子曰"今之孝者是爲能養,不敬何以别乎?"故上孝養志,其次養色,其次養體。貴禮,不貪其養。禮順心和,養雖不備,可也。《易》曰"東隣殺牛,不如西鄰之禴祭也"。故富貴而無禮,不如貧賤之孝悌。閨門之内盡孝焉,閩門之外盡悌焉,朋友之道盡信焉,三者,孝之至也。居家理者,非謂積財也,事親孝者,非謂鲜肴也,亦和顏色,承意,盡禮義而已矣。

丞相史曰:八十曰耋,七十曰耄。耄,食非肉不飽,衣非帛不暖。故孝子曰(爰)甘毳以養口,輕暖以養體。曾子養曾皙,必有酒肉。無端絻(冕),雖公西赤不能以養①爲容。無肴膳,雖閔、曾不能以養卒②。禮無虚加,故必有其實然後爲(謂)之父子。與其禮有餘而養不足,寧養有餘而禮不足。夫洗爵以盛水,升降而進糲,禮雖備,然非其貴者也。

文學曰:周襄王之母非無酒肉也,衣食非不如曾皙也,然

① 張之象本、沈延銓本等無"養"字,是。

② 張之象本、沈延銓本等"養卒"作"卒養",是。

而被不孝之名。以其不能事其父母也。君子重其禮,小人貪其養。夫嗟來而招之,投而與之,乞者猶不取也。君子苟無其禮,雖美不食焉。故禮、主人不親饋,則客不祭。是饋輕而禮重也。

丞相史曰:孝莫大以天下一國養,次禄養,下以力。故王公人君、上也,卿大夫、次也。夫以家人言之,有賢子當路於世者,高堂邃宇,安車大馬,衣輕暖,食甘毳。無者褐衣皮冠,窮居陋巷,有旦無暮,食蔬糲,煮葷茹,胰臘而後見肉審(瀋)。老親之腹非唐園,唯菜是盛(平聲)。夫蔬糲,乞者所不取,而子以養親。雖欲以禮,非其貴也。

文學曰:無其能而竊其位,無其功而有其禄,雖有富貴猶 蹠蹻之養也。高臺極望,食案方丈,而不可謂孝。老親之腹非 盜囊也,何故常盛不道之物? 夫取非有非職,財人而患從之, 身且死禍殃,安得膢臘而食肉? 曾參閔子無卿相之養而有孝 子之名,周襄王富有天下而有不能事父母之累。故禮菲而養 豐,非孝也。涼囷而以養①,非孝也。

丞相史曰:上孝養色,其次安親,其次全身。往者陳餘背漢,斬於泜水②,伍被邪逆而夷三族。近世主父偃行不軌而誅滅,吕步舒弄口而見戮。行身不謹,誅及無罪之親。由此觀之,虚禮無益於己也。文實配行,禮養俱施,然後可以言孝。孝在於質,不在於飾貌,全身在於謹慎,不在於馳語也。

① "涼困"義難通,疑是"流面"之誤,面,湎省。——作者注

② "派"原作"沍",九行本、張之象本、沈延銓本等作"泺",是。按:《史記》、《漢書》本傳皆作"泺"。

文學曰:言而不誠,期而不信,臨難不勇,事君不忠,不孝之大者也。孟子曰"今之士,今之大夫,皆罪人也。皆逢其意以順其惡"。今之不忠不信,巧言以亂政,導諛以求合。若此者,不容於世。《春秋》曰"士守一不移,循理不外援,共其職而已"。故卑位而言高者,罪也。言不及而言者,傲也。有詔公卿與斯議,而空戰口也。

刺議第二十六

丞相史曰: 山林不讓椒桂,君子不辭負薪之言以廣其名。故多見者博,多聞者知。距諫者塞,專己者孤。故謀及下者無失策,舉及衆者無頓功。《詩》云"詢于芻荛"。故布衣皆可風議,何况公卿之史乎。《春秋》士不載文,而書咺者,以爲"宰士也"①。孔子曰"雖不吾以,吾其與聞諸"。僕雖不敏,亦嘗傾耳下風,攝齊句指,受業徑於君子之塗矣。使文學言之而是,僕之言有何害。使文學言之而非,雖微丞相史,孰不非也。

文學曰:以正輔人謂之忠,以邪導人謂之佞。夫佛過納善者,君之忠臣、大夫之直士也。孔子曰"大夫有争臣三人,雖無道,不失其家"。今子處宰士之列,無忠正之心,枉不能正,邪不能匡,順流以容身,從風以說(悦)上。上所言則苟聽,上所行則曲從。若影之隨形,響之於聲,終無所是非。衣儒衣,冠儒冠,而不能行其道,非真儒也②。譬若土龍,文章首目其而非龍也。葶歷似菜而味殊,玉石相似而異類。子非孔氏執經守道之儒,乃公卿面從之儒,非吾徒也。冉有爲季氏宰而附

① 見《公羊傳》隱公二年"天王使宰咺來歸惠公仲子之閒",《傳》云"宰者何?官也。咺者何?名也。曷爲以官氏?宰士也。"——作者注

② "真"原作"其", 據張之象本、沈延銓本校改。

益之,孔子曰"小子鳴鼓而攻之可也"。故輔桀者不爲智,爲桀 飲者不爲仁。

丞相史默然不對。

利議第二十七

大夫曰:作世明主,憂勞萬人,思念北邊之未安,故使使者 舉賢良文學高弟,詳延有道之士,將欲觀殊議異策,虚心傾耳 以聽,庶幾云得。諸生無能出奇計,遠圖匈奴安邊境之策,抱 枯竹,守空言,不知趣舍之宜,時世之變。議論無所依,如膝癢 而搔背。辯訟公門之下,訩訩不可勝聽,如品卽口以成事。此 豈明主所欲聞哉?

文學曰:諸生對册,殊路同歸,指在於崇禮義,退財利,復往古之道,匡當世之失,莫不云太平。雖未盡可亶用,宜略有可行者焉。執事闇於明禮,而喻於利末,沮事隳議①。計慮籌策以故至今未決。非儒無成事,公卿欲成〔利〕也。

大夫曰: 色厲而內荏,亂真者也。文表而臬襄②, 亂實也。 文學裒衣博帶,竊周公之服; 鞠躬踧踖,竊仲尼之容; 議論稱 誦,竊商賜之辭; 刺譏言治,過管晏之才。心卑卿相,志小萬 乘。及授之政,昏亂不治。故以言舉人,若以毛相馬。此其所

① "隳"原作"隋",九行本、張之象本、沈延銓本作"隳",是。

② "泉"原作"柔",依孫詒讓校改。孫云:《散不足篇》"絲裏泉表",與此詞意 正相反而義則同,可以互證。又《國病篇》云"文表無裏,纨絝泉裝",義亦略同。 ——作者注

以多不稱舉。韶策曰"朕嘉宇內之士,故詳延四方豪俊文學博習之士,超遷官禄"。言者不必有德。何者?言之易而行之難。有舍其車而識其牛,貴其不言而多成事也。吴鐸以其舌自破,主父偃以其舌自殺。鷃鵙夜鳴,無益於明;主父鳴鴟,無益於死。非有司欲成利,文學桎梏於舊術,牽於閒言者也。

文學曰:能言之,能行之者,湯武也。能言,不能行者,有司也。文學竊周公之服,有司竊周公之位。文學桎梏於舊術,有司桎梏於財利。主父偃以舌自殺,有司以利自困。夫驥之才千里,非造父不能使。禹之知萬人,非舜爲相不能用。故季桓子聽政,柳下惠忽然不見,孔子之爲司寇,然後悖熾。驥、舉之在伯樂,其功在造父。造父攝轡,馬無驚良,皆可取道。周公之時,士無賢不肖,皆可與言至治。故御之良者善調馬,相之賢者善使士。今舉異才而使臧騶御之,是猶枙驥鹽車而責之使疾。此賢良文學多不稱舉也。

大夫曰:嘻,諸生闆茸無行,多言而不用,情貌不相副。若穿窬之盜,自古而患之。是孔丘斥逐於魯君,曾不用於世也。何者,以其首攝多端,迂時而不要也。故秦王燔去其術而不行,坑之渭中而不用。乃安得鼓口舌,申顔眉,預前論議,是非國家之事也?

國疾第二十八

文學曰:國有賢士而不用,非士之過,有國者之恥。孔子大聖也,諸侯莫能用,當小位於魯,三月,不令而行,不禁而止,沛若時雨之灌萬物,莫不興起也。况乎位天下之本朝,而施聖主之德音教澤乎?今公卿處尊位,執天下之要十有餘年,功德不施於天下而勤勞於百姓。百姓貧陋困窮,而私家累萬金。此君子所恥,而《伐檀》所刺也。昔者商鞅相秦,後禮讓,先貪鄙,尚首功,務進取,無德厚於民,而嚴刑罰於國。俗日壞而民滋怨,故惠王烹菹其身以謝天下。當此之時,亦不能論事矣。今執政患儒貧賤而多言,儒亦憂執事富貴而多患也。

大夫視文學,悒悒而不言也。

丞相史曰: 夫辯國家之政事,論執政之得失,何不徐徐道理相喻,何至切切如此乎? 大夫難罷鹽鐵者,非有私也,憂國家之用,邊境之費也。諸生誾誾争鹽鐵,亦非爲己也,欲反之於古而輔成仁義也。二者各有所宗,時世異務,又安可堅任古術而非今之理也? 且夫小雅非人,必有以易之。諸生若有能安集國中,懷來遠方,使邊境無寇虜之災,租稅盡爲諸生除之,何况鹽鐵均輸乎! 所以貴術儒者,貴其處謙推讓,以道盡人。今辯訟愕愕然,無赤賜之辭,而見鄙倍之色,非所聞也。大夫

言過而諸生亦如之,諸生不直謝大夫耳。

賢良文學皆離席曰:鄙人固陋,希涉大庭,狂言多不稱,以 逆執事。夫藥酒苦於口而利於病,忠言逆於耳而利於行。故 愕愕者福也,護諓者賊也①。林中多疾風,富貴多諛言。萬里 之朝,日聞唯唯,而後聞諸生之愕愕。此乃公卿之良藥鍼石。

大夫色少寬,面文學而蘇也。〔謂〕賢良曰: 窮巷多曲辯,而寡見者難喻。文學守死溟涬之語,而終不移。夫往古之事,昔有之語,已可覩矣。今以近世觀之,自以目有所見,耳有所聞。世殊而事異。文景之際,建元之始,民朴而歸本,吏廉而自重。殷殷屯屯,人衍而家富。今政非改而教非易也,何世之彌薄而俗之滋衰也?吏即少廉,民即寡恥,刑非誅惡,而姦猶不止。世人有言,"鄙儒不如都士"。文學皆出山東,希涉大論。子大夫臨京師之日久,願分明政治得失之事故所以然者也。

賢良曰: 夫山東天下之腹心, 賢士之戰場也。高皇帝龍飛鳳舉於宋楚之間, 山東子弟蕭曹樊酈滕灌之屬爲輔, 雖卽異世,亦既閔夭太顛而已。禹出西羌,文王生北夷,然聖德高世, 有萬人之才,負迭羣之任。出入都市, 一旦不知返,數(驟)然復終於廝役而已。僕雖不生長京師,才駑下愚,不足以〔當〕大議。竊所以聞閭里長者之言。往者常民衣服温暖而不靡, 器質朴牢而致用。衣足以蔽體,器足以便事, 馬足以易步, 車足以自載,酒足以合歡而不湛,樂足以理心而不淫。入無宴樂之間, 出無佚遊之觀。行卽負羸, 止作鋤耘。用約而財饒,本修

① "贼"原作"賤",以意改與福字爲韻。——作者注

而民富。送死哀而不華,養生適而不奢。大臣正而無欲,執政 寬而不苛。故黎民寧其性,百吏保其官。建元始,崇文修德, 天下乂安。其後邪臣各以伎藝,虧亂至治。外障山海,内興諸 利。楊可告緡,江充禁服,張大夫革令,杜周治獄,罰贖科適。 微細並行,不可勝載。夏蘭之屬妄搏,王温舒之徒妄殺。殘吏 萌起,擾亂良民。當此之時,百姓不保其首領,豪富莫必其族 姓。聖主覺焉,乃刑戮充等,誅滅殘賊,以殺死罪之怨,塞天 下之責。然後① 居民肆然復安。然其禍累世不復,瘡痍至今 未息。故百官尚有殘賊之政,而强宰尚有强奪之心。大臣擅 權而斷擊,豪猾多黨而侵陵。富貴奢侈,貧賤篡殺。女工難成 而易弊, 車器難就而易敗。車不累甚, 器不終歲。一車千石, 一衣十鍾。常民文杯畫案,几席緝蹈,婢妾衣紈履絲,匹庶粺 飯肉食。里有浴,黨有湯②。康莊馳逐,窮巷蹋鞠。秉耒抱 插、躬耕身織者,寡。聚腰歛容、傅白黛青者,衆。無而爲有, 貧而强夸。文表無裏, 纨絝枲裝。生不養, 死厚送。葬死殫 家,遣女滿車。富者欲過,貧者欲及。富者空减,貧者稱貸。 是以民年急而歲促,貧卽寡恥,乏卽少廉。此所以刑非誅惡而 姦猶不止也。故國有嚴急之徵,即生有不足之疾矣③。

① "後"字各本無,據王先謙説校補。

② 原作"里有俗,黨有場",以意改。 —— 作者注

③ "有"字原作"前","之"字各本無,據盧文弨説校補。

散不足第二十九

大夫曰: 吾以賢良爲少愈,乃反其幽明,若胡車相隨而鳴。 諸生獨不見季夏之螇乎? 音聲入耳, 秋風至而聲無。者(諸) 生無易由言,不顧其患。患至而後默,晚矣。

賢良曰: 孔子讀史記, 喟然而嘆, 傷正德之廢, 君臣之危也。夫賢人君子,以天下爲任者也。任大者思遠, 思遠者忘近。誠心閔悼, 惻隱加爾, 故忠心獨而無累。此詩人所以傷而作, 比干子胥遺身忘禍也。其惡勞人, 若斯之急, 安能默乎?《詩》云"憂心如惔, 不敢戲談"。孔子栖栖, 疾固也。墨子遑遑, 閔世也。

大夫默然。

丞相曰:願聞散不足。

賢良曰: 宫室輿馬、衣服器械、喪祭食飲、聲色玩好、人情之所不能已也。故聖人爲之制度以防之。間者士大夫務於權利, 怠於禮義, 故百姓做傚, 頗踰制度。今故陳之曰:

古者穀物菜果,不時不食,鳥獸魚鼈,不中殺不食。故繳 罔不入於澤,雜毛不取。今富者迺驅殲罔宜,掩捕麑殼,沈湎, 猶鋪百川。鮮羔挑,羰胎肩,皮黄口。春鵝秋鶵,冬葵温韭,浚 芘蓼蘇,蕈萸耳菜①,毛果蟲貉。

① "蕈荚"原作"豐奕", 依孫詒讓校改。 —— 作者注

古者采椽茅茨,陶桴復穴,足禦寒暑,蔽風雨而已。及其後世,采椽不斲,茅茨不翦,無斲削之事,磨礱之功。大夫達棱楹,土穎首,庶人斧成木構而已。今富者井幹增梁,雕文檻楯, 聖懷壁飾。

古者衣服不中制,器械不中用,不粥於市。今民間雕琢不中之物,刻畫無用之器。玩好玄黄雜青、五色繡衣、戲弄蒲人雜婦,百獸馬戲鬭虎,唐銻追人,奇蟲胡妲。

古者諸侯不秣馬,天子有命,以車就牧。庶人之乘者,馬 足以代其勞而已。故行則服枙,止則就犂。今富者連車列騎, 驂貳輜輧。中者微輿短轂,煩尾掌踬。夫一馬伏櫪,當中家六 口之食,亡丁男一人之事。

古者庶人耄老而後衣絲,其餘則麻枲而已,故命曰布衣。 及其後,則絲裏枲表,直領無禕,袍合不緣。夫羅紈文繡者,人 君后妃之服也。繭紬鎌練者,婚姻之嘉飾也。是以文繒薄織 不粥於市。今富者縟繡羅紈,中者素綈錦冰。常民而被后妃 之服,褻人而居婚姻之飾。夫紈素之賈倍縑,縑之用倍紈也。

古者椎車無柔,棧輿無植。及其後,木軨不衣,長穀數幅, 蒲薦苙蓋,蓋無漆絲之飾。大夫士則蟬欔木具^①,盤韋柔革。 常民染輿,大軨獨輪。今庶人富者銀黄華左搔,結綏韜杠;中 者錯鑣途采,珥靳飛鈴。

古者鹿裘皮冒, 號足不去。及其後, 大夫士狐貉縫腋, 羔魔豹祛。庶人則毛絝衳彤, 樸羝皮傅。今富者鼲鼦, 狐白鳧

① "蟬櫻"原作"單複",據徐德培校改。《廣雅·釋器》作"蟬蠼, 輞也"。車輪之外匡。——作者注

翁;中者罽衣金縷,燕賤代黄。

古者庶人俴騎繩控,革鞮皮廌而已。及其後,革鞍氂成, 鐵鑣不飾。今富者轉耳銀鑷韈,黄金琅勒,罽繡弇汗,垂珥胡 鮮;中者染韋紹系,采畫暴乾。

古者汙尊坏飲,蓋無爵觴樽俎。及其後,庶人器用卽竹柳陶瓠而已,唯瑚璉觴豆而後雕文形漆。今富者銀口黄耳,金罍玉鍾;中者舒玉紵器,金錯蜀杯。夫一文杯得銅杯十,賈賤而用不殊。箕子之譏,始在天子,今在匹夫。

古者燔黍食稗,而爆豚以相饗。其後鄉人飲酒,老者重豆,少者立食,一醬一肉,旅飲而已。及其後賓婚相召,則豆羹白飯,綦膾熟肉。今民間酒食,殺旅重叠,燔炙滿案,臑鼈膾,腥麂卵,鶉鷃撜拘,鮐鱧醢醯,衆物雜味。

古者庶人春夏耕耘,秋冬收藏,昏晨力作,夜以繼日。 《詩》云"畫爾于茅,宵爾索綯,亟其乘屋,其始播百穀"。非膢 臘不休息,非祭祀無酒肉。今賓昏酒食,接連相因,析酲升 斗①,棄事相隨,慮無乏日。

古者庶人糲食藜藿,非鄉飲酒、膢臘、祭祀,無酒肉。故諸侯無故不殺牛羊,大夫士無故不殺犬豕。今閭巷懸伯,阡伯屠沽,無故烹殺,相聚野外;負粟而往,挈肉而歸。夫一豕之肉得中年之收,十五斗栗當丁男半月之食。

古者庶人魚菽之祭,春秋脩其祖祠。士一廟,大夫三,以時有事於五祀,蓋無出門之祭。今富者祈名嶽,望山川,椎牛擊鼓,戲倡儛像;中者南居當路,水上雲臺,屠羊殺狗,鼓瑟吹

① "析程升斗"原作"折醒什半",依盧文弨校改。 ——作者注

笙; 貧者雞豕五芳, 衛保散臘, 傾蓋社場。

古者德行求福,故祭祀而寬。仁義求吉,故卜筮而希。今 世俗寬於行而求於鬼,怠於禮而篤於祭,嫚親而貴勢,至妄而 信日,聽訑言而幸得,出實物而享虚福。

古者君子夙夜孳孳思其德; 小人晨昏孜孜思其力。故君子不素飡,小人不空食。今世俗飾僞行詐,爲民巫祝,以取釐谢。堅頟健舌,或以成業致富。故憚事之人釋本相學;是以街巷有巫,閻里有祝。

古者無杠樠之寢、牀移之案。及其後世、庶人卽采木之 杠,葉華之樠。士不斤成,大夫葦莞而已。今富者黼繡帷幄, 塗屏錯跗;中者錦綈高張,采畫丹漆。

古者皮毛草蓐,無茵席之加,旃蒻之美。及其後大夫士復薦草緣,蒲平單莞;庶人卽草蓐索經,單藺蘧蒢而已。今富者繡茵瞿柔①,蒲子露林:中者獏皮代旃,闆坐平莞。

古者不粥餁②,不市食。及其後則有屠沽,沽酒,市脯魚 鹽而已。今熟食徧列,殺施成市,作業墮怠,食必趣時。楊豚 韭卵,狗摺馬朘,煎魚切肝,羊淹雞寒,蜩馬駱日,蹇捕胃脯,胹 羔豆餳, 瞉膹雁羹,貝鮑甘瓠,熱梁和炙。

古者土鼓 由 构, 擊木 拊石, 以盡其歡。及其後卿大夫有管 磬、士有琴瑟。往者民間酒會,各以黨俗, 彈筝鼓缶而已。無

① "瞿柔"原作"翟柔",依孫詒讓校改,孫云"瞿柔卽氍與也"。——作者注

② "錐"原作"粧",據張敦仁説校改。張敦仁云: "'維'當作'餁',下有明文"。

要妙之音,變羽之轉。今富者鐘鼓五樂,歌兒數曹; 中者鳴竽 調瑟,鄭儛趙謳。

古者瓦棺容尸,木板堲周,足以收形骸,藏髮齒而已。及 其後桐棺不衣,采椁不斲。今富者繡牆題凑,中者梓棺楩椁, 貧者畫荒衣袍,繒囊緹橐。

古者明器有形無實,示民不用也。及其後則有醯醢之藏, 桐馬偶人彌祭,其物不備。今厚資多藏,器用如生人。郡國繇 吏素桑楺,偶車櫓輪。匠夫無完領,桐人衣紈綈。

古者不封不樹,反虞祭於寢,無壇字之居、廟堂之位。及 其後則封之,庶人之墳半仞,其高可隱。今富者積土成山,列 樹成林,臺榭連閣,集觀增樓;中者祠堂屛閤,垣闕罙恩。

古者鄰有喪,春不相杵,卷不歌謡。孔子食於有喪者之側,未嘗飽也。子於是日哭,則不歌。今俗因人之喪以求酒肉,幸與小坐而責辨,(辦)歌舞俳優,連笑伎戲。

古者男女之際尚矣,嫁娶之服,未之以記。及虞夏之後, 蓋表布內絲,骨笄象珥,封君夫人加錦尚褧而已。今富者皮衣 朱貉,繁路環佩;中者長裾交褘,璧端簪珥。

古者事生盡愛,送死盡哀。故聖人爲制節,非虚加之。今 生不能致其愛敬,死以奢侈相高。雖無哀戚之心,而厚葬重幣 者則稱以爲孝,顯名立於世,光榮著於俗。故黎民相慕効,至 於發屋賣業。

古者夫婦之好,一男一女而成家室之道。及其後士一妾, 大夫二,諸侯有姪娣九女而已。今諸侯百數,卿大夫十數;中 者侍御,富者盈室。是以女或曠怨失時,男或放死無匹。 古者凶年不備,豐年補敗,仍舊貫而不改作。今工異變而 吏殊心,壞敗成功,以匿厥意。意極乎功業,務存乎面目。積 功以市譽,不恤民之急。田野不辟而飾亭落,邑居丘墟而高其 郭。

古者不以人力徇於禽獸,不奪民財以養狗馬,是以財衍而 力有餘。今猛獸奇蟲不可以耕耘,而令當耕耘者養育之。百 姓或短褐不完,而犬馬衣文繡。黎民或糠糟不接,而禽獸食 肉。

古者人君敬事愛下,使民以時,天子以天下爲家,臣妾各 以其時供公職,今古之通義也。今縣官多畜奴婢,坐禀衣食, 私作産,爲姦利,力作不盡,縣官失實。百姓或無斗筲之儲,官 奴累百金;黎民昏晨不釋事,奴婢垂拱遨遊也。

古者親近而疏遠,貴所同而賤非類。不賞無功,不養無用。今蠻貊無功,縣官居肆,廣屋大第,坐禀衣食。百姓或旦暮不贍,蠻夷或厭酒肉。黎民泮汗力作,蠻夷交脛肆踞。

古者庶人麤菲草芰,縮絲尚韋而已。及其後則綦下不借, 鞔鞮革舄。今富者革中名工,輕靡使容,紈裹紃下,越端縱緣; 中者鄧里閒作,蒯苴秦堅。婢妾韋沓絲履,走者茸屐約綰。

古聖人勞躬養神,節欲適情,尊天敬地,履德行仁。是以 上天歆焉,永其世而豐其年。故堯秀眉高彩,享國百載。及秦 始皇覽怪迂,信禨祥,使盧生求羨門高,徐市等人海求不死之 藥。當此之時,燕齊之士釋鋤未,争言神仙方士。於是趣咸 陽者以千數,言仙人食金飲珠,然後壽與天地相保。於是數巡 狩五嶽,濱海之館,以求神仙蓬萊之屬。數幸之郡縣,富人以 貲佐,貧者築道旁。其後小者亡逃,大者藏匿,吏捕索掣頓,不以道理。名宫之旁,廬舍丘落無生苗立樹,百姓離心,怨思者十有半。《書》曰"享多儀,儀不及物曰不享"。故聖人非仁義不載於己,非正道不禦於前。是以先帝誅文成五利等,宣帝建學官,親近忠良,欲以絶怪惡之端,而昭至德之塗也。

宫室奢侈,林木之蠹也。器械雕琢,財用之蠹也。衣服靡麗,布帛之蠹也。狗馬食人之食,五穀之蠹也。口腹從恣,魚肉之蠹也。用費不節,府庫之蠹也。漏積不禁,田野之蠹也。喪祭無度,傷生之蠹也。墮成變故傷功,工商上通傷農。故一杯棬用百人之力,一屏風就萬人之功。其爲害亦多矣!目循於五色,耳營於五聲,體極輕薄,口極甘脆。功積於無用,財盡於不急。口腹不可爲多。故國病聚不足卽政怠,人病聚不足則身危。

丞相曰:治聚不足奈何?

救匱第三十

賢良曰:蓋燒枉者過直,救文者以質。昔者晏子相齊,一 狐裘三十載。故民奢、示之以儉,民儉、示之以禮。方今公卿 大夫子孫誠能節車輿,適衣服,躬親節儉,率以敦樸; 罷園池, 損田宅;內無事乎市列,外無事乎山澤;農夫有所施其功,女工 有所粥其業。如是,則氣脈和平,無聚不足之病矣。

大夫曰: 孤子語孝, 躄者語杖。貧者語仁, 賤者語治。議不在己者易稱, 從旁議者易是, 其當局則亂。故公孫弘布被, 倪寬練袍, 衣若僕妾, 食若庸夫; 淮南逆於内, 蠻夷暴於外, 盗賊不爲禁,奢侈不爲節。若疫歲之巫, 徒能鼓口耳, 何散不足之能治乎?

賢良曰:高皇帝之時,蕭曹爲公,滕灌之屬爲卿,濟濟然斯則賢矣。文景之際,建元之始,大臣尚有争引守正之義。 自此之後,多承意從欲,少敢直言面議而正刺,因公而徇私。故武安丞相訟園田,争曲直人主之前①。夫九層之臺一傾,公輸子不能正;本朝一邪,伊望不能復。故公孫(弘)丞

① 漢武帝建元六年,以武安侯田蚡爲丞相。蚧嘗請考工之地益其私宅。上怒曰"何不遂取武庫?"其後,葛繹侯公孫賀,遂侯劉屈鹜,相繼爲相。——作者注

相倪(寬)大夫側身行道,分禄以養賢,卑己以下士,功業顯立; 日力不足,無行人子産之繼,而葛繹彭侯之等隳壞其緒,紕亂 其紀,毀其客館議堂以爲馬厩婦舍,無養士之禮而尚驕矜之 色,廉恥陵遲而争於利矣。故良田廣宅,民無所之。不恥爲利 者滿朝市,列田畜者彌郡國。横暴掣頓,大第巨舍之旁道路且 不通,此固難醫而不可爲工。

大夫勃然作色,默而不愿。

箴石第三十一

丞相史曰:吾聞諸鄭長者曰"君子正顏色則遠暴嫚,出辭氣則遠鄙倍矣",故言可述,行可則。此有司夙昔所願覩也。若夫劍客論,博奕辯,盛色而相蘇秦①,立權以不相假,使有司不能取賢良之議,而賢良文學被不遜之名,竊爲諸生不取也。公孫龍有言曰"論之爲道,辯,故不可以不屬意。屬意相寬,相寬其歸争。争而不讓,則入於鄙"。今有司已不仁,又蒙素湌,無以更責雪恥矣。縣官所招舉賢良文學而(如)及親民偉仕,亦未見其能用箴石而醫百姓之疾也。

賢良曰: 賈生有言曰"懇言則辭淺而不入,深言則逆耳而失指",故曰"談何容易"。談且不易,而況行之乎!此胡建所以不得其死,而吴得幾不免於患也。語曰"五盗執一良人,枉木惡直繩"。今欲下箴石,通關鬲,則恐有盛胡之累②,懷箴橐艾,則被不工之名。"狼跋其胡,載應其尾"。君子之路,行止之道固狹耳。此子石(公孫龍)所以歎息也。

① 蘇秦乃以人名而動詞化,猶春風風人,秋雨雨人之類,句法甚特出。—— 作者注

② 盛胡即前《訟賢篇》"東海成願,河東胡建"(王先謙説)。 —— 作者注

除狹第三十二

大夫曰:賢者處大林,遭風雷而不迷。愚者雖處平敞大路, 猶暗惑焉。今守相親剖符贊拜,蒞一郡之衆,古方伯之位也。 受命專制,宰割千里,不御於內,善惡在於己。己不能故耳,道 何狹之有哉?

賢良曰:古之進士也鄉擇而里選,論其才能,然後官之,勝職任然後爵而禄之。故士修之鄉曲,升諸朝廷,行之幽隱,明之顯著。疏遠無失士,小大無遺功。是以賢者進用,不肖者簡點。今吏道壅而不選,富者以財賈官,勇者以死射功。戲車鼎躍,咸出補吏,累功積日,或至卿相。垂青繩,擐銀龜,擅殺生之柄,專萬民之命。弱者、猶使羊將狼也,其亂必矣。强者、則是予狂夫利劍也,必妄殺生矣。是以往者郡國黎民相乘而不能理,或至鋸頸殺不辜而不能止。執綱紀非其道,蓋傳亂愈甚。古者封賢禄能,不過百里,百里之中而爲都,疆垂不過五十,猶以爲一人之身明不能照,聰不能達,故立卿大夫士以佐之,而政治乃備。今守相或無古諸侯之賢而蒞千里之政,主一郡之衆,施聖主之德,擅生殺之法,至重也。非仁人不能任,非其人不能行。一人之身,治亂在己,千里與之轉化,不可不熟

擇也。故人主有私人以財,不私人以官。懸賞以待功,序爵以 俟賢,舉善若不足,黜惡若仇讎,固爲其非功而殘百姓也。夫 傅主德,開臣途,在於選賢而器使之,擇練守相然後任之。

疾貪第三十三

大夫曰:然。爲醫以(已)拙矣,又求多謝。爲吏既多不良矣,又侵漁百姓。長吏厲諸小吏,小吏厲諸百姓。故不患擇之不熟,而患求之與得異也;不患其不足也,患其貪而無厭也。

賢良曰: 古之制爵禄也,卿大夫足以潤賢厚,士足以優身及黨,庶人爲官者足以代其耕而食其禄。今小吏禄薄,郡國繇役遠至三輔,粟米貴,不足相贍。常居則匱於衣食,有故則賣畜粥業。非徒是也,繇使相遺,官庭攝造,小計權吏行施乞貸,長吏侵漁。上府下求之縣,縣求之鄉,鄉安取之哉? 語曰"貨路下流,猶水之赴,不竭不止"。今大川江河飲巨浸,巨海受之,而欲谿谷之讓流潦。百官之廉,不可得也。夫欲影正者端其表,欲下靡者先之身。故貪鄙在率不在下,教訓在政不在民也。

大夫曰:賢不肖有質,而貪鄙有性,君子內潔己而不能純 教於彼。故周公非不正管蔡之邪,子產非不正鄧晳之僞也。夫 内不從父兄之教,外不畏刑法之罪,周公子產不能化,必也。今 一一則責之有司①,有司豈能縛其手足而使之無爲非哉?

賢良曰: 駟馬不馴, 御者之過也。百姓不治, 有司之罪也。

① 原作"一二則責之有司","二"字乃重文符之誤。 —— 作者注

《春秋》刺譏不及庶人,責其率也。故古者大夫將臨刑,聲色不御;刑以(已)當矣,猶三巡而嗟嘆之。其恥不能以化而傷其不全也。政教闇而不著,百姓顛蹶而不扶,猶赤子臨井焉,聽其人也。若此,則何以爲民父母。故君子急於教,緩於刑。刑一而正百,殺一而慎萬。是以周公誅管蔡,而子産誅鄧晳也。刑誅一施,民遵禮義矣。夫上之化下,若風之靡草,無不從教。何一一而縛之也。

後刑第三十四

大夫曰: 古之君子善善而惡惡。人君不畜惡民,農夫不畜無用之苗。無用之苗、苗之害也,無用之民、民之賊也。组一害而衆苗成,刑一惡而萬民悦,雖周公孔子不能釋刑而用惠。家之有惡子,器皿不居,況惡民乎! 民者敖於愛而聽刑①。故刑所以正民,组所以别苗也。

賢良曰:古者篤教以導民,明辟以正刑。刑之於治,猶策之於御也。良工不能無策而御,有策而勿用。聖人假法以成教,教成而刑不施。故威厲而不殺,刑設而不犯。今廢其紀綱而不能張,壞其禮義而不能防。民陷於罔,從而獵之以刑,是猶開其闌牢,發以毒矢也,不盡不止。曾子曰"上失其道,民散久矣。如得其情,卽哀矜而勿喜"。夫不傷民之不治,而伐己之能得姦,猶弋者覩鳥獸挂罻羅而喜也。今天下之被誅者不必有管蔡之邪、鄧哲之僞,恐苗盡而不别,民欺而不治也。孔子曰"人而不仁,疾之已甚,亂也"。故民亂、反之政,政亂、反之身,身正而天下定。是以君子嘉善而矜不能。恩及刑人,德潤窮夫。施惠悦爾,行刑不樂也。

① "敖"原作"教",據張敦仁説校改。張敦仁云:"'教'當作'敖'。'敖'者, 聽之反也。"

授時第三十五

大夫曰: 共其地、居是世也,非有災害疾疫,獨以貧窮,非 情則奢也。無奇業旁入,而猶以富給,非儉則力也。今曰"施 惠悦爾,行刑不樂",則是閔無行之人,而養惰奢之民也。故妄 予不爲惠,惠惡者不爲仁。

賢良曰:三代之盛無亂萌,教也。夏商之季世無順民,俗也。是以王者設庠序,明教化,以防道(導)其民,及政教之治,性仁而喻善。故禮義立則耕者讓於野,禮義壞則君子争於朝。人争則亂,亂則天下不均,故或貧或富。富則仁生,贍則①争止。昏暮叩人門户,求水火,貪夫不恡。何則。所饒也。夫爲政而使菽粟如水火,民安有不仁者乎。

大夫曰: 博戲馳逐之徒皆富人子弟,非不足者也。故民饒 則僭侈,富則驕奢,坐而委蛇,起而爲非,未見其仁也。夫居事 不力,用財不節,雖有財如水火,窮乏可立而待也。有民不蓄, 有司雖助之耕織,其能足之乎。

賢良曰:周公之相成王也,百姓饒樂,國無窮乏人,非代之 耕織也。易其田疇,薄其稅歛,則民富矣。上以奉君親,下無

① "則"下原有"民"字,據張敦仁說校删。張敦仁云:"'民'字當衍,後《韶 聖篇》不誤。"

饑寒之憂,則教可成也。語曰"既富矣,又何加焉。曰教之。" 道之以德,齊之以禮,則民徙義而從善,莫不入孝出悌。夫何 奢侈暴慢之有。管子曰"倉廩實而知禮節,百姓足而知榮辱", 故富民易與適禮①。

大夫曰:縣官之於百姓,若慈父之於子也。忠焉能勿誨乎?愛之而(能)勿勞乎?故春親耕以勸農,賑貸以贍不足,通 滀水,出輕繫,使民務時也。蒙恩被澤,而至今猶以貧困,其難 與適道若是夫!

賢良曰: 古者春省耕以補不足,秋省歛以助不給。民勤於 財則貢賦省,勤於力則功業牢。爲民愛力,不奪須臾。故召伯 聽斷於甘棠之下,爲妨農業之務也。今時雨澍澤,種懸而不得 播,秋稼零落乎野而不得收。田疇赤地,而停落成市。發春而 後懸青幡而策土牛,殆非明主勸耕稼之意而春令之所謂也。

① 原作"民易與適禮, 難與適道"。王先謙云二句文義難通。《羣書治要》 "民"上有"富"字, 無"難與適道"四字, 是也。"難與適道"四字涉下文而誤衍。 ——作者注

水旱第三十六

大夫曰: 禹湯聖主,后稷伊尹賢相也,而有水旱之災。水旱、天之所爲,饑穰、陰陽之運也,非人力故。太歲之數在陽、爲旱,在陰、爲水。六歲一饑,十二歲一荒。天道然,殆非獨有司之罪也。

賢良曰:古者政有德則陰陽調,星辰理,風雨時。故脩行於內,聲聞於外,爲善於下,福應於天。周公載紀而天下太平,國無夭傷,歲無荒年。當此之時,雨不破塊,風不鳴條,旬而一雨,雨必以夜。無丘陵高下皆熟。《詩》曰"有渰萋萋,興雨祁祁"。今不省其所然,而曰"陰陽之運也",非所聞也。孟子曰"野有餓殍不知收也,狗豕食人食不知檢也,爲民父母,民饑而死,則曰非我也,歲也,何異乎以刃殺之,則曰非我也,兵也?"方今之務,在除饑寒之患,罷鹽繳,退權利,分土地,趣本業,養桑麻,盡地力也。寡功節用,則民自富。如是,則水旱不能憂,凶年不能累也。

大夫曰: 議者貴其辭約而指明,可於衆人之聽,不至繁文, 稠辭多言,害有司化俗之計而家人語。陶朱爲生,本末異徑, 一家數事而治生之道乃備。今縣官鑄農器,使民務本,不營於 末,則無饑寒之累。鹽鐵何害而罷? 賢良曰: 農、天下之大業也, 鐵器、民之大用也。器用便利,則用力少而得作多,農夫樂事勸功。用不具,則田疇荒,穀不殖,用力鮮,功自半。器便與不便,其功相什而倍也。縣官鼓鑄鐵器,大抵多爲大器,務應員程,不給民用。民用鈍弊,割草不痛。是以農夫作劇,得獲者少,百姓苦之矣。

大夫曰:卒徒工匠以縣官日作公事,財用饒,器用備。家 人合會,褊於日而勤於用,鐵力不銷鍊,堅柔不和。故有司請 總鹽鐵,一其用,平其賈,以便百姓公私。雖虞夏之爲治,不易 於此。吏明其教,工致其事,則剛柔和,器用便。此則百姓何 苦,而農夫何疾?

賢良曰:故民① 得占租鼓鑄養鹽之時,鹽與五穀同賈,器利而中用。今縣官作鐵器,多苦惡,用費不省,卒徒煩而力作不盡。家人相一,父子戮力,各務爲善器,器不善者不集。農事急,輓運衍之阡陌之閒。民相與市買,得以財貨五穀新弊易貨,或時貰。民不棄作業,置田器各得所欲,更繇省約。縣官以徒復作,繕治道橋諸廢,民便之。今總其原,壹其賈,器多堅樫,善惡無所擇。吏數不在,器難得。家人不能多儲,多儲則鎮生。棄膏腴之日,遠市田器,則後良時。鹽鐵賈貴,百姓不便。貧民或木耕手耨,土耰淡食。鐵官賣器不售,或頗賦與民。卒徒作不中程,時命助之。發徵無限,更繇以均劇,故百姓疾苦之。古者千室之邑、百乘之家,陶冶工商、四民之求足以相更。故農民不離畦畝而足乎田器;工人不斬伐而足乎材

址

① "故民"上本有"卒徒工匠"四字,文不相聊,當因上文而衍,故删去。 "故"猶言昔者。 ——作者注

木①;陶冶不耕田而足乎栗米。百姓各得其便,而上無事焉。 是以王者務本不作末,去炫耀,除雕琢,湛民以禮,示民以樸。 是以百姓務本而不營於末。

① "材木"二字原奪,以意補。——作者注

崇禮第三十七

大夫曰: 飾几杖, 脩樽俎, 爲賓, 非爲主也。炫燿奇怪, 所以陳四夷, 非爲民也。夫家人有客, 尚有倡優奇變之樂, 而況縣官乎? 故列羽旄, 陳戎馬, 以示威武。奇蟲珍怪, 所以示懷廣遠明德, 遠國莫不至也。

賢良曰:王者崇禮施德,上仁義而賤怪力,故聖人絕而不言。孔子曰"言忠信,行篤敬,雖蠻貊之邦不可棄也。"今萬方絕國之君奉贄獻者,懷天子之盛德,而欲觀中國之禮儀,故設明堂辟雍以示之,揚干戚、昭《雅》《頌》以風之。今乃玩好不用之器,奇蟲不畜之獸,角抵諸戲,炫燿之物陳夸之。殆與周公之待遠方殊。昔周公處謙以卑士,執禮以治天下。辭越裳之贄,見恭讓之禮,既,與入文王之廟。是見大孝之禮也。目覩威儀干戚之容,耳聽清歌《雅》《頌》之聲,心充至德,欣然以歸。此四夷所以慕義內附,非重譯狄鞮來觀猛獸熊羆也。夫犀象兕虎,南夷之所多也。騾驢馲駝,北狄之常畜也。中國所鮮,外國賤之。南越以孔雀珥門户,崐山之旁以玉璞抵烏鵲。今貴人之所賤,珍人之所饒,非所以厚中國,明盛德也。隋和之名寶也,而不能安危存亡。故喻德示威,惟賢臣良相,不在犬馬珍怪。是以聖王以賢爲寶,不以珠玉爲寶。昔晏子脩之罇俎之閒而

折衝平千里,不能者,雖隋和滿篋,無益於存亡。

大夫曰: 晏子相齊三君,崔、慶無道, 规其君,亂其國,靈公國圍①; 莊公弑死; 景公之時,晉人來攻,取垂都,舉臨菑,邊邑削,城郭焚,宫室隳,寶器盡;何衝之所能折乎? 由此觀之,賢良所言,賢人爲寶,則損益無輕重也。

賢良曰:管仲去魯入齊,齊霸魯削,非持其衆而歸齊也。伍 子胥挾弓干(扞)闔閭,破楚入郢,非負其兵而適吴也。故賢者 所在國重,所去國輕。楚有子玉得臣,文公側席。虞有宫之奇, 晉獻不寐。夫賢臣②所在,辟除開塞者亦遠矣。故《春秋》曰 "山有虎豹,葵藿爲之不採;國有賢士,邊境爲之不害"也。

① "國"原誤作"同", 據張敦仁說校改。

② "臣"上原脱"賢"字,據王先謙説校補。

備胡第三十八

大夫曰: 鄙語曰"賢者容不辱"。以世俗言之,鄉曲有桀, 人尚辟之。今明天子在上,匈奴公爲寇,侵擾邊境,是仁義犯 而藜藿不採。昔狄人侵太王,匡人畏孔子,故不仁者,仁之賊 也。是以縣官厲武以討不義,設機械以備不仁。

賢良曰: 匈奴處沙漠之中,生不食之地,天所賤而棄之。無 壇宇之居,男女之别,以廣野爲閻里,以穹廬爲家室。衣皮蒙 毛,食肉飲血,會市行,牧豎居,如中國之麋鹿耳。好事之臣求 其義,責之禮,使中國干戈至今未息,萬里設備。此《冤宜》之 所刺,故小人非公侯腹心干城也。

大夫曰:天子者天下之父母也,四方之衆,其義莫不願爲 臣妾。然猶脩城郭,設關梁,厲武士,備衞於宫室,所以遠折難 而備萬方者也。今匈奴未臣,雖無事,欲釋備,如之何?

賢良曰:吴王所以見禽於越者,以其越近而陵遠也。秦所以亡者,以外備胡、越而内亡其政也。夫用軍於外,政敗於內, 備爲所患,增主所憂。故人主得其道,則遐邇潛行而歸之,文 王是也;不得其道,則臣妾爲寇,秦王是也。夫文衰則武勝,德 盛則備寡。

大夫曰:往者四夷俱强,並爲寇虐。朝鮮踰徼,劫燕之東 578 地。東越乘海,略浙江之南。南越内侵,滑擾領戍①。僰冉駹 楊唐昆明之屬,擾隴西巴蜀。今三垂已平,唯北邊未定。夫匈 奴一舉,則中外震懼,釋備而何宜也?

賢良曰:古者君子立仁脩義以綏其民,故邇者習善,遠者順之。是以孔子仕於魯,前仕三月及齊平,後仕三月及鄭平,務以德安近而綏遠。當此之時,魯無敵國之難,鄰境之患。强臣變節而忠順,故季桓隳其都城。大國畏義而合好,齊人來歸耶離龜陰之田。故爲政而以德,非獨辟害折衝也,所欲不求而自得。今百姓所以囂囂,中外不寧者,咎在匈奴内無室字之守,外無田疇之積,隨美草甘水而驅牧。匈奴不變業,而中國已騷動矣。風合而雲解,就之則亡,擊之則散,未可一世而舉也。

大夫曰: 古者明王討暴衞弱,定傾扶危。衞弱扶危②,則 小國之君悦。討暴定傾,則無罪之人附。今不征伐則暴害不 息,不備則是以黎民委敵也。《春秋》貶諸侯之後,刺不卒戍。 行役戍備,自古有之,非獨今也。

賢良曰: 匈奴之地廣大,而戎馬之足輕利,其勢易騷動也。 利則虎曳,病則鳥折,辟鋒鋭而攻罷極。少發則不足以更適, 多發則民不堪其役。役煩則力罷,用多則財乏。二者不息,則 民遺怨。此秦之所〔以〕失民心,隕社稷也。古者天子封畿千 里,繇役五百里,勝聲相聞,疾病相恤。無過時之師,無踰時之

① "滑擾領戍"原作"滑服令氏",蓋因蠹壞致誤。《漢書·張耳傳》"南有五領之戍",領同嶺。"僰"字誤析爲"棘人"。——作者注

② "定傾扶危"下原無"衛弱扶危"四字,據張之象本、沈延銓本校補。

役。内節於民心,而事適其力。是以行者勸務,而止者安業。 今山東之戎馬甲士戍邊郡者,絶殊遼遠。身在胡越,心懷老 母。老母垂泣,室婦悲恨。推其飢渴,念其寒苦。《詩》云"昔 我往矣,楊柳依依。今我來思,雨雪霏霏。行道遲遲,載渴載 饑。我心傷悲,莫之我哀。"故聖人憐其如此,閔其久去父母妻 子,暴露中野,居寒苦之地。故春使使者勞賜,舉失職者,所以 哀遠民而撫慰老母也。德惠甚厚,而吏未稱奉職承韶以存恤, 或侵侮士卒,與之爲市,並力兼作,使之不以理。故士卒失職, 而老母妻子感恨也。宋伯姬愁思而宋國火,魯妾不得意而魯 寢災①。今天下不得其意者,非獨西宫之女,宋之老母也。《春 秋》動衆則書,重民也。宋人圍長葛,譏久役也。君子之用心 必若是。

大夫默然不對。

① 《公羊傳》襄公三十年:"宋災,伯姬存焉。有司復曰:'火至矣!請出。'伯姬曰:'不可!吾聞之也,婦人夜出,不見傳母不下堂。傅至矣,母未至也'。逮乎火而死。"

又僖公二十年:"五月,乙巳,西宫災。西宫者何?小寝也"。《注》"是時僖公 爲齊所脅,以齊媵爲嫡。楚女廢在西宫而不見恤,悲愁怨曠之所生也"。

又隱公五年: "宋人伐鄭,園長葛。邑不言圍;此其言圍何? 疆也"。六年: "冬,宋人取長葛。外取邑不書;此何以書?久也"。——作者注

執務第三十九

丞相史曰: 先王之道軼久而難復,賢良文學之言深遠而難行。夫稱上聖之高行,道至德之美言,非當世之所能及也。願聞方今之急務,可復行於政,使百姓咸足於衣食,無困乏之憂; 風雨時,五穀熟,螟螣不生;天下安樂,盗賊不起,流人還歸,各反其田里;吏皆廉正,敬以奉職①;元元各得其理也。

賢良曰: 孟子曰"堯舜之道非遠人也,而人不思之耳"。 《詩》云"求之不得,寤寐思服"。有求如《關睢》,好德如《河 廣》,何不濟不得之有。故高山仰止,景行行止,雖不能及,離 道不遠也。顏淵曰"舜獨何人也,回何人也?"夫思賢慕能,從 善不休,則成康之俗可致,而唐虞之道可及。公卿未思也,先 王之道何遠之有。齊桓公以諸侯思王政,憂周室,匡諸夏之 難,平夷狄之亂,存亡接絶,信義大行,著於天下。邵陵之會, 予之爲主。《傳》曰"予積也"②。故土積而成山阜,水積而成江

① "敬"原誤作"故",據俞樾説校改。

② 徐德培云:《春秋公羊傳》僖四年"楚屈完來盟於師,盟於召陵",《傳》曰 "其言來何? 與桓爲主也,前此者有事矣,後此者有事矣,則曷爲獨於此焉與桓公 爲主? 序績也。"何《注》曰"序、次也。績、功也。累次桓公之功德,莫大於服楚"。 與次公所引字不同,而説亦異。王氏《經義述聞》謂"本於《嚴氏春秋》,或别有所 據"。然序與予、績與積,古均相通。《大雅·桑柔篇》"誨爾序爵",《墨子·尚賢 篇》引作"誨女予爵"。《漢書·外戚傳》"賜皮弁素績",顏師古《注》"績字或作 積"。——作者注

海,行積而成君子。孔子曰"吾於《河廣》,知德之至也"。而欲得之,各反其本,復諸古而已。古者行役不踰時。春行秋反,秋行春來。寒暑未變,衣服不易,固已還矣。夫婦不失時,人安和如適。獄訟平,刑罰得,則陰陽調,風雨時。上不苛擾,下不煩勞。各脩其業,安其性,則螟騰不生,而水旱不起。賦飲省而農不失時,則百姓足而流人歸其田里。上清静而不欲,則下廉而不貪。若今則繇役極遠,盡寒苦之地、危難之處,涉胡越之域,今兹往而來歲旋。父母延頸而西望,男女怨曠而相思。身在東楚,志在西河。故一人行而鄉曲恨,一人死而萬人悲。《詩》云"王事靡盬,不能藝稷黍。父母何怙?""念彼恭人,涕零如雨。豈不懷歸,畏此罪罟"。吏不奉法以存撫,倍公任私,各以其權充其嗜欲。人愁苦而怨思,上不恤理,則惡政行而邪氣作。邪氣作,則蟲螟生而水旱起。若此,雖禱祀雩祝,用事百神無時,豈能調陰陽而息盗賊矣?

能言第四十

大夫曰: 盲者口能言白黑,而無目以别之。儒者口能言治 亂,無能以行之。夫坐言不行,則牧童兼烏獲之力,逢須(蓬 鬚)苞堯舜之德。故使言而近,則儒者何患於治亂,而盲人何 患於白黑哉?言之不出,恥躬之不逮。故卑而言高,能言而不 能行者,君子恥之矣。

賢良曰:能言而不能行者,國之寶也。能行而不能言者,國之用也。兼此二者,君子也。無一者,臧獲逢須也。言滿天下,德覆四海,周公是也。口言之,躬行之,豈若默然,載施其行而已。則執事亦何患何恥之有?今道不舉而務小利,慕於不急以亂羣意,君子雖貧,勿爲可也。藥酒、病之利也,正言、治之藥也。公卿誠能自强自忍,食文學之至言,去權詭,罷利官,一歸之於民,親以周公之道,則天下治而頌聲作。儒者安得治亂而患之乎?

取下第四十一

大夫曰: 不軌之民困橈公利,而欲擅山澤,從文學、賢良之意,則利歸於下而縣官無可爲者。上之所行則非之,上之所言則譏之,專欲損上徇下,虧主而適臣,尚安得上下之義,君臣之禮。而何頌聲能作也?

賢良曰: 古者上取有量,自養有度,樂歲不盗,年饑則 肆①。用民之力,不過歲三日。籍歛,不過十一。君篤愛,臣盡 力,上下交讓,天下平。"浚發爾私",上讓下也。"遂及我私", 先公職也。孟子曰"未有仁而遺其親,義而後其君也"。君君 臣臣,何爲其無禮義也。及周之末塗,德惠塞而嗜欲衆,君奢 侈而上求多。民困於下,怠於公事。是以有履畝之税,《碩鼠》 之詩作也。衞靈公當隆冬,與衆穿池。海春諫曰"天寒,百姓 凍餒,願公之罷役也"。公曰"天寒哉。我何不寒哉。"人之言 曰"安者不能恤危,飽者不能食饑"。故餘梁肉者難爲言隱約, 處佚樂者難爲言勤苦。夫高堂邃字、廣廈洞房者,不知專屋狹

① 孫治讓云:此用今文《論語》義也。《隸釋·漢石經論語碑》末記"盍"毛、包、周諸家有無不同之文,有"蓋肆乎"、"其肆也"六字,即《顏淵篇》"盍徹乎,如之何其徹也"之異文,《小爾雅·廣言》云"肆、緩也",言年饑當緩其征賦。次公語即本於此。——作者注

廬、上漏下濕者之病也①。 緊馬百駟、貨財充內、儲陳納新者, 不知有旦無暮、稱貸者之急也。廣第唐園、良田連比者,不知 無運踵之業、竄頭宅者之役也。原馬被山、牛羊滿谷者,不知 無孤豚瘠犢者之窶也。高枕談卧、無叫號者,不知憂私責(債) 與吏正(征)戚者之愁也。被紈躡韋、摶粱齧肥者,不知短褐之 寒,糠秳之苦也②。從容房闌之閒、垂拱持案食者,不知蹠耒 躬耕者之勤也。乘堅驅良、列騎成行者,不知負擔步行者之難 也。匡牀旃席③、侍御滿側者,不知負輅輓舩、登高絶流者之 難也。衣輕暖、被英裘、處温室、載安車者,不知乘邊城、飄胡 代、鄉清風者之危寒也。妻子好合、子孫保之者,不知老母之 顦頓、匹婦之悲恨也。耳聽五音、目視弄優者,不知蒙流矢、距 敵方外之死者也。東嚮伏几、振筆如(而)調文者,不知木索之 急、箠楚之痛者也。坐旃茵之上、按圖籍之言若易然者,不知 步涉者之難也。昔商鞅之任秦也,刑人若刈菅茅,用師若彈 丸,從軍旅者暴骨長城,戍漕者釐車相望,生而往,死而旋。彼 獨非人子耶。故君子仁以恕,義以度,所好惡與天下共之,所 不施、不仁者。公劉好貨,居者有積,行者有囊。大王好色,内 無怨女,外無曠夫。文王作刑,國無怨獄。武王行師,士樂爲 之死,民樂爲之用。若斯,則民何苦而怨,何求而譏。

公卿愀然,寂若無人。於是遂罷議,止詞。

① "病"原作"瘤",據張敦仁説校改。

② "栝"原作"垢", 據張敦仁説校改。

③ "匡牀"原作"同牀",據俞樾説校改。

奏曰"賢良、文學不明縣官事, 猥以鹽鐵爲不便①。請且 罷郡國権沽、關内鐵官"。

奏,可。

① "靈鐵"下原衔"而"字,據盧文弨説校酬。

擊之第四十二

賢良與文學既拜,咸取列大夫,辭丞相御史。

大夫曰:前議公事,賢良文學稱引往古,頗乖世務。論者不必相反,期於可行。往者縣官未事胡越之時,邊城四面受敵,北邊尤被其苦。先帝絶三方之難,撫從方國,以爲蕃蔽,窮極邦國,以討匈奴。匈奴壤界獸圈,孤弱無與,此困亡之時也。遼遠不遂,使得復喘息,休養士馬,負紿西域。西域迫近胡寇,沮心内解,必爲巨患。是以主上欲埽除,煩倉廩之費也。終日逐禽,罷而釋之,則非計也。蓋舜紹緒,禹成功。今欲以小舉擊之,何如?

文學曰:異時縣官修輕賦,公用饒,人富給。其後保胡越, 通四夷,費用不足。於是興利官,算車舡,以訾助邊;贖罪告 緡,與人以患矣。甲士死於軍旅,中士罷於轉漕,仍之以科適, 吏徵發極矣。夫勞而息之,極而反本,古之道也。雖舜禹興, 不能易也。

大夫曰: 昔夏后底洪水之災,百姓孔勤,罷(疲)於籠臿。及至其後,咸享其功。先帝之時,郡國頗煩於戎事,然亦寬三陲之役。語曰"見機不遂者隕功"。一日違敵,累世爲患。休勞用供,困弊乘時。帝王之道,聖賢所不能失也。功業有緒,惡

勞而不卒,猶耕者勸休而困止也。夫事輟者無功,耕怠者無 穫也。

文學曰: 地廣而不德者國危①, 兵强而凌敵者身亡。虎兕相據,而螻蟻得志。兩敵相機,而匹夫乘間。是以聖王見利慮害, 見遠存近。方今爲縣官計者, 莫若偃兵休士, 厚幣結和, 親修文德而已。若不恤人之急, 不計其難, 弊所恃以窮無用之地②, 亡十獲一, 非文學之所知也。

① "德"原作"得",據王先謙說校改。

② "弊所恃"原作'弊持",依俞樾校改。俞云:《論菑篇》"又安能忍殺其赤子以事無用,罷弊所恃而達瀛海乎",與此意同。——作者注

结和第四十三

大夫曰: 漢興以來,修好,結和親,所聘遺單于者甚厚。然不紀重質厚賂之故改節,而暴害滋甚。先帝覩其可以武折而不可以德懷,故廣將帥,招奮擊,以誅厥罪。功勳粲然,著於海内,藏於記府。何命"亡十獲一"乎,夫偷安者後危,慮近者憂邇。賢者離俗,智士權行。君子所慮,衆庶疑焉。故民可與觀成,不可與圖始。此有司所獨見,而文學所不覩。

文學曰:往者匈奴結和親,諸夷納貢,即君臣外內相信,無 胡越之患。當此之時,上求寡而易膽,民安樂而無事。耕田而 食,桑麻而衣。家有數年之稿,縣官餘貨財,閭里耆老咸及其 澤①。自是之後,退文任武,苦師勞衆,以略無用之地。立郡 沙石之間,民不能自守,發屯乘城,輓輦而贍之。愚竊見其亡, 不覩其成。

大夫曰: 匈奴以虚名市於漢而實不从; 數爲蠻貊所給, 不痛之, 何故也? 高皇帝仗劍定九州, 今以九州而不行於匈奴。 閻里常民尚有梟散, 况萬里之主與小國之匈奴乎? 夫以天下 之力, 勁何不摧? 以天下之士、民何不服? 今有帝名而威不信

① "咸"原作"或",據盧文弨説校改。

(伸)於長城之外^①,反賂遺而尚踞敖,此五帝所不忍,三王所 畢怒也。

文學曰: 湯事夏而卒服之, 周事殷而卒滅之。故以大御小者王, 以强凌弱者亡。聖人不困其衆以兼國, 良御不困其馬以兼道。故造父之御不失和, 聖人之治不倍(背)德。秦攝利衡以御宇內, 執脩箠以笞八極, 驂服以(已)罷而鞭策愈加, 故有傾衡遺箠之變。士民非不衆, 力勁非不多也, 皆内倍(背)外附而莫爲用。此高皇帝所以仗劍而取天下也。夫兩主好合, 内外交通, 天下安寧, 世世無患。士民何事, 三王何怒焉?

大夫曰:伯翳之始封秦, 地爲七十里。穆公開霸, 孝公廣業。自卑至上,自小至大。故先祖基之,子孫成之。軒轅戰涿鹿,殺雨師蚩尤而爲帝②。湯武伐夏商, 誅桀紂而爲王。黄帝以戰成功,湯武以伐成孝。故手足之勤, 腹腸之養也; 當世之務,後世之利也。今四夷內侵, 不攘, 萬世必有此長患。先帝興義兵以誅暴强, 東滅朝鮮, 西定冉駹, 南擒百越, 北挫强胡。李牧追匈奴以廣北州, 湯武之舉, 蚩尤之兵也。故聖主、斥地非私其利, 用兵非徒奮怒也, 所以匡難辟(避)害, 以爲黎民遠慮。

文學曰:秦南禽勁越,北卻强胡,竭中國以役四夷,人罷極而主不恤,國內潰而上不知。是以一夫倡而天下和,兵破陳涉,地奪諸侯,何嗣之所利。《詩》云"雍雍鳴鼾,旭日始旦"。登

① 原作"今有帝名而威不信長城",據王先謙説校補。王先謙曰:"'信' '伸'同。'長城'上當有'於'字,下當有'之外'二字。"

② "雨師"原作"兩蹕",據張敦仁説校改。

(貪)得前利,不念後咎。故吴王知伐齊之便,而不知干遂之 患。秦知進取之利,而不知鴻門之難。是以知一而不知十也。 周謹小而得大,秦欲大而亡小。語曰"前車覆,後車戒"。"殷 監不遠,在夏后之世"矣。

誅秦第四十四

大夫曰:秦楚燕齊、周之封國也。三晉之君、齊之田氏、諸侯家臣也。內守其國,外伐不義,地廣壤進,故立號萬乘而爲諸侯宗。周室脩禮長文,然國翦弱,不能自存,東懾六國,西畏於秦,身以放遷,宗廟絶祀。賴先帝大惠,紹興其後,封嘉潁川,號周子南君。秦既并天下,東絶沛水①,并滅朝鮮,南取陸梁,北卻胡狄,西略氐羌,立帝號,朝四夷。舟車所通,足迹所及,靡不畢至。非服其德,畏其威也。力多則人朝,力寡則朝於人矣。

文學曰: 禹舜、堯之佐也, 湯文、夏商之臣也。其所以从八極而朝海内者, 非以陸梁之地、兵革之威也。秦楚三晉號萬乘, 不務積德而務相侵, 構兵争强而卒俱亡, 雖以進壤廣地, 如食萴之充腸也, 欲其安存, 何可得也? 夫禮讓爲國者若江海, 流彌久不竭, 其本美也。苟爲無本, 若蒿火暴怒而無繼, 其亡可立而待, 戰國是也。周德衰, 然其後列於諸侯, 至今不絶。秦

① 王啓源云: 沛水當即浿水。《漢書·朝鮮傳》"衛滿東走出塞,度浿水,居秦故空地,上下障"。此秦絕浿水也。《說文》"沛水出遼東番汗塞外,西南入海"。是沛是浿之本字。沫若案: 此當指鴨绿江,其後大同江、臨津江亦有浿水之名。——作者注

力盡而滅其族,安得朝人也?

大夫曰:中國與邊境,猶支體與腹心也。夫肌膚寒於外,腹腸疾於內。內外之相勞,非相爲助也。脣亡則齒寒,支體傷而心憯怛。故無手足則支體廢,無邊境則內國害。昔者戎狄攻太王於邠,踰歧梁而與秦界於涇渭,東至晉之陸渾,侵暴中國,中國疾之。今匈奴蠶食內侵,遠者不離(罹)其苦,獨邊境蒙其敗。《詩》云"憂心慘慘,念國之爲虐"。不征備,則暴害不息。故先帝與義兵以征厥罪,遂破祁連天山,散其聚黨,北略至龍城,大圍匈奴。單于失魂,僅以身免。乘奔逐北,斬首捕虜十餘萬。控弦之民,旃裘之長,莫不沮膽,挫折遠遁,遂乃振旅。渾耶率其衆以降,置五屬國以距胡,則長城之內,河山之外,罕被寇菑。於是下韶令,減戍漕,寬徭役。初雖勞苦,卒獲其慶。

文學曰: 周累世積德,天下莫不願以爲君,故不勞而王,恩施由近及遠,而蠻貊自至。秦任戰勝以并天下,小海内而貪胡越之地,使蒙恬擊胡,取河南以爲新秦而亡其故秦,築長城以守胡而亡其所守。往者兵革亟動,師旅數起,長城之北,旅車遺鏃相望。及李廣利等輕計,還馬足,莫不寒心,雖得渾耶,不能更所亡。此非社稷之至計也。

伐功第四十五

大夫曰:齊桓公越燕伐山戎,破孤竹,殘令支。趙武靈王 踰句注,過代谷,略滅林胡樓煩。燕襲走東胡,辟地千里,度遼 東而攻朝鮮。蒙公爲秦擊走匈奴,若鷙鳥之追羣雀,匈奴勢 慴,不敢南面而望十餘年。及其后蒙公死,而諸侯叛秦,中國 擾亂,匈奴紛紛乃敢復爲邊寇。夫以小國燕趙尚猶却寇虜以 廣地,今以漢國之大,士民之力,非特齊桓之衆、燕趙之師也, 然匈奴久未服者,羣臣不并力,上下未諧故也。

文學曰:古之用師,非貪壤土之利,救民之患也。民思之,若旱之望雨,簞食壺漿以逆王師。故憂人之患者,民一心而歸之,湯武是也。不愛民之死,力盡而潰叛者,秦王是也。孟子曰"君不鄉道,不由仁義而爲之强戰,雖克必亡"。此中國所以擾亂,非蒙恬死而諸侯叛秦也。昔周室盛世,越裳氏來獻,百蠻致貢。其後周衰,諸侯力征,蠻貊分散,各有聚黨,莫能相一。是以燕趙能得意焉。其後匈奴稍强,蠶食諸侯,故破走月氏①,因兵威,徙小國,引弓之民并爲一家,一意同力,故難制也。前君爲先帝畫匈奴之策: "兵據西域,奪之便勢之地以候其變。以漢之强,攻於匈奴之衆,若以强弩潰癰疽。越之禽

① "氏"上原衍"支"字,據張敦仁、俞樾説校删。

吴,豈足道哉?"上以爲然,用君之義(議),聽君之計,雖越王之 任種蠡不過。以搜粟都尉爲御史大夫,持政十有餘年①,未見 種蠡之功而見靡弊之効。匈奴不爲加俛,而百姓黎民以敝矣。 是君之策不能弱匈奴而反衰中國也。善爲計者固若此乎?

① 據《漢書》, 桑弘羊以天漢四年貶爲搜粟都尉, 其後十一年後元二年爲御史大夫, 又其後六年, 舉行鹽鐵議。此言"十餘年"蓋包括搜粟都尉任期。——作者注

西域第四十六

大夫曰:往者匈奴據河山之險,擅田牧之利,民富兵强,行 人爲寇,則句注之内驚動,而上郡以南咸城。文帝時虜入蕭 關,烽火通甘泉,羣臣懼,不知所出,乃請屯京師以備胡。胡西 役大宛康居之屬,南與羣羌通。先帝推攘①,斥奪廣饒之地, 建張掖以西,隔絶羌胡,瓜分其援。是以西域之國皆内拒;匈 奴斷其右臂,曳劍而走。故募人田畜以廣用;長城以南,濱塞 之郡,馬牛放縱,蓄積布野,未覩其計之所過也。夫以弱越而 遂意强吴,才(裁)地計衆非鈞也,主思臣謀,其往必矣。

文學曰:吴越迫於江海,三川循環之,處於五湖之間,地相 迫,壤相次,其勢易以相禽也。金鼓未聞,旌旗未舒,行陣未 定,兵以接矣。師無輜重之費,士無乏絶之勞。此所謂食於厨 倉而戰於門郊者也。今匈奴牧於無窮之澤,東西南北不可窮 極,雖輕車利馬不能得也,況負重羸兵以求之乎! 其勢不相及 也,茫茫乎若行九皋,未知所止,浩浩乎若無網羅而漁江海②。 雖及之,三軍罷弊,適遺之餌也。故明王知其無所利,以爲役 不可數行,而權不可久張也,故韶公卿大夫、賢良、文學所以復

① "攘"原作"讓",據張敦仁說校改。

② "浩浩"原作"皓皓",據王先謙説校改。

枉興微之路。公卿宜思百姓之急,匈奴之害,緣聖主之心,定 安平之業。今乃留心於末計,摧本議①,不順上意,未爲盡於 忠也。

大夫曰: 初貳師不克宛而還也,議者欲使人主不遂忿②, 則西域皆瓦解而附於胡,胡得衆國而益强。先帝絶奇聽,行武 威,還襲宛。宛舉國以降,効其器物,致其寶馬。烏孫之屬駭 膽,請爲臣妾。匈奴失魄,奔走遁逃,雖未盡服,遠處寒苦墝埆 之地。壯者死於祁連天山,其孤未復。故羣臣議以爲匈奴困 於漢兵,折翅傷翼,可遂擊服。會先帝棄羣臣,以故匈奴不革。 譬如爲山,未成一簣而止。度功業而無斷成之理,是棄與胡而 資强敵也。輟幾沮成,爲主計若斯,亦未可謂盡忠也,

文學曰:有司言外國之事,議者皆徼一時之權③,不慮其後。張騫言大宛之天馬汗血,安息之真玉大鳥,縣官既聞如(而)甘心焉④,乃大興師伐宛,歷數期而後克之。夫萬里而攻人之國,兵未戰而物故過半,雖破宛得寶馬,非計也。當此之時,將卒方赤面而事四夷,師旅相望,郡國并發。黎人困苦,姦僞萌生,盜賊並起。守尉不能禁,城邑不能止。然後遣上大夫衣繡衣以興擊之。當此時,百姓元元莫必其命。故山東豪傑頗有異心。賴先帝聖靈,斐然。其咎皆在於欲畢匈奴而遠幾也。爲主計若此,可謂忠乎?

① "摧"原作"雖",據張敦仁説校改。

② "欲"原作"故", 據張敦仁説校改。

③ "徼"原作"激", 據張敦仁説校改。

④ "心"原作"水", 據張敦仁説校改。

世務第四十七

大夫曰: 諸生妄言 議者令可詳用,無徒用椎車之語,滑稽而不可循。夫漢之有匈奴,譬若木之有蠹,如人有疾,不治則寝以深。故謀臣以爲擊奪以困極之。諸生言以德懷之,此有其語而不可行也。諸生上無以示三王,下無以似近秦,令有司可舉而行當世,安蒸庶而寧邊境者乎。

文學曰: 昔齊桓公內附百姓,外綏諸侯,存亡接絶,而天下從風。其後德虧行衰,葵丘之會,振而矜之,叛者九國。《春秋》刺其不崇德而崇力也。故任德,則强楚告服,遠國不召而自至;任力,則近者不親,小國不附。此其效也。誠上觀三王之所以昌,下論秦之所以亡,中述齊桓之所以與,去武行文,廢力尚德,罷關梁,除障塞,以仁義導之,則北垂無寇虜之憂,中國無干戈之事矣。

大夫曰:事不豫辨不可以應卒,内無備不可以禦敵。《詩》云"誥爾民人,謹爾侯度,用戒不虞"。故有文事必有武備。昔宋襄公信楚而不備①,以取大辱焉,身執囚而國幾亡。故雖有誠信之心,不知權變,危亡之道也。《春秋》不與夷狄,中國爲

① "信"原作"倍", 據張敦仁説校改。

體①,爲其無信也。匈奴貪狼,因時而動,乘可而發,飇舉電至。 而欲以誠信之心,金帛之寶,而信無義之詐,是猶親蹠蹻而扶 猛虎也。

文學曰:《春秋》"王者無敵",言其仁厚,其德美,天下賓服,莫敢受交也②。德行延及方外,舟車所臻,足迹所及,莫不被澤。蠻貊異國,重譯自至。方此之時,天下和同,君臣一德,外內相信,上下輯睦。兵設而不試,干戈閉藏而不用。老子曰"兕無所用其角,螫蟲無所輸其毒"。故君仁莫不仁,君義莫不義。世安得蹠蹻而親之乎?

大夫曰: 布心腹,質情素,信誠内感,義形乎色。宋華元、 楚司馬子反之相覩也③,符契内合,誠有以相信也。今匈奴挟

---作者注

① "不與夷狄"乃《公羊》 僖二十一年《傳》文。"中國爲體"原作"中國爲禮",以意改。—— 作者注

② 《公羊》成元年《傳》"王者無敵,莫敢當也",此作"莫敢受交",受殆寽字之誤,寽與埒通,等也。——作者注

③ 《公羊傳》宣公十五年: 莊王圍宋, 軍有七日之糧爾。盡此不勝, 將去而歸爾。於是使司馬子反乘堙而閩宋城。宋華元亦乘堙而出見之。司馬子反曰"子之國何如?"華元曰"憊矣!"曰"何如?"曰"易子而食之, 析骸而炊之。"司馬子反曰"嘻,甚矣憊! 雖然,吾聞之也, 圍者相馬而秣之, 使肥者應客。是何子之情也?"華元曰"吾聞之, 君子見人之厄則矜之, 小人見人之厄則幸之。吾見子之君子也。"司馬子反曰"諾,勉之矣! 吾軍亦有七日之糧爾;盡此不勝,將去而歸爾。"揖而去之,反于莊王。莊王曰"何如?"司馬子反曰"憊矣!"曰"何如?"曰"易子而食之,析骸而炊之。"莊王曰"嘻,甚矣憊!雖然,吾今取此,然後歸爾。"司馬子反曰"不可。臣已告之矣, 軍有七日之糧爾。"莊王怒曰"吾使子往視之;子曷爲告之?"司馬子反曰"以區區之宋,猶有不欺人之臣;可以楚而無乎?是以告之也。"莊王曰"諾,舍而止。雖然,吾猶取此,然後歸爾。"司馬子反曰"然則君請處于此,臣請歸爾。" 莊王曰 "子去我而歸,吾孰與處于此?吾亦從子而歸爾。" 引師而去之。

不信之心,懷不測之詐,見利如(而)前,乘便而起,潛進市側, 以襲無備。是猶措重實於道路而莫之守也,求其不亡,何可得 乎?

文學曰: 誠信著乎天下, 醇德流乎四海, 則近者歌謳而樂之, 遠者執禽而朝之。故正近者不以威, 來遠者不以武, 德義脩而任賢良也。故民之於事、辭佚而就勞, 於財也、辭多而就寡; 上下交讓, 道路雁行。方此之時, 賤貨而貴德, 重義而輕利。 賞之不竊,何寶之守也?

和親第四十八

大夫曰: 昔徐偃行仁義而滅,〔魯穆〕好儒而削①。知文而不知武,知一而不知二。故君子篤仁以行,然必築城以自守,設械以自備,爲不仁者之害己也。是以古者蒐獮振旅而數軍實焉,恐民之偷佚而亡戒難。故兵革者國之用,城壘者國之固也,而欲罷之,是去表見裏,示匈奴心腹也。匈奴輕舉潛進,以襲空虚,是猶不介而當矢石之蹊,禍必不振。此邊境之所懼,而有司之所憂也。

文學曰:往者通關梁,交有無,自單于以下皆親漢內附,往來長城之下。其後王恢誤謀馬邑,匈奴絕和親。故當路結禍,紛拏而不解,兵連而不息。邊民不解甲弛弩,行數十年。介胄而耕耘,鉏耰而候望。燧燔烽舉,丁壯弧弦而出鬭,老者超越而入葆。言之足以流涕寒心,則仁者不忍也。《詩》云"投我以桃,報之以李"。未聞善往而有惡來者。故君子敬而無失,與人恭而有禮,四海之內皆爲兄弟也。故內省不疾,夫何憂何懼!

① "魯穆"二字原奪,依孫詒讓校補。孫云:《相刺篇》"昔魯穆公之時,公儀子爲相,子思子厚爲之卿,然北削於齊,以泗爲境"。疑此"好儒"上即脱魯穆公三字。——作者注

大夫曰:自春秋諸夏之君會聚相結,三會之後乖離相疑, 伐戰不止。六國从親,冠帶相接,然未嘗有堅約。況禽獸之國 乎!《春秋》存君在楚, 誥鼬之會書"公", 笞夷狄也①。匈奴數 和親而常先犯約,貪侵盗、長詐謀之國也。反復無信,百約百 叛,若朱象之不移,商均之不化。而欲信其用兵之備,親之以 德,亦難矣。

文學曰: 王者中立而聽乎天下, 德施方外。絕國殊俗, 臻於闕廷。鳳皇在列樹, 騏驎在郊藪, 羣生庶物莫不被澤。非足行而任辦之也, 推其仁恩而孚②之誠也。范蠡出於越, 由余長於胡, 皆爲霸王賢佐。故政有不從之教, 而世無不可化之民。《詩》云"酌彼行潦, 挹彼注兹"。故公劉處戎狄, 戎狄化之。太王去豳, 豳民隨之。周公修德, 而越裳氏來。其從善如影響。爲政務以德親近,何憂於彼之不改?

① 《春秋》定公四年:"三月,公會劉子、晉侯、宋公、蔡侯、衛侯、陳子、鄭伯、許男、曹伯、莒子、邾子、頓子、胡子、滕子、薛伯、杞伯、小邾子、齊國夏于召陵,侵楚。……五月,公及諸侯盟于皋鼬。"何休《公羊傳注》:"再言公者,昭公敦如晉,不見答,卒爲季氏所逐。定公初即位,得與諸侯盟,故喜録之。"按誥鼬即皋鼬,《公羊》作浩油。"答夷狄"原作"給夷狄",今以意改。——作者注

② 原誤爲"皇"。——作者注

繇役第四十九

大夫曰:屠者解分中理,可横以手而離也。至其抽筋鑿骨,非行金斧不能決。聖主循性而化,有不從者亦將舉兵而征之。是以湯誅葛伯,文王誅犬夷。及後戎狄猾夏,中國不寧。周宣王仲山甫式遏寇虐。《詩》云"薄伐獫狁,至于太原","出車彭彭,城彼朔方"。自古明王不能無征伐而服不義,不能無城壘而禦强暴也。

文學曰:舜執干戚而有苗服,文王宣德而懷四夷①。《詩》云"鎬京辟雍,自西自東,自南自北,無思不服"。普天之下,惟人面之倫,莫不引領而歸其義。故畫地爲境,人莫之犯。子曰"白刃可冒,中庸不可入"。至德之謂也。故善攻不待堅甲而克,善守不待渠梁而固。武王之伐殷也,執黄鉞,誓牧之野,天下之士莫不願爲之用。既而偃兵,搢笏而朝,天下之民莫不願爲之臣。既以義取之,以德守之。秦以力取之,以法守之,本末不得,故亡。夫文猶可長用,而武難久行也。

大夫曰:《詩》云"獫狁孔熾,我是用戒","武夫潢潢,經營四方"。故守禦征伐,所由來久矣。《春秋》大戎未至而豫禦

① "宣"原作"底",據王先謙説校改。王先謙曰: "《北堂書鈔·地部》引 "底'作'宣'。"

之①。故四支强而躬體固,華葉茂而本根據。故飭四境所以安中國也,發戍漕所以審勞佚也。主憂者臣勞,上危者下死。 先帝憂百姓不膽,出禁錢,解乘輿驂,貶樂損膳,以賑窮、備邊 費,未見報施之義而見沮成之理,非所聞也。

文學曰: 周道衰,王迹熄,諸侯争强,大小相凌。是以强國務侵,弱國設備。甲士勞〔於〕戰陣,役於兵革,故君勞而民困苦也。今中國爲一統,而方內不安,徭役遠而外內煩也。古者無過年之繇,無踰時之役。今近者數千里,遠者過萬里,歷二期。長子不還,父母愁憂,妻子詠歎。憤懣之恨發動於心,慕思之痛積於骨髓。此《杕杜》、《采薇》之所爲作也。

① 原作"《春秋》 護戎曬未至而豫禦之",依莊十八年 《公羊傳》文校改。 ——作者注

險固第五十

大夫曰: 虎兕所以能執熊羆、服羣獸者,爪牙利而攫便也。 秦所以超諸侯、吞天下、并敵國者,險阻固而勢居然也。故鼈 猬①有介,狐貉不能禽;蝮蛇有螫,人忌而不輕。故有備則制 人,無備則制於人。故仲山甫補袞職之闕,蒙公築長城之固, 所以備寇難而折衝萬里之外也。今不固其外,欲安其內,猶家 人不堅垣牆,狗吠夜鷩而闇昧妄行也。

文學曰:秦左般函,右隴阺,前蜀漢,後山河,四塞以爲固, 金城千里。良將勇士,設利器而守陘隧,墨子守雲梯之械也; 以爲雖湯武復生,蚩尤復起,不輕攻也。然戍卒陳勝無將帥之 任,師旅之衆,奮空拳而破百萬之師,無牆籬之難。故在德不 在固。誠以行義爲阻,道德爲塞,賢人爲兵,聖人爲守,則莫能 人。如此,則中國無狗吠之警,而邊境無鹿駭狼顧之憂矣。夫 何妄行而云乎?

大夫曰: 古者爲國必察土地山陵阻險,天時地利,然後可以王霸。故制城郭, 飭溝壘,以禦寇固國。《春秋》曰"冬浚 洙",脩地利也。三軍順天時,以實擊虚,然困於阻險,敵於金

① "鼈猬"原作"龜猖",依張敦仁校改。此當是陸上動物,故言"孤貉不能 禽",殆穿山甲之類。——作者注

城。楚莊之圍宋,秦師敗崤崟①,是也。故曰"天時〔不如〕地利"。羌胡固近於邊,今不取,必爲四境長患。此季孫之所以 憂顓臾,有句踐之變而爲强吴之所悔也。

文學曰: 地利不如人和,武力不如文德。周之致遠,不以 地利,以人和也。百世不奪,非以險,以德也。吴有三江五湖 之難,而兼於越。楚有汝淵兩堂②之固,而滅於秦。秦有隴阺 崤塞,而亡於諸侯。晉有河華九門③,而奪於六卿。齊有泰山 巨海,而負於田常。桀紂有天下,兼於滈亳④。秦王以六合, 困於陳涉。非地利不固,無術以守之也。釋邇憂遠,猶吴不內 定其國,而西絶淮山與齊晉争强也。越因其罷,擊其虚。使吴 王用申胥,脩德,無恃極其衆,則句踐不免爲藩臣海崖,何謀之 敢慮也?

大夫曰: 楚自巫山起方城屬巫黔中,設扞關以拒秦。秦包商洛崤函以禦諸侯。韓阻宜陽伊闕,要成皋太行以安周鄭。魏濱洛築城,阻山帶河,以保晉國。趙結飛狐句注孟門以存陘代⑤。燕塞碣石,絶邪谷,繞援遼。齊撫阿甄,關榮歷⑥,倚太

① "崤崟"原作"崤嶔崟",據張敦仁説校删。

② 兩堂原作"滿堂",依徐德培校改。徐云:《賈子·先醒篇》"楚莊王與晉 人戰於兩堂"。或作兩棠,見《吕氏春秋》。——作者注

③ 九門原作"九河", 依張敦仁校改。張云: 《史記·趙世家》"武靈王出九門爲野台,以望齊中山之境"。即此。——作者注

④ 搞亳原作"濟亳",依孫詒讓校改。孫云:《荀子·議兵篇》云"古者湯以 薄,武王以高"楊《注》云"搞與鎬同"。此謂桀兼於亳,紂兼於滈也。 ——作者注

⑤ "陘"原作"荆",據孫詒讓説校改。

⑥ 孫詒讓云: 榮歷疑當作濮歷。《戰國策·秦策》云"王又割濮歷之北屬之燕,斷齊秦之要, 絶楚魏之背"。——作者注

山,負海河。梁關者邦國之固,而山川者社稷之寶也。徐人滅舒,《春秋》謂之取,惡其無備,得物之易也。故恤來兵,仁傷刑。君子爲國,必有不可犯之難。《易》曰"重門擊柝,以待暴客",言備之素脩也。

文學曰: 阻險不如阻義。昔湯以七十里爲政於天下①,舒以百里亡於敵國。此其所以見惡也。使關梁足恃, 六國不兼於秦;河山足保,秦不亡於楚漢。由此觀之,衝隆不足爲强,高城不足爲固。行義則昌,行惡則亡。王者博愛遠施,外內合同,四海各以其職來祭,何擊柝而待。傳曰"諸侯之有關梁,庶人之有爵禄,非升平之與,蓋自戰國始也"。

① "十"原作"千",九行本、張之象本、沈延銓本作"十",是。

論勇第五十一

大夫曰: 荆軻懷數年之謀而事不就者,三尺匕首不足恃也。秦王操於不意,列斷賁育,介七尺之利也。使專諸空拳,不免於爲禽;要離無水,不能遂其功。世言强楚勁鄭,有犀兕之甲,棠谿之鋌也。内據金城,外任利兵,是以威行諸夏,强服敵國。故孟賁奮臂,衆人輕之; 怯夫有備,其氣自倍。况以吴楚之士,舞利劍,蹶强弩,以與貉虜騁於中原。一人當百,不足道也! 夫如此,則胡無守谷,貉無交兵,力不支漢,其勢必降。此商君之走魏,而孫臏之破梁也。

文學曰: 楚鄭之棠谿墨陽、非不利也,犀軸(胄)兕甲、非不 堅也,然而不能存者,利〔兵〕不足恃也。秦兼六國之師,據崤 函而御宇内,金石之固,莫耶之利也。然陳勝無士民之資,甲 兵之用,鉏耰棘橿,以破衝隆。武昭不擊,烏號不發。所謂金 城者,非謂築壤而高土、鑿地而深池也。所謂利兵者,非謂吴 越之挺、干將之劍也。言以道德爲城、以仁義爲郭,莫之敢攻, 莫之敢入,文王是也。以道德爲軸,以仁義爲劍,莫之敢當,莫 之敢御,湯武是也。今不建不可攻之城、不可當之兵,而欲任 匹夫之役,而行三尺之刃,亦細矣。

大夫曰: 荆軻提匕首入不測之强秦,秦王惶恐失守備,衛

者皆懼。專諸手劍歷萬乘,刺吴王,尸孽立正,縞冠千里。聶 政自衛,由韓廷剌其主,功成求得,退自刑於朝,暴尸於市。今 誠得勇士,乘强漢之威,凌無義之匈奴,制其死命,責以其過, 若曹劌之脅齊桓公,遂其求。推鋒拊鋭,穹廬擾亂,上下相遁, 因以輕鋭隨其後。匈奴必交臂不敢格也。

文學曰: 湯得伊尹,以區區之亳兼臣海內。文王得太公, 廓酆鄗以爲天下。齊桓公得管仲以霸諸侯。秦穆公得由余, 西戎八國服。聞得賢聖而蠻貊來享,未聞规殺人主以懷遠也。 《詩》云"惠此中國,以綏四方"。故自彼氐羌,莫敢不來王。非 畏其威,畏其德也。故義之服無義,疾於原(顯)馬良弓;德之 召遠,疾於馳傳重驛。

論功第五十二

大夫曰: 匈奴無城郭之守,溝池之固,修戟强弩之用,倉廩府庫之積。上無義法,下無文理,君臣嫚易,上下無禮。織柳爲室,旃席爲蓋。素弧骨鏃,馬不栗食。内則備不足畏,外則禮不足稱。夫中國、天下腹心,賢士之所總,禮義之所集,財用之所殖也。夫以智謀愚,以義伐不義,若因秋霜而振落葉。《春秋》曰"桓公之與戎狄,驅之爾"①。况以天下之力乎!

文學曰: 匈奴、車器無銀黄絲漆之飾,素成而務堅;絲無文 采裙裨曲襟之制,都成而務完。男無刻鏤奇巧之事、宫室城郭 之功,女無綺繡淫巧之貢、纖綺羅紈之作。事省而致用,易成 而難弊。雖無修戟强弩,戎馬良弓,家有其備,人有其用。一 旦有急,貫弓上馬而已。資糧不見案首,而支十數日之食。因 山谷爲城郭,因水草爲倉廩。法約而易辨,求寡而易供。是以 刑省而不犯,指麾而令從。嫚於禮而篤於信,略於文而敏於 事。故雖無禮義之書,刻骨卷木,百官有以相記,而君臣上下 有以相使。羣臣爲縣官計者,皆言其易而實難。是以秦欲驅 之而反更亡也。故兵者凶器,不可輕用也。其以强爲弱,以存

① 《公羊傳》莊公三十年:齊入伐山戎。此齊侯也,其稱人何? 貶。曷爲 貶?子司馬子曰:"蓋以操之爲已蹙矣"。此蓋戰也,何以不言戰?《春秋》,敵者 言戰。桓公之與戎狄,驅之爾。——作者注

爲亡,一朝爾也。

大夫曰:魯連有言,"秦權使其士,虐使其民",故政急而不 長。高皇帝受命平暴亂,功德巍巍,惟天同大焉。而文景承緒 潤色之。及先帝、征不義,攘無德,以昭仁聖之路,純至德之 基,聖王累年仁義之積也。今文學引亡國失政之治而況之於 今,其謂匈奴難圖,宜矣!

文學曰:有虞氏之時,三苗不服,禹欲伐之。舜曰是吾德未喻也。退而修政,而三苗服。不牧之地,不羈之民,聖王不加兵,不事力焉,以爲不足煩百姓而勞中國也。今明主修聖緒,宣德化,而朝有權使之謀,尚首功之事,臣固怪之。夫人臣席天下之勢,奮國家之用,身享其利而不顧其主,此尉佗章邯所以成王,秦失其政也。孫子曰"今夫國家之事一日更百變,然而不亡者,可得而革也。逮乎出兵平原廣牧,鼓鳴矢流,雖有堯舜之知不能更也"。戰而勝之,退修禮義。繼三代之迹,仁義附矣。戰勝而不休,身死國亡者,吴王是也。

大夫曰:順風而呼者易爲氣,因時而行者易爲力。文武懷餘力不爲後嗣計,故三世而德衰。昭王南征,死而不還。凡伯囚執而使不通,晉取郊沛,王師敗於茅戎。今西南諸夷楚莊之後,朝鮮之王燕之亡民也。南越尉佗起中國,自立爲王,德至薄,然皆亡(忘)天下之大,各自以爲一州,倔强倨敖,自稱老夫。先帝爲萬世度,恐有冀州之累,南荆之患,於是遣左將軍、樓舩平之①。兵不血刃,咸爲縣官也。七國之時,皆據萬乘,

① 朝鮮殺漢使者。武帝遺樓船將軍楊僕、左將軍荀彘將應募罪人往討之。 南越亦殺漢使者,發兵守要害處。武帝令罪人及江淮以南樓船十萬 師討 平之。 ——作者注

Æ

南面稱王,提珩爲敵國累世,然終不免俛首係虜於秦。今匈奴不當漢家之巨郡,非有六國之用,賢士之謀,由此觀難易,察然可見也。

文學曰:秦滅六國,虜七王,沛然有餘力。自以爲蚩尤不能害,黄帝不能斥。及二世弑死望夷,子嬰係頸降楚,曾不得七王之俛首。使六國並存,秦尚爲戰,固未亡也。何以明之?自孝公以至於始皇,世世爲諸侯雄,百有餘年。及兼天下,十四歲而亡。何則?外無敵國之憂,而內自縱恣也。自非聖人,得志而不驕佚者,未之有也。

論鄒第五十三

大夫曰: 鄒子疾晚世之儒墨不知天地之弘,昭曠之道,將一曲而欲道九折,守一隅而欲知萬方,猶無準平而欲知高下,無規矩而欲知方圓也。於是推大聖終始之運以喻王公,先列中國名山通谷以至海外。所謂中國者天下八十一分之一,名日赤縣神州,而分爲九州。絶陸不通①乃爲一州,有大瀛海園其外。此所謂八極,而天下際焉。《禹貢》亦著山川高下原隰,而不知大道之遥。故秦欲達九州而方瀛海②,牧胡而朝萬國。諸生守畦畝之慮,閬巷之固,未知天下之義也。

文學曰: 堯使禹爲司空,平水土,隨山刊木,定高下而序九州。鄒衍非聖人,作怪談,惑六國之君以納其説。此《春秋》所謂匹夫熒惑諸侯者也。孔子曰"未能事人,焉能事鬼神?"近者不達,焉能知瀛海?故無補於用者,君子不爲;無益於治者,君子不由。三王信經道、而德光於四海,戰國信嘉(訛)言,破亡而(如)泥山。昔秦始皇已吞天下,欲并萬國,亡其三十六郡,欲達瀛海而失其州縣。知大義如斯,不如守小計也。

① 原作"絶陵陸不通","陵"字當衍,據張數仁説校删。

② "方"即《詩》"就其深矣,方之舟之"之方,意同航。——作者注

論菑第五十四

大夫曰: 巫祝不可與並祀,諸生不可與逐語。信往疑今, 非人自是。夫道古者稽之今,言遠者合之近。日月在天,其徵 在人。菑異之變,夭壽之期,陰陽之化,四時之叙,水火金木, 妖祥之應,鬼神之靈,祭祀之福,日月之行,星辰之紀,曲言之 (其)故,何所本始。不知則默,無苟亂耳。

文學曰:始江都相董生推言陰陽,四時相繼。父生之,子養之,母成之,子藏之。故春生、仁,夏長、德,秋成、義,冬藏、禮。此四時之序,聖人之所則也。刑不可任以成化,故廣德教。言遠必考之邇,故内恕以行。是以刑罰若加於己,勤勞若施於身。又安能忍殺其赤子以事無用,罷弊所恃而達瀛海乎?蓋越人美羸(螺)蚌而簡太牢,鄙夫樂咋唶而怪韶蘐。故不知味者以芬香爲臭,不知道者以美言爲亂耳。人無夭壽,各以其好惡爲命。羿敖以功力不得其死,智伯以貪狼亡其身。天菑之證,禎祥之應,猶施與之望報,各以其類及。故好行善者,天助以福,符瑞是也。《易》曰"自天祐之,吉無不利"。好行惡者,天報以禍,妖菑是也。《春秋》曰"應是而有天菑"。周文武尊賢受諫,敬戒不殆,純德上休,神祇相況。《詩》云"降福穰豫","降福簡簡"。日者陽、陽道明,月者陰、陰道冥。君尊臣

卑之義。故陽先盛於上,衆陰之類消於下; 月望於天, 蚌蛤盛於淵。故臣不臣,則陰陽不調,日月有變; 政教不均,則水旱不時,螟螣生。此災異之應也。四時代叙而人則其功,星列於天而人象其行。常星猶公卿也, 衆星猶萬民也。列星正則衆星齊,常星亂則衆星墜矣。

大夫曰:文學言剛柔之類,五勝相代生。《易》明於陰陽,《書》長於五行。春生夏長,故火生於寅木,陽類也。秋生冬死,故水生於申金,陰物也。四時五行,迭廢迭興,陰陽異類,水火不同器。金得土而成,得火而死。金生於已,何説何言然乎?

文學曰: 兵者凶器也,甲堅兵利,爲天下殃,以母制子,故能久長。聖人法之,厭而不陽。《詩》云"載戢干戈,載橐弓矢,我求懿德,肆於時夏"。衰世不然,逆天道以快暴心,僵尸流血以争壤土。牢人之君,滅人之祀。殺人之子若絶草木,刑者肩靡於道。以己之所惡而施於人。是以國家破滅,身受其殃,秦王是也。

大夫曰: 金生於已,刑罰小加,故薺麥夏死。《易》曰"履霜堅冰至"。秋始降霜,草木隕零,合冬行誅,萬物畢藏。春夏生長,利以行仁。秋冬殺藏,利以施刑。故非其時而樹,雖生不成。秋冬行德,是謂逆天道。《月令》"涼風至,殺氣動,蜻蛚鳴,衣裘成。天子行微刑,始貙蔞,以順天令"。文學欲①同四時,合陰陽,尚德而除刑。如此,則鷹隼不鷙,猛獸不攫,秋不蒐獮,冬不田狩者也。

① "文學欲"原作"文學日",不可通。今改正。 — 作者注

文學曰: 天道好生惡殺, 好賞惡罰, 故使陽居於實而宣德施, 陰藏於虚而爲陽佐輔。陽剛陰柔, 季不能加孟。此天賤冬而貴春, 申陽屈陰。故王者南面而聽天下, 背陰向陽, 前德而後刑也。霜雪晚至, 五穀猶成。雹霧夏隕, 萬物皆傷。由此觀之, 嚴刑以治國, 猶任秋冬以成穀也。故法令者治惡之具也, 而非至治之風也。是以古者明王茂其德教, 而緩其刑罰也。網漏吞舟之魚, 而刑審於繩墨之外, 及臻其末而民莫犯禁也。

刑德第五十五

大夫曰:令者所以教民也,法者所以督姦也。令嚴而民慎,法設而姦禁。罔疏則獸失,法疏則罪漏。罪漏則民放佚而輕犯禁。故禁不必,狂夫徼倖;誅誠,蹠蹻不犯①。是以古者作五刑,刻肌膚而民不踰矩。

文學曰: 道徑衆,人不知所由; 法令衆,民不知所辟。故王者之制法,昭乎如日月,故民不迷; 曠乎若大路,故民不惑。幽隱遠方,折乎知之②,室女童婦,咸知所避。是以法令不犯,而獄犴不用也。昔秦法繁於秋茶,而網密於凝脂,然而上下相遁,姦僞萌生。有司罰之③,若救爛撲焦不能禁。非網疏而罪漏,禮義非而刑罰任也。方今律令百有餘篇,文章繁,罪名衆,郡國用之疑惑。或淺或深,自吏明習者不知所處,而况愚民乎! 律令塵蠹於棧閣,吏不能徧覩,而况於愚民乎! 此斷獄所以滋衆,而民犯禁滋多也④。《詩》云"宜犴宜獄, 握栗出卜,自何

① "狂"本作"法", 殆形誤。"誅誠"原作"誅誠", 依張敦仁校改。 —— 作者注

② 原作"折手知足",據王先謙說校改。王先謙曰:"'折手知足',《治要》作"折乎知之'。"

③ "罰"原作"法"。《羣書治要》引作"治",是。改"治"爲"法",因避高 宗諱。

④ "禁"下原無"滋多"二字,據《羣書治要》引補。

能穀?"刺刑法繁也。親服之屬甚衆,上附下附而服不過五。五 刑之屬三千,上殺下殺而罪不過五。故治民之道,務篤其教 而已。

大夫曰:文學言王者立法,曠若大路。今馳道不小也,而 民公犯之,以其罰罪之輕也。千仞之高、人不輕凌,千鈞之重、 人不輕舉。商君刑棄灰於道,而秦民治。故盜馬者死,盜牛者 加,所以重本而絕輕疾之資也。武兵名食,所以佐邊而重武備 也。盜傷與殺同罪,所以累其心而責其意也。猶魯以楚師伐 齊而《春秋》惡之。故輕之爲重,淺之爲深,有緣而然。法之微 者,固非衆人之所知也。

文學曰:《詩》云"周道如砥,其直如矢",言其易也;"君子所履,小人所視",言其明也。故德明而易從,法約而易行。今馳道經營陵陸,紆周天下,是以萬里爲民穽也。罻羅張而縣其谷,辟陷設而當其蹊,矰弋①飾而加其上,能勿離(罹)乎。聚其所欲,開其所利,仁義陵遲,能勿踰乎。故其末途至於攻城入邑,損府庫之金,盜宗廟之器,豈特千仞之高、千鈞之重哉!管子曰"四維不張,雖皋陶不能爲土"②。故德教廢而詐僞行,禮義壞而姦邪與,言無仁義也。仁者、愛之効也,義者、事之宜也。故君子愛人以及物、治近以及遠。《傳》曰"凡生之物莫貴於人,人主之所貴莫重於人"。故天之生萬物、以奉人也,主愛人、以順天也。聞以六畜禽獸養人,未聞以所養害人者也。魯

① "矰弋"原作"矯弋",依孫詒讓校改。 —— 作者注

② 今本《管子·牧民篇》有"四維不張,國乃滅亡"語,此殆以意出之。 ——作者注

厩焚,孔子罷朝,問人不問馬,賤畜而重人也。今盜馬者罪死, 盜牛者加,乘騎車馬行馳道中①、吏舉苛而不止,以爲盜馬,而 罪亦死。今傷人持其刀劍而亡,亦可謂盜武庫兵,而殺之乎? 人主立法而民犯之,亦可以爲逆面輕主約乎?深之可以死,輕 之可以免,非法禁之意也。法者緣人情而制,非設罪以陷人 也。故《春秋》之治獄,論心定罪。志善而違於法者免,志惡而 合於法者誅。念傷民未有所害,志不甚惡而合於法者,謂盜而 傷人者耶?將執法者過耶?何於人心不厭也!古者傷人有創 者刑,盜有臧者罰,殺人者死。今取人兵刃以傷人,罪與殺人 同,得無非其至意與?

大夫俛仰未應對。

御史^② 曰: 執法者國之轡銜,刑罰者國之維檝也。故轡銜不飭,雖王良不能以致遠;維檝不設,雖良工不能以絶水。韓子疾有國者不能明其法勢,御其臣下,富國强兵,以制敵禦難,惑於愚儒之文詞以疑賢士之謀,舉浮淫之蠹加之功實之上,而欲國之治,猶釋階而欲登高,無銜壓而禦悍馬也。今刑法設備而民猶犯之,況無法乎! 其亂必也!

文學曰: 轡銜者御之具也,得良工而調。法勢者治之具也,得賢人而化。執轡非其人,則馬奔馳。執舳非其人③,則

① 原作"馳行道中",依張敦仁校改。張引《漢書·江充傳》如淳《注》曰"《令乙》乘騎(二字今本倒)車馬行馳道中,已論者没入車馬被具",即其事也。車馬當没入,則非其車馬。故以舉苛而不止爲盜馬。下文所言,謂吏舞《令乙》文。——作者注

② 原作"御史大夫曰",盧文弨云"大夫二字疑衍",是也。今删去。全書所云"大夫"即御史大夫。——作者注

③ "舳"原作"軸",據俞樾說校改。

舩覆傷。昔吴使宰嚭持舳而破其舩,秦使趙高執轡而覆其車。 今廢仁義之術,而任刑名之徒,則復吴秦之事也。夫爲君者法 三王,爲相者法周公,爲術者法孔子,此百世不易之道也。韓非 非先王而不遵,舍正令而不從,卒蹈陷穽①,身幽囚,客死於 秦。夫不通大道而小辯,斯足以害其身而已。

① "卒蹈"原作"舉陷", 撄寧齋鈔本、九行本、張之象本、沈延銓本皆作"卒蹈", 是。

申韓第五十六

御史曰: 待周公而爲相,則世無列國。待孔子而後學,則 世無儒墨。夫衣小缺,襟裂可以補,而必待全匹而易之;政小 缺,法令可以防,而必待《雅》《頌》乃治之;是猶舍鄰之醫、而求 俞跗而後治病,廢汙池之水、待江海而後救火也。迂而不徑, 闕而無務。是以教令不從而治煩亂。夫善爲政者弊則補之, 決則塞之。故吴子以法治楚魏,申商以法彊秦韓也。

文學曰:有國者選衆而任賢,學者博覽而就善。何必是周公孔子!故曰法之而已。今商鞅①反聖人之道,變亂秦俗,其後政耗亂而不能理,流失而不可復。愚人縱火於沛澤,不能復振。蜂蠆螫人,放死不能息其毒也。煩而止之,躁而静之,上下勞擾而亂益滋。故聖人教化,上與日月俱照,下與天地同流,豈曰小補之哉!

御史曰: 衣缺不補則日以甚,防漏不塞則日以滋。大河之始決於瓠子也涓涓爾,及其卒氾濫爲中國害。菑梁楚,破曹衛,城郭壞沮,稸積漂流,百姓木棲,千里無廬,令孤寡無所依,老弱無所歸。故先帝閔悼其菑,親省河隄,舉禹之功,河流以

① "商鞅"下本有"吴起",今删去。因下文只言秦事,"愚人縱火於沛澤", 乃指陳勝吴廣。——作者注

復,曹衛以寧。百姓戴其功,詠其德,歌"宣房塞,萬福來"焉,亦猶是也。如何勿小補哉?

文學曰:河決若甕口而破千里,況禮決乎!其所害亦多矣!今斷獄歲以萬計,犯法滋多,其爲菑豈特曹衛哉!夫知塞宣房而福來,不知塞亂原而天下治也。周國用之,刑錯不用,黎民若四時各終其序,而天下不孤(瓜)。《頌》曰"綏我眉壽,介以繁祉"。此天爲福亦不小矣!誠信禮義如宣房,功業已立,垂拱無爲。有司何補,法令何塞也?

御史曰: 犀銚利鉏、五穀之利而閒草之害也。明理正法、 姦邪之所惡而良民之福也。故曲木惡直繩,姦邪惡正法。是 以聖人審於是非,察於治亂,故設明法,陳嚴刑,防非矯邪,若 隱括輔檠之正低①刺也。故水者火之備,法者止姦之禁也。無 法勢,雖賢人不能以爲治;無甲兵,雖孫吴不能以制敵。是以 孔子倡以仁義而民〔不〕從風,伯夷遁首陽而民不可化。

文學曰: 法能刑人而不能使人廉,能殺人而不能使人仁。 所貴良醫者,貴其審消息而退邪氣也,非貴其下鍼石而鑽肌膚 也。所貴良吏者,貴其絶惡於未萌,使之不爲非,非貴其拘之 囚圄而刑殺之也。今之所謂良吏者,文察則以禍其民,强力則 以厲其下,不本法之所由生,而專己之殘心。文誅假法,以陷 不辜,累無罪,以子及父,以弟及兄。一人有罪,州里驚駭,十 家奔亡。若癰疽之相濘,色淫之相連,一枝動而百枝摇。《詩》 云"舍彼有罪,既伏其辜,若此無罪,淪胥以鋪",痛傷無罪而累

① 原作"弧",據盧文弨説校改。

也。非患銚耨之不利,患其舍草而去苗也。非患無準平,患其舍枉而繩直也。故親近爲過不必誅,是鋤不用也;疏遠有功不必賞,是苗不養也。故世不患無法,而患無必行之法也。

周秦第五十七

御史曰:《春秋》罪人無名號,謂之云"盜"①,所以賤刑人而絶之人倫也。故君不臣,士不友,於閭里無所容。故民耻犯之。今不軌之民犯公法以相寵,舉棄其親,不能伏節死理,遁逃相連,自陷於罪。其被刑戮,不亦宜乎?一室之中,父兄之際,若身體相屬,一節動而知於心。故今自關内侯以下比地於伍,居家相察,出入相司。父不教子,兄不正弟,舍是誰責乎?

文學曰: 古者周其禮而明其教,禮周教明,不從者然後等之以刑。刑罰中,民不怨。故舜施四罪而天下咸服,誅不仁也。輕重各服其誅,刑必加而無赦,赦惟疑者。若此,則世安得不軌之人而罪之?今殺人者生,剽攻竊盜者富。故良民内懈怠,輟耕而隕心。古者君子不近刑人,刑人非人也,身放殛而辱後世,故無賢不肖莫不恥也。今無行之人貪利以陷其身,蒙戮辱而捐禮義,恒於苟生。何者?一日下蠶室,創未瘳,宿衛人主,出入宫殿,得由受奉禄,食大官享賜,身以尊榮,妻子獲其饒。故或載卿相之列,就刀鋸而不見閔。况衆庶乎? 夫何恥之有! 廢其德教而責之以禮義,是虐民也。《春秋》曰"子

① 《穀梁傳》昭公二十年:"秋,盗没衛侯之兄輒。盗,賤也。"——作者注

有罪,執其父。臣有罪,執其君。聽失之大者也"。今以子誅父,以弟誅兄,親戚相坐,什伍相連,若引根本之及華葉,傷小指之累四體也。如此,則以有罪誅及無罪,無罪者寡矣。臧文仲治魯,勝其盜而自矜。子貢曰"民將欺,而況厥盜乎!"故吏不以多斷爲良,毉不以多刺爲工。子產刑二人,殺一人,道不拾遺而民無誣心。故爲民父母似①養疾子,長恩厚而已。自首匿相坐之法立,骨肉之恩廢,而刑罪多聞。父母之於子,雖有罪猶匿之,豈不欲服罪爾。子爲父隱,父爲子隱,未聞父子之相坐也。聞兄弟緩追以免賊②,未聞兄弟之相坐也。聞惡惡止其人③,疾始而誅首惡,未聞什伍之相坐也。老子曰"上無欲而民樸,上無事而民自富"。君君臣臣,父父子子。比地何伍,而執政何責也。

御史曰: 夫負千鈞之重以登無極之高,垂峻崖之峭谷,下臨不測之淵,雖有慶忌之捷^④、賁育之勇,莫不震慴悼慄者,知墜則身首肝腦塗山石也。故未嘗灼而不敢握火者,見其有灼也。未嘗傷而不敢握刃者,見其有傷也。彼以(已)知: 爲非、罰之必加,而戮及父兄,必懼而爲善。故立法制辟、若臨百仞之壑、握火蹈刃,則民畏忌而無敢犯禁矣。慈母有敗子,小不忍也。嚴家無悍虜,篤責急也。今不立嚴家之所以制下,而修

① 原作"以",據王先謙說校改。

② 王啓源云:《公羊》閔二年、《穀梁》隱元年《傳》俱云"緩追以逸賊,親親之道也"。此當本《公羊》而作"免",是其所據與何休本異。——作者注

③ 王啓源云:《公羊傳》"惡惡止其身,善善及子孫"。此亦當本《公羊》義。 漢人所引則亦多作"其身"者。——作者注

④ 原作"健",據張敦仁説校改。

慈母之所以敗子,則惑矣。

文學曰: 紂馬炮烙之刑,而秦有收帑之法。趙高之峻文決罪於內,百官以峭法斷割於外。死者相枕席,刑者相望,百姓側目重足,不寒而慄。《詩》云"謂天蓋高,不敢不局。謂地蓋厚,不敢不蹐。哀今之人,胡爲虺蜥」"方此之時,豈特冒火蹈刃哉? 然父子相背,兄弟相慢,至於骨肉相殘,上下相殺。非刑輕而罰不必,令大嚴而仁恩不施也。故政寬則下親上,政嚴則民謀主。晉厲以幽,二世見殺。惡在峻法之不犯、嚴家之無悍虜也? 聖人知之,是以務和而不務威。故高皇帝約秦苛法,慰怨毒之民,而長和睦之心。唯恐刑之重而德之薄也,是以恩施無窮,澤流後世。商鞅吴起以秦楚之法爲輕而累之,上危其主,下没其身。或非特慈母乎!

韶聖第五十八

御史曰: 夏后氏不信言,殷誓周盟,德信彌衰。無文武之人,欲修其法,此殷周之所以失勢,而見奪於諸侯也。故衣弊而革才,法弊而更制。高皇帝時天下初定,發德音,行一卒之令①,權也,非撥亂反正之常也。其後法稍犯,不正於理。故姦萌而《甫刑》作,王道衰而《詩》刺彰,諸侯暴而《春秋》譏。夫少目之網不可以得魚,三章之法不可以爲治。故令不得不加,法不得不多。唐虞畫衣冠非阿,湯武刻肌膚非故,時世不同,輕重之務異也。

文學曰:民之仰法,猶魚之仰水,水清則静,濁則擾。擾則不安其居,静則樂其業。樂其業則富。富則仁生,贍則争止。是以成康之世,賞無所施,法無所加。非可刑而不刑,民莫犯禁也;非可賞而不賞,民莫不仁也。若斯,則吏何事而理。今之治民者若拙御,馬行則頓之,止則擊之。身創於箠,吻傷於銜,求其無失,何可得乎。乾谿之役,土崩。梁氏內潰②。〔嚴

① 約法三章中只"殺人者死"死罪一條,故云"一卒之令"。——作者注

② 《公羊傳》昭公十三年"靈王爲無道,作乾谿之臺,三年不成。楚公子棄疾脅比而立之,然後令于乾谿之役曰: 比已立矣,後歸者不得復其田裏! 衆罷而去之。靈王經而死"。又僖公十九年"梁亡。……魚爛而亡也"。——作者注

刑〕不能禁,峻法不〔能〕止。故罷馬不畏鞭箠,罷民不畏刑法。雖曾而累之,其亡(無)益乎!

御史曰:嚴牆三仞,樓季難之;山高干雲,牧豎登之。故峻則樓季難三仞①,陵夷則牧豎易山巔。夫鑠金在鑪,莊蹻不顧;錢刀在路,匹婦掇之。非匹婦食而莊蹻廉也,輕重之制異,而利害之分明也。故法令可仰而不可踰,可臨而不可入。《詩》云"不可暴虎,不敢馮河",爲其無益也。魯好禮而有季孟之難,燕噲好讓而有子之之亂。禮讓不足禁邪,而刑法可以止暴。明君據法,故能長制羣下而久守其國也。

文學曰: 古者明其仁義之誓,使民不踰; 不教而殺,是以虐也。與其刑不可踰,孰若義之不可踰也。聞禮義行而刑罰中,未聞刑罰行而孝悌興也。高牆狹基,不可立也。嚴法峻刑,不可久也。二世信趙高之計,深督責而任誅斷。刑者半道,死者日積。殺民多者爲忠,斂民悉者爲能。百姓不勝其求,黔首不勝其刑,海内同憂而俱不聊生。故過任之事,父不得於子;無已之求,君不得於臣。死不再生,窮鼠齧貍。匹夫奔萬乘,舍人折弓,陳勝吴廣是也。當此之時,天下期俱起方面而攻秦,聞不一期而社稷爲墟,惡在其能長制羣下,而久守其國也?

御史默然不對。

大夫曰: 瞽師不知白黑而善聞音,儒者不知治世而善訾識。夫善言天者合之人,善言古者考之今。令何爲施,法何爲加, 湯武全肌骨而殷周治,秦國用之,法弊而犯。二尺四寸之律,古今一也,或以治,或以亂。《春秋》原罪,《甫刑》制獄。

① "季"下原脱"難"字, 據張之象本、沈延銓本校補。

今願聞始亂之本、周秦所以然乎?

文學曰: 春夏生長,聖人象而爲令。秋冬殺藏,聖人則而 爲法。故令者教也,所以導民人;法者刑罰也,所以禁强暴也。 二者治亂之具,存亡之效也,在上所任。湯武經禮義,明好惡, 以道其民,刑罰未有所加而民自行義,殷周所以治也。上無德 教,下無法則,任刑必誅,劓鼻盈蔂,斷足盈車,舉河以西不足 以受天下之徒,終而以亡者,秦王也。非二尺四寸之律異,所 行反古而悖民心也。

大論第五十九

大夫曰: 呻吟槁簡,誦死人之語,則有司不似文學。文學 知獄之在廷後而不知其事,聞其事而不知其務。夫治民者若 大匠之斲,斧斤而行之,中繩則止。杜大夫王中尉之事,繩之 以法,斷之以刑,然後寇止姦禁。故射者因勢,治者因法。虞 夏以文,殷周以武,異時各有所施。今欲以敦朴之時,治抏弊 之民,是猶遷延而拯溺,揖讓而救火也。

文學曰:文王興而民好善,幽厲興而民好暴。非性之殊,風俗使然也。故商周之所以昌,桀紂之所以亡也,湯武非得伯夷之民以治,桀紂非得蹠蹻之民以亂也,故治亂不在於民。孔子曰"聽訟吾猶人也,必也使無訟乎!"無訟者難①,訟而聽之易。夫不治其本而事其末,古之所謂愚,今之所謂智。以箠楚正亂,以刀筆正文,古之所謂賊,今之所謂賢也。

大夫曰:俗非唐虞之時而世非許由之民,而欲廢法之治, 是猶不用隱括斧斤欲撓曲直枉也。故爲治者不待自善之民, 爲輪者不待自曲之木。往者應少伯正之屬潰梁楚,昆盧、徐穀 之徒擾齊趙山東②,關內暴徒,保人阻險。當此之時,不任斤

① "訟"字上原闕"無"字,據張之象本、沈延銓本校補。

② 《史記·酷吏列傳》:"自温舒等以惡爲治,而郡守都尉諸侯二千石欲爲

斧、折之以武,而乃始設禮修文,有似窮毉欲以短鍼而攻疽、孔丘以禮説跖也。

文學曰:殘材木以成室屋者,非良匠也。殘賊民人而欲治者,非良吏也。故公輸子因木之宜,聖人不費民之性。是以斧斤簡用,刑罰不任,政立而化成。扁鵲攻於腠理,絶邪氣,故癰疽不得成形。聖人從事於未然,故亂原無由生。是以砭石藏而不施,法令設而不用。斷已然、鑿已發者,凡人也。治未形、覩未萌者,君子也。

大夫曰:文學所稱聖知者孔子也,治魯不遂,見逐於齊,不 用於衛,遇圍於匡,困於陳蔡。夫知時不用猶說,强也;知因而 不能已,貪也;不知見欺而往,愚也;困辱不能死,恥也。若此 四者,庸民之所不爲也,何況君子乎! 商君以景監見,應侯以 王稽進。故士因士,女因媒。至其親顯,非媒士之力。孔子因 〔嬖臣〕進見而不以能往者③,非賢士才女也。

文學曰: 孔子生於亂世,思堯舜之道,東西南北,灼頭濡足,庶幾世主之悟。悠悠者皆是,君闇,大夫妬,孰合有媒。是以嫫母飾姿而夸矜,西子彷徨而無家。非不知窮厄而不見用,

Annual Annual

治者,其治大抵盡放温舒;而吏民益輕犯法,盜賊滋起。南陽有梅免白政,楚有殷中杜少,齊有徐勃,燕趙之間有堅盧范生之屬。大羣至數千人,擅自號,攻城邑,取庫兵,釋死罪,縛辱郡太守都尉,殺二千石,爲檄告縣,趣具食。小羣盜以百數,掠鹵鄉里者不可勝數也。"(《漢書》大同小異。)此伯正即白政,《漢書》作百正。應少即杜少,杜字草書與應字草書形近。《漢書》亦作杜少,三占從二,以作杜爲近是。昆盧即堅盧。《漢書》注謂延篇讀堅曰甄,則昆殆甄字之誤。徐穀郎徐勃,勃或作敦(見《漢書・武帝紀》),故誤爲穀也。——作者注

③ "因"字原作"日",蓋文有殘奪致誤。上《論儒篇》"孔子適衛,因嬖臣彌 子瑕以見衛夫人",據彼補"嬖臣"二字。——作者注

悼痛天下之禍,猶慈母之伏死子也,知其不可如何然後已。故 適齊、景公欺之,適衛、靈公圍之,陽虎謗之,桓魋害之。夫欺 害聖人者,愚惑也;傷毀聖人者,狂狡也。〔狂狡愚〕惑之人、非 人也。夫何恥之有。孟子曰"觀近臣者以所爲主,觀遠臣者以 其所主"。使聖人僞容苟合,不論行擇友,則何以爲孔子也。

大夫憮然内慙,四據而不言。

當此之時,順風承意之士如編〔鐘〕①,口張而不歙,舉舌而不下,闇然而(如)懷重負而見責。

大夫曰:諾,膠車條逢雨②,請與諸生解。

Some professor
 A transfer of the second secon

① "如編"下當有奪文, 古有編鐘編磬, 磬無口, 不類, 故補以"鐘"字。 ----作者注

② "修"原作"脩",依張敦仁校改。張云《易林》有"膠車駕東,與雨相逢,五、 擎解墮"之文,蓋當時語,故下文云"請與諸生解"。——作者注

雜論第六十

客曰: 余覩鹽鐵之義(議),觀乎公卿文學賢良之論,意指 殊路,各有所出。或上仁義,或務權利。異哉吾所聞①。周秦 粲然,皆有天下而南面焉,然安危長久殊世。始汝南朱子伯爲 予言,當此之時,豪俊并進,四方輻凑。賢良茂陵唐生,文學魯 萬生之倫六十餘人,咸聚闕庭,舒六藝之諷,論太平之原。智 者贊其慮,仁者明其施,勇者見其斷,辯者陳其詞。閒誾焉,侃 侃焉,雖未能詳備,斯可略觀矣。然蔽於雲霧,終廢而不行,悲 夫, 公卿知任武可以辟地,而不知德廣可以附遠;知權利可以 廣用,而不知稼穡可以富國也。近者親附,遠者悦德,則何爲 而不成,何求而不得。不出於斯路,而務畜利長威,豈不謬哉! 中山劉子雍言王道,矯當世,復諸正,務在乎反本。直而不徼, 切而不炼,斌斌然斯可謂弘博君子矣。九江祝生奮由路之意, 推史魚之節,發憤懣,刺譏公卿,介然直而不撓,可謂不畏强禦 矣。桑大夫據當世,合時變,推道術,尚權利,辟略小辯,雖非 正法,然巨儒宿學恧然不能自解,可謂博物通士矣。然攝卿相 之位,不引準繩以道化下,放於末利,不師始古。《易》曰"焚如 棄如"。處非其位,行非其道,果隕其性,以及厥宗。車丞相即

① 此下文字,班固録入《漢書·車千秋傳贊》,小有異同。——作者注

周魯之列,當軸處中,括囊不言,容身而去,彼哉! 彼哉! 若夫 羣丞相史、御史①,不能正議以輔宰相,成同類,長同行,阿意 苟合,以悦其上。斗筲之人,道諛之徒,何足算哉!

① "羣丞相史"原無"史"字,據張敦仁校補。——作者注

歷史編編後記

《郭沫若全集·歷史編》的編輯整理工作,於一九七八年十月郭沫若著作編輯出版委員會第一次會議後開始進行。這是一項集體工作。參加全編編輯、校勘、注釋的有黃烈、周自强、蕭遠强。黃烈爲負責人。分別參加各卷校勘、注釋的有柯建中、羅世烈、繆文遠、劉琳、傅學苓、胡昭曦、周九香、李必忠、馬德真、李甦。張政烺爲顧問。夏鼐、謝國楨、孫毓棠、馬非百等,分别對校勘、注釋稿作了審閱,由尹達、黄烈負責定稿。人民出版社蕭遠强爲責任編輯。

本編在編輯整理過程中,得到有關單位和許多同志的協助,謹此致以謝忱。

一九八三年九月